



Mat. med

939.

Schlegel









# THESAURUS MATERIAE MEDICAE

ET  
ARTIS PHARMACEUTICAE

QUEM

COLLEGIT ATQUE EDIDIT

IOANN. CHRIST. TRAUGOTT SCHLEGEL

MEDICIN. ATQUE CHIRURG. DOCTOR,

SERENISS. PRINCIP. REGN. DE SCHOENBURG CONSI-  
LIAR. AULIC. ET ARCHIATER, DYNASTIARUM WALDEN-  
BURG ET LICHTENSTEIN ETC. PHYSICUS ORDINAR., ET  
ACADEM. CAESAR. NATUR. CURIOSOR. SODALIS.

---

TOMUS SECUNDUS.

C. TABUL. AEN.


---

LIPSIAE

SUMTU E. B. SCHWICKERTI.

MDCCXCIV. 1794

D.



V I R O

ILLUSTRI ATQUE EXCELLENTISSIMO

**JOANNI GOTTFRIED  
LEONHARDI**

PHILOSOPHIAE AC MEDICINAE DOCTORI

SERENISSIMI ELECTORIS SAXONIAE CONSILIARIO

AULICO ATQUE ARCHIATRO, COLLEGII SANITATIS

ASSESSORI, ACADEMIAE IMPER. NATURAE

CURIOSOR ETC. SODALI ETC. ETC.

TOMUM SECUNDUM

HUIUS THESAURI

D. D. D.

UNAQUE

SE RESQUE SUAS DE MELIORI NOTA

COMMENDAT

E D I T O R.



---

---

## CONTENTA.

### XIII.

Dr. *Joannis Christoph. Enslin* diff. de boleto suaveolente Linnaei. Erlangae, 1784. Pag. 1

### XIV.

Dr. *Rudolph. Aug. Vogel* Progr. de verioribus balsami Meccani notis. Goettingae, 1763. 33

### XV.

Dr. *Georgi Gottl. Küchelbecker* diff. de saponibus. Lipsiae, 1756. 43

### XVI.

Dr. *Matthiae a Paecken* diff. de sale acido essentiali tartari. Goettingae, 1779. 90

### XVII.

Dr. *Petr. Remig. Francisc. de Paula Willemet* diff. de frigoris usu medico. Nanceii, 1783. 111

### XVIII.

Dr. *Joann. Scharffer* diff. sistens anthelmintica regni vegetabilis. Altdorfii, 1784. 127

### XIX.

Dr. *Georg. Albert. Weinrich* diff. de haematoxylo campechiano. Erlangae, 1786. 187

### XX.

Dr. *Joann. Daniel. Carl* diff. de viribus Chamomillae. Goettingae, 1775. 221

### XXI.

Dr. *Jo. Theod. Phil. Christ. Ebeling* diff. de Quassia et lichene islandico. Glasguae, 1779. 253

---

## XXII.

Dr. *Frider. Degenhard Kerckfig* diff. sistens observationes et experimenta circa usum medicum calcis Zinci et Bismuthi. Halae, 1792. 291

## XXIII.

Dr. *Carol. Josephi Wirtensohn* diff. demonstrans opium vires fibrarum cordis debilitare, et motum tamen sanguinis augere. Secundum editionem alteram. Monasterii Westphal. 1775. 300

## XXIV.

Dr. *Joann. Brickenden* diff. de radice scillae. Edinburgi, 1759. 365

## XXV.

Dr. *Joann. Anton. Adami* diff. de Oleo Cajeput. Goettingae, 1783. 375

## XXVI.

Dr. *Christ. Frider. Jaeger* et Resp. Dr. *Car. Engelh. Gaupp* diff. de Cambogiae Guttae succo f. Gummi Guttae officinali. Tubingae, 1777. 401

## XXVII.

Dr. *Leonh. Christph. Hellmuth* diff. de radice Senega. Erlangae, 1782. 423

## XXVIII.

Dr. *Phil. Frider. Gmelin* et Resp. Dr. *Carol. de Olnhausen* diff. de probato, tutoque usu interno Vitrioli ferri factitii adversus haemorrhagias spontaneas, largiores. Tubingae, 1763. 453

---



XIII.

DR. JOANNIS CHRISTOPH. ENSLIN

DISSERTATIO

DE

BOLETO SUAVEOLENTE  
LINNAEI.

ERLANGAE,

1784.

A

THE UNIVERSITY OF CHICAGO

LIBRARY

PHYSICS DEPARTMENT

CHICAGO, ILL.

1911

1912

---

## P R A E F A T I O.

**S**i quid unquam utilitatis in scientiam redundavit, sine cujus cognitione exactiore ne cogitari quidem potest medicus rationalis, materiam puto medicam, id sine dubio quaerendum est in indefesso labore, quo Viri, eruditionis meritorumque in patriam gloria prae aliis conspicui, ab ea, qua antea premebatur, medicamentorum inutilium farragine, in diem magis magisque eam purgare eorumque loco talia in eandem invehere, omnibus viribus an nituntur, quae rationis pariter atque experientiae firmo fulciuntur fundamento. Non sat laudari cum primis illorum industria egregiaque de generis humani salute merita poterunt, qui, tristi experientia edocti, quod permulta exotica haud raro non nisi corruptionis adulterationisque macula adpersa ad nos perferantur, huicque incommodo obviam ituri, in id omnes intenderunt nervos, ut patefiant nobis medicamenta indigena, exoticis vi salubri nisi paria, non multum saltem iisdem inferiora; eumque scopum feliciter ut attingant, cum permultis corporibus naturalibus, ex regno vegetabili potissimum depromptis, tam in chemicis laboratoris, quam praesertim in aegris ipsis fida instituere experimenta, quo duplici hacce via, quantum fieri posset, eruatur eorundem in corpus humanum agendi ratio. Haud pauca sic egregiae virtutis medicamina, quae ubique apud nos proveniunt, in non ambiguum mortalium salutem vel detecta sunt, antea nunquam in usum vocata, vel ex oblivione feliciter erepta rursusque in salubrem usum versa sunt talia, quae antiquioribus medicis egregia, quam ipsis praestiterunt, virtute se commendarant, temporis vero lapsu, quacunque demum de causa, immerito iterum fuerunt neglecta. Optime hac ratione consulebatur et rebus familiaribus

aegrotorum, pauperiorum inprimis, id quod haud infimae utilitatis rem esse censeo, quum non pauci respuant omnem medelam, quam non nisi bonorum suorum jactura conciliare sibi possunt. Hisce potissimum rationibus commotus, quum de specimine, quod edendum a me erat, inaugurali cogitarem, non inutile plane suscepturum me esse negotium speravi, si et ex mea parte paullo exactius inquirem in plantae inquilinae vires, quae crebrius, quam huc usque factum est, in usum vocari mereri mihi videtur, *boleti* nimirum *suaveolentis* Linn. seu *fungi salicis officinarum*, eaque, quae circa eandem institui, experimenta publici juris facere conarer, cui consilio eo plus inde accessit roboris, quod incassum in plurimis libris, qui de medicaminum apparatu agunt, boletum nostrum quaesiverim, quum tamen ob egregiam, qua pollet, vim medicam optimo jure in iisdem vindicare sibi possit locum. Non fugit me quidem, in judicanda ejus efficacia in diversas sententias abire medicos, neque deesse, qui omnem fere ipsi denegent vim salutare. At idem fatum permulta medicamina haud dubiae virtutis saluberrimaeque in debellandis morbis efficaciae perpeffa esse, quis nescit? — Quot quantaeque de remedii hujus, cui soli innumeri mortales sanitatem debent atque vitam, viribus movebantur lites! — Eadem ratione et sexcentis aliis medicaminibus efficacissimis vel omnis denegata est vis auxiliatrix, vel nociva iisdem adscribebatur, quotidiana licet experientia contrarium probante, dummodo justa dosi ac tempore congruo fuerint propinata nilque adfuerit, quo usus eorundem fuerit contraindicatus. Id quidem lubenter concedimus, morbi aciem vel optimorum interdum remediorum eludere vim, eandemque sortem et in boletum nostrum cadere. Sed quis medicus non plane iniquus culpam in pharmacum conjiciet, quae sola adscribenda est morbo vel nimis provecto vel in se insanabili? Habet ars sane suos limites, quos transgredi nemini mortalium licet; fat saepe felices sumus, si vel rariori in casu, dum reliqua remedia nos deferunt, ad tale demum confugere permisum nobis est, quod vel ex parte tantum votis nostris respondeat; fat felices, si vel nimiam solummodo morbi

vim frangere vel miseram aegroti vitam per pauculos adhuc dies diducere valeamus. Hi itaque audiendi non sunt, qui vel ideo boletum nostrum nihili faciendum esse opinantur, quod spem inde conceptam interdum frustraverit, vel quod et nunquam ipsorum desiderio satisfecerit, si, dosi nimis refracta, vel morbo jamiam desperato, in usum illum vocarunt, taceo de iis, qui solo medicamentorum novorum, saltim non adeo notorum odio ducti, aliasve ob causas haud magis laudabiles alto supercilio despiciunt in remedia, quibus uti nunquam consultum sunt rati. Convertito me potius ad hos, qui in alteram extremitatem dilabentes, tantum abest, ut pro inertī habeant boletum nostrum, ut venenatum potius eum esse putent. Firmiori talo neque et haec opinio stare videtur, quam altera, quum nunquam vel ab auctiori quoque ejus dosi vel minimum viderimus exortum esse incommodum. Alia forsan boleti species nostro fuit substituta, quae noxium exseruit effectum, cujus dein causa nostro immerito est attributa, id quod eo facilius fieri potuit, quum plures boleti species salici infideant. Necessitas inde exsurgit eo major, ut exacte ab omnibus reliquis boleti speciebus suaveolens noster distinguatur, qui scopus ut eo facilius attingatur, haud minimae utilitatis rem futuram esse censeui, si, praeter descriptionem botanicam, aeri incidendum illum curarem. Accipiat is itaque, B. L. hosce meos juveniles conatus ea indulgentia, quam ei non detrectabitis, qui pro dignitate pertractare materiem, quam sibi elegit, omnibus annis est viribus, licet longius forsan distet adhuc ab eo, quem sibi praefixit, scopo. Laetabor saltim atque ex intimo mihi gratulabor, si unus vel alter hasce pagellas perlecturus non dedignabitur, pharmaco uti, antea nunquam ab ipso in usum vocato, iis saltim in casibus, ubi efficacissima jam alia medicamina incassum adhibuit, suaeque cum eo instituta experimenta, in humanitatis afflictæ solatium, publici facere juris, haud recusabit. Si vel pauciores quidam hac ratione misero fato eriperentur, nil scio, quod comparari possit cum laetitia, quae in me esset redundatura, si sperare mihi licuerit, et hasce pagellas aliquid ad eorum contulisse salutem.

## §. I.

HISTORIA BOTANICA BOLETI SVAVEO-  
LENTIS.

Non videtur notus fuisse Boletus suaveolens BAUHINIS, qui expressis saltem verbis illius haud faciunt mentionem. Primus, cui cognitionem ejus debemus, est FRANCISCUS VAN STERBEEK, Presbyter et Canonicus Hooghstraten- sis, qui 1675. ita inscriptum *Theatrum fungorum, of tonneel der Campernoelien* cet. Antverpiae edidit, in quo plures fungos tam a BAUHINIS et CLUSIO, quam a se ipso detectos descripsit. aerique incidendos curavit. Hocce in libro obvenit et Boletus noster, sub nomine: De eerste Soort van willige Fungi, Falsus Agaricus, Fungus albus, saligneus, odore iridis, pag. 251. ac *Tab. aen. N. 27. lit. D.* falicis trunco insidens depingitur. Praemissa descriptione, in qua pondus hujus fungi ab una ad undecim uncias adscendere, odoremque illi, qui in radice iridis florentinae deprehenditur, similem esse, et per annum unum cum dimidio satis fortem fuisse, tradit, se hoc genus fungi mense Julio anni 1670. primum observasse narrat, in falicibus crescens, humana statura non multo altius, et ita saepe, ut verticillatim circum caulem proveniat. Innoxium eum esse pag. 252. judicat, ad usus quosdam medicos forte utilem futurum. Ex eo in taleolas dissecto tusoque fomitem parari posse, ad ignem e filice excussum excipien- dum aptum; Fungum VI. C. BAUHINI in *Pinace*, p. 370. eundem esse videri. In hoc certe errat STERBEEKIUS; Bauhini enim Fungus longe alius est, et ad Fagos nasci, disertis verbis dicitur. Addit p. 253. hunc Fun- gum latus australe trunci prae reliquis occupare. — Cae- terum Icones STERBEEKIANAE, etsi parvae, et poros in superficie supina non exhibentes, non malae tamen sunt. Ex hoc Auctore JACOBUS BOBART in MORISONI *Hi- storiae plantarum univers.* Tomum tertium a se editum, pag. 643. n. 11. sub nomine: Fungus albus saligneus odore iri- dis, 118. STERB. *Tab. 27. D.* atque ex hoc RAJUS in *tertium suae plantarum historiae Tomum*, pag. 24. sub ea- dem denominatione — ubi vero per errorem typographi-

cum loco vocabuli: odore, colore legitur — illum translulerunt, nihil tamen, praeterea denominationi adjicientes. In reliquis RAJI operibus, sicuti et apud multos alios botanicos, qui plantis Anglicis describendis operam dederunt, nulla omnino de boleto nostro fit mentio, nisi fungus salicis a DOODY in Anglia detectus, atque sub nomine: Fungus arboreus albidus maximus, seu Agaricus spurius DOODY, in RAJI *Synopsi stirpium Britannic. ed. II. App. pag. 335.* atque in EJUSDEM *Hist. plantar. Tom. III. pag. 22.* descriptus, coincidat cum nostro. Attamen praegrandem istum fungum esse, ibidem affirmatur, et DOODY de illo dicit: „Frustrulum solummodo penes me est, quod exsiccatum jam pendet libras tres,“ quae proprietas aliena est a nostro boleto. Non tamen hunc fungum arboreum albidum maximum semper ejusdem magnitudinis esse, probabile est, ac ex sequentibus quoque scriptoribus patet. In tertia Synopsios editione DILLENII, quo curante et augente illa anno 1724. prodiit, boletum dictum, pag. 23. n. 11. sub nomine: Agaricus officinali similis, e *Cat. Giff. p. 192.* deprompto proposuit; sed, si EJUSDEM *Catalogum plantarum sponte circa Giffam nascentium, pag. 192.* pervolvimus, synonymon agarico dicto adjectum deprehendimus, e CASP. BAUHINO desumptum, boleto nostro non respondens; simulque, tanquam locum natalem fungi, quercum nominatam. In HUDSONI *Flora Anglica, ed. 1. p. 497. n. 4. ac ed. 2. pag. 626. n. 9.* fungus arboreus albidus maximus, sub nomine: Boletus albus, cum differentia specifica: acaulis, pulvinatus, laevis, poris oblongis, atque alieno quodam synonymo Halleriano reperitur. Sub eodem nomine: Boletus albus, eademque, sed additamento: „et rotundis“ adaucta differentia specifica, addita simul brevi descriptione, deprehenditur idem fungus in LICHTFOOTII *Flora Scotica, Vol. II. pag. 1037. n. 8.* tanquam fungus salicis etiam in Scotia sponte proveniens, et botanicus iste dextrimus conjecturam addit, boletum hunc album cum suaveolente LINN. unum eundemque esse posse, licet vix sensibili nares feriat odore. — Quos antea allegavimus, scriptores omnes nullius plane mentionem faciunt odoris, id quod ulteriori commit-

timus indagationi eorum, qui in Anglia herbarum scientiam excolunt, quique simul melius, quam nos, poterunt dijudicare, an Fungus Collyricus in putrescenti salice natus — ita dictus, quod Collyrae Judaeorum nostratium paschali valde assimilatur, PLUKENET. *amalth. botan. pag. 102.* — cum nostro unus idemque sit? Id quod tamen in dubium magis vocandum, quam suspicandum nobis quidem videtur. Botanici Galli boleti nostri suaveolentis ne in universalibus quidem indicibus suis mentionem faciunt. Itali quoque de eo silent, adeo ut sub numerosis in MICHELII *nov. gen. plant. allegatis arborum fungis* ne unus quidem deprehendatur, qui respondeat boleti nostri characteribus. Nec apud BATARRAM, quem nuper adhuc evolvi, deprehendere eum mihi contigit. In Germania diu, uti infra ex §. V. patebit, notus fuit fungus noster. Indicasse eum videtur jam a. 1719. DILLENII in *Catal. plant. circa Giff. nascent. pag. 193.* sub nomine: „Agaricus villosus et porosus, candidus, salignus;“ anno vero 1720. BUXBAUMIUS in *Enumeratione plantarum in agro Halensi crescentium pag. 8.* sub STERBEEKII nomine eum proposuit. Idem ille Botanicus, in Russiam postea translatus, ulterius adhuc de fungo nostro promeritus est, cum in *Centuria V. plantarum minus cognitarum, Petropol. 1740.* sub denominatione ex DILLENII *Catal.* antea allegata, quae *pag. 3.* legitur, et cui bina Synonyma, sed aliena, subjunxit, *Tab. V.* pronae ejus atque supinae partis exhibuit iconem, a perfectione quidem paullo remotiorem, habitum tamen fungi sat bene exprimentem. Mirandum est, varios Floristas Germanos boleti nostri ne verbulo quidem mentionem fecisse, cum tamen in pluribus Germaniae provinciis nascatur. Ipse Generosiss. a LEYSER in *Flora sua Halensi*, caeterum egregia, eum omisit, etsi BUXBAUMIUS in *Enumerat. pl. Halensium*, ut diximus, ejus expressam fecerit mentionem. Celeberrima DOERRIENA in libro: *Verzeichnis der im Oranien-Nassauischen wildwachsenden Gewächse*, *pag. 331. n. 3.* atque b. REICHARDUS in *Flor. Francofurt. P. II. pag. 157. n. 901.* ejus quoque meminerunt. An ac quo demum loco deprehendendus sit in Ill. Consilarii aulici, GLEDITSCHII *Me-*



*thodo fungorum*, determinare haud magis audeo, quam, an et ubinam in Reverend. Consiliarii, D. SCHAEFFERI *Hist. fungorum* obveniat? — Delineari quidem curavit Vir hicce celeberr. *Vol. II. Tab. CXXIV.* Boletum albidum, sed parva tantummodo, ac uti videtur, tenuia ejus exemplaria, quibus SCOPOLII Boletum umbilicatum, *Flor. Carniol. II. P. II. pag. 467. n. 1590.* ejusque *var. 2.* tamquam synonymon apponit, quae vero alium eumque diversum plane a nostro boletum indicare videntur. Paullo majori cum verisimilitudine cum nostro boleto aequiparari poterunt icones — licet etiam haud satis exacte expressae — boleti cujusdam, quem album vocat Auctor modo laudatus, *l. c. Vol. IV. Tab. CCCXIV.* cui cum interrogatione addit HALL. *Hist. n. 2280.* atque DILL. *Giff. pag. 198.* quae possent forte pro junioribus Boleti veri suaveolentis exemplaribus valere. Magnitudine exaequant prunum, vel malum parvum — figurae magis globosae, quam praecedentia — coloreque stramineo flavo sunt picta. Tota fungi hujus definitio sequentibus absolvitur verbis: „pileo subgloboso, hirsuto, albido, tubulis angulatis, difformibus, non secedentibus, albidis“; locum vero natalem non aliter definit, quam in plurimis aliis fungis id fieri ab ipso solet; dicit nimirum, in arboribus lignoque putrido illum deprehendi. — In Suecia jam a. 1732. vel forsan maturius adhuc, boletum nostrum observavit b. a LINNE, eumque sub nomine, differentiam specificam exprimente: „Boletus acaulis, superne laevis, falici insidens“, primo in *Floram Lapponicam, Amstelod. 1737. editam, pag. 368. n. 522.* introduxit, dein in *utramque Florae Suecicae editionem*, sub n. 1095. et 1255. postea in *Species plantarum pag. 1117. prioris, et pag. 1646. posterioris editionis*, ubi simul nomine triviali: „Boletus suaveolens“ donatus est; qua utraque sub denominatione a perill. OEDERO in *Enumerat. plant. Florae Danicae, pag. 62. n. 705.* a b. D. GUNNERO in *Florae Norvagicae Part. II. pag. 137. n. 1052.* tum a Celeberr. Prof. REZIO in *Floram Scandinav. pag. 250. n. 1581.* et ab hoc quidem apposito vocabulo: „odoratus“ introductus est. Omnes autem Celeberrimi hi scriptores, b. LINNEUS, et qui eum

sequuti sunt, ne unicum quidem ejus synonymon addiderunt. Vix dubitari poterit, nostrum fungum in Helvetia quoque crescere, atque a b. HALLERO *Historiae plantar. Helvetiae* esse insertum. Maximum itaque attingit probabilitatis gradum, quod sit: „Polyporus sessilis, convexo planus, albissimus, superne hirsutus, poris latioribus, *Tom. III. pag. 140. n. 2280. ubi DILLENII Cat. Giss.* atque BUXBAUMII *Cent. V.* allegati sunt. Odoris tamen b. Vir ne verbulo quidem meminit. Et quum hancce speciem in genere, ut arboribus insidentem indicet, haud temere suspicabimur, boletum nostrum suaveolentem non solum sub denominatione allegata intelligi, cui conjecturae et ipsa descriptio multum roboris addere videtur. In Palatinatu nostrum fungum sponte provenire, testis est Cel. de NECKER, in *enumerat. stirpium Palatar. T. 2. Actior. Acad. Theodoro-Palatinae, p. 447.* inserta.

## §. II.

## DESCRIPTIO BOLETI SUAVEOLENTIS.

Sed pedem hinc moveamus, et ad descriptionem boleti nostri accedamus.

Pertinet is ad eas boletorum species, quae arborum corticibus insident. Radicum vestigia aequè in eo desiderantur, ac stipes; semper pileum dimidiatum sistit arbori quasi agglutinatum. Directio ejus horizontalis fere est, vel parum inclinata. Basis longa semper atque lata deprehenditur; plana, si in laeviori; inaequalis, si in rimoso profundisque scissuris exsculpto arboris cortice crescit. Figura ejus naturalissima ea esse videtur, quae scilicet ellipsin secundum longitudinem dimidiatam exprimit, cujus axis longior coincidit cum basi fungi, ac duplam circiter axis brevioris longitudinem habet. Attamen et plures figurae irregulares in hoc fungo deprehenduntur. Ellipsis dimidia magis interdum minusve est obliqua, ac si non per longiorem axin, sed per diametrum, cum hac angulum acutum formantem, esset divisa. Interdum pars quaedam extra circumferentiam ellipseos prominet, et nonnunquam in angulum exit, interdum segmentum quasi ab eadem est abscissum. Quidam horum fungorum repraesentant lunulas; alii semi-circulos, quadrantes aliosve circuli secto-

res. Corpus fungi in basi crassum est, ita ut considerabilis huic sit magnitudo, versus marginem sensim sensimque redditur tenuior. Superficies superior mediocriter est pulvinata, sic ut versus basin elevetur, versus marginem deprimatur, ac inter utrumque magis minusve convexa sit. Interdum inaequalitatibus irregularibus nodisque praedita est. In exemplaribus junioribus adultioribusque quibusdam obscure pubescit, a subtilibus brevibusque villis, ope microscopii demum detegendis, vel potius villorum fasciculis, qui ab interna substantia sese elewant; crescente aetate, hisce villis vel depressis vel detritis calva eadem redditur, ita ut tunc fungum optimo jure laevem appellare possis. Substantia interior densa nudo oculo tanquam firmum apparet densumque corium; Sub microscopio autem constare illa deprehenditur ex villis albis subtilissimis brevissimisque, in multifaria directione sese decussantibus, in teneras lamellas irregulares se unientibus iterumque discedentibus et s. p. Huic subjacet substantia tubulosa, diversae altitudinis, coriacea, ex innumeris tubulis constans, parallelis, dense sibi invicem accumbentibus, partim rotundis, partim angulatis, diversae amplitudinis, et quidem non in diversis tantum, sed et in uno eodemque individuo, quae vero tanta in genere esse solet, ut parvam vel mediocrem aciculam recipiat. Horum tubulorum altitudo varia est; quidam — ii nimirum, qui proxime ad marginem positi sunt — vix lineam, alii dimidium fere pollicem altitudine aequant. Parietes tubulorum oculo armato exhibent substantiam multo compactiorem, quam interior fungi est. Superficies inferior, interdum paullulum concava, interdum sat plana, interdum et in medio parum convexa, in quibusdam individuis a basi fungi in arboris corticem eidem subiectum longe decurrens, innumeris denseque stipatis poris, qui tubulorum ostiola sunt, usque ad marginem fere pertusa conspicitur, prope marginem vero, in distantiae unius, dimidiaeve lineae, vel et quartae tantum ejus partis a margine, porosa esse definit, ita ut fimbria quaedam angusta hanc superficiem circumcirca quasi cingat, sub basi interdum hinc inde ampliata. Pori, tubulorum, ut diximus, orificia, aequae

arcte sibi invicem accumbunt, ac tubuli ipsi, horumque adinstar rotundi sunt vel angulati, ac ratione luminis cum iisdem conveniunt, vel et paullo angustiores sunt, septis nimirum in margine crassescens; nonnunquam tubuli aliqui confluunt quasi brevesque efformant lineas flexuosas labyrinthicas. In quibusdam ejusmodi fungis tubuli aliqui plerumque in postica parte, propius ad basin, vel in ipsa basi positi reliquos anteriores longitudine superant, ita ut eorum portio notabilis promineat. Nonnulla tubulorum orificia non rotunda sunt, sed oblonga, angulata, aut alius irregularis figurae. Margo boleti integer est, raro obsolete lobatus, nunquam non integerrimus, nonnunquam quodammodo acutus, plerumque tamen obtusus, interdum et tumidus, supra poros sibi proximos protuberans, praesertim post exsiccationem. Tam margo, quam substantia ac superficies fungi utraque haud raro corpora heterogenea, praesertim corticis frustula, ramulos foliaque saligna exhibent, quae iis accrevire, vel circa quae fungus vel totus vel ex parte tantum circumnascitur. Color fungi vel lacteae albedinis est, vel flavido albens; superficies inferior tincta interdum est colore ex flavo brunneo, quem et superior quorundam individuorum prae se fert superficies. Substantia interior densa coloris semper est pulchre lactei, cum admixta flavedine aliqua ad brunneum colorem declinante; magnitudo diversissima apprehenditur. In conspectum venire exemplaria, decem pollices longitudine, quatuor ad quinque pollicum mensuram latitudine aequantia.

Quae huc usque in medium protuli, Tabula aenea opusculo huic annexa illustrabit, quae diversis iconibus praecipuas hujus fungi varietates exhibet, qui forma, foraminum structura, colore atque inprimis odore, infra exactius determinando, a reliquis boletis arboreis parasiticis sessilibus distinctissimus est.

### §. III.

#### LOCUS NATALIS BOLETI SUAVEOLENTIS, TEMPUS, QUO VIGET.

Quo fungus noster eo facilius detegatur, atque ab aliis discernatur, scire quoque interest locum ejus na-

talem. Solummodo in falicibus crescit, exclusis omnibus reliquis arboribus. Praecipuae vero, quibus insidere solet hicce fungus, falices sunt: alba; fragilis; vitellina atque amygdalina — quae sub falicis rufae nomine, §. V. intelligenda esse videtur — quarum Cortici arcte adhaeret; in aliis facilibus hic saltim locorum nondum est deprehensus. Ex scriptoribus, §. I. citatis aliisque elucere videtur, boletum nostrum crescere in Lapponia, Norvegia, Dania, Suecia, Russiae parte, Germaniae quibusdam provinciis, Belgio atque Britannia adeoque sat amplum terrae tractum patriam suam agnoscere.

Tempus, quo apud nos in conspectum venire incipit hic fungus, Autumnus est, et quidem mensis Octobris, a quo per totam hyemem colligi potest, usque dum vere, mense Majo atque Junio, calor augefcit; ab insectis enim tunc temporis devoratur, in putredinem abit atque nigredinem contrahit. Hisce mensibus corrumpitur adeo, ut exeunte Julio vix ac ne vix quidem deprehendenda adhuc sint ejusdem vestigia. Meretur itaque annuus appellari vel biennis.

#### §. IV.

#### ALII BOLETI SIMILES.

Licet praeter formam atque colorem Boleti nostri suaveolentis, ut facili detegatur negotio, inservire queat arborum genus, in quo parasitice habitat odorque specificus, dantur tamen et alii adhuc fungi salignei, a nostro distincti; dantur et alii fungi suaveolentes, quorum species, quae mihi quidem innotuerunt; ut omnis eo magis praecaveatur error, brevibus recensebo.

In falicibus deprehenditur praeter A.) notissimum Boletum versicolore, atque B.) haud minus notum Boletum igniarium LINN. etiam C.) alius adhuc Boletus acaulis, igniario similis, superne coerulescente-albidus, in flavidum inclinans, cum tenerrimis poris in superficie inferiore obscurius brunnescente, substantiae interioris solidae, e griseo et brunneo albae, tenuioris, quam, qua praeditus est Boletus suaveolens; an Polyporus sessilis hirsutus, superne fuscus, poris albis tenuissimis. HALL. *hist. pl. Helv.* 3. p. 141. n. 2281? — Distinguitur vero hic odore proprio

nauseoso, post exsiccationem adhuc residuo, et, quam antea, fortiore.

Tandem in iis crescit D.) Boletus quidam stipitatus, pileo obliquo reniformi sublobato molli, supra e luteo brunneus, squamis orbiculatim digestis laceris fuscis, poris majusculis angulatis coadunatis, odore praeditus fungoso, cui tamen aliquid odoris cinnamomo similis vix percipiendi sese immiscet. Haberem illum pro Boletto juglandis BULLIARD. *Herb. de France, Tab. 19.* si hicce majoribus praeditus esset tubulis, ejus circiter magnitudinis naturalis, quales Fig. D, lentis vitreae ope delineatos, exhibet, et si Cel. BULLIARDUS odoris grati mentionem faceret.

Boletos suaveolentes, quorum locus natalis vel plane non commemoratur, vel saltem non solis attribuitur falicibus, sequentes recensere possum.

1) Boletus polymorphus BULLIARD. *Herb. de France Tab. 114.* Pro suaveolente ipso huncce haberem, ni stipite brevi, superficie flavescente, brunneo maculata, atque secundum descriptionem, humida, neque non carne instructus esset mollissima atque aquosa, ita ut non supra duos dies, absque putredine, conservari posset. Suavi odore imbutus tantummodo est adhuc juvenis; qui, dum incrementum capit fungus, abit in foetorem.

2) Boletus elegans. BULL. *Herb. Tab. 46.* Substipitatus, subrotundus est, superne laevis colorisque cinnamomei, subtus tubulis subtilissimis brunneis instructus. Substantia densa coriacea est ac solida, coloris albidii. Facile ficcatur. Odorem spargit talem, qualis anisi est; sapore insignitur amaro. Uterque in Gallia crescit in arborum truncis putridis.

3) Boletus odoratus Perillustris ac plurimum reverendi Lib. Bar. a WULFEN, Clagesfurt. cujus eximiam descriptionem cum Ill. Consil. aul. et Prof. SCHREBERO, Fautore meo ac Praeceptore, ad cineres venerando, communicavit vir celeberrimus. Est acaulis, supra convexus, subpulvinatus, inaequalis, aurantiacus, subtus albidofulvescens, poris inaequalibus, rotundato angulatis, ut a perill. inventore definitur. An Polyporus sessilis, convexo-planus,

laciniatus, flavus, imbricatus, caespitosus. HALL. *Hist. stirp. Helv.* 3. 143. n. 2291? — AN SCHAEFFERI ic. 110? — Habitat supra truncos arborum resectorum Labaci et Clagenfurti; semper in pino crescens nec in salice unquam. Odor suavissimus fere caryophylli aromatici, quem vel ficcus diu retinet. Optandum est, ut vir celeberrimus, cui res herbaria tot nova inventa, totque accuratiores plantarum rariorum descriptiones, iconesque pulcherrimas acceptas refert, non solum descriptionem hujus fungi, a se conceptam, sed figuram quoque aliquando in lucem emittat. —

Duae posteriores species eidem vel simili inservire posse videntur usui medico, qui notatu dignum reddit Boletum suaveolentem, et ad quem uberius declarandum jam sumus progressuri.

## §. V.

## HISTORIA USUS MEDICI BOLETI SUAVEOLENTIS.

Quo tempore Botanicis innotuerit Boletus noster, §. I. exposuimus. Usus ejus medicus antiquior fuisse videtur, paullo angustioribus licet circumscriptus limitibus. An sub pilulis scabris, in furculis salicis latifoliae, quarum JOACH. CAMERARIUS in *horto med. et philos.* p. 151. ac GEORG. HYERON. VELSCHIUS in *Hecatotheis II. obsf. phys. med. pag. 80.* mentionem faciunt, intelligendus sit Boletus noster suaveolens, uti SCHROEKIUS in Nota ad postea allegandam Observationem Sartorianam in *Miscell. N. C.* vult, dubito. Alias jam sub anno 1676. salutaris ejus in phthisi pulmon. ulcer. effectus exhibere valeremus testimonium. Ante laudatus enim VELSCHIUS in *Micromimematibus suis, Miscellaneis Acad. Nat. Cur. Dec. I. an. IV. V. subjunctis Cent. II. num. 60. p. 39.* ubi dixit: „Pulmonibus exulceratis extractum corticis medii salicis tenellae, antequam folia emittat, collecti, expertus est singulare remedium;“ JO. BREVIOTIUS adnotationem sequentem subjungit: „Nemo ignorat, nostra aetate plures fungos illos, sive pilulas excrementitias salicis, tanquam singulare experimentum proposuisse, de

quibus iccirco egimus Hecatost. I. Obs. 61. " Haecce Miscellaneorum pars in lucem prodiit 1676. — Pluribus tamen rationibus ductus existimo, intelligi hic potius Gallarum speciem quandam, quam fungum nostrum. Multo certius autem, quid? quod certissimum mihi esse videtur, Boletum nostrum suaveolentem eundem esse fungum, cuius in *Miscellaneor. Academiae Nat. Curiosor. Anno I. Decuriae II. Obs. 121. p. 310.* notatu dignam legimus def. Archiatri Bambergens. D. JO. GEORG. SARTORII observationem, juxta quam in periculosa phthisi pulmon. ulcerosa ad drachmas duas quotidie cum Saccharo Candiano, juncta diaeta lactea, exhibitus egregium edidit effectum. Audit ibidem Fungus Salicis ruffae. Affirmatur quidem de hoc Fungo Salicis ruffae in RAI *Synops. stirp. Brit. edit. III. p. 22.*, eum esse Agaricum Lichenis facie variegatum Tourn. sive *Boletum versiculorem* LINN. attamen impetrare a me non possum, ut huic sententiae calculum meum adjiciam, quum Boletus hicce posterior, quantum equidem scio, nunquam in usum cessit medicum. Pari ratione Fungus Salicis in BOECLERI *Cynosura Mat. Med. continuata Arg. 1729. pag. 175.* qui ibi in phthisi consummata collaudatur, si in ovis frixis, vel in pulvere, ad drachmam dimidiam vel integram pro dosi, mane atque vespere propinetur, nullus alius esse videtur, quam Boletus suaveolens noster, quamquam descriptio, quae ibidem de illo exhibetur, ac juxta quam Fungus lamellatus vel Agaricus LINN. esset, in nostrum plane non quadret. Id quod BOECLERUS de eo pronunciavit, verbotenus fere in *Pharmacopoeam Würtembergicam* transiit, cum sola additione, quod a quibusdam fungis noxiis accenseatur. Hac ratione magis sensim magisque in usum est versus Boletus noster, multo minus licet, quam adhiberi promeruit. Erlangae, ubi haec scribo, jam per multos annos in usu est. Cum exoptatissimo effectu praescripsit illum per triginta jam, ac, quod excurrit, annos Perill. Consiliar. aul. intim. et Archiater Sereniss. Marggrav. Brandenb. SCHMIDELIUS, Decus quondam Universitatis Fridericianae Erlangensis. Eodem fausto cum omine in usum quoque adhucdum vocatur ab Illustr. Consil. aul. ac Prof. WENDT, Fautore, ac



Praeceptore meo in aeternum pia mente devenerando, cui permulti sanam felicemque redditam referunt vitam, cui et ego, si quid valeant in practicis humeri, debeo plurimum. Videamus igitur, quibus in morbis, quomodo et quo demum cum effectu propinatus ille fuerit et adhuc propinetur, si prius partes ejus constitutivas, juxta experimenta, in laboratorio Clar. FRISCHMANNI, Pharmacopoei Erlangensis dexterrimi meritissimique, instituta, quo, quantum fieri id possit, patefiant inde vires ejus agendique ratio, exposuero.

## §. VI.

## ODOR ET SAPOR.

Priusquam vero ad haecce me convertam, necessarium erit, boleti nostri odorem saporemque, quantum fieri id licet, determinare. Odori nimirum ejusdem fungoso jungit sese gratus quidam atque dulcis, quem tamen cum nullius rei mihi notae grato odore sat exacte possum comparare. Recens imprimis atque tunc potissimum temporis eum spargit, si post pluviam madefactus sensim iterum incipit exsiccari, in exsiccato autem longe debilior percipitur odor, qui leniori humectatione redit quidem, nunquam tamen adeo fortis atque antea. In genere vero notandum est, non cuilibet boleti nostri individuo eandem esse odoris gratiam, sed alterum ea superare alterum; in nullo autem apud nos, quantum observare mihi contigit, tam fragrans deprehenditur odor, qui aptum eum reddat usui plane singulari, cujus mentionem facit b. a LINNE, *Flor. Lapp. n. 522. p. 368.* dum ait: „Adolescentes hunc inventum solliciti servant in Marsupio ante pubem pendulo, ut gratiorem odorem spirantes nimphis suis placeant, additque:“ „O ridicula Venus! tibi, quae in exteris regionibus uteris Coffea, Chocolata, Conditis et Saccharatis, vinis et bellariis, gemmis et margaritis, auro et argento, serico et cosmetico, saltationibus et conventiculis, musica et comoediis, tibi sufficit hic solus exsuccus fungus.“ Sapor boleti nostri tunc demum se manifestat, si per aliquod tempus fuerit masticatus. Est vero peculiaris

indolis, nec in quolibet individuo idem; in quibusdam enim ab initio acidulum eum inveni, postea amaricantem, illo nimirum sensim in hunc transeunte; in aliis autem, praeter amarorem leniorem, nil potui distinguere.

## §. VII.

### ANALYSIS CHEMICA BOLETI SUAVEOLENTIS.

Venio nunc ad recensenda experimenta chemica, cum boleto nostro instituta.

#### AQUA DESTILLATA BOLETI, TAM SICCI, QUAM RECENTIS.

Quum boletus suaveolens jucundiore suo sese commendat odore, interfuit nostra scire, an et haec odoris suavitas transeat in aquam ejus destillatam, hinc fungi nostri bene siccati atque comminuti librae dimidia affudimus aquae destillatae simplicis mensuras tres, atque in vesica cuprea stanno probe obducta instituimus destillationem, sub qua prodiit in vas excipiens aqua pellucida decolor, odorem quidem boleto nostro proprium, multo tamen minus suavem spargens, sapore peculiari, amariusculo ac subnauseoso, cum nulla re mihi nota comparando praedita. Oleum in superficie ejus observabatur nullum.

Cum vero omnis, qui ex corporibus exhalat, odor volatilibus horum partibus sit adscribendus, suavius olentem forte aquam nos esse obtenturos credidimus, si boletum recentem, ex quo nimirum tantum volatilis in auras nondum avolaverit, subjiceremus destillationi, eidem itaque boleti recentis probe purgati ac comminuti quantitati affudimus aquae destillatae mensuras duas, ac, ignis destillatorii ope, obtinuimus, praeter spem ac opinionem, laticem ejusdem quidem odoris saporisque, qui in aqua destillata boleti ficci percipitur, utriusque vero debilioris, id quod sine dubio nimiae attribuendum erat humiditati, qua partes odoriferae boleti involvebantur nimis ac diluebantur, quam ut potuerint in aqua ejus destillata nares adeo ferire, ac si superflua humiditas antea ex eo exhalasset.

Neque in hacce aqua destillata, ex boleto recenti parata, quidquam olei in conspectum venit.

### DESTILLATIO SICCA.

Quemnam effectum editurus tandem in boleto nostro esset fortior ignis, quasque inde partes esset expulsurus, nunc etiam experturi, ejusdem sicci minutimque concisi uncias octo in retorta vitrea optime loricata, commissuris luto probe obturatis, igni aperto exposuimus, leniori primum, sensim vero ad candescentiam retortae usque adaucto, quo factum est, ut in excipulum transferit latex pulchre rubens, odoris fuliginosi saporisque ejusdem ac leniter simul acescentis, utraque hac qualitate spiritui fuliginis proxime accedentis, ponderis unciarum duarum, drachmae unius cum scrupulis duobus.

Innatarunt superficiēi hujus liquoris olei empyreumatici nigri, fuliginosi atque foetentis, infundibuli ope a reliquo liquido separati, scrupuli quatuor, grana duo; materiae vero oleoso-salinæ siccae ne vestigium quidem detegi potuit in collo retortae. Sed aliud, dum diffregimus vas retortum, notatu dignum observavimus phaenomenon; ibi nimirum, ubi venter vitri in collum transit, haerebat, quod se sublimaverat, sulphureum concrementum, quod vix explicare mihi possum, nisi assumam, inesse boleto suaveolenti acidum vitrioli, quod, durante vehementioris ignis gradu, conjugium cum phlogisto inierit talique ratione in verum concreverit sulphur.

### EXTRACTUM AQUOSUM PRIMUM, SPIRITUOSUM SECUNDUM.

Boleti suaveolentis, incipiente hieme collecti, siccati, ab omnibus quisquiliis probe mundati minutimque concisi uncias duas cum aquae destillatae simplicis libris sex per quatuor circiter horas coximus. Durante hacce coctione, odorem, boleto nostro specificum, suavem perentiscebamus. — Decoctum exprimendo colavimus, et residuo a colatura duas adhuc affudimus aquae destillatae libras, quo reiterata coctione expressioneque extraheretur omne, quod extorqueri inde posset, gummosum, utramque dein

colaturam in eodem vase commixtam leniori ignis gradu paullo magis inspissavimus, quam ad massae pilularis consistentiam obtinendam necessarium erat, ac, quod jam remansit, crassamentum super fornace in vase murrhino magis adhuc exsiccavimus, quo omne hac ratione exhalaret fluidum partiumque extractivarum quantitas eo exactius posset determinari; sicque obtinuimus extracti hujus aquosi primi drachmas duas cum dimidia, coloris ex fusco nigricantis, odoris fere nullius, saporis amarescentis, subnauseosi, leniterque falsi.

Portionem boleti ab extractione residuam, probe exsiccatam, ponderis unciae unius, drachmarum sex, cum Spiritus vini rectificatissimi libris duabus per viginti quatuor circiter horas, calore leniore balnei arenae, in vase vitreo digessimus exprimendoque colavimus, atque superfluum inde destillando abstraximus spiritum, qui, spirituosum si excipias, nullius erat odoris saporisque. Residuam a destillatione massam resinofam leni evaporatione ad extracti siccioris consistentiam redigentes accepimus extracti hujus resinosi secundi grana quindecim, quod sapore amaro nauseosoque et colore nigricante superat extractum aquosum primum, odore vero aequae debili est praeditum. Remanentiae exsiccae pondus aequavit unciam unam, drachmas quinque cum granis quindecim.

#### EXTRACTUM SPIRITUOSUM PRIMUM, AQUOSUM SECUNDUM.

Ut et experiremur, quantum insit boleto nostro partis resinosae, cum Spiritus vini rectificatissimi libris duabus duas iterum ejusdem, ab omnibus antea sordibus probe purgati ac comminuti uncias per viginti quatuor horas digessimus exprimendoque colavimus, atque a colatura, cucurbitae vitreae immissa, partem spirituosam in balneo arenae abstraximus; quod vero remansit magma resinofum, leni calore ad massae pilularis siccioris consistentiam inspissavimus, qua ratione nacti sumus grana quinquaginta extracti resinosi primi, sapore falso atque amaro, et odore peculiari praecedentia extracta superantis, coloris vero ratione extracto resinoso secundo sat exacte respondentis.

Residuo optime siccato, ponderis unciae unius cum drachmis septem, aquae destillatae sufficiens affundebatur quantitas, instituebatur coctio, percolatio, atque evaporatio, lenioris ignis adminiculo, eademque de reliquo procedentes methodo, qua ad obtinendum extractum aquosum primum usi fuimus, drachmas duas cum granis quinque nanciscebamur extracti aquosi secundi, cujus color paullo dilutior erat, ac aquosi primi, sapor debilior ac odor plane nullus.

Remansit post hanc extractionem recrementorum uncia una cum drachmis duabus.

Colatorium sub omnibus hisce laboribus nil unquam suscepit, sed post colaturam ejusdem semper ponderis fuit ac ante eandem.

Extractorum resinorum dissolutio in saliva facilior, quam quae resinis solennis esse solet, invitavit me, ut et experirer, quomodo in aqua sese haberent? ideoque paucis eorundem granis aquae fontanae sufficientem quantitatem affudi agitationemque institui, quo factum est, ut utrumque mox in totum fere solutum brunneo tinxerit aquam colore. Ex quo facile colligitur, extracta haecce resinosa multis commixta esse partibus gummosis, quae cum resinosis intime connexa et has in aqua solubiles reddidere.

#### COMPUSTIO, CALCINATIO, ELIXIVATIO BOLETI SUAVEOLENTIS.

Boleti suaveolentis exsiccati unciae quadraginta et octo comburebantur in tabula argillacea cocta, quae reddebant cineris tenerrimi unciam unam cum drachmis quinque et scrupulo uno. Inde elixivabantur salis alcali impuri drachmae tres cum scrupulis duobus et dimidio. Residuus ab elixivatione cinis pendebat unciam unam cum drachmis duobus; denuo calcinatus perdebat drachmas duas. Alkali impurum iterum solvebatur in aqua destillata, evaporabatur et ad crystallisandum reponebatur; quo facto, sextuplici evaporatione ac crystallisatione oriebatur sal, secundum saporem magis ad tartarum vitriolatum; secundum figuram crystallorum magis ad sal mirabile Glauberi accedens. Crystalli puriores, etsi minores, collectae

ponderabant conjunctim drachmam unam et grana novem: Impuriore, alcali scilicet fixo vegetabili brevi in liquamen converso, immerfae, post separationem ab hoc, pauca adhuc grana pondere aequabant. Residui ab elixivatione, in aqua non amplius solubilis, drachmae uni instillabatur spiritus nitri aqua diluti uncia, post solutionem omnium particularum solubilium et filtrationem liquoris, instillabatur sufficiens quantitas olei vitrioli puri, a quo tamen nulla statim fiebat praecipitatio; liquido autem ad dimidium evaporato, eaque triplici evaporatione simul acidi nitrosi parte expulsa, oriebantur crystalli minimae, tenuissimae, pellucidissimae, e communibus centris radiantes, plane ut Gypsum crystallisatum Hungaricum, ab Ill. SCOPOLIO in *crystallogr. Hung. P. I. Tab. X. Fig. 14.* delineatum, cujus, ut et sequentis, *Tab. XI. Fig. 1.* repraesentati, crystalli nostrae crystalli, oculo armato visae, erant simillimae. Harum crystallorum junctim sumtarum, pondus erat gran. quadraginta et quinque. Patet igitur, in residuo isto, aquam respuente, hoc modo terram calcariam detectam fuisse. Remansit tandem terrae insolubilis drachma dimidia, quam ulteriori docimasiae submittere superfluum duximus, satis convicti, eam nihil aliud, quam terram siliceam esse posse. Martialem tamen eidem adhaerere, exinde patet, quod residuum elixivationis cinerum boleti, ad pondus drachmae unius, in vase murrhino rudiori — *Steingut* — oleo lini humectatum, hoc accenso et combusto, magneti miculas ferri, granum unum exacte pendentes, subministraverit.

### §. VIII.

### VIRES MEDICAE.

Amarities boleti nostri, lenior licet sit, suadere tamen jam videtur, eum vi roborante non carere. Rem vero extra omnem ponunt dubitationis aleam experimenta chemica fidelesque ante aegrotorum lectos institutae observationes. Explicanda potissimum roborans haecce leniterque simul adstringens virtus erit ex particulis, quas in se continet fungus noster, martialibus, pauculis licet, teraque calcaria, in acido solutis; simulque etiam resinosa

ejusdem portione. Ob gummosas inprimis mitesque mucilaginosas partes egregium simul noster boletus remedium praebet demulcens, quod acrimonias quascunque involvendo in pulmonum potissimum vitiis, iisque praesertim, quae ab acri erosioneque ducunt originem, eximiae est utilitatis. Neque minus laudari meretur ob non contemnendam, qua pollet, virtutem antispasmodicam, quae quidem deducenda inprimis esse videtur ex qualitatibus modo laudatis, roborante nimirum efficacia ac demulcente simul, cui accensenda quoque erit acidula, qua praeditum esse vult nostrum fungum, si salutare inde expectaveris effectum, Perill. SCHMIDELIUS, in litteris ad Ill. WENDT datis, cui easdem benevole mecum communicare placuit. „Recens sit, ait Perill. Vir, salicis fungus, mitis, mucilaginosus, acidulaque ejus qualitas necesse est, si cum fructu uti eodem volueris.“ — Eandem hancce acidulam ejus indolem symbolam quoque suam ad antisepticam, qua pollet, efficaciam contribuere, nil est, quod repugnet. Neque nervinam vim fungo nostro denegabis, si experientiarum historias lustraveris, in qua quidem virtute explicanda volatilium praeprimis partium habenda erit ratio, licet nec fixas excludendas omnino esse, neminem iturum credo inficias.

## §. IX.

### USUS IN PHTHISI.

In phthisi pulmonali, et quidem ea potissimum hujus morbi specie, quae, a causa sua proxima, ulcerosa audit, boleti suaveolentis efficaciam nos quidem inprimis experti sumus; id quod tam feliciter interdum factum est, ut, omnibus fere pharmacis, quae gravi hocce in morbo in auxilium vocari a medicis solent, incassum adhibitis, in hoc tamen boleto nostro suaveolente solatium invenerimus. Interdum vel ipsi Cortici lichenique Islandico, divinis caeterum, sicuti in multis aliis, ita et in hoc inprimis morbo, remediis palmam praeripuit, cujus quidem rei causa in hoc forsan erit quaerenda, quod demulcentem simul cum roborante boletus noster conjungat virtutem, quarum prior Cortici deest, posterior vero debilior inesse videtur

licheni, quam fungo nostro. Nonnunquam, licet non radicatus ex corpore evelli morbus valuerit boleti beneficio, nimia tamen ejusdem ope fracta ejus est vis, multumque inde aegrotus accepit levaminis; id quod in rebus desperatis summum saepius, quod attingere ars valet, fastigium esse, quem medicorum latet? — Agendi vero in statu pulmonum ulceroso medicaminis nostri ratio haud adeo difficili explicanda erit negotio. Acrem nimirum pichoris, quo ulcera pulmonalia scatent, indolem blanda sua virtute demulcente mitigat atque corrigit, irritationem inde productam compescit, ac teneriora pulmonum vascula ab ulteriori defendit erosione; humorum massam intrans eadem sua miti involventeque efficacia eandem et lenit redditque magis blandam, corque a stimulis liberando febris vim coercet, eademque ratione et tussis medetur, ferocitati; vi sua leniter adstringente partium erosarum promovet consolidationem, fibrisque debilitatis tam pulmonum, quam universi corporis, amissum restaurat robur, torpidos nervos refocillat, antiseptica tandem sua indole humorum compescit putredinem, talique ratione omnibus fere, quarum hocce in morbo ratio habenda est, satisfacit indicationibus. Lubenter tamen concedimus, non sub omni phthiseos ulcerosae conditione statim ad boletum nostrum, tanquam ad sacram anchoram, esse confugiendum. Neque pro specifico illum damus, a quo solo omnis nostro in morbo expectanda sit salus. Sit et reliquis remediis, quibus hujus morbi curationem felicem, ni altas nimis jam egerit radices, statusque ejus plane fuerit conclamatus, referimus acceptam, laus sua meritusque honos! — Nec ab initio statim, quocunque in casu, in usum vocandum esse boletum nostrum, contendimus, quin saepenumero potius alia cum fructu praemitti medicamina persuasi sumus, quae abstergant materiem purulentam ulceraque purificent, qualia sunt v. g. succi herbarum recentium, huic scopo dicatarum, si per anni tempora propinare eosdem liceat, sexcentaque alia, quae singula referre, nimis prolixum nec hujus loci esset, quorum vero plura relata deprehendis in Perill. DELLI, Fautoris ac Praeceptoris mei pia mente semper colendi, brevi lustratione medicamentorum an-



tiphthysicorum, Erl. 1783. — Quodsi vero causa phthysicos manifesta liqueat, in ea tollenda omnem prae reliquis movendum esse lapidem, atque, peracto demum hoc negotio, ad talia confugiendum esse remedia, quae pristinum corpori restituant vigorem, non est, quod uberius probem. Propero potius ad proferenda felicissimae diri morbi boleto nostro peractae sanationis exempla, quippe quae argumentis omnium maxime evidentibus egregiam ejus stabilitate valent virtutem.

## §. X.

## HISTORIAE MORBI.

## I.

Vir Juvenis, annor. XXI. a potu motuque calens, aëri frigidiori sese exposuit, refrigeriumque sibi hac ratione contraxit, quo factum est, ut statim corripere tussis sicca, quae, accedente tempestate autumnali, humida simul ac frigida, adeo est exasperata, ut insignis sinceri sanguinis copia ab aegro exspueretur. Venaesectione instituta, ac remediorum mitigantium lenientiumque usu sedata quidem est sanguinis rejectio, tussis vero eadem vehementia aegrum vexare continuavit, idque per totam, quae insecuta est, hyemem; conjuncta ab initio tussis erat cum excreatione muci albidii, striis sanguineis interdum remixti; tempore hyemali autem in vernale vergente, in materiam ex viridi flavescentem, male olentem, mutati. Quae tunc temporis in usum vocata sunt, remedia omnia salutari frustabantur effectu. Febris vehemens, corpus insigniter depascens, absque ulla remissione excruciat aegrotum nostrum, qui somno appetituque orbatus atque per totam noctem sudoribus diffuens haud levem perpeffus est virium jacturam. Intumuerunt interdum et pedes, quae tamen intumescencia mox iterum disparuit, sicuti et diarrhoeae, reliquis symptomatibus nonnunquam sese associantes, raro duorum excedebant dierum spatium. Hisce sub aegroti nostri conditionibus electuarium ipsi propinavimus ex boleto nostro suaveolente ac melle paratum, cujus cochlear parvum, quali ad Coffeam sorbil-

landam utuntur, aqua ut dilueretur, quaterque de die ingereretur, iussimus, id quod tam felici successu factum est, ut mitigarentur sudores, tussisque minori cum molestia conjuncta esse videretur, sputorum tamen conditione nullam subiente mutationem. Post quarumdam hebdomadum decursum in femore dextro apparuit exanthema, quod, vesicatoriorum ope, magis adhuc elicere annisi sumus. Non tantum respondit etiam spei nostrae effectus, sed et, insigni cum voluptate, symptomata reliqua, antea descripta, multo leniora reddita inde esse, observavimus. Febris autem cedere huic nostro remedio adhucdum recusavit, sputaque per sat longum temporis spatium eodem adhuc, quo antea imbuebantur, tincta erant colore, odoremque spargebant putridum eundem. Nihilominus tamen per menses adhuc aliquot eandem propinare continuavimus medicinam, nilque in ea mutavimus, nisi alium interdum, ne taederet aegrum electuarii per tantum temporis spatium ingerendi, addendo Syrupum; qua demum ratione eo pervenimus, ut felicissime cum sanitate in gratiam rediret noster aegrotus, id quod revera ita factum esse, neque vitium aliquod remansisse in viscere antea laeso, non tantum laetus, quo jam superbit, aspectus, sanitasque illaesa, qua per duos iterum integros annos fruebatur, demonstrant, sed et ex eo jam sat luculenter patet, quod praecedenti autumnio febrem quartanam satis obstinatam felicissime, ac absque ullo remanente incommodo, superaverit.

## II.

Vir triginta sex annos natus, autumnio anni MDCCLXXXII. quatuor hebdomades ante, quam diem obiit supremum ejus conjux, tabe e vivis erepta, accessibus corripiebatur febrilibus. Hujus incommodi tunc temporis nullam fecit mentionem; alias enim Ill. WENDT, uxoris tunc gerens curam, consilium jamjam datum, ut vitaret lectum conjugis, sudoribus nocturnis colliquativis tempore isto disfluentis, sine dubio repetisset. Pipere potius, ac Spiritu vini ingestis, ventriculo labefactato mederi tentavit, persuadens sibi, febre

intermittente se laborare; qua perversa medendi methodo tamen morbum exasperavit potius quam sanavit. Interim tamen negotiis consuetis extra domum per aliquot adhuc dies operam dedit, donec tandem viribus exhaustus lectum relinquere haud amplius posset. Morbus ejus typum febris intermittentis habebat, cujus eracerbationes pomeridianae prioribus septimanis incipiebant cum horrore leniori, quotidie redeunte, quem exceperit calor non adeo vehemens. Exhauriebantur inde nihilominus, post breve temporis spatium, aegroti vires adeo, ac si fortissima febre exagitatum fuisset corpus. Tussis asperior, sputa odorem spargentia sat ingratum, sitis clamosa fere, insomnia vix interrupta, ciborum ingerendorum fastidium ingens, pedum oedemata, diarrhoeae, summa tandem virium prostratio vix boni quid hocce in morbo, quem per tres integros menses eadem fere concomitabantur symptomata, augurari permiserunt nullaeque vel exiguae saltem sanitatis rediturae spei dederunt locum. Silentio praetereo remedia plurima, rebus aegroti ita sese habentibus, in usum vocata, quippe quae vel omni frustrabantur effectu salutari, vel exiguum tantum inconstantemque producebant. Omne et in hoc morbo solatium ponebatur in boleto nostro suaveolente, qui solus tulit levamen, pristinamque tam cito restituit sanitatem, ut post mensem jam liber a febre esset noster aegrotus; disparuit et pedum oedema, licet tardius paullo; cessarunt simul et tussis et sputa aegri amplius exhaurire vires. — Vitae ab aegroto hoc post recuperatam sanitatem gestae ratio debito minus ordine erat composita, ita ut per spirituosorum praesertim abusum, ante paucas adhuc hasce septimanas, febrim sibi contraxerit acutam, a qua tamen etiam felicissime convaluit.

### III.

Tertius aegrotus, Vir XXXII. ann. correptus est phthisi, post diu praegressos pectoris dolores, qui tamen et alias saepenumero occupavere partes, atque motus febriles, anxietates, tussim siccam insultusque vertiginosos habuerunt comites. Associavit se hisce symptomatibus sanguinis sapor ori inhaerens, in acidum interdum dege-

nerans, post ingestos cumprimis cibos sese manifestans. Progrediente morbo, sputa excernebantur lateritia, lingua contraxit squalorem; febris vis magis magisque intendebatur; crevit pedetentim respirandi difficultas; tussis exasperata est adeo, ut impediret aegrotum, quominus somnum capere posset deque die in diem magis magisque exhaustae sunt emaciati corporis vires. Mutationem tandem subiit et vox, raucedinem contrahens; sputaque verum prodidere pus, fundum in aqua petens, in vitrioli acido solutum, aqua vero dilutum homogeneous constituens sedimentum. Lac caprillum recens emulctum in Corticis peruviani connubio exhibitum primo morbi ingredientis tempore haud spernendum edidit effectum; multo minus injucundam enim faciem inde induxit sputorum indoles febrisque vis insigniter est fracta, simulque acidus, qui ori inhaesit, ac multum aegro creavit molestiae, sapor feliciter fugatus. Vocis tamen raucedo remediis his, diligentissime licet adhibitis, victrix restitit, nec ita diu post novas vires nata febris, vehementiusque, ac antea, irruens, lecto affixum retinuit nostrum aegrotum. Tenaciorem quoque viscedinem contraxerunt sputa, nec absque intensiore molestia rejici potuerunt; quae mala ex Chinchinae usu originem duxisse, creditum quum fuerit, lichen Islandicus, cum lacte decoctus, vicem ejus ut expleret, curavimus, id quod ab initio salutaribus aegroti cum rebus factum esse videbatur, temporis tamen successu laetam, quam inde conceperamus, spem esse frustratam, non absque ingrato animi sensu percepimus; iterumque hinc exhibitam huc usque medicinam cum alia ut commutaremus, necessarium duximus. Parvis jam liquaminis Myrrhae cum Saccharo Canariensi combinati dosibus expectorationi laboriosae medelam afferre non absque fructu an-nisi sumus; reliquis vero aerumnis, quas inter febris aegri vires universumque ejus corpus depascens primum occupabat locum, electuarius opposuimus, ex herba et radice Consolidae majoris, pulmonaria Gallorum, Cortice peruviano, fungo salicis ac Sirupo e G. ammoniaco conflatum; quibus remediis febris suppuratoriae acies mirum in modum fracta quum fuerit, simplicem adhuc aegroto nostro

ex fungi salicis albiſſimi lactisque ſacchari partibus aequalibus conſtantem pulverem ſubminiſtravimus, quo per menses aliquot ad ſcrupulum pro doſi quater de die adhibito, ſanitati priſtinae feliciter iterum eſt reſtitutus.

## §. XI.

### USUS IN QUIBUSDAM ALIIS MORBIS, SPASTICAE PRAEPRIMIS INDOLIS.

A longis retro annis fungum ſalicis in auxilium qui vocavit, Perill. SCHMIDELIUS; ejusdem quoque efficaciam, uti refert in litteris ſupra laudatis, expertus eſt in morbis ſpasmoticis, atque iis potiſſimum in caſibus, in quibus commendari ab Auctoribus viſcum quernum ſolet. Drachmam dimidiam pro doſi, ſaepe de die repetendam plerumque hiſce in morbis exhibuit.

Caſum quoque iisdem in litteris narrat Vir celeberrimus notatu digniſſimum hypochondriaci cujuſdam, in quo ſtriſturas infimi ventris ſpaſticas, quae maximas ei, peracta digeſtione, atque per noctem crearunt moleſtias, quibusque tollendis impar erat Vitrioli naphtha, adeo lenivit boletus noſter ſuaveolens, ut levia tantum remanſerint earundem veſtigia.

Quantum hypochondriacorum moleſtiae medicorum ſaepe numero exerceant deſatigentque ſolertiam, quantumque haud raro artem noſtram illudant, quem medicorum vel mediocriter tantum in praxi exercitatum fugit? — Quis non mecum gratiſſimum teſtabitur animum Viro ſummo, qui benevolentiffime permiſit, ut et hanc obſervationem, quae ulterius repetita ſanationi hujus morbi, maxime interdum obſtinati, multum affundere poterit lucem, publici facerem juris? —

Egregiam etiam opem praeſtitit boletus noſter viro, qui aſthmati ſpasmotico erat obnoxius, ac cujus curam geſſit Cl. PFEIFFER, ſummorum in medicina honorum candidatus digniſſimus, amicus atque commilito per plures annos ſuaviſſimus. Ex nulla enim alia medicina notabilius ſenſit levamen, quam ex fungo ſalicis albiſſimo, ope mellis in Electuarii formam reſecto,

## §. XII.

## EXHIBENDI MODUS.

Pulverem boleti nostri suaveolentis vel cum saccharo remixtum, vel ope mellis syrupive cujusdam in Electuarii formam redactum aegrotis exhibendi, omnium maxime solennis est mos; qui etiam sine dubio omnibus aliis propinandi ejusdem methodis praeipit palmam. In pulvere enim combinatae intineque mixtae sunt omnes partes ejus constitutivae, quae adeoque conjunctis suis agunt viribus. Taceo, quod optime quoque hac ratione aegrotorum consulatur palato. Non praetereundum tamen hic loci esse credo, quod, quum fungus noster, ob sat insignem, qua praeditus est, tenacitatem, non adeo facile possit in pulverem redigi, is finis omnium optime attingatur, si antea, quam instituatur pulverisatio, obducatur Gummatibus cujusdam, v. g. arabici vel Tragacanthae mucilagine, lenique dein exsicceetur calore; vel si modice exsiccatu sub trituratione subinde spiritu vini rectificatissimo humectetur, qui, cum postea avolet, vires alterare nequit. — Ad dosin vero remedii nostri quod attinet, non sat exacte in genere haec poterit determinari, quum pendeat a natura morbi magis minusve jamjam protracti, cum majori minorive vitae periculo conjuncti, neque minus ab aliis aegrotorum conditionibus, dosin vel augendam suadentibus vel minuendam. Plerumque tamen a scrupulo uno ad drachmam integram usque solet exhiberi, atque juberi, ut pluries de die eadem ingeratur medicamento nostri quantitas. Decocto boleti, quod etiam subinde vocatur in usum, vix tantum inesse crediderim virium, quum nimia absque dubio fungi tenacitas prohibeat; quin omnis in id transeat ejusdem efficacia, id quod et ex sapore ejus debiliore, coloreque dilucidior videtur elucere. An extractis fungi in morbis tollendis insignior quaedam insit virtus, quum clinicas cum iisdem instituere observationes haud mihi contigerit, nec ausim decernere. Idem judicium esto de Aqua boleti nostri destillata, cui quidem, non omnis licet odoris saporisque experti, ut multum tribuam efficaciae, vix impetrare a me possum.

Consultum quoque nonnunquam erit, alia cum boleto nostro suaveolente, si aegrotorum id sibi postulant res, conjungere pharmaca, quae diversa esse poterunt, pro diversis, quae haec jubent, indicationibus. Omnium interim maxime mihi arridet connubium ejus cum Cortice peruviano, quorum pulveres cum melle vel Syrupo quodam in Electuarii formam redacti eximiam subinde nobis praestitere utilitatem.

---

## EXPLICATIO ICONUM TABULAE AENEAE.

- FIG. 1. Exhibet duos boletos fuaveolentes, cortici salicis albae annosae una cum Lichene parietino et saxatili adhaerentes, ita declineatos, ut tam prona, quam supina superficies conspiciatur. Superior, idemque minor, circumferentiam habet semiellipticam, inferior major in angulum antice excurrit et pene triangularis est. Illius pori minores, hujus majores sunt: Utriusque tubuli postici elongati supra corticem decurrunt; margine albo cincti.
- FIG. 2. Boletum fuaveolentem sistit, ambitu semielliptico paullulum obliquo, superficiem superiorem oculo obvertentem; una cum frustulo Corticis salicis, cui innatus fuerat, ipsi adhaerente.
- FIG. 3. Boleti fuaveolentis exacte semielliptici superficiem inferiorem ostendit, porosam, margine undique cinctam. Vix opus est, ut moneamus, portionem imam, numero proximam, eam esse, qua fungus salici agglutinatus fuerat.
- FIG. 4. Frustum Boleti fuaveolentis sistit, sectionem verticalem, et in ea tam substantiam internam, seu carnem fungi, quam tubulos, exhibens.





XIV,

DR. RUDOLPH: AUGUST. VOGEL

P R O G R.

DE

VERIORIBUS BALSAMI MECCANI  
NOTIS.

GOETTINGÆ,

1763.

C



## DE

## VERIORIBUS BALSAMI MECCANI NOTIS.

Quandoquidem Balsamum de Mecca, alias quoque orientale, Iudaicum, Aegyptiacum, Arabicum, Syriacum, de Gilead, Opobalsamumque verum dictum, omnium non modo maxime aromaticum atque fragrantissimum, sed ob rariorem quoque proventum atque pretium inde haud mediocre constitutum, ceterorum balsamorum haud parum superans, non hodie demum, sed ab antiquissimis inde temporibus adulterari quam frequentissime consuevit: id quod equidem non tam ab emtoribus, ut in aliis mercibus, quam ab ipsis satoribus et possessoribus stirpis balsamiferae in Arabia petraea fieri certo nunc, teste *Hasselquistio*, novimus \*): naturalium rerum curiosi et medentes sagaciores inde a vetustissimorum Graeciae de rebus ad materiam medicam pertinentibus scriptorum, *Theophrasti* atque *Dioscoridis*, aetate variis omnino modis nequissimam fraudem in tam nobili medicamento, cujus vires inde tantopere minuuntur, percontari satagerunt, et permultas ita notas, quae verum ab adulterato discerni posset, divulgaverunt. Verum cum permultae istiusmodi notarum haud prorsus fuerunt semper ab omnibus doctis viris probatae, et ego quidem in dubio jam diu versatus sum, quibus recte uti signis aut minus liceat: haec res me tandem permovit, sive, ut rectius dicam, excitavit, ut quid verum illis, aut falsum, aut subreptitium forte subsit, ipse studiose percontarer. Atque in hoc studio cum maxime adjutum me esse ab Ill. Io. Bern. de Fischer, Russiarum Imperatricis Annae Personae quondam Medico, et per Russias res medicas dirigente Archiatro, gratissima non minus ac summe laetabunda mente profiteor. Hujus enim incomparabilis Viri liberalitas non in me solum, sed in complures alios, qui ex hac qualicunque scriptiuncula nonnihil se profecisse de-

\*) vid. Ej. Reise nach Palästina, herausgegeben von C. Linnaeus. Rostoch, 1762. 8. p. 565.

num putabunt, tanta et tam singularis exstitit, ut me prorsus non rogante (nesciebam enim, Ill. Virum Opo-balsamum verum possidere) ipsius copiam ultro mihi faceret. Quod equidem qua occasione factum sit, quaque excitata fuerit Venerandi Senis munificentia, ex ejus ad me datis humanissimis litteris, quas hic adscribere ideo non poenitet, lectores cognoscent:

*VIR EXCELLENTISSIME, DOCTISSIME.*

*In densissima Materiae Tuae Medicae sylva oberrans et ad balsami de Mecca frugem pedem figens, ex verbis Tuis observavi, Te famosissimum hoc balsamum nunquam vidisse. Commovebar itaque statim de eo, quod mihi superest, hanc Tibi mittere portiunculam, dignum judicans, ut tanto naturae scrutatori ejus fieret copia, licet usus ejus medicus tanti revera non sit momenti, quanti ejus ubique audit praedicatum: nam crasseos licet haec resina sit subtilioris, tamen cum optima therebinthina de Chio multum convenit. Accepi hoc balsamum ante hos 22 annos Constantinopoli in theca plumbea, in qua, utpote vitro minus fragiliore, liquidas materias transmittere solent Turcae, e. g. suaveolentissimam aquam rosarum, quae temporis tractu acidula facta, cerussam parat odoris gratissimi. Alius balsamus de Mecca mihi aliquando ex Persia adferebatur, qui colore et consistentia therebinthinae dictae propius accedebat. Hic Turcicus, dum recens est, semper pallidi vitelli ovorum colorem tenet. Vale, Vir Celeberrime, in rei medicae incrementum. Dab. Rigae. M. Jul. 1760.*

*I. B. de Fischer.*

Hoc igitur balsamum, de cujus sinceritate permultas ob causas dubitare prorsus non licet, siquidem, qui in Principum aulis versantur, potiri ejus omnium optime possunt, tentaminibus admodum multis a me fuit subjectum: et quamquam aliquot lustrorum aetatem jam attigerit, nihil inde tamen detrimenti ipsi obtigisse, ex odore ejus adhuc fragrantissimo atque penetrante intellexi.

Sed ante quam vero ipsorum meorum periculorum eventum enarrem, non alienum abs re esse puto, si, quas auctores passim in suis monimentis, quorum non pauca de hoc balsamo existunt \*), stabiliverunt, notas recenseam. Sunt autem hae, quae sequuntur:

1. Odor ipsi jucundus ac therebinthinaceus est.
2. Naribus admotum haemorrhagiam excitat.
3. Saporem vetustae adipis gallinarum et paullo subamaricantem habet, ardoremque in gula facit.
4. Oculo instillatum ardorem pariter insignem creat.
5. Mediae est consistentiae, ex albo flavescens, admodum viscosum, minus pellucidum ac limpidum.
6. Panno laneo instillatum non se penetrat, nec maculam relinquit.
7. Lacti instillatum coagulationem inducit.
8. Manu detentum transfudat.
9. Aquae instillatum innatat et se in ejus superficie expandit in telae araneorum modum, quae ope cultri elevari et auferri ex toto potest.
10. In Spiritu vini descendit.
11. Ferro candenti instillatum non diffluit more ceterarum resinarum, sed in globulum magis colligitur.

\*) Fortassis non injucundum est, librorum de Opobalsamo scriptorum tabulam hic legere: *Prosp. Alpini* Tr. de Balsamo. Vener. 1592. *Mattbi. Lobelii*, Tr. de Balsamo, Opobalsamo etc. Londin. 1598. *Mich. Doering.* Diatr. de Opobalsamo, Neapol. 1640. *Perr. Castelli* Opobalsamum examinatum, defensum, judicatum, absolutum, et laudatum, Messan. 1640. *Ej.* Opobalsamum triumphans. Basil. 1640. *Io. Ge. Volcammer* Opobalsami orientalis in Theriacae confectioem Romae revocati examen. Norimb. 1644. *Io. Andr. Slevogt* diss. de Balsamo vero, quod vulgo Opobalsamum dicitur. Ien. 1705. *Ej.* diss. de Opobalsamo, ib. 1717. *Io. Adam. Goeritz* Nachricht von der Salbe in Gilead oder dem wahren Arabischen Balsam. Regensp. 1718. *Abr. Vater* Progr. de Balsami de Mecca natura et usu. Viremberg. 1720. *Marr. Gottb. Loescher.* d. fl. de Balsamo de Mecca ib. 1726. Omitto *Dioscoridem*, *Strabonem*, *Plinium*, et Itinerariorum scriptores, qui hujus balsami cum suis notis mentionem injecerunt; ex quibus *Hasselquistius*, cujus praematura fata eximie dolemus, ut novissimus, sic verissimus nominari, ceterisque omnibus praeferrī meretur.

Has quidem notas nemo auctorum omnes habet, ut nec omnibus adeo singulae innotuisse videantur. Recensere tamen hic cunctas accurate eo magis placuit, ut vel in hac re aliquid perfectius a me diceretur. At quanta miratio non subitura est, si asseveravero, *plurimas harum notatarum prorsus esse falsas, multas fallaces, vix duas veras atque constantes!* Unicum scilicet phaenomenon saltem invenire mihi licuit, quod verum ab adulterato discernit: illud scilicet, quod aquae instillata gutta non in morem aliorum quorumcunque balsamorum in ipsius superficie unita persistit, sed se mox late in circulum diffundit, sic, ut vix nummo argenteo, quem grossum vocant, is contegi queat. Atque haec guttula in laminam subrotundam extensa simul protinus albescit, velut ipsa fere aqua, immo adeo, quod omnium maxime mireris, majorem longe tenacitatem nunc acquirit, ita, ut bene cohaerens ope cuspidis cultri vel calami scriptorii integra attolli et auferri queat.

Vix duo scriptores recentiores ad hoc phaenomenon, verissimum licet ac constantissimum signum Opobalsami genuini, attenderunt. Neque hi vero omnes se hic manifestantes circumstantias observarunt, ut nec eadem ratione aliquid ad memoriam de ipso phaenomeno mandaverint. Ex epistola Medici Sueci *Goeritzius* mentionem ejus in hunc modum injicit: Wo man davon etwas auf Wasser fallen laest, so breitet er sich aus, bleibt auf der Höhe, und wenn man ihn mit dem Messer heraus nimmt, so scheint es ein Spinnewebe zu seyn, etwas weiß und milchicht \*). Alter scriptor, *Chiliani*, Medicus olim Wismariensis, ita perhibet: Im Wasser schwimmt er oben, und zertheilt sich, und zerfließt in etwas\*\*). Tertium addo, laudatum jam supra *Hasselquistium*, auctorem recentissimum, qui instillatum aquae balsamum protinus cuticulam efformare aequalem atque puram, h. e. vesiculis, haud distinctam, quales in adulterato visuntur, scribit; quae

\*) libr. cit. cap. I.

\*\*) Aët. Vratislav. Tent. IV. p. 1233.

deinceps calamo scriptorio integra elevari se finat, et circumvolvi possit \*).

Non ergo hi clari Viri neque ad majorem tenacitatem et cohaerentiam, quam aquae innatans balsamum consequitur, paradoxam quidem illam, cum quod diffluit et se expandit liquidum, tenuius reddi oportere videatur, satis attenderunt; neque quem memoravi *Chiliani* ad coloris mutationem advertit, quae tamen non mediocrem vim demonstrandi habet; neque recte denique anonymus Suecus colorem lacteum appellavit, quem aqueum dicere debuisset: neque singuli postremo ceteras in hoc tentamine se efferentes circumstantias, quas nunc breviter commemorabo, observarunt: nimirum primo, quod quo altius gutta e vitro destillat, eo latius ea super aqua se diffundit; deinde, quod minus alte destillans gutta flavedinem suam non prorsus exuit et interjecto temporis spatio in fundum aquae demum descendit compulsa digito, ibidemque etiam, concusso licet vase, unita remanet, quamquam fundo ejus haud cohaereat; tum vero, quod ex gutta efformata lamina commodius interjecto spatio quindecim circiter minorum, quam statim a concretione elevatur, ubi interdum admota cuspide cultri discerpitur neque adeo ex toto elevari se finit. Haec telae divulsio in genuino balsamo subinde eveniens me simul edocuit, quod non vera adulterati nota existat, pro qua *Hasselquistius* eam habet \*\*). Sed ultimum memoro phaenomenon singulare, a nemine adhuc animadversum, quod scilicet aquae fervidae instillata balsami gutta cum undulatione quadam se expandit, quae in gelida haud conspicitur.

Huic unicae ac sufficienti quoque, nec sine multo labore eruendae notae adjicias forte aliam in externa balsami qualitate, colore inprimis, atque consistentia quaerendam. Per hanc enim non posse non discrepare aliquantisper genuinum ab adulterato, facile quidem concipies; cum, quidquid ipsi ad temperationem admistum fuerit, sive sit oleum Seseami in Aegyptio parari solitum, sive thebinthina Cypria, sive Struthionis adeps, aut quaecun-

\*) libr. cit. p. c.

\*\*) l. c. p. 566.

que res alia, tum colorem ejus, tum consistentiam naturalem alterare nonnihil debeat. Sed difficillimum tamen esse credam, hac nota sensuali ubique uti, imprimisque tum, ubi vel parum saltem peregrini immistum fuerit, vel genuinum balsamum ad manus non sit, cui illud commode comparari queat. Est vero sinceri balsami, quod adnotare hoc loco non alienum erit, color subflavus, non prorsus pellucidus; consistentia autem velut therebinthinae fere Cypriae, adeoque valde viscosa ac digitos conglutinans: *Hasselquistius* tenacissimam vocat, ac in longa fila tractilem, calore solis in climate Natoliae vix unquam liquefcentem.

A veris notis ad *fallaces* progredior: quas ex odore et sapore vulgo desumi sciendum est. Equidem odorem ipsi esse prorsus singularem ac jucundum, haud abnegamus; at nec in adulterato talis unquam deest, quantumvis debilior paullo existens. Nunc autem multum vereor, ut quis eruere hoc quidquid inter fortitudinem ac debilitatem odoris intersit, haud difficulter possit: praesertim cum quae vel vehementem odorem res habet, ea nec semper eundem omnium ac singulorum naribus aequaliter imprimat. Neque multum profecto odoris determinatio scrutatores juvabit, si naribus scilicet percontari suis therebinthinacei quidquam in genuino jubentur. Non enim omnes istud facile deprehendunt, etiamsi insit: quemadmodum recorder, aliis quidem, quibus balsamum dedi olfaciendum, therebinthinaceum fuisse perceptum, aliis contra, et mihi met ipsi nequaquam. Sed finge vero, ex therebinthinae odore habere quidquam lacrymam, quod ad ipsius naturam pertineat: quomodo, quaeso, nunc poteris therebinthina adulteratum discernere a genuino?

Nil magis unquam vero ridiculum mihi visum est, quam ut ex odore balsami genuini sanguinis excitari e naribus profluvium a nonnullis dicatur. Quod si forte hoc ita cuidam contigerit, quod fieri omnino etiam propter levem acrimoniam, cum odore balsami conjunctam, poterat: anne protinus nota aliqua inde repeti debebat? Sane nisi quis idiota fuerit, ratiocinari ita eum pudebit. Mirorque profecto, quod non adjecerint quoque, balsamum



sternutationem movere. Interim ut nec hanc notam intactam prorsus relinquerem, cum ipse ego meis saepe admovi balsamum naribus, tum aliorum quoque admoveri passus sum; enimvero nemini nostrum inde stillavit cruor, neque sternutavimus!

Sed ab odore ad saporem descendamus. Ut is quidem aromaticus est et subamaricans, diuque in ore inhaeret: non potest tamen sinceritatis quaedam inde nota repeti. Etenim et haec sensatio in singularibus adeo hominibus admodum variat; nec eodem sapore destitutum unquam adulteratum reperies. Quodsi vero nonnullis sinceri balsami sapor ut vetustae pinguedinis gallinarum esse videatur; vereor profecto, ne ille depravationis potius, quam sinceritatis index audiat: quandoquidem compertum est, Struthionis pinguitudine balsamum vitiari: quae ergo non potest ejusmodi saporem non communicare balsamo, utique cum rancorem contraxerit.

Quod equidem balsamum in oculum illapsum ardorem efficiat, non prorsus permiramur, neque unquam abnegamus, quum non sit expers liquor omnis acrimoniae. At nihil vero haec res ad probationem conferre poterit, cum nihil obftet, quod dubitare nos sinat, quin etiam adulteratus ardorem excitaturus sit.

Quodsi denique in spiritu vini descendere balsamum genuinum dicatur, illud prorsus commune cum ceteris hujus generis habet liquoribus. Adeoque nec hoc uti phaenomeno licebit ad verum ab adulterato discernendum. Sed unam rem tamen immixtam, axungiam puta Struthionis, ut et oleum pingue Sesami, miscela balsami cum spiritu ardente recte proditura est; cum quod pingue est, in ipso haud descendat, sed in ejus superficie obhaerecat.

Mentio adhuc notarum *falsarum* facienda est. Merum balsamum in laneam vestem fustum neque maculam facere, neque, si eluatur, notam relinquere; itemque et lac coagulare, *Dioscorides* memoriae prodidit\*). At utrumque falsissimum esse, non alii solum ante me jam cognoverunt, sed ipse quoque ita in meis periculis depre-

\*) L. I. c. 18.

hendi. Linteis enim et pannis instillatum protinus omnino se non modo penetrat, sed et maculam relinquit, aqua haud eluendam. Neque lac sive frigidum sive calidum coagulat. In illo ut in aqua diffluit, at non tam late se expandit: minus etiam pallescit, quam super aqua. In hoc gutta statim absorbetur. Falsum denique est, quod perhibent nonnulli, manu detentum balsamum transfundare.

Sed satis jam de Opobalsami notis cum verioribus, tum fallacibus atque falsis. Verbulum addo de lactis atque spiritus vini in hoc balsamum actione. Nullus liquor est, quo balsamum cuti adhaerescens tam egregie abstergi possit, quam lac. Unde etiam credam, pro fuco qui adhibere velint, eo optime uti posse cum remixto lacte. Spiritus vini alcoholisatus non sustentat balsamum; sed id ad fundum ejus protinus descendit, et se paullisper illinc expandit ac pallescit. Neque tamen perfecte vel in frigido spiritu, vel calido dissolvitur, sed concussum maximam partem lateribus, in minimas molelas divisum, tenaciter adhaerescit.



XV.

DR. GEORGI GOTTL. KÜCHELBECKER

DISSERTATIO

DE

SAPONIBUS.

LIPSIAE,

1756.



## Q. D. B. V.

## §. I.

## S a p o n i s ἑ τ υ μ ο ν .

Vix hoc, quo vivimus, saeculo, si de medicamentis, succos corporis humani mutantibus, sermo est, alius eorundem classis frequentior in scholis medicorum occurrit commemoratio, quam illius, quae de *sapone*, ejusque efficacia in sordibus abluendis, suum nomen atque virtutis agendi ideam traxit: Postquam enim perspexerant medici, ad repurgandas vestes et linteamina, oleo aliisque impuritatibus conspurcata, artifices uti materiis, ad id efficiendum idoneis; cumque simul iudicassent, corpori humano quandoque extrinsecus inhaerere vel et intus inesse squalores, massam humorum spurcitie inficientes, qui tamen nulli medicamento facile obsequerentur; exinde, ni fallor, occasio illis suppeditata fuit, eo consilio ingerendi massas ejusmodi purificas, quae ad oleum et mucum, ex pannis linteisque extergendum, alias adhiberi solent. Illam enim notionem semper fuisse saponis, quod spurcities, ejus ope, solui, et ex variis vestimentorum generibus elui potuerit, quodque ipsius nostrae cutis squalorem ille demere valeat, hujus ideae, de gente ad gentem, deque lingua altera ad alteram translatio, clare docet, licet rebus, quarum ope haec extersio facta fuit, non semper et ubique veteres usi fuerint iisdem. Sic enim vocem Ebraeorum *יִבְרִית* a radice *פָּרַר*, quod, *expurgavit*, *purificavit*, significat, desumptam esse, atque massam purificam designare, locorum in Sacro Codice occurrentium consensus, et vocabulorum

- a) Haec vox occurrit IEREM. II. 22. ubi ex Sebast. CASTEL-  
LIONIS interpretatione verba latine sic sonant: *Quodsi te nitro  
laueris, et quantumvis struthii* (saponariae) *יִבְרִית* *adhibueris*:  
et MALACH. III. 2: *Erit enim quasi quidam ignis explorans, aut  
lanaria fullonia* *וְכִכְרִית מְכַבֵּסִים*, quod ad verborum pro-  
prium significatum: et unī smegma lotorum (fullonum) verti-

adjectorum sic interpretandi aptitudo, nobis assumere suadent. Quodsi deinde Graecorum vocem *σμήγμα* \*), illiusque significandi valorem disquiramus, eam scilicet adhiberi, tum, si de sordibus quibusvis auferendis \*\*), tum, si de dentibus \*\*\*), pfora †) et lepra ††) repurgandis ser-

potest. Fuit igitur *בִּרְיָ* materia ad purgandum, lavandum vel abluendum apta: *כֶּכֶס* enim, quae radix est, atque *יֶרֶם*.

1. c. occurrit, significat abluit, lavit, tinxit; unde derivatur *כֹּוֹס* vel *כִּכֶּס* quod lotor, fullo, tinctor est. Quocunque igitur modo veritas hanc vocem, *בִּרְיָ* semper erit massa purifica, quia ejus ope lotio vel abluitio fit, quae tinctoribus quoque ad praeparandos, et post infectum eluendos pannos opus est.

\*) Conf. FOESII Oecon. Hippocr. et GORRAEI Definit. Medic. sub voce *σμήγμα*, quod pulveribus inspergendis primum tributum est, uti postea ex DIOSCORIDE patebit; Vid. et AETIUS Lib. VI. c. 54. et PAULUS Lib. VI. c. 13. quorum prior de pulveribus istis, nonnunquam liquido quodam diluendis, sicque inungendis habet. Sic quoque in Histor. SUSANNAE v. 17. καὶ εἶπε τοῖς κερασίοις ἐνέγκατε δὴ μοι ἔλαιον καὶ σμήγματα, hoc vocabulum denotat rem, ad lavandum adhiberi solitam.

\*\*) DIOSCORIDES περὶ ὕλης ἰατρικῆς Lib. II. c. 102. de rapae semine: Μίγνυται δὲ σμήγμασι προσώπῃ καὶ τῷ ἄλλῃ χρωτὸς. Miscetur bis, quae ad extirpandam faciem reliquumque corpus conficiuntur.

IDEM Lib. V. c. 101. de Chia terra, σμήχει δὲ ἀντὶ νίτρου ἐν βαλανείῳ uiuntur hac in balneo ad abstergendum pro nitro.

\*\*\*) IDEM Lib. II. c. 52. de cornu cerui: ὀδόντας παρατριβόμενον σμήχει dentes, attritum, purgat. Hinc dentifricii pulveres σμήγματα τῶν ὀδόντων quoque dicti sunt.

†) IDEM Lib. II. c. 1. de marino erinaceo: Ἐπὶ τὸ ὄσθρακον ὡμὸν μίγνυται χρησίμως ὀπτηθὲν τοῖς περὶ τὰς ψώρας ἀρμόζουσι σμήγμασι. Cujus cruda et tosta testa utiliter miscetur medicamento, quae ad pforas seu scabies extergendas conveniunt.

††) IDEM Lib. II. c. 73. de urinis: πρὸς λέπτους καὶ κνησμάς σμήγμα σὺν νίτρω· urina cum nitro remedio est leprae atque prurigini tanquam expurgans; et c. 74. de melle: δύναμιν δὲ ἔχει σμηκτικὴν· melli est vis abstergendi; et paulo inferius: λειχῆνας τε θερραπέυει: impetigines sanat. PLINIUS Hist. Nat. Lib. XXII. c. 25. Si lupini silvestres coelesti aqua discoquantur, succis ille sinegma fit, quo fovere gangraenas, eruptiones pituitae, ulcera manantia utilissimum. Eosdem ad mellis crassitudinem decoctos, vitilignes nigras et lepras emendare, paulo antea affirmat.

mo est, ipsam vero a *σμήχω* vel *σμείω*, quod abstergere, purgare, significat, derivari perpendamus, quilibet statim iterum videt, spurcitiei tollendae ideam hanc vocem involuere. Unde autem Latinorum vox *sapo* originem habeat, incertum est. An a Graecorum *σάπων* forte derivata sit, affirmare non audeo, GORRAEUS tamen, *σάπωνας* et saponem idem esse, dicit \*), locum vero nullum allegat, ubi apud Graecum aliquem scriptorem hoc sensu occurrat. Neque etiam saponis mentio injicitur apud Latinos ante PLINIUM, qui tamen eum hac ratione describit, uti nunc in oeconomicos usus confici solet a saponariis, scilicet, quod compositus sit ex sevo et cinere \*\*). Incertae igitur originis et derivationis videtur esse hic *sapo* PLINII, siquidem a nemine veterum scriptorum illius ea traditur notio, quae falis alicujus cum pingui commixtionem manifestaret: quaecunque enim ante PLINII tempora de *σμήγμασι* leguntur, ejusmodi sunt, ut potissimum sub pulveris specie adspersa atque affricata immunditiem absumerent. De *sapa* quidem, consono vocabulo, apud veteres rerum rusticarum ac naturalium scriptores passim legimus \*\*\*), ast illa neque pro sapone habita, neque etiam ad sordes extergendas adhibita, sed merè potus species fuit: quamvis, quod inferius §. XVI. adstruemus, suo modo hodie ad saponem referri possit. Saponis usum in medicina,

\*) l. c. sub voce *σάπων*.

\*\*) PLINII Lib. XXVIII. c. 12. *Prodest et sapo: Gallorum hoc inventum rutilandis capillis ex sevo et cinere; optimus fagino et carpineo, duobus modis, spissus ac liquidus: Uterque apud Germanos majore in usu viris, quam foeminis. Paulo antea vero commendat sebum caprinum cum calce, quae saponis speciem constituunt.*

\*\*\*) Sapa est quidem mustum decoctum: ast varie describitur ab his scriptoribus. Modo enim dimidia, tertia vel quarta pars, modo duae tertiae decoctae fuerunt, hinc vix a destruto et careno distingui potest. Conf. COLUMELLA XX. 19. 20. et 21. VARRO de vita pop. Rom. Lib. I. NONIUS XVII. 14. PLINIUS XIV. 19. et XXIII. 2. quorum omnium sententias breviter quoque allegatas invenies penes Matth. GESNERUM in Lexico Rustico, scriptoribus rei rusticae ab Ipso Lips. Ann. 1735. in 4. editis, annexo.

externum saltem, non recentem esse, ex GALENO \*) apparet; neque eundem Arabes ignorasse, quamvis in medicina nullus forte usus fuerit, ab AVICENNAE \*\*) et RHAZAE \*\*\*) interpretibus discimus. Quemadmodum vero saponis non quidem materiam, attamen formam internam seu essentiam eandem ubique esse, mox videbimus, ita olim Romae nullum saponem seu, quod idem est, sordium purgamentum extitisse, vel propterea sibi persuadere poterit nemo, cum peculiare istis temporibus esset opificium, *fullonica* nempe, cui multi homines ex populo Romano per totam vitam atque soli sese addicarent, quae vero circa lanas purgandas ac potissimum circa vestes emaculandas versaretur. In usu enim frequenti erant Romanis civibus togae albae, quae facile conspurcandae fullonibus tradebantur purgandae, et albae iterum reddendae. Quodsi itaque pinguium rerum maculae ex hisce togis exsolvendae essent, opus omnino erat aliqua re, qua mediante pingue illud infectitium dissolvi atque aquae miscibile reddi posset. Frequentius quidem inter alia eos usos esse urinam humanam, diu quandoque asservata et putrida facta, ex PLINIO †).

\*) De compos. pharmacor. secundum locos Lib. II. De apophlegmatismis et quae naribus infunduntur, *saponis* meminit, et ibid. Lib. V. ad varos callosos *saponem Gallicum* commendat; In Graeco vero textu *σάπων* reperitur.

\*\*) Lib. IV. Fen. 6. Tract. I. c. 10. De aqua saponis.

\*\*\*) Lib. III. c. 45. *Sapo calidus existit*.

†) Lib. XXVIII. c. 6. *Virilis urina podagrae medetur, argumento fullonum, quos ideo tentari eo morbo negant*. Eodem scilicet forte modo vestium isti balneatores opus suum perficiebant, uti hodie Italici in more adhuc esse Bern. RAMAZZINI in Libro: De morbis artificum Cap. XV. scribit: *Urinae*, inquit, *sic asservatae et aquae tepidae partes aequales una cum quadam saponis veneti portione ponunt in vase ligneo, in quo pannum immergunt, mox, ut humor altius penetret, ac pannus illo perfecte saturetur, pedibus premunt*. Eadem urinis eluendi maculas consuetudo apparet etiam ex PLINIO Lib. XXVIII. c. 7. *Maculas autem e veste eas, non nisi ejusdem urina elui*. Praeterea fullones utebantur aliis quoque saponaceis, teste iterum PLINIO XVII. 8. *Est autem certa fullonia mista pingui*: Terras enim pingues saponaceas et dici et esse, inferius suo loco dicetur.



et GALENO \*) constat; attamen eo ipso actu, nisi urina in se jam saponis indolem habeat, sapo factus est a fullonibus istis, siquidem cum oesypo isto seu sudore et sordibus pinguibus, lanae subinde adhaerentibus combinatum sal urinae illud acre saponem rudem confestim constituit. Quidquid vero tandem fuerint veterum illi sapones, sufficit nobis explicuisse, semper notionem eam una omnes involvisse, quod impurum, eorum ope, purum redderetur, inprimis autem ad lanam et tunicas ex lana confectas dealbandas, atque sordes cutis eluendas adhiberetur, sicque illis oleum seu pingue, lanae enim et nostrae cutis sordes semper de pingui quodam participant, aquae miscibile fieret. Σμήγματα autem illa sive sapones veterum jam longis retro temporibus in medicina locum habuisse, ex supra allegatis DIOSCORIDIS et GALENI locis apparere, negabit nemo: Attamen veluti olim solummodo ad externa corporis vitia commendari solebat, ita hodie fere omnis saponum et saponaceorum usus est mere internus, qui cum latissime apud nos nunc pateat, et in quamplurimos morbos sese extendat, largissimam ad specimen academicum mihi erat suppeditaturus materiam, nisi nunc potius mihi sumissem, hunc in finem sapones medicatos ipsos ad sua capita colligere, deque ipsorum historia atque natura, quam ex diversis diversimode compositis principiis nacti sunt, quaedam proponere.

## §. II.

*Saponis definitio.*

Antequam vero ad ipsius operis pertractationem accedam, ea praemittenda sunt, ad quae reliqua, tanquam ad principia dicendorum revertuntur: Quandoquidem non in eo solum occupati erimus, ut sapones tonsoribus atque aniculis lotricibus quoque cognitos pertractemus, de omni-

\*) Lib. III. de sanitate tuenda c. 13. ubi de Quinto, Medico sua aetate non incelebri, urinarum patronos, qui ex matula, tanquam ex tripode, se omnes morbos hariolari posse, de se gloriosius praedicabant, subsannante, narrat, eum dicere solitum esse, hujusmodi considerationem fullonum esse magis, quam medicorum.

bus potius corporibus nativis atque artefactis, saponis characterē donatis, pro virium modulo acturi. Quidquid proinde hodie vel in oeconomia, vel in chymia, vel denique in physiologia sub saponis nomine venit, illi sequentia tribui oportet; ut sal atque pingue in aliqua massa, pauca interveniente aqua, invicem juncta sint; utque haec tria in tertium aliquod corpus, quod ulterius nunc neque sal, neque pingue est, combinata, in aqua dissolvi, atque oleum his aquae miscibile reddi possint. Olim quidem nulla materia pro sapone agnita fuit, nisi alcali fixum, quale est omne sal cinerum, cum oleo fixo, sive id esset pinguedo animalis, sive oleum vegetabile expressum, commixtum fuisset, et hodie quoque vulgares isti saponēs, qui mechanici usus sunt, alia ratione haud componuntur, quam ad istam PLINII normam ex alcali scilicet fixo et sevo, cujus in locum tamen nonnunquam oleum olivarum, uti fertur de illo Veneto, adhibetur. Strictius igitur loquentes semper istiusmodi solummodo massae, cujus nunc mentionem fecimus, ideam habemus, atque ab aliis sub hac notione intelligimur, si quando de saponibus sermo est. At enim vero, postquam chymici atque medici plures alias excogitarant et in rerum natura jam existentes invenerant massas, quibus mediantibus, suo quaevis modo, pingua aqueis miscibilia reddi posse perspiciebant, igitur, quodcunque demum salinum sit, quod ad commixtionem aquae atque pinguedinis symbolam suam confert, ob id solum, quod per istiusmodi mixturam aquosa atque oleosa, alias semper sibi reluctancia, arctius invicem adjungerentur, omnes istas massas ad saponēs retulerunt \*). Cum his igitur nos quoque sentimus, siquidem, quocunque demum

\*) Quamquam praecedentibus saeculis habebant praeter domesticum, Venetum, Hispanicum, et ex his ulterius compositos cosmeticos et odoratos, nullos saponēs, saltem, qui in usu essent, idquod ex SCHROEDERO, JUNCKENIO aliisque apparet; Attamen, postquam Helmontianis monitis et promissis vid. BOERHAAVE Elem. Chym. Lugd. Bat. 1735. Tom. II. p. 261. sapo inventus est de oleo stillatitio et alcali fixo, simili deinde modo salinum quodvis, nec acido excepto, natura et arte cum oleo combinari perspicientes alii, haec sic composita corpora saponē et saponacea dixerunt, idquod a BOERHAVIO l. c.

modo oleum aquae committatur, et ubicunque sub una forma haec duo existant, semper quoque saponis praesentiam coindicant. Hinc saponem definimus, quod sit *massa, constans oleo, sale et pauca aqua, invicem unitis, aquae miscibilis, cujus interventu pingua varia certa ratione in aqua dissolvuntur, unde ipsi facultas est sordes eluendi, atque pingue extergendi*. Quodsi itaque omnia, quae modo diximus, competant corpori cuidam, tam quoad propriam miscelam, partesque hanc constituentes, quam quoad solubilitatis in aqua, huiusque cum oleo combinationis effectum, tunc *verum* saponem illud appellamus, quo distinguatur ab hoc ille *spurius*, qui aliqua ex parte a conditionibus, vero saponi propriis, recedit. Illud tamen tenendum est, saponem magis effectum suo, quo in aqua ipsi solvuntur, atque oleum aquae committunt, diiudicandos esse, quam partium, ex quibus orti sunt, exacta determinatione, inprimis, cum ipsa inter partes saponem constituentes relatio, harumque exacta mensura, suppeditari nequeat, utpote quae valde diversa esse potest, effectum tamen manente, si non eodem, quam maxime tamen simili, idquod in vulgari sapone habemus, in quo nunc pingue, nunc sal excedere potest, minime cessante penitus effectum, quo oleum atque aqua in unam massam aequalem rediguntur. Sunt enim corpora bene multa, quae, si ad salis et pinguis sub una massa collectionem solam respicias, cum saponibus habent similitudinem, neque tamen propterea statim effectum istum, quo aqua oleo coniungitur, praestant, nisi antea ad eundem producendum apta, vel a peregrinis rebus illis adhaerentibus, agendique facultatem impredientibus liberata, sicque tandem saponis indolem indepta fueriat. Haec corpora saponem quidem in se continent, non vero ipsa, quanta sunt, propterea saponem dici possunt, sed,

Tom. I. p. 63. 486. 583. 731. seq. Tom. II. p. 33. 35. 156. 210. 218 et frequentius adhuc sqq. et ab eodem in libello ipsi adscripto: De viribus medicamentorum Part. III. c. 6. et 8; a SWIETENIO Comment. in Boerh. aphor. Tom. I. p. 204. Tom. II. p. 165. et 776; a Io. GORTERO in Comp. Med. Tract. XXXVIII. 24. et 33. sqq. Tr. LXXVIII. 17. LXXXI. 20. sqq. aliisque factum est. Conf. quoque: Rüdigers systematische Anleitung zur allgemeinen Chemie Lipsi. hoc ipso anno edit. §. 210.

cum tamen de sapone participant, *saponacea*, vel et *sapones* spurii dicenda erunt. Similiter possent olea in se spectata jam sapo esse videri, quoniam omnibus oleis ac pinguedinibus sal aliquod per essentiam jam inest \*); sed propterea sapo dici olea nequeunt, cum saponis sit, miscere posse alia olea cum aquis, quod tamen de oleo oleis addito dici nequit. Denique nec quodvis pingue cuius salino conjunctum saponem constituere animadvertimus, alias resina pini et terebinthina, cui ingentem acidi liquoris quantitatem inesse, destillando hasce resinas, certiores reddimur \*\*), ad saponem referenda essent, quod tamen a nemine adhuc factum esse legas, neque fieri propterea potuit, cum effectibus saponi propriis destituantur. Est enim omnis pinguedo nativa, sive animalis, sive vegetabilis sit profapiae, semper res fugiens cohaesionem cum aqua, hancque repellens. Quare tandem, mediante aqua, sal alcali solutum continente, et pinguibus adhaerente, fit sapo perfectus atque purus ad usus domesticos, veluti et omnis vulgaris sapo bene saturatus magnam aquae quantitatem in se continet, idquod destillatione saponis discimus \*\*\*), ut itaque, quodsi ad notionem vulgaris, primi, et antiquissimi saponis, tanquam ad normam omnium saponum recurras, reliquorum quoque saponum characteres exinde constituere possis, siquidem in quocumvis demum sapone simul adsit aliqua aquae quantitas. Et sane, si quemlibet etiam saponem verum ob oculos tibi ponas, examine chymico peracto, sat notabilem aquae copiam mixtioni infuisse, reperies, licet in aliis atque aliis saponum speciebus proportio aquae ad sal et oleum valde discrepent. Sub quacunque igitur forma sal oleum et aqua commixta sint in aequalem massam, sive solida, sive liquida illa fuerit, dummodo in aqua dissolvi et huic quoque novam pinguedinem adjungere possit, sapo erit illa massa chymicis atque medicis, ni-

\*) Vid. BOERH. Elem. Chym. Tom. I. p. 753. et passim.

MAQUER Elem. Chym. Part. I. c. 10. et Part. II. sect. II. c. 5. proc. I.

RÜDIGER l. c. §. 166.

\*\*) BOERHAAVE l. c. Tom. II. proc. 35.

\*\*\*) MAQUER Part. II. Sect. II. c. 3. pt. 3.

hilque hucusque refert, verusne sit, an spurius, id quod igitur de mea pertractatione in posterum quoque intellectum volo.

### §. III.

#### *Saponum differentiae.*

Haëtenus consideravimus saponem secundum ea, quae ipsis semper et ubique suo modo inesse oportet, nimirum, quatenus in aqua diffluunt, pingue aliquod recipiunt, idque, in aqua dissolvi posse, efficiunt: Nunc ad ea progressuri, quae diversam saponum originem atque formam concernunt, quot modis ipsi inter se diversi sint, dispiciamus. Indicavimus quidem in praeced. §. aliqua saponum discrimina, dum scilicet de *vero* ac *spurio*, obiter locuti sumus, haec tamen propterea necesse erat definitioni nostrae statim subnectere, siquidem de quavis massa, ad saponis indolem aliquantisper etiam accedente, et a medicis huc relata, simul agere apud animum constituimus. Ad originem saponum quod attinet, illi vel sola natura fiunt, nulla accedente, vel tamen exigua hominis industria, vel sola arte parantur \*). Qui deinde a natura producuntur, discrepant inter se secundum vulgo cognita tria naturae regna; illi vero, qui ingenio atque industriae artificis suam debent productionem, a se invicem suae compositionis rationibus recedunt; omnes tamen, tum naturales, tum artefacti sua diversi sunt consistentia: namque haec nunc solida, nunc fluida, nunc intermedia est. Porro hi saponem omnes non idem et quodvis semper pingue admiscunt aquae; nam alii agunt in omne oleosum, alii ad pinguedinem stricte sic dictam seu oleum animale, alii ad oleum vegetabile expressum, alii ad destillatum seu aethereum unice sua solvendi efficacia adstricti sunt. Postmodum et alia constituunt discrimina, saponibus vel saponaceis immixta, siquidem illa modo sunt acida, modo alcalina, modo iterum intermediae et peculiaris indolis \*\*). Sunt quoque saponem, qui nullum manifesto includunt sal, id quod ter-

\*) Saponem naturales ab artificialibus ubique distinguunt BOERHAAVE, van SWIETEN, de GORTER libr. et loc. cit.

\*\*) de GORTER l. c. Tract. LXXIX. 17.

rae, saponis vim habentes ostendunt, cum tamen caeteroquin plurimi saponēs de sale copioso participant. Quod ad pingue attinet, quod ad saponēs constituendos requiritur, illud iterum varia ratione differre solet, quandoquidem alii fiunt cum oleo animali, sevo scilicet atque axungia qualibet, alii vero de oleo vegetabili, eoque vel expresso, vel destillato, habent. Has vero omnes differentias nunc non secundum sua genera speciatim colligo, quippe de quibus inferius passim dicendi habebo occasionem, saponēs potius nunc enumeraturus, quatenus ex diversis naturae regnis progignuntur, vel in officinis parantur. In hoc autem perficiundo ad id unice animum habebo intentum, ut de saponibus solummodo dicam, qui in artis medicae cancellis considerari merentur, quamvis pauci forte sint excepti, qui suo modo nihil huc contribuere possint. Age itaque, incipiam in saponibus enarrandis naturalibus cum illis, qui animalibus et imprimis homini, aut secundum, aut praeter naturam, insunt, vel et inesse vulgo dicuntur, ad rationes tamen, cur varia concreta saponēs appellentur, quippe quas postea exponendas mihi reservo, hactenus non respiciens. Ad naturales et eos, qui animali insunt, primo loco ponenda est saliva, utpote quae inter primas causas est, quibus alimenta in nostram naturam convertenda afficiuntur, cui aliqua ratione accedunt albumen et vitellus ovi, quamvis in totum non sint eadem. Secundum dictas causas sequuntur liquor gastricus atque ille pancreaticus, fortasse et intestinorum, qui vero salivae non omnino dissimiles sunt. His liquidis vicina est bilis, cum illa hepatica, tum vero cystica, et ipse qui praecedentium effectus est, chylus. Praeterea haud excludendi sunt a saponis officio liquor articulorum et lympham nostra, atque serum sanguinis, nec non gelatina quaevis, quam partibus solidis per naturam inesse, novimus. Quemadmodum igitur hi liquores, tanquam causae ingesta mutantes, considerandi veniunt, ita quoque in homine sano occurrunt alii liquores, qui extra corporis pomoeria eliminantur, et tanquam priorum omnium soboles aestimandi sunt. Ast, si lac exceperis, vix habebis in homine sano aliquem excretum humorem, qui ad saponēs sua effi-

cacia accedat. Nam, quod urina sani hominis a quibusdam pro sapone habeatur, id quidem per experimenta mihi non constitit. Verum enim vero, cum nunc saponi in aegroto occurrentes ordine sequantur, in his eatenus locum urina habitura est, quatenus, illi aegrotorum saponi simile quid inesse, ex spuma, quam agit, copiosiori discimus. Minus tamen e contrario ambigere decet de aliis aegrotorum in corpore productis liquoribus saponaceis, quales sunt, pus, sanies et pituita. Ab animalium grege egressi vegetabilium familias pervagantes, magnum campum nobis patentem praevidemus, in quo multas inventuri sumus massas, quae haud exiguam cum saponibus vulgo cognitis habebunt affinitatem. Cum autem nullum corpus sapo dici mereatur, nisi in aqua dissolvi possit, omnia statim vegetabilium educta, quibus hic character deest, hoc ipso removemus. Hae vero massae statim, totae quantae, sine praegresso examine chymico, seu in partes, quibus constant, resolutione, per characteres superficiales ad sequentes loculos redigi possunt. *Primus* succos continet vegetabilium in pellucidam et friabilem massam condensatos, qui *Gummi* nomine veniunt, quibus, quamvis non solida, soluta tamen sub forma, confimiles sunt *mucilagines*, seu tenaciorem consistentiam nacti in aqua dispersi vegetabilium succi. *Alter* complectitur illos succos, qui tenaciores quidem et haud pellucidi, neque tamen omnino friabiles sunt, sed splendente adhuc superficie gaudent, et gummi inter atque resinam intermedii habentur, proptereaque *Gummiresinae* appellantur: In *tertio* comprehenduntur succi blandi, dulces, qui ex seminibus cum aqua tritis educti, lacti animali similem constituunt massam proptereaque, quasi de uberibus pressi seu emulsi essent, *emulsionum* nomine prostant. Hunc insequens *quartus* habet similes colore succos, sapore vero discrepantes, atque vel amaricantes, ex plantis lac lacrymantibus et semina papposa gerentibus promanantes, vel acres gustu, plantarum nempe lactescentium, fructu triccoco uti *tithymalorum*, aut pappo intra vaginam clauso, veluti *apocynorum*. *Ultimus* denique, idemque *amplissimus* recipit omnes vegetabilium partes, inprimis vero fructus,

quibus insunt succi dulces fermentationis capaces. Veluti vero hi omnes succi, secundum externos statim characteres, inter se multum discriminis habent, ita, si ad examen chymicum revocantur, in partibus formam constituentibus diversi similiter reperiuntur, idquod inferius, ubi sigillatim de saponibus congeneribus dicendum est, a nobis indicabitur. Hae sunt saponum animalium et vegetabilium differentiae. Quodsi nunc de mineralibus dicendum est, non adeo frequentia inveniemus naturalis saponis indicia, siquidem, praeter terras pingues et fontes soterios, nihil occurret, quod, saltem uti sapo, in medicina utilitatem aliquam hactenus cognitam habiturum esset. Sed officinae etiam chymicorum saponem, qui in illis perficiuntur, exhibebunt varios. Componuntur autem isti, nunc ex alcali fixo, additis, pinguedine animali vel oleis expressis, nunc ex alcali volatili atque oleo stillatitio, qui volatiles propterea nuncupantur; quibus fortassis plures adhuc aliae compositiones officinales addi possent, quales sunt *Liquor Cornu Cervi succinatus*, *Tinctura tartari*, *aliaque praeparata*. Quo mel referam, sane dubius haereo. Quatenus enim in florum nectariis jam existit, ad vegetabiles eosque naturales saponem pertinet; cum vero ab apibus in folliculos colligitur, inque suam demum formam redigitur, hoc respectu, non quidem pro animali, attamen arte facto sapone haberi posset. Quia autem principiorum, quae insunt succis vegetabilibus unde mel fit, nulla ab apibus inducta fuit mutatio, illisque sua natura manet, cumque, si ad originem respicias, mel vegetabilis sit prosapiae, ad dulces saponem pertinebit, quo mannam quoque et saccharum atque sapam refero.

#### §. IV.

##### *Uusus saponum in genere.*

In generalibus adhuc constituto opus mihi est utilitatem indicare eam, quam omnes saponem, secundum ea, quae semper et ubique illis competunt, et *essentialia* dicuntur, in corpus nostrum ingesti, nunquam non habituri sunt, quo norma aliqua existat, ad quam, tanquam ad praestabilitum gnomonem, singuli deinde examinari possint.



Saponis genuini effectum esse eum, quo oleum aquae jungatur, §. II. a nobis statuminatum fuit. Quamquam vero non omnis sapo quaecumvis olea in se recipit, illud tamen nihilominus constans est atque perpetuum, non solum per multas massas saponatas sibi associare qualiacunque pingua, verum et quodvis horum saponi suo appropriato exactius adjungi posse. Saponem igitur tantum non omnes in suam texturam adfiscunt quaevis olea morbida in corpore animali reperiunda, quae miscelam humorum non solum depravant \*), verum et diversas alias morborum causas occultant, hinc atrocia saepe symptomata excitant. Quodsi enim sapo vel solutus est, potulentorum atque inquilinorum humorum ope, vel in forma soluta aut fluida ingeritur, atque, sero nostro unitus, cum hoc per exiles viscerum canales perque varia corporis diverticula circumducitur, sibi, ubicunque oleum aliquod nudum inveniet, illud, propter affinitatem, adunabit, sicque sero per colatoria fluxuro junctum cum hoc trajicietur; quare etiam, dum fordida atque putrida olea, aliis rebus juncta, hinc tenacia reddita et vasa oppilantia, eluuntur saponibus, sub classe solventium et aperientium \*\*) illi inprimis hodie occurrunt. Inest quoque, si de artefactis praecipue loquimur, saponibus illis, qui de alcali aliquo, atque pinguedine vel et oleo quovis fixo participant, ea efficacia, ut fermentantes motus cohibere possint. Quapropter inter carminativa et flatus coercentia locum quoque habiturus est sapo. Possumus porro, ex oleo quodam et terra compacta corpora solida dura, saponum beneficio extra corpus nostrum liquare atque frustatim discerpere: Cum autem in homine varia reperiantur concreta lapidea, quae ex oleo aliquo atque terra sensim sensimque compacta sunt; cumque probabile valde sit, saponem adeo in nobis non mutari, ut non illis satis supersit virium, quibus, ad latibula horum concretorum subrepentes, eorum compagem delavant atque dilacerent; cum denique frequens experientia successum felicem medicamentorum saponatorum in diffringendo calculo renum et vesicae, cui forte dissolutio

\*) Vid. BOERH. Inst. Med. §. 765.

\*\*) GORTER l. c. Tr. LXXIX. et LXXXI.

calculi cystidis felleae adnumeranda esset, per longos abinde annos, exemplo Lithontriptici Anglicae foeminae nobilis STEPHENS \*) comprobaverit, saponibus in classe lithontripticorum locum haud ultimum concedere qui dubitet, existimo fore neminem. Inest porro id quoque saponibus, quod, in aqua soluti, lubricitatem egregiam conciliant corporibus super se movendis, tum in spissiori, tum in liquidiori forma, hinc, in intestinis, inter duras faeces atque sicca intestina constituti, non solum viam eorum lubricam reddunt, verum et, cum duriora et fere lapidea concreta solvendi facultate pollent, ipsa quoque scybala penetrandi efficacia multum valent, ut propterea inter lubricantia atque eccoprotica referri jure mereantur. Nihil nunc dico de utilitate, quam habere possunt, exterius corpori applicati, multivariam, neque de medica eorum virtute plenius et ex instituto agendum mihi nunc esse, censeo, utpote qui historiam potius saponum, quam eorum corpus nostrum afficiendi rationem pertractare apud me constitutum habeam. Quemadmodum vero haecenus dicta quibusvis fere saponibus, vel plurimis tamen, competunt: ita, e diverso, concreta sunt, quae ad peculiare saponem adstricta sunt, dum scilicet ad specialiore et expeditiore dissolutionem inque novum aggregatum aliquod combinationem requiruntur singularia salia, vel et olea, saponem una constituentia, prouti videmus, concreta, quae acidum oleo junctum habent, a saponibus alcalicis, et vicissim concreta alcalina ab acidis divelli atque destrui.

#### §. V.

##### *De saliva, ut sapone.*

Praemissis eis, quae de saponibus in universum praemonenda videbantur, secundum ordinem §. III. indicatum,

\*) Qui super hoc famoso remedio scripserunt atque inclaruerunt, omnes fere citantur a SPRINGSFELDO in nuper hic edita commentatione: De praerogativa thermarum carolinarum in dissolvendo calculo vesicae, prae aqua calcis vivae, quibus accedit libellus, qui Parisiis, anno 1740. 12. gallico idiomate ab anonymo, titulo: Recueil d'experiences et d'observations sur la pierre etc. prodiit, ubi sapo Alicantiacus primas semper tener.

in specialiori tractatione progressuri, deque praecipuis saponatis verba facturi, saliva chorum ducat: Hanc, vim oleosa aquosis committendi inque aequalem massam ea, quae sese alioquin repellunt, immutandi, habere, hinc jure quoque locum inter saponem animales postulare, cui, quid in ciborum masticatione conferat saliva, ex physiologicis cognitum est, inficias ibit nemo. Sumatur enim ore ossa pinguis, addatur illi aqua, agitetur massa in ore, moveatur simul maxilla inferior, quo copiosior exprimatur saliva, omnia isthaec ore contenta conquassentur, his continuatis per minutulum temporis intervallum exspuas ore contentam tuam ossam, invenies omnia aequabiliter mixta, albescentia, spumam multam agentia, haud aliter, ac si ipsum saponem vulgarem admiscuisses. Vellesne, haec perspicere, dubitare de saponis indole intra salivam praesente, ut, nisi illa per totum sapo sit, similis certe eidem sit quam maxime. Habere autem salivam omnes veri saponis characteres, statim apparebit ex sequentibus. Quamvis vero a priori, quod ajunt, non ubique determinare audeam saponis nativi in corpore animato, et speciatim in saliva, praesentiam, siquidem mixtio particularum diversarum, quibus saponem constant, in nostris humoribus evidenter omnino haud elucescit; id tamen de saliva, liquore per agitationem semper spumescente, saporis et odoris quidem experte, nihilominus tamen, si aliorum experimentis \*), circa ejusdem analysin institutis fides habenda est, sal atque oleum intime commixta habente, mihi persuasum habeo, atque ex modo adductis indiciis clare video, saponaceam ejus indolem vere esse, etiamsi effectus ejus omnino tales, quales sunt saponum, respicere nunc nollem. Ex multa enim spuma dilutioris alicuius succi, hinc ex salis oleique una existentis, et ex spuma concludendi, etiamsi haec adesse, nec sapore nec odore percipiantur, praesentia in aliqua massa, ad saponis naturam magna cum probabilitate conjectura institui potest. Namque nec sapo ille

\*) Conf. quae leguntur apud BAGLIVUM Dissert. II. De experimentis circa salivam ejusdemque naturam, usu et morbis p. 422. sqq. quae extat cum ejus Operibus; Nec non BOERHAAVIJ Praelect. Acad. ab HALLERO edit. Vol. I. p. 146. sqq.

oeconomicus, quem tanquam normam inprimis assumimus, minus sapo est, etiamsi neque alcali, neque pingue, sed insulsum fere sapore refert, imo tunc demum perfectus sapo dicitur, si, praeter multas diuque persistentes, postquam aqua dilutus fuit, spumas, nullum amplius saporem salinum gustantibus manifestat \*). Certiores longe de saponata salivae virtute reddimur ipso effectu, tanquam certissima saponis nota, dum videmus, salivam oleo atque aquae junctam utraque conjungere in aequabilem massam, colore et consistentia simillimam ei, quae, interventu ipsius saponis vulgaris, fit. Hac de re ut magis adhuc me convincerem, fumo salivae meae, jejuni, bene valentis juvenis, qualem BOERHAAVIUS \*\*) postulat, drachmam unam, huic addo olei amygdalarum dulcium recenter expressi guttas viginti, quibus probe in mortario agitatis affundo aquae *cisterninae* \*\*\*) unciam unam cum semisse, concutio haec in vitro cylindraceo, constituunt serosum et parum lactescentem liquorem, spumescentem, ubique sibi aequalem. Quieti haec committo per horas septem, retinent colorem et consistentiam, fere ut ab initio, parum tamen mucidi tenuioris innatat, exiguum vero ejusdem sed crassioris, a pituita forte remixta orti, fundum petit: Vitri parietibus adhaerent maculae paucae albiae, uti fit ab emulsione: Neque cum oleo tartari per deliquium, neque cum spiritu nitri, utrisque puris, copiosius affusis, effervesceat, vel quocunque modo mutatur: Alcohol vini parum solutionem coagulat; nullibi olei separati vel minimum vestigium invenio. Cum itaque video, oleum, me-

\*) Conf. BOERH. Elem. Chym. II. p. 257. sqq.

\*\*) In Praelect. cit. p. 142.

\*\*\*) Propterea in experimentis usus sum aqua cisternarum, seu ea, quae ope machinarum hydraulicarum et canalium ex flumine urbem praeterlabente, in domus derivatur, quia fontium nostrorum aqua impurior est, quam ob causam huic quoque illa a lotricibus et coquis apud nos praefertur. De aquis fontium Parisinorum conf. MAQUER l. c. et Frid. HOFFMANNUS Oper. Genevae 1740. fol. editor. Tom. V. De element. aquar. mineral. §. 32. p. 137. Tenendum itaque est, me, quoties aquam ad experimenta adhibitam nominabo, intelligere semper aquam cisternarum, vel eam, quae *pusealis* dici solet.

diante saliva statim uniri aquae, ita, ut multa spuma agatur, utque colorem mixtura recipiat lacteum, qualis est tenuioris emulsionis, neque vero, accedente mora, oleum ab aqua divellatur, nullum plane dubium mihi remanet, salivam esse saponem \*) haud mediocris efficaciae, quamvis, secundum aliorum experimenta, non adeo multum vel olei, vel salis, quod ad cognitum aliud sal analogum referri possit, in mixtione sua contineat. Quia enim, quod §. II. diximus, ex effectu magis, quam ex miscela, seu partium sub uno complexu conjunctione, saponem dijudicari oportet; hinc supervacaneum esse atque praejudicium sapere mihi videtur, si in quovis sapone determinatum non solum sal, sed et ejusdem certam quantitatem postulare vellemus. Qualis igitur indolis illud recentis salivae ex sano homine depromptae sal sit, meum nunc non est disquirere; interea tamen, ad acidam magis indolem illud accedere, propterea persuasum mihi habeo, quod non solum, corporibus fermentationis capacibus admixta, fermentationis actum confestim instituit \*\*), verum et ulcera sordida, utpote alcali aliquod in sinu suo semper occultantia, mundificat, ipsique mercurio facile adhaeret, neque per sui ipsius putredinem alcalinam induit naturam \*\*\*). Salivae, liquorem gastricum, pancreaticum, atque illum ex intestinorum villis destillantem, ipsamque lympham, consimiles esse, plurimi auctores consentiunt. Mihi sufficit, saponaceam illis inesse virtutem, quo huc referantur, ceterum de exacta similitudine non adeo sollicitus, cum tamen, ob analogiam, ad nullum alium liquorem commodius, quam ad praecedentem, referri possint. Hisce porro similis fortassis est chylus, nisi tamen, quod bile commixtus est, ex aliqua hinc parte recedit et cum lacte potius convenit.

\*) Conf. BAGLIU. l. c. p. 426.

\*\*) BOERHAAVE Prael. acad. ad §. 56. p. 144.

\*\*\*) BAGLIUS l. c. experimento cum putrida saliva instituto, et aliis inducitur ut credas, salivam continere in se sal nigrum salinum, universali soli analogum p. 428. Et paulo inferius, ubi, parum differre a sapore salis salivae sal nigrum, dixerat, crediderim itaque, pergit, salivam abundare sale nigro.

## §. VI.

*De albumine et vitello ovi, tanquam saponibus.*

Inter materias saponatas, quae in foro medico frequentius occurrunt, jure haud exiguo referri merentur ovi albumen atque vitellus. Quod autem salivae proxime adjungam ovi contenta, propterea adductus fui, quoniam albumen inprimis atque saliva eadem fere exhibent phaenomena, si quando cum aliis corporibus miscentur, aequae, quod ipse expertus sum, ac si, in retorta, ignis examini, sola, subjiciuntur, si quidem hac in re fide dignissimis viris fides habenda est. Sumo enim albuminis ovi drachmam unam, hancque contero in mortario cum olei amygdalarum dulcium guttulis duodecim, affundo aquae fescunciam, misceo, agito, fit liquidum inter feri et lactis colorem intermedium, spumofum, elewantur flocculi, qui mucum seu pelliculam innatantem constituunt, cremori lactis similem, subpinguem, nihil tamen olei separatur. Saepius deinde agito et quieti repono iterum, eadem semper recurrunt. Affundo alcohol circiter drachmam unam, extemplo plus albescunt invicem, cogitur scilicet albuminis particula, parum coaguli fundum petit, plus superficiei accedit, nihil iterum olei superesse sentio, quod in mixtionem intimam non fuerit admissum. Albumen quidem et vitellus diversissima esse videntur: quodsi vero ignis scrutinio explorantur, praeter olei copiam caeteroquin materia, seu principiis, fere eadem sunt. Plus tamen saponacei, posteriori inesse deprehendi, quandoquidem plus olei, idque expeditius, in sui consortium abripit, et maculas quoque pingues citius ex pannis, tritura cum aqua, delet, quam albumen, qua similitudine, hac in re, illi quoque saliva accedit. Similitudinem nimirum, licet non convenientiam habent albumen ovi atque saliva, dum utraque, destillatione peracta, in eductis examinantur. Utrobique igitur multum aquae insipidae, parum olei salisque, paucissimum terrae, inventa sunt \*). Plus vero, oleum, quod praelo

\*) Comparantur, quae BOERHAAVIUS El. Chym. Tom. II. proc. CXII. et Praelect. I. c. p. 146. cum utrisque instituit experimenta chymica.

elici statim potest, atque terra, in vitello abundant, sicuti ex altera parte aquae vis in illo parcius est. Massa enim reliqua vitelli, post olei expressionem, eadem continet principia, quae ovi albumen, auctore MAQUERO \*). Efficiunt vero ova, imprimis autem vitellus, ut diversae res erga unionem reluctantes in aequale liquidum cogantur, sicque, in sanis aequae ac aegrotis, tum ad nutriendum corpus, tum ad excretionem varias promovendas, apta redantur. Nullibi tamen majus commodum praestant, quam, ubi bilis defectus vel inertia accusatur; namque tunc saponis hujus naturalis inopiam non solum suppleant olea vitellis subacta, maxime si gummi ferulaceum accesserit, et bilem veluti artificialem sistunt, verum et acidum in primis viis stabulans, propter viscedinem, obvolvunt, atque, ob alcalinum una absconditum, obtundunt. Quanti deinde usus sint albumen atque vitellus in officinis pharmaceuticis ad recludendas atque subigendas varias massas, nemo ignorat, qui modo aliquoties medicamentorum praeparationem mixtionemque attento oculo inspexit animoque sibi impressit.

## §. VII.

### *De bile, quousque sapo dici possit.*

Ea est erga viros magni nominis penes me reverentia, tantaque opinionum ab his receptarum existimatio, ut vix, etiamsi autopsia ipsa aliud fortasse me edocuisset, mente conceptas, eorum auctoritate, ideas deferere, oppositamque sententiam amplecti valeam. Etiamsi ergo de bilis saponata indole persuasus essem, Magni BOERHAAVII \*\*) et Illustris HALLERI \*\*\*), auctoritate, ut illud crederem, inductus, et propterea experimentis, tanquam super re extra omnem dubitationis aleam posita, cum bile instituentis opus forte haud fuisset; Attamen, nescio qua luxuriante, uti mihi videbatur, curiositate adactus, misceo bilis

\*) l. c. Part. II. Sect. III. c. 2. proc. 5. eadem principia albumen et vitellum continere affirmat, quamvis forma caeteroquin discrepent.

\*\*) Instit. Med. §. 99. et Praelest. ad hunc locum Tom. I. p. 357.

\*\*\*) Primae lineae Physiologiae §. 693.

recentis ex tauro recens mactato desumtae semunciam cum olei amygdalarum dulcium guttis viginti, hisque antea bene agitatis affundo sensim, affatim conquassans mixta, aquae frigidae fescunciam. Repono haec temperato loco horas octo; sed oleum mixturae, eodem fere modo, uti, post conquassationem, purae aquae innatat: Color bilis dilutior factus ab aqua affusa, caeterum non mutatus est. Non desperabam, oleum cum bile et aqua in unam eandemque mixturam redigi posse, si alcalicum adiecissem liquidum. Igitur drachmis mixtionis tribus affundo olei tartari per se liquati drachmam unam, agito haec, color evadit viridis, nullum adest effervescentiae vestigium, oleum innatat, uti antea. Simili portioni mixtionis instillo sensim spiritus salis ammoniaci drachmam unam, nullus existit feruor, tinctura fit viridis, graminei coloris, agitata valde spumescens; spuma post quindecim horas adhuc adest bene multa, oleum evanuit; denuo olei pressi guttas quinque instillo, quae, post levem concussionem, a praecedente tinctura ocyssime absorbentur. Commisceo deinde cum mixtura sensim spiritus nitri drachmam unam ad duas, nullus motus fit, praeter illum, qui oritur, si aquae additur acidum aliquod minerale, omnia mutantur in tincturam rutilantem, quae post aliquot horas fit luteola, talisque manet post horas quindecim, oleum vero itidem, uti in mixtione cum alcali fixo, innatat. Similiter affundo quoque bili cum aqua et oleo combinatae acetum destillatum; color fit manetque viridis, obscurior paulo, quam ille cum oleo tartari, clarior, quam alter cum spiritu salis ammoniaci \*), oleum non subigitur. Confundo dein mixturam, cui inest spiritus nitri cum altera illa ex oleo tartari participante, effervescunt egregie, oleum tamen post motum adhuc elevatur. Pergo experiri conditiones illas, sub quibus bilis oleum aquae jungere possit, et bilis bovinae ac salis culinaris, singulorum drachmam unam, olei amygdalini guttas viginti, aquae vero uncias duas indo vitro cylindrico, agito manu, statim fit perfecte aequalis mixtura, emulsioni ex lacteo viridescenti analogae, quae post

\*) Conf. BAGLIV. l. c. Diff. III. de experimentis circa bilem, p. 436. sqq.



horas duas, praeter cuticulae variegatae parvas areolas, vix quidquam, quod superficiei innataret, ostendit, olei vero nullum vestigium ulterius habet. Bilis praedictae drachmam unam et olei terebinthinae semidrachmam confundo, oleum subigitur, superaddo aquae frigidae unciam unam, invicem mixta concutio, quae egregie spumescunt, mixtura fit obscura, viridefcens, nihil olei apparet in superficie. Disquiro, num bilis cum pinguedine animali sese uniat, hinc axungiae canis, quae proxime ad manus erat, scrupulum unum cum bilis taurinae ad dimidium inspissatae drachma una in mortario agito; misceri videntur: affundo aquae fescunciam, stant horas duas, mixtura emulsioni viridescenti similis facta est, hinc de pinguedine aliquid excepsisse videtur, plurimum tamen axungiae forma squamularum albarum vitro adhaeret et solutionis superficiei innatat. Quae igitur ex meis experimentis colligi possunt, sequentia sunt: Bilis sola oleum expressum aquae non committit: Non apparet, ad cuiusnam salis indolem accedat bilis, quia neque cum alcali neque cum acido effervescebat; cumque eadem, bilis aqua dilutae, portio a spiritu nitri, rufum, deinde luteum, ab aceto vero destillato, viridem induit colorem; hinc diversa isthaec coloris mutatio neque ab acido neque ab alcali quodam in bile abscondito progigni videtur: Bilis cum sale culinari conjuncta solvit omnino oleum: solvit quoque sola facillime oleum aethereum in aqua: De pinguedine animali particulam solvit, quod color emulctum referens comprobatur: Omnium denique expeditissime oleum, et fortassis pingua quaevis miscet aquae, si spiritus salis ammoniaci accedat: Per se igitur, quodsi tamen homini aliisque animalibus eadem bilis miscela atque virtus est, fel non miscet oleum aquae, neque etiam per longum motum mechanicum et temperatum teporem mixtio mihi successit; attamen, cum bilis non agat per se et sola in ingestam aquam atque oleum, sed simul varia alimenta accedant, oris quoque, faucium, oesophagi, ventriculi, pancreatis et intestinorum liquores saponis aemuli interveniant; cumque haec omnia committantur in loco non solum calido, sed et continuo mobili; omnem omnino oleum aquae committendi vim bili de-

negare, hincque illi nihil, quod una conferat, relinquere velle, nimis forte durum in bonam bilem, ejusque virtutis saponatae optimos patronos, esset. Accedit, quod omnibus fere nostris cibis vescimur, sale marino conditis, multum quoque de vegetabilibus, ad fermentationem pronis, hinc oleum attenuatum in se continentibus una assumimus, vel denique, de animalibus, in ammoniacalem indolem vergentibus, haud pauca comedimus, quae omnia suo modo bilis efficaciam olea miscendi adjuvare possunt. Quodsi igitur bovinum fel, quod mihi in experimento fuit, non alius prorsus fuit indolis, quam illud BOERHAAVII et HALLERI, vel ego deceptus sum, vel hi summi viri non instituere experimenta a me visa, vel denique, ne quis de fide sua periclitetur, diversae hae experientiae ita comparari possunt, quod illi viri celeberrimi, in sensu physiologico, facta nimirum ad corpus humanum et ad motus in illo semper vegetos, facta etiam ad liquores concurrentes relatione, de bilis saponata virtute locuti solummodo sint, qua in re illis, quorum scilicet eruditissimis pariter ac utilissimis scriptis qualiscunque meae doctrinae magnam partem venerabundus debeo, facile subscribo; ego vero experimenta extra corpus instituerim, atque ad sensum mere chymicum eadem revocaverim.

#### §. VIII.

##### *De gelatinae saponacea indole.*

Ad aliam nunc progredior massam, quae saponis characterem exactius nobis sistit, et coquendo cum aqua, ex durioribus et tenacioribus inprimis animalium partibus, ossibus scilicet, tendinibus atque membranis, elici potest, cui nomen est gelatinae. Quamvis vero haec, nisi aliquid artis, coctio nimirum, accedat, nuda et simplex in corpore haud occurrat, ut cum ea, veluti in humoribus, vel in cavis nostris reperitur, experimenta institui nequeant; nihil tamen secius ad naturae producta, et ad liquores spontaneos gelatina propterea referenda esse mihi visa est, quoniam similia omnino illi liquida varia in corpore passim offenduntur. Namque eidem non omnino dissimilis est unguinosus ille liquor articulorum, qui gelatinam exacte

refert, atque non aliter, ac illa, per calorem concrevit, estque lymp̃ha propter moram, accedente calore, inspissata, ut propterea, quae cum gelatinis instituuntur experimenta, ad liquorem HAVERSIANUM, experiundi causa, an sapo sint, referri valeant; quare, cum gelatina diaetetica quoque et therapeutica utilitatem praestet multumque intersit, scire, an et quomodo, uti sapo, illa in corpore agat, hoc etiam respectu disquisitionem ejus suscepi. Sumo igitur, siquidem non interest, undenam excoquatur, gelatinam ichthyocollae saturatam, atque hujus drachmis duabus in mortario, cum undecim guttis olei amygdalini subactis, unde jam magma tenax nascebatur, aquae uncias duas affundo. Concussa haec stant horas septem, gelatina tunc ultra dimidium soluta est in aqua, quae tenuis emulsionis lacteum colorem refert, reliquum gelatinae fundo tenaciter adhaeret, ne globulus quidem olei superficiem petit. Addo solutionis portioni oleum tartari, ichthyocolla coagulatur, aqua fit limpidissima, quod idem fit ab alcohol; instillo aliis portiunculis figillatim spiritum nitri acetum destillatum et spiritum salis ammoniaci, nihil mutatur. Committo alcalinam et acidam mixturam, effervescent, caeteroquin, uti in prioribus omnibus, ne guttula quidem olei libera redditur. Gelatinae analogum esse articulorum liquorem, superius pronunciavi; hujus itaque ex vitulo desumpti drachmam unam cum olei amygdalarum guttis decem et aquae uncia una similiter conjungo: oleum solvi videtur, post moram vero horae unius elevatum est sub forma mucii; quo saepius deinde haec agito, eo plus mutantur in emulsionis seu mucilaginis similem massam cum diminutione mucii praedicti, hinc olei, quod vero ex toto non dissolvitur. Quamquam vero hic non omne in se recipit oleum, nihilominus tamen, cum gelatina, quae mihi in experimento fuit, et articulorum liquor, animalis sint originis, cumque uterque liquor spissus, licet non omnino aequaliter, oleum tamen dissolvat, sibi similes hos liquores, et saponatos esse, pronunciare haud dubito; quae similitudo magis adhuc apparebit, quodsi ad principia, utrisque communia, respiciamus, nisi tamen tenacitas, quae in gelatina praevalet, aliquod discrimen constituat. Quid-

quid vero etiam discriminis sit, illud sane nunc non curo, dum de gelatina prae caeteris loquor, cujus videlicet multiplex est usurpatio in re medica, tum ad acrimoniam obvolendam, tum vero ad superficies aridas inungendas \*), particulas vero olei morbosae abundantes aquae miscibiles reddendas, easdemque hoc modo de corpore propellendas.

## §. IX.

*De lacte, ut sapone.*

Quamquam lac diversissime variare potest, quatenus scilicet illud ex alio itemque alio, diverso victu utente, saginato vel macro animante, desumitur, vel quoque, prouti nunc emulsum est, aut in partes, quibus constat, suas jam discessit; hae tamen diversitates me nunc non movent, siquidem ipsam rem ex parte, non vero ex toto, variant. Quoniam igitur in lacte nihil constans, idcirco etiam perinde est, quonam lacte utar; eligo igitur lac bubulum, pingue adhuc, cujus scilicet butyraceae, caseosae et serosae partes nondum discessere. Hujus semunciae combino olei amygdalarum guttas viginti, insuperque affundo aquae fescunciam; haecque dum invicem agito, oleum absorbetur, cujus etiam nullum, post octo horas, globulum separatum invenio: Oleum tartari neque colorem aut consistentiam post horae spatium mutat, neque etiam quidquam se jungit. Cum aceto destillato eadem eveniunt. Ast spiritus nitri mixturam aequaliter rubentem reddit, flos autem seu cremor lactis elevatur. Alcohol affusum flocculos confestim exhibet coagulatos, dumque denuo haec multa aqua diluo, in superficie globuli oleosi apparent. Cum mixturam illam ex lacte et oleo tartari factam, alteri illi cum spiritu nitri elaboratae miscerem, en coagulum, quod spumae albae forma obducit superficiem, neque tamen oleum amygdalarum separatim existit. Ex hisce igitur phoenomenis apparet, lac, quod ex acido vegetabili atque oleo vegetabili pariter atque animali conflatum est, sicque compositionis ratione jam saponem constituit, in oleum expressum agere, uti sapo, dum nimirum illud

\*) GORTER l. c. Tr. LXVI. §. 6.

aquae admiscet. Videtur vero prae ceteris caseosa pars lactis, quae tanquam mucilago butyro atque sero intergesta in lacte est, saponis naturam habere, dum illud huic adnectit, siquidem, quamprimum lac coire, id est, caseosa pars condensari, incipit, statim et butyrum a sero dimittitur, huicque innatat. Lacti animalis ejusdem quoque chylus fortasse similis est, utpote cui idem non solum color inest, verum et naturalis affinitas, siquidem lactis proventus, propter celerem ejus, post pastum et meracum potum, restaurationem, chylo novello recte omnino tribuitur. Quod autem ad ipsum lac attinet, illud, tanquam sapo acescens, oleum acro corpori cuidam inhaerens eluere, atque, propter admixtam aciditatem, putredinem quoque coercere, in sano vero homine pinguium subactionem et digestionem promovere, valet.

## §. X.

*De urina, in quantum saponibus accedit.*

Dubius quidem aliquandiu haesi, num urinae inter saponem locum aliquem concedere debeam, nec ne? Namque, tum apud veteres, tum quoque apud recentiores, urinae abstergentem, hinc saponaceam virtutem, adscriptam, vel et saponati quid in ea contentum esse, passim lego: siquidem, quod *priores* concernit, ad togas a sordibus repurgandas saponis loco a fullonibus adhibitam esse urinam \*), idquod adhuc dum non penitus exolevit, ex iis scimus, quae, de hac arte, a majoribus nostris tradita, ad nostra tempora pervenerunt, quaeque RAMAZZINI, Patavinus olim Professor \*\*), magno studio collegit: a *nostris vero saeculi medicis* itidem, urinae saponaceum aliquod, secundum etiam naturam, inesse, nihil minus assumitur, id

\*) Urina *losium* quoque dicitur, quasi a *lavando* vel *diluendo*, quia hac sordes non solum e vestibus eluebantur a fullonibus, verum et in abluendo corporis squalore veteres uti esse videntur, idquod mihi, dum M. PORC. CATONEM: De re rustica, evolvo, probabile valde apparet: Ibi enim Cap. CLVII. sic lego; *Loptium conservato ejus, qui brassicam esuravit, id calfacto, eo bomitem demixto, cito sanum faciet, hac cura, expertum hoc est. Item pueros pusillos, si laues eo losio, nunquam debiles fiunt.*

\*\*) l. c. cap. XV. de morbis fullonum.

quod vel ipse BOERHAAVIUS \*) statuit, quem deinde alii sunt secuti, vix minoris auctoritatis viri, quorum fidei propterea nihil decedit, quodsi experimentis meis cum urina recenti hominis sani institutis, illi perparum saponis forte inesse, vel, si etiam aliqua ejus copia insit, illam, in relatione ad singulare aliquod pingue accessorium, temporariam saltem esse, deprehensum fuit. Addo urinae sani, jeiuni, robusti, laboriosi hominis unciae uni olei amygdalarum guttas decem, agito frequenter, nihil omnino neque color urinae mutatur, neque olei miscetur, quod omne innatat. Inspisso deinde ejusdem hominis urinam ad mellis consistentiam, atque hujus drachmis duabus olei amygdalarum guttas decem addo, haecque invicem diu pistillo intra mortarium agito, nihil de oleo disparet. Afundo his aquae uncias duas, in vitro invicem agito, parva interjecta mora oleum; neque consistentia, neque colore mutatum, iterum innatat, fundum vero sedimentum furfuraceum petit, cui tamen olei vix quidquam adhaerere videtur. Quanquam autem ex his experimentis saponatum aliquod in sana, nec *potus*, sed *coctionis*, urina contineri, nondum apparet, fortassis tamen, ex aliis rationibus convicti, saponaceam indolem summi viri de urina praedicavere: urina enim, pro diversitate victus, miris differentiis ludit. Sit vero etiam, urinam sanam nullo respectu ad saponem referri posse; nihilo tamen secius aegrotorum aliqua forte urinae species jure suo in horum classe locum obtinebit. Talis est illa urina spumescens, multasque, agitata, bullas agens, atrophicorum vel similibus morbis adfectorum. Videtur enim haec, propter saponaceam tenacitatem \*\*), in spumam formari, eadem ratione, qua sapo aqua solutus atque bacillo agitatus spumam multam intuentibus offert. Quodsi etiam, urinae sani hominis recenti saponaceam inesse materiam concedere nolumus, ean-

\*) Instit. §. 377. *Sal nativus urinae saponaceus*: et Praelect. ad hunc locum Vol. III. p. 293. sqq. Deinde Elem. Chym. Tom. II. Proc. XCII. p. 304. *lotium spirituosum, salinum, saponaceum contrinet de sanguine.*

\*\*) Conf. de GORTER. l. c. Traß. XXXVI. §. 30. *Bullae, quae ex levi urinae conquassatione excitantur, et diutissime persistunt, indicant urinam nimis saponaceam esse.*

dem tamen, putredini commissam, saponem prodere, qui neget, invenietur nemo. Fullones, urina, prius putrefacta, ad lanificia purganda, usos quondam fuisse, atque id demum officii ab urinis tunc praestari, cum in putredinem abierint, compertum est; qua de re BOERHAAVIUS \*) nos certiores reddit. Facile etiam perspicio, et hoc semper tenendum est, experimenta cum humoribus extra corpus positis instituta, illorum indolem in corpore vivo aliqua quidem ex parte, et non sufficienter, declarare eamque, non simplicem, sed ubivis mixtam et subinde mutatam, aliter sese habere intus, quam extra corpus esse conspicitur; oleum in sanguine nostro non amplius erit illud, quod deglutitum, vel de ipsa animalis pinguedine exsolutum et absorptum ante fuit, hinc, quatenus jam commutatum est, solvi quoque poterit a menstruo, cui antea et priusquam mixtionem cum reliquis succis nostris subivit, in totum reluctari deprehendebatur. His igitur perpensis, urina nostra sana recensque sapo dici nihilominus poterit, si ad olea, qualia in machina animali, sub perpetuo humorum motu, sunt et esse possunt, respicias, quamvis, extra corpus nulum omnino pingue ab eadem solui intelligas. Nisi vero et hoc largiri aliquis urinae vellet, quod sit sapo explicitus; id tamen forte concedet, eam saponem implicitum et vehiculum aliquod saponis esse, si modo ad animum revocare placeat, urinae inesse ea, quae ad saponem constituendum requiruntur. Quid enim, praeter alcali et oleum, ad saponem efficiendum, amplius necessario concurrere debeat, fane nescio; at, haec principia ex urina, sat notabili quantitate, educi posse, nemo negabit \*\*).

\*) Tom. II. proc. XCIV. p. 310. de urina inspissata loquens, si, inquit, *ad detergendum a fullonibus et lanam depuransibus adbibetur, non depurat, nec deterget; vim ideo lixiviosam saponaceam non habet, quam tamen putrescendo quam optimam acquirit.* Quum igitur urina ad usum a fullonibus olim diu in vasis asservanda esset, unde haec gravem et rancidum odorem contrahebant, inde quoque facile intelliguntur MARTIALIS, quae l. VI. Epigr. 93. extant, verba:

- - - fullonis avari  
Testa vetus, media sed modo fracta via.

\*\*) Conf. BOERH. El. Chym. Tom. II. proc. XLV. p. 311. sq.

## §. XI.

*De pure, sanie et pituita, num saponibus adnumeranda sint?*

Postquam de iis a me haecenus dictum est saponum speciebus, quae sano homini, vel soli et semper, vel simul et quandoque, competunt, nunc ad eas progredior, quae in aegroto solummodo corpore inveniuntur. Hoc igitur sensu urina illa spumosa, de qua sub praecedente §. actum est, huc pertinet. Est quoque saliva aliqua aegrota, sub ptyalismis, aut si quando per febrem spissescit, aut bile tincta, aut scorbuti labe infecta est, sed itidem de ea peculiariter hic agere animus non est, quia saponacea indoles, quae sanorum salivae inest, sub certis mutationibus, aegrotae non minus inerit; qua de causa de humoribus illis, qui praeter naturam corpori tantum insunt, uti saponaceis, quales sunt *pus*, *sanies* et *pituita*, mihi pauca quaedam monenda esse intelligo. Puri inesse saponis principia, adspectus aequae et tactus\*) docent, et ipsa ejus origo, etiamsi alia experimenta deessent, istud comprobant. Namque animale oleum suppuratione solutum, et sal acre inibi contentum, putridum, hinc alcalinum, etiamsi illud ex blando pure per febrem cocto clare non perspicias, sese, temporis progressu, haud obscure explicant, cum vetustas accessit et ulcus factum est. Sed et recens pus saponis absoluti naturam non obscure ostendit. Puris ex abscessu maturo, mox aperto, desumpti, cum sanguine vero parum remixti scrupulos duos, misceo cum olei amygdalarum guttis decem; agito, miscentur: addo aquae semunciam, referunt, per horae quadrantem, aequalem, ex albido parum luteolum, ad loturam tamen carnis accedentem quoque colorem, quo tempore elapso, pus album fundum hac ratione petit, ut non tenaciter adhaereat, sed suspensum veluti et laxè cohaerens fluctuet, plus tertia parte totius massae constituens, ab oleo sibi adhaerente levius redditum. Aqua sedimentum hoc inundans colore pallide luteolo ita tincta est, ut simul ad loturam carnis accedat, sitque spissiuscula, minime pellucida, cui ipsi in cylindro lagenulae

\*) *Liquorem unctuosum* pus appellat Gerard. van SWIETEN Comment. in BOERHAAVE Aphor. Tom. I. ad §. 158. p. 230.



vitreae innatat spuma oleosa, neque sincerum oleum ulterius dicenda, neque tamen aquae miscibilis, quippe quae viscedinem oleo tenaciorem adhuc refert. Spumae hujus quantitas, maximam quidem partem, oleum additum exaequat; sed sincerum porro haud est, aut puris atque aquae particula remixtum, id quod, praeter tenacitatem, bullulae intergestae atque pallidus color confirmant, unde, olei portionem a pure susceptam et aquae adjunctam esse, concludo. Sufficit enim, massam aliquam saponaceam esse, quod si illa olei compagem invertere et eandem aquae miscibilem, etiamsi saltem ex parte, reddere valet. Sanies, cujus species *ιχθῆρ* est, *pure et sanguine tenuior*, atque *ex malo ulcere exire*, CELSO \*) dicitur; Haec, quamquam forma a pure multum recedit, materia tamen sua non adeo ab hoc discrepat, nisi in loco oriatur, qui puri laudabili spisso gignendo ineptus est, et quod cohaesio inter moleculas rarior est et laxior, id quod, quo minus sapo dici possit, nihil impedit: Namque similis quoque efficaciae, respectu saponaceae suae virtutis, cum pure, esse mihi videtur ichor, uti et illa saniei species, quae *μελίηρα* CELSO \*\*) dicitur. Ad pituitam denique quod attinet, quae ab isto muco sani in eo discrepat, quod illa semper sit morbosa, hic vero a sero in cavo quodam collecto, et ab aeris afflatu inspissato proveniat; ea, dum drachmae dimidiae hujus ex naribus gravedinosieductae tres guttas olei et sefcunciam aquae addo, oleum aquae committere penitus quidem non videtur, et bullulae pingues spumae hujus mixtionis pituitosae distinctae inhaerent, ex lactescente tamen alba solutione, simulque valde spumescente saponis aliquod vestigium illi inesse hariolari aliquis posset.

## §. XII.

### *De gummi et mucilagine, ut saponibus.*

A priori saponum naturalium classe ad alteram illam nunc progressuri, deque saponibus in regno vegetabili naturae beneficio reperiundis acturi, incipiamus de iis sapo-

\*) Aur. (Corn. CELSUS de medicina Lib. V. c. 26. n. 20.

\*\*) IBID. *Μελίηρα* crassior est, glutinosior et subalbida, mellique albo similis.

natis fuccis agere, qui purissimi, intuitu reliquorum, inveniuntur. Hos vero esse *gummi* et hisce similes *mucilagines* \*), quilibet mihi concedet, qui pelluciditatem utriusque intuitus unquam fuit. Quodsi in *gummi* et *mucilaginis* principia inquirimus, has massas, praeter aqueas, oleas et acidas, terreis multis et paucis alcalinis particulis conflatas, hinc saponis requisita principia in illis abscondita esse, reperiemus \*\*). Mucilaginis spissiusculae seminum cydoniorum, quae prius pellucida erat, et, agitata, praeter bullulas aereas nihil albi continebat, drachmis duabus olei amygdalarum guttas viginti in mortario jungo, oleum brevi evanescit; affundo aquae fescunciam, agitata invicem horas octo quiescere sino: Solutio tenuem emulsionem aequat, cui olei guttae circiter quatuor vel quinque innatant vix mutatae, in minores solummodo globulos divisae. Oleum tartari nihil mutat, neque quidquam divellit. Alcohol drachma una solutionis drachmis tribus affusa mucilaginem cogit, et fundum versus demittit, oleum vero a vinculo soluit et sursum elevat: Acetum destillatum similem fere effectum exserit. Dein etiam pulveris *gummi Arabici* drachmam unam cum olei amygdalarum guttis viginti contero in mortario, affundo his aquae uncias duas, praeter fordes *gummi* adhaerentes omnia solvuntur consciscuntque diluti cum aqua lactis colorem, cui nihil olei innatare video. Oleum tartari, ut et spiritus nitri, nihil mutant. Infundo dimidium acidae solutionis illi, quae per alcali facta erat; obscurus feruor oritur, qui insignior est, cumque multa spuma conjunctus, dum sic combinatas solutiones acidae reaffundo: nullibi tamen oleum liberum redditur. Solutioni *gummi* cum oleo per aquam factae affundo alcohol; oleum, sub suo colore naturali, in forma cuticulae seu areolarum libertati redditum, summo vasis loco sistitur. Eandem solutionem sine alcohol diluo multa aqua recens affusa; dilutior fit lacteus color, nihil amplius mutatur vel segregatur. Quae igitur perspicuius, de saponis natura in *gummi* praesente, quis est qui dubitet, vel ambigat, *gummi* nativum saponem esse, quandoquidem in

\*) MAQUER l. c. Part. II. Sect. II. Cap. 8. proc. 6.

\*\*) IDEM, ibid.

gummosis omnibus oleum fixum cum acido vegetabili conjunctum est? sufficit enim aliquod concretum saponem dici, cum sal aliquod, acidumne an alcalicum, oleo junctum fuit. Hinc varios succos arborum, qui earundem gummi, sub forma fluida, dici possunt, huc refero: Tales sunt illi *betulae, vitis, juglandis*, alique, qui ut saponati ad solvendo impuros humores, eosque ad excretiones, maxime cutaneam, aptos reddendos, itidemque ad varias cutis maculas extergendas, in usum trahi, et a medicis suaderi solent \*).

### §. XIII.

#### *De gummirefinis, tanquam saponibus.*

Facilius adhuc, quam modo descripta saponacea, oleum cum aqua conjungunt illi plantarum succi, qui in massas tenaces concreti plantis fernalaceis, ex classe umbelliferarum, suam debent originem, et praeter acidum vegetabile et paucum oleum fixum, quod gummosis particulis inest, multum olei aetherei in sinu suo continent. Partes enim gummosae, quae istis insunt massis, ad normam omnium gummi, ex oleo fixo paucio, sale vegetabili, terra atque aqua intimius conjunctis, conflatae, atque illae sunt, quae sola aqua solvuntur: refinosae vero partes, quae his similiter insunt, et quae spirituosius obtemperant menstruis, simul tamen ex parte aquae etiam, mediantibus gummosis, junguntur \*\*), magis de oleo aethereo, atque de altero illo ponderoso, quod ignis vehementiori tortura sub specie empyreumatici prodit, participant, in quorum principiorum singulorum quantitatem curiosius inquirere, meum nunc non est, dummodo, ad saponem constituendum, requisitas particulas, sal scilicet atque oleum quodcunque demum inesse, evicero. Etiam si autem haec, tan-

\*) Vid. de GORTER l. c. Tract. XXXVIII. §. 38. Commodissimum etiam locum *olera* hic inveniunt suum, quae ad saponacea a quibusdam referuntur. Vid. IDEM. Tr. LXXVIII. 17: *Pro saponem neutro, Olera possunt sumi, quae succo saponaceo nitroso refrigerante, et solvente, cum multo humore diluente, constant.* Conf. IDEM Tract. LXXXI. 23.

\*\*) MAQUER loco proxime allegato.

quam per experimentorum frequentiam saepius comprobata, nemo negaturus facile sit, attamen, qua ratione gummirelinae istae sese habeant ad oleum atque aquam, ostendendum mihi est. Rei exemplum gummi Ammoniacum exhibeat, cujus unam drachmam cum olei amygdalini guttis viginti in mortario contero, hisque deinde duas uncias aquae affundo, quae cuncta simul constituunt mixturam aequalem, vere lacteam; de sordibus parum fundum petit; nullum olei superest vestigium. Post septem horas eadem manent. Cum multa aqua solutum diluo; feri consistentiam haec mixta recipiunt, quae, dum agito, ut saponis solutio, spumas agunt, sordesque manuum abstergunt. Alcohol affusum diluit quidem, sed nihil mutavit post semihorium; idem effectus est olei tartari. Ubique nihil omnino amplius fundum petit, nec oleum liberatur. Eadem fieri oportet in reliquis gummirelinis; atque illae analogum quoque exhibebunt effectum; quarum singularum phaenomena speciatim recensere velle, longum nunc, nimis foret.

#### §. XIV.

*De seminibus lactescentibus, quatenus saponaceum continent.*

In officinis ex variarum nucum nucleis exque seminibus, maxime, pulpam albam habentibus, ope triturae cum aqua, elici succum lacti similem, quis est, qui ignoret? Hunc vero succum ex oleo fixo, mucilagine et acido vegetabili, aqua dilutis, constare, iterum facile convincimur. Oleum enim inesse isti succo, *emulsi* dicto, ex hoc edocemur, quod furfures amygdalarum oleo suo per pressionem orbi parum nobis offerunt lactei istius liquoris: acidi vero praesentiam vel sola, horis paucis a praeparatione interpositis, emulsi acescentia et mixtionis conturbatio, abunde comprobant. Illud denique, quod modo recensita principia in unum liquorem conjungit, dubio procul est ista mucilago, quae acidum succum vegetabilem in sinu suo continet. Ex omnibus seminibus, quae oleum pressu nobis exhibent, emulsionem elici posse, Cl. MAQUER auctor est, et una eademque opera atque encheiresi ex semine lini et nucleis amygdalarum emulgeri liquorem album, lactei

coloris, ipse expertus affirmo, quamquam lini semen, sine tritura, aqua infusum, ad modum cydoniorum feminis, mucilaginem magis exhibet, quam emulctum. Licet vero in lino eadem, quae in aliis seminibus pinguibus, adsint, ad emulctum constituendum, requisita principia, aliqua tamen est diversitas, siquidem salinum illud principium vegetabile in amygdalis aliisque lactescentibus seminibus gummosae magis rei, illud autem, quod in lino est, mucilagini magis involuitur, unde hujus oleum et ponderosius et crassius est, quam alterum illud amygdalarum dulcium; hinc emulsio lini seminum tenax ac obscure albi coloris est, ut emulctum vel res lacti similis dici vix possit. Sunt autem praeterea adhuc semina bene multa, quae oleo quidem scatent copioso, neque tamen emulctum suppetunt, ideo, quod nec gummi nec mucilaginis quidquam, quod tamen ad emulctum requiritur, in mixtionem admittunt. Quae igitur semina oleum aliquod aethereum, sive aromaticum, uti *cumini*, *foeniculi*, *apii* semina, sive acre volatile, quale habent semina *fnapi*, *nasturtii*, in sinu fovent, ad emulgendum, quamvis mucilagine non careant, prorsus inepta reperiuntur. Quaecunque vero emulctum aliquod, tritu cum aqua, largiuntur, ea non ita quidem oleum suum firmiter aquae adjungunt, ut non aliqua ex parte illud solvi suumque deferere vinculum possit, uti videmus, quodsi emulcta aliquandiu quiescunt; tunc enim oleum, sub forma lactis pinguis sive cremoris, cum mucilagine seminis conjunctum vasis partem superiorem occupat; licet et ille cremor aqua penitus haud destituatur. Igitur in emulcto quovis conjuncta sunt oleum atque aqua sub lactis specie, cujus utriusque vinculum sistit mucilago, ipsa pro saponem jam habenda, veluti supra, §. XII. ostensum comprobatumque fuit, mucilaginem et gummi, quod saponem sint, exinde cognosci, cum oleum et aquam in unum schema conjungunt; veluti in reiteratis experimentis, ubi mucilaginis seminum lini unciae uni drachmas duas olei lini admiscui, evidenter observavi, vidique, sensim, uti oleum mucilagini arctius jungeretur, colorem quoque mucilaginis ex viridi luteum in album et gryseum transivisse. Verum, tantum olei *fixi* in se non continent

emulsiões, ut non novum oleum pressum in se recipere porro possint; namque si amygdalinae de novo addimus oleum, hoc cum illa conjungi videmus; quod dum conspicio, dubium sane oritur, num toti emulcto, an vero parti solummodo ejusdem, mucilagini scilicet saepius dictae, hunc effectum adscribere debeamus. Namque, semina mucilaginosa trita similiter oleum in se recipere, video. Cum igitur perspicerem emulsiõis amygdalinae saturatio-  
ris unciae uni admisceri adhuc posse multum olei, siquidem guttae quadraginta olei amygdalini de novo additae; ultra dimidium, conquassando, subigi potuerunt; mucilagini quidem, vel et gummosae parti, quae est in seminibus lactescentibus, haud parum illud, quod emulsiõ oleum porro in se recipiat, tribui posse, arbitror: cum autem mucilago ex toto separari et veluti distinctum principium emulcti considerari nequeat, non ejus forte solius vim esse saponatam, verum toti emulsiõni hanc virtutem adjudicandam esse, qua fiat, ut olea aquam abhorrentia in unum conspirent nexum, existimavi. Es his, quae haecenus dixi, non leve robur additur sententiae illi, qua, lacti atque chylo, non solum colore, sed et consistentia et virtute miscendi, similem esse emulsiõnem, affirmavi; siquidem in illo quoque phoenomeno conspirant, quod singula oleum recens additum absorbent et subigunt, quamdiu saponata sunt, quod cum esse desinunt, oleum porro non miscent. Ita tenax illa lactis pars, ex qua caseus cogitur, oleum nulum ulterius de novo recipit, et in chylo per acidum turbato hoc similiter fit, ut olea sibi jungendi et propterea nutriendi vim penitus amittat, qui, cum sanus est, uti et lac et emulctum, pingue facile accipit, respectu totius suae massae; namque haec tria liquida, si oleum subigant, id efficiunt non aliqua sui parte, sed tota sua substantia.

#### §. XV.

*De plantis lactescentibus vel amaris vel acris saponaceis.*

Emulsiõibus similes ex plantis nonnullis, prius fauciatis, stillant succi, qui quidem, exceptis illis semisfosculosorum, intus sumti, plerumque nocivi

sunt \*), nihilo tamen secius et in medicina cautius ac parcius propinari, et in chirurgia cum fructu applicari solent. De iis vero succis, quos pleraeque plantae, *flore regulari composito ex irregularibus tantum seu semiflosculosis* \*\*), plorant, primo loco agendum mihi est, quorum scilicet sapor, cum solummodo amarus, gratus tamen, nec ullius acriedinis destructivae particeps est, hac sua blanditie non tantum de innocentia, verum etiam de salubri efficacia eorundem certiores nos reddit. Continent enim hae plantae, praeter gummosas, resinosas quoque partes ex dulci amarescentes, at blandas, exemplo *taraxaci* \*\*\*). Hujus succum lactescentem ad experimentum dum revoco, oleum quidem illo subigi penitus haud video, diversi coloris magma exinde tamen natum perspicio, atque exin, oleum aliqua ex parte in mixtionem ab isto succo lactescente admissum esse, intelligo, simulque animadverto, ex resinosarum familia istos succos esse, cum non solum attactus et tractatio hujus lactis vegetabilis, quod sensim tenax, tandemque veluti cereum fit, verum et ipsa aliqualis in aqua coagulatio, in alcohol vero reclusio idem edoceat. Maculae enim manibus hoc succo impressae tenaciter inhaerent, quas si aqua abstergere velis, id quidem efficies, quo sub frequenti frictione aliquo modo detergantur fila ductilia, non vero penitus abscedat macula, nisi, cum alcohol affusum est, quod maculam isthanc delet. Quamquam autem ex haecenus dictis nondum saponacea indoles hujus lactei succi liquido constat, cum oleum additum penitus non subigeretur; attamen eatenus saponibus adnumerandus est succus taraxaci, quod parva ejus copia particulam, tamen olei abscondidit. Qua de re etiamsi quis dubitare vellet, dubium tamen nullum sibi superesse sentiet, si ad ea, quae per experimentum deprehendi, animum advertere dignabitur. Curavi enim, ut recentis

\*) LINNAEUS Philof. Botanic. Stockholm. 1751. p. 282. p. 356: *Lactescences venenatae sunt pleraeque.*

\*\*) Quas hoc nomine comprehendit plantas HEBENSTREIT Defin. Plantar. Lips. 1731. edit. p. 26. illas LINNAEUS l. c. §. 77. num. 21. et alibi *semiflosculosas* simpliciter appellat.

\*\*\*) Conf. CARTHEUSER Fundam. Mater. Med. Part. II. p. 414

taraxaci radice fieret extractum aquosum ad mellis consistentiam, cuius semidrachmae instillo olei amygdalarum guttas decem, et aquae unciam unam affundo: haec misceo agitando, spumescunt egregie, spuma persistit post aliquot adhuc dies, oleum omne, ut ne minimum remaneat vestigium, subigitur, colorque fit pallidior paulo, postquam omnia probe sunt mixta. Mixture haec, et vel ipsum jam taraxaci decoctum insigniter manus lubricant. Idem animo intendebam experiri cum duriori, sic enim in officinis prostant, scorzonerae extracto, at spei non respondet eventus, sed oleum, post crebram adhuc agitationem, totum quantum pene innatat, cum tamen aequalis extracti cardui benedicti, plantae non lactescentis, portio, tantumdem olei instillati, similibus cum taraxaco phoenomenis, fere omne absorbet. Sufficit, saponatam naturam, cum taraxaco instituta experimenta, indicasse. Similis sine dubio est reliquorum succorum lactescentium, ex pappifero plantarum genere, indoles, cum respondent sapor et consistentia. Accedo nunc ad plantas lacteo succo, sed acri, praeditas, quales sunt *pappo intra vaginam clauso* \*) aliquae, ut apocynum, periploca, asclepias, et *triccoccae* \*\*) nonnullae. Inest his plantarum succis, praeter salinum illud acre causticum suae indolis, multum olei, quod, quia ab alcohol facile solvitur, ad resinosa olea referri meretur. Lac euphorbii subigit oleum, et, aqua dilutum, post aliquot dies retinet ipsum, simulque colorem lacteum. Idem succus esulae oleum recipit, aqua vero affusa, manet quidem aliquandiu color lactis, qui vero postea ita mutatur, ut flocculi cinerei, furfurum instar, sursum ferantur, et dimi-

\*) Sunt stirpes ex ordine plantarum flore perfecto regulari simplici monopetalo, capsula bipartita, semen papposum continense; vid. HEBENSTREIT l. c. p. 9. quas LINNAEUS l. c. §. 77. num. 29. et §. 365. ad *contortas* refert. Plurimae nimirum harum succum lacteum exhibent.

\*\*) LINN. ibid. ad *lactescentes venenatas* non solum *contortas*, quales sunt periploca, apocynum, cynanchum, asclepias aliaeque, et *triccoccae*, uti euphorbiam et iatropham, verum et *rhoeades*, quo pertinent papaver, chelidonium, atque *varias* adhuc alias, uti rhus et ficus, refert; quibus ex parte etiam adnumerat quasdam *campanulaceas*, exemplo lobeliae.



dium totius massae occupent, reliqua et inferior pars sit aquae instar diaphana, oleum vero flocculis his adglutinatum atque penitus subactum sit. Eadem cum apocyni lacteo succo tento, sed non eadem fiunt; mixtura enim prius turbida, mox tota clarescit, veluti gummi aliquod solutum, olei quantitas potius aucta, quam imminuta esse videtur, quod superest magis pallidum sit, atque innatat cum paucis albis flocculis. Ipsius denique euphorbii gummi, resina potius vel gummiresina dicendi \*), drachmam unam cum olei guttis viginti tero in mortario, non tamen omnino coeunt; affundo aquam, quae lacteum simulque cinereum colorem recipit, olei tamen multum adhuc in summo gerit. Nulla, vel cum oleo tartari, vel cum spiritu nitri sit solutionis aquosae effervescentia. Affundo etiam alcohol, solutio fit lutea, turbida tamen manet: nullibi, nisi cum postremo parum, augetur olei quantitas. Neque etiam, cum resinae, fundum occupanti alcohol affundo, oleum extricatur. Etiam si ergo oleum totum ab isthoc succo absorptum haud est, aliquam tamen ejus partem disparuisse judico, quod, cum alcohol affunderetur ejus augetur quantitas, reclusis vinculis, quae oleum haecenus tenuerant: Hinc saponacei quid euphorbii succo inesse, judico.

## §. XVI.

*De dulcibus tanquam saponibus.*

Largissimus in regno vegetabili est proventus succorum, dulci et blandiente sapore praeditorum; Varia enim occurrunt plantarum genera, quae in diversis corporis vegetabilis partibus succos ostendunt, qui dulcis gratique sensum linguae nostrae inprimunt. Quamvis autem radices, et caeterae vegetabilium partes haud omnino careant succis dulcibus, sed illi, licet non eadem copia, in variis herbarum organis occurrant: Inprimis tamen in partibus fructificationi destinatis ejusmodi liquores occurrunt frequentius: adeoque de *fructibus horaeis*, horumque sobole,

\*) Vid. Paul. HERMANNI Cynosur. Mater. Med. p. 680. qui inter resinas gummosas refert Euphorbium: et GEOFFROY Mater. Med. Tom. II. Paris. 1741. 8. p. 626. Gummiresinam appellat.

*sapa*, deque *melle* ex florum nectariis collecto, hinc de *manna* atque *saccharo* mihi sermo instituendus erit. Dulcia in genere omnia, ex oleo fermentescibili acido, mucilagini mixto, constructa esse, chymicis solutionibus edocemur variis. Non solum enim ipsa fermentationem suscipiendi omnibus dulcibus connata facultas de his principiis certiores nos reddit, dum scilicet, ut fermentatio in aliqua massa fiat, eam oleo atque sale acido vegetabili, mediante mucilaginoso connexis, oportet esse praeditam, uti ubivis videmus, quamcunque fermentescibilem materiam disquiramus; verum et ipsi liquores per fermentationem praegressam educti inflammabile, acidum atque mucilaginosum sibi inesse, ostendunt. Quae, cum ita sint, quo succi fermentescibiles, sale, acido et parte inflammabili, inter se unitis, consent; nemo, haec perspiciciens, facile negabit, inesse quoque succis vegetabilium adductorum dulcibus ea omnia, quae ad saponem aliquem constituendum requiruntur, siquidem quodvis salinum oleo cuicunque sic conjunctum, ut neutrum sese sigillatim manifestet, utque ambo unita, aqua dissolui eidemque jungi sese patiantur, saponis titulo merito venit \*). Refero igitur huc quosvis fructus pulposos, dulces, subadstringentes, esculentos, uti habentur inprimis ex classe plantarum, quae sunt *flore pentapetalo regulari*, *pomacea* et *drupacea*, ex classe *relativarum monophytarum*, *cucurbitacea*, *ficus*, *mora*, quaeque classibus suis nonnunquam singulares interspersi sunt, *zizipha*, *tamarinda*, *ananas*, *cassia*. In universum omnes baccarum ex dulci acescentium succi huc pertinent, ex quibus pluribus unus, et qui frequentioris usus est, in exemplo esse potest, uvarum scilicet succus, quem mustum dicunt, quod, si coctura inspissatum fuit, *sapam* \*\*) dixerunt veteres. Haec ex acido atque oleo uvarum constat, quae

\*) BOERHAAVE: de virib. medicam. p. 109. et 160. van SWIETEN l. c. Tom. I. ad §. 135. p. 204. n. 3. Tom. II. ad §. 614. p. 165. et ibid. ad §. 850. p. 776. De GORTER. l. c. Tract. XXXVIII. §. 33. sqq. Tract. LXXIX. §. 17. et Tr. LXXXI. §. 24.

\*\*) Ab omnibus mox allegatis auctoribus *sapa* inter saponem vegetabiles acescentes enumerata legitur. Conf. quae §. 1. not. i) de sapae praeparatione diximus.

duo interveniente mucilagine sibi juncta sunt, id quod unctuositas et tenacitas hujus succi demonstrat. Huic, quoad principia, quamvis non quoad originem atque partes vegetabilium, quibus caeteroquin succi dulces asservantur, simillimum est mel, de quo jam §. III. dictum est; quamvis enim illud moveri possit dubium, ad quamnam classem, liquorumne animalium an vegetabilium, referri illud jure debeat; attamen, ob rationes ibidem adductas, vegetabilis prosapiae esse, omnino censetur; siquidem in florum nectariis succus iste ab apibus deinde colligendus elaboratur, atque iisdem auxiliis quo floris et fructus succi reliqui, praeparatur. Huic proxima est, non solum externa aliqua forma, sed et sapore, hinc miscela et efficacia, atque etiam sua origine non multum abludit, dulcis illa materies, quae, *mannae* nomine, in arborum diversi generis, maxime autem orni et fraxini, foliis inque eorum superficie per Calabriam, sub sole calente colligi solet \*). Accedit *sacharum*, succus scilicet mellagini similis ex caudice plantae illius gramineae, quae *sacharum* LINNAEO et *canna sacharifera* vulgo appellatur, collectus, hinc coquendo, inspissando, atque depurando, in crystallos coactus, eatenus ad regni vegetabilis producta reducendus, quatenus sal essentiale est, quod in planta sua dispersum extiterat, illi autem ars nihil addidit, quippe qua in unam massam colligitur, atque a sordibus de planta sua una abreptis purgatur. Hisce addi potest succus glycyrrhizae, qui, in officinis, varias medicaminum formulas ingreditur et frequentis usus est. Hos succos singulos ad experimenta revocaturus, vereor, ne nimis longus forem, quare quosdam ex illis tentasse, et, quid observatum indolis saponatae asserendae gratia fuerit, recensuisse, nunc sufficiat, cum caeteroquin succi omnes, de quibus nunc quaestio est, in universum convenient. Oleum amygdalarum cum rob sambuci, mororum, manna, sacharo, melle ab initio quidem, agitando, vix ita uniri potest, ut utraque facile aqua

\*) Varias de Manna veterum sententias collectas et explicatas vid. in Claud. SALMASII De manna, commentario, qui extat in Eiusd. Exercit. de Homonym. Hyles Iatricae Trai. ad Rheii. 1689. fol. p. 245. sqq.

simul dissolvantur; quodsi tamen labor continuetur, vel quoque mora aliqua accedat, tunc sensim sensimque oleum cum dulcibus mixtum absorbetur et cum his aquae jungitur. Quod aëgrius fit cum oleis pressis, facilius longe, imo facillime peragitur cum oleis aethereis, nec non cum oleis et putridis succis animalibus. Sic olea rancida atque hinc acria facta, expeditissime cum dulcibus committi queunt ita, ut, mediantibus his, aquae misceri possint. Similiter bilis dulcia facile in se recipit. Quae igitur perpendens, dulcibus locum inter saponem concedere nullus dubitavi.

## §. XVII.

*De terris saponatis.*

Ad tertiam saponum naturalium classem, quae saponem minerales continet, properans, terrae pingues statim nominandae sunt, quae gustatae et *in ore liquatae lactis saporem edunt* \*), atque jam attactu, et inter digitos contritu, saponi aliquid analogon ita manifestant \*\*), ut vel hoc solum efficiat, quo dubitare de saponata earum indole ne imperitus quidem possit. Dictis autem terris rem pinguem atque una salini quid inesse, quamvis utrumque nudis oculis sisti haud possit, aliis phoenomenis convictus, ut credam, inducor. Namque, haec duo, tanquam saponem efficientia, principia adesse, quodsi demonstravero, terras pingues saponatas recte dici, nemo dubitabit. Quod vero pingue in terris vulgo dictis pinguibus absconditum concernit, illud propterea inesse creditur, *quod terrae pingues leuiter calcinatae fictiores evadunt* \*\*\*). Ad salinum deinde quod attinet, acidum potissimum iis inesse, propterea probabile est, siquidem *omnes terrarum partes, imprimis universale illud acidum in se recipiunt* †). Ex terris pinguibus,

\*) Vid. HEBENSTREIT De Terris: Diss. Lips. 1745. habit. p. 30. 32. et 34.

\*\*) Conf. LUDWIGII Terrae Musei Regii Dresdensis Lips. 1749. fol. p. 51. sqq. et p. 110.

\*\*\*) Est haec sententia LUDWIGII l. c. p. 33.

†) IDEM ibid. p. 66. Quodsi enim omnibus terris jure conceditur potestas sponte in se suscipiendi et fovendi salini, certe acidi quid, qua ratione pinguibus terris idem illud sine injuria

quarum plures tentavi *cretam hispanicam*, quae *fœtidis* species est, *bolum armenum* vulgo dictum seu rubrum et *album*, hinc *lithomargam*, postmodum *terram lemniam*, quam sub hoc titulo in officinis vendunt, atque *figillatam albam*, ad experimentum revocavi. Sumo cujusvis drachmam unam, singulisque addo olei amygdalini guttas viginti et aquae uncias duas. Contero prius oleum cum singula terra in mortario, quae invicem in pastam redigo: affundo dein aquam, quae agitata cum prioribus spumas plus minusve copiosas agit. Post horas sex, terra ad diversam altitudinem fundum petit, ita quidem, ut lithomargae sedimentum aequet dimidium digitum, reliquae hac leviores terrae altius altiusque sedimentum ostenderint, donec boli albi faex fluctuaret ad duas tertias; In omnibus aqua terrei coloris et consistentiae, quae sero lactis spissior erat, deprehensa est; unde statim concludo, quandoquidem olei admixti perparum in aliis, in aliis vero omnino nihil, in superficie vasis, sese ostenderet, illud a terra absorptum; et cum hoc aquae commissum fuisse. Neque enim, si spiritum nitri, si oleum tartari, si spiritum salis ammoniaci affunderem, praeter tenuem cuticulam variegatam in superficie et fibras anguillarum specie infra eandem, quidpiam olei inveni, uti et nulla effervescencia in his omnibus apparuit. Stare igitur sub saponis definitione eo magis poterunt terrae praedictae, quo citius oleum aquae committunt, atque maculas pingues ex vestibus quoque delent, caeteroquin spumas agunt copiosas, et de manibus sordes abstergunt. Accedit et hoc, quod, si una cum his manus super se invicem fricamus, eundem non solum, quem sapo, sensum lubricitatis, verum et spumam unctuosam animadvertimus. Novum quoque non est, pro saponibus haberi nominata concreta, cum jam multis retro

denegari possit, sane nescio. Bolo vero, terris figillatis aliisque pinguib. terris inesse acidum, nemo dubitat, cui notum est, iisdem spiritum nitri et salis expelli posse, accedente ignis tortura, qui vero effectus a recentioribus chymicis acido vitriolico inibi haerenti tribuitur. Eadem veritas vel inde quoque patet, quod hae terrae cum acidis non effervescunt, quod passim quoque addit LUDWIGIUS, uti tamen fit, commixtis macris terris cum acidis.

saeculis iisdem uti sapone utendi mos, sub diversis mechanicis artificum operationibus \*) inque ipsa re medica \*\*), invaluerit.

### §. XVIII.

*De aquis foteriis, quousque saponaceis adnumerari mereantur.*

Plurimis forte temerarius videbor, quod huc, veluti invitas cogere velim aquas *fospitales*, siquidem multarum foteriarum, quodsi imprimis de marte, aliisque metallis ac metallicis illae participant, ea est indoles, ut tantum absit, quo saponibus adnumerari mereantur, ut potius ne eosdem quidem dissolvere valeant \*\*\*). Attamen ex altera parte non omnino destituor fundamentis, quibus adductus, aquis quibusdam, si non inter saponem veros, inter saponacea certe, locum facere possim. Sunt enim jam aquae nonnullae ex nostratibus impurioribus, quae lubricae ac unctuosae prae caeteris deprehenduntur esse, prouti not. d) ad §. V. jam dictum est. Certe coquae atque lotrices differentiam, quae aquam in cisternis collectam atque putealem et illam fontium intercedit, animadvertunt, quandoquidem cum hac neque in culinis legumina vel carnes macerare et coquendo prompte emollire, neque etiam in lavatrinis lintea a sordibus purgare expedite possunt †) unde et mos est femellis cuticulam curantibus, quo ad eandem lavandam huic illam praeferant, quae quippe non solum mucum expeditius abstergit, sed et cuticulam, quae fontanae usu exasperari solet, mollem praestat. Effectuum horum diversitatem nulli alii causae adscribere vellem, quam, quod aqua putealis limosa et pingui terra, fontium vero, nitroso aliquo sale, remixta sit. Quodsi vero nunc ad aquas *fospitales* accedendum est, varia quidem in illis continentur, quae ad saponem constituendum parum apta

\*) PLINIUS l. c. Lib. XVII. c. 8. *Est autem creta fullonia mista pingui terra.* Conf. et EIUSD. Lib. XXXV. c. 17.

\*\*) Evoluantur quae apud DIOSCORIDEM l. c. Lib. V. c. 101. de Chia terra, deque Cimolia creta leguntur.

\*\*\*) Conf. Frid. HOFFMANN. l. c. Tom. V. de elementis aquar. mineral. §. 32. p. 137. et MAQUER l. c. Part. II. Sect. 2., cap. 3. proc. 3.

†) Vid. HOFFMANN. loco mox allegato.

videri possent, quo omne id referendum est, quod metalli est particeps. Interca vero nulla fere, sive thermalis, sive vulgo sic dicta acidula sit, aqua invenitur, cui non insit alcali aliquod \*), tanquam alterum principium ad saponem vulgares constituendos requisitum. Quod autem oleum attinet, quod adesse debet, ut aliqua res saponata dici possit, equidem hoc nunc non urgeo, quod, phlogiston aliquod thermalibus aquis inesse, a quibusdam perhibeatur, quod nimis ex longo petatum mihi videtur: attamen, saponaceam indolem, quam istiusmodi aquis a Cl. viris attributam reperio, et \*\*) quam potissimum acidulis \*\*\*) tribui

\*) Evolvatur iterum HOFFMANNUS l. c. §. 14. Deinde ibid. Scrutinium physico medicum principiorum et virtutum in praecipuis medicatis Germaniae fontibus; passim per totam tractationem: Tum proxime in eodem Tomo: De convenientia elementorum ac virium in thermis et acidulis §. 7.

\*\*) HOFFMANNUS non quidem explicitis verbis saponum titulo insignit aquas minerales, praedicata tamen adjicit, saponibus alias propria. In Scrutinii enim §. 31. tribuit *balnei in Carolinis usui vim cutis sordes ac defoedationes in scabie, imperigine et ulceribus extergendi*: Inque Traët. de conven. therm. et acidul. §. 36: *Cutis impuritates ac defoedationes extergunt*: De therm. Carolin. §. 12. *terrae subtilis albae unctuosae in Carolinis memin.*

IO. FANTONUS: De thermis Valderianis, Dissert. duae: Genev. 1725. p. 6. *Alia quaedam pingua corpora vulgo Muffae cernuntur; quae p. 7. gelatinosa, et a deciduis guttulis ibermarum produci dicuntur*: Hinc p. 68. *aquam thermalem laricem oleaceum vocat*, et p. 69. *oleaceam mollitudinem, cum salis virtute conjunctum habere*, affirmat. Quis vero nescit pingue terrenum, nisi cum salino coierit, hinc in saponem conversum fuerit, ad normam omnis olei fixi aquae nunquam misceri.

Iust. IO. TORKOS schediasma de thermis Pösthieniensis Posonii 1745. 8. p. 39. de aqua hac thermali *saponaceam indolem* praedicat: Qui IDEM in libello: *Thermæ Almafienses* ibid. 1746. 6. edit. p. 54. *copiosum sulphur et sal mediae naturae ex thermali Almafiensi eduxit*.

Ipsam denique sulphur foteriarum pro sapone esse, inprimis si sal alcali accedat, SPRINGSFELD: In der Abhandlung vom Carlsbade: Leipzig 1749. 8. p. 426. existimat. Vid. et GOTTW. SCHUSTER: Abhandlung vom Wolkensteiner Bade, Chemnitz 1747. 8. p. 43. sq.: *Daher auch das Wasser, so lange das sal noch natürlich mit ihm vermischt ist, schlüpferich und fettig ist, welchen Effectum GOBELIUS vom Erdspeck herleitet*.

\*\*) Acidulae falso et per errorem vulgi dicuntur istiusmodi aquae,

posse arbitror, quod attinet, illam certis aquis foteriis inesse, pinguedinis \*), ex iisdem per experimentaeductio confirmat. Quam exiguum enim illud pingue quoque sit, est tamen aliquod, in cuius connubio cum alcali istae aquae saponum in modum agere in nostro corpore omnino possunt. Nolo autem ad experimenta provocare quando quidem celebrium Autorum fides sufficit, de quorum dexteritate nullum dubium in me remanet, etiamsi experimenta diserte nihil confirmant. Ex aquis autem istis per naturam jam saponatis artificiale extemplo redditur, majoris forte efficaciae, saponatum, si lac caprillum vel asininum eidem additur, qui mos foteriis utendi primo omnium HOFFMANNO \*\*) in usu fuit.

## §. XIX.

*De saponibus artificialibus solidae formae.*

Saponum, qui arte parantur, et proprio quodam jure hoc nomen sibi vindicant, magnus acervus nobis considerandus restat. Hoc vero sensu accipiuntur omnia mixta, ex alcali et oleo ita composita, ut neutrum emineat, utrumque autem, nisi in aqua, penitus haud solvatur, diffluat tamen et oleum recens sibi additum aquae immisceat. Saponum quidem vulgare atque illorum, qui ubique in officinis prostant, forma est solida, prouti Venetus et Hispanicus durum quasi aliquod corpus efficiunt; alii sunt praeterea et multi alii, qui firmam consistentiam haud nacti sunt, quique propterea fluidi dici solent. Quamquam autem quivis sapo in medicina locum habere possit,

siquidem *sal acido e diametro oppositum, alcalinum videlicet*, obtineant. HOFFMANN: de Conven. therm. et acidul. §. 7.

\*) Ioh. Phil. SEIPUS pingue salino nuptum, variis rationibus gravissimis commotus, assumit in libro: Neue Beschreibung der Pyrmontischen Stahl-Brunnen. Hannov. 1719. 8. p. 118. 123. 142: huiusque filius Tr. Georg. Phil. SEIP. in Diss. De spiritu et sale aquar. mineral. Goetting. 1748. Sect. III. §. 6. p. 37. De spiritu rectore locutus, *pinguedini*, inquit, *junctus minerali, alcali in aquis praevalens aliquod arcet*: De hac pinguedine salinis juncta agit deinde in tota sect. IV. et sect. VI. §. II. et 12.

\*\*) Vid. Commentat. De connubio aquar. mineral. cum lacte longe saluberrimo §. 6. quae extat in Oper. omn. Tom. V.



sunt tamen, qui caeteris, tanquam magis impuris, praeferantur, sic saponi *nigro*, qui ex sevo vel lardo balaenarum et alcali coquitur, praestare creditur *albus*, ex oleo expresso et alcali fixo factus \*). Praeter hunc, et illum ex sale tartari et oleo olivarum, quibus sapo Venetus nonnullis constare creditur \*\*), confectum, sunt deinde alii quoque, qui, pro compositionis ratione, nunc *semivolatiles*, nunc vero penitus *volatiles*, dici possunt, quorum priores vel ex oleo aethereo seu volatili, et sale fixo, vel ex sale volatili et oleo fixo sive expresso, posteriores vero ex oleo et salibus volatilibus invicem commixtis, parantur \*\*\*). Est porro et alius saponis parandi modus, haud ita receptus, dum cineres plantarum cum pinguedine animali, additis simul herbis amaris, in aqua coquantur, qualis est ille LENTILII. Quodsi vero reliquos saponis odorum suavitate et colorum varietate conspicuos et nomine, cosmetico- rum, femellis celebres enarrare vellem, vix finem inventurus essem, quos proinde, siquidem in medicina nullius sunt usus, tonforibus et balneatoribus relinquo. Omnes hi saponis, si in aqua solvuntur, eandem aliquantulum turbant, et spumas, cum ea agitati, magis minusve copiosas, agunt: Addito saponis solutioni oleo, illa ex seroso in lacteum transit colorem. Licet vero sapo vulgaris ex oleo expresso et alcali compositus, purissima etiam aqua penitus, sensu chymico, ita quidem solvi nequit, ut, more menstruorum legitimorum, perspicuitas illi maneat, illud tamen fieri potest spiritu vini, addito inprimis sale tartari †), qualis videtur esse illa solutio, quae nuper, sub titulo: *Esprit de savon de Saxe*, innotuit, quaeque in eo a communi differt, quod varia, odoris et coloris amoenioris causa, fuerint addita. Hic vero sic paratus spiritus sapo-

\*) MAQUER l. c. cap. 3. proc. 3. et BOERH. II. proc. LXXIII. p. 259.

\*\*) De GORTER l. c. Tr. LXXXI. §. 21. *Ex oleo expresso fixo cum sale alcalino fixo, uti sapo niger et sapo Venetus.* BOERH. de virib. Medicam. Part. III. c. 6. p. m. 141: *ut ex sale tartari et oleo olivarum fit sapo Venetus.*

\*\*\*) De GORTER ibid. §. 22.

†) Ad inventum GEOFFROY vid. MAQUER l. c.

naceus non amplius inter saponem huius paragraphi locum habet, sed ad sequentium ordinem potius referendus est.

## XX.

*De saponibus liquidis.*

Praeter modo adductum saponem alii adhuc liquores superfunt, qui commode ad hunc titulum, propter salini et oleosi principii unionem et utriusque sic conjuncti in aqua solubilitatem, referri merentur. Videntur quidem huc accedere varii liquores, quorum supra sub saponibus naturalibus, mentionem fecimus, quales sunt emulsio et sapa: Quia vero haec educta jam in suis massis, e quibus parantur, ut talia existunt, atque tantum solvuntur, ne utquam vero fiunt, sed per naturam jam existunt, idcirco eadem illuc potius, quam huc pertinere arbitror. Quae e contrario artis beneficio potissimum obtinentur, qualia sunt, quae non nisi praegressa fermentatione, destillando fiunt, uti alcohol et acetum destillatum, huc omnino potius referri merentur. Nollem enim naturae tribuere, quod artis productum est, et, sine huius auxilio, neque sensibus nudum sisti, neque effectus, quos optamus, edere potest. Saponacea vero, si saponis titulum illis concedere nolles, modo dictos liquores appellare, eo minus dubito, quia alcohol ex acido vegetabili et oleo aethereo enatum, saponis non solum ideam involvit, verum etiam effectum producit, qui est, oleum destillatum subigere, ejusque particulam aquae intergerere \*): acetum autem, ex similibus principiiis combinatum\*\*), cum oleo diu coctum similiter aquae miscibilis massa fit \*\*\*), utrumque igitur aptum est, pingua et dissolvendi et aquae committendi. Minus

\*) Olea stillatitia seu aetherea alcohol adulterari solere scimus, quam vero fraudem detegimus, istiusmodi olea immittendo aquae: Tunc enim olea neque fundum petunt, neque innatant, sed aquam turbant, nec amplius, sponte, tota separantur. Vid. RÜDIGER l. c. §. 169. qui §. 618. saponem ex alcohol, inprimis vero spiritu salis Ammoniaci vinoso et oleis dictis parare docet.

\*\*) Aceto pingue inesse, destillatio docet. Vid. RÜDIGER l. c. §. 518.

\*\*\*) BOERH. de Virib. Medicam. p. 141.

adhuc dubitabit aliquis de saponacea aliorum liquorum magis minusve spissorum natura, qui fiunt ex alcali et oleo unitis, utroque scilicet vel et alterutro, volatili quo referendi sunt, *Offa Helmontiana*, *Balsami sulphuris*, *sapo tartareus seu corrector Starkeyanus*, *sal volatile oleosum Angelicae* \*), *tinctura tartari*, *antimonii*, *spiritus salis ammoniaci*. His enim neuter character deest, sive ad principia et compositionis modum, sive ad effectus respicias. Omnes nimirum fiunt ex oleoso atque salino principio, unitis, suntque tactu lubrici et unctuarii, et, cum aqua agitati, aerem irretiendo spumam concipiunt. Quemadmodum vero ex hisce rationibus jam inter saponum ordines stare possunt, ita praecipuus ille character, qui in olei cum aqua combinatione consistit, et prae priore semper respiciendus est, rem penitus conficit. Renuunt quidem dicti saponi liquidi olea expressa, ast recipiunt tamen lubenter olea aetherea eademque cum aqua conjungunt. Sunt praeterea multi adhuc liquores ad saponacea a recentioribus ut plurimum relati, cujus generis sunt, *liquor terrae foliatae tartari*, *sal volatile oleosum* SXLVII, *liquor cornu cervi succinatus*, *liquor mineralis anodynus* HOFFMANNI, *spiritus nitri dulcis*, *spiritus salis dukis*; qui autem omnes liquores cum aqua et oleis expressis mixti colorem quidem suum in albescentem sive seroso lacteum mutant, neutiquam vero oleum penitus subigunt. Neque etiam, quamvis soli de oleis destillatis multum ac promte abripiunt, eadem tamen olea cum aqua facile conjungunt. Quae enim cum hisce institui experimenta, ea facta sunt sine ignis, vel caloris, longioris morae, accessu; quibus tamen in subsidium simul vocatis, unus vel alter dictorum liquorum fortasse posset oleum subigere, idquod sine his etiam adminiculis cum quibusdam melius succedit. Sed vela nunc contraho; illum enim in hac tractatione mihi neutiquam praefixi scopum, quo omnia, quae hic recensui, absoluto in sensu habeantur pro saponibus, in id unice intentum habens animum, ut, quae passim ad saponacearum massarum classem referuntur, experimentis disquirerem, et, quatenus illa

\*) BOERH. Elem. Chym. Tom. II. proc. CXXIII. p. 372. sqq.

huc pertineant, indicarem, plurimis vero virtutem relativam ad hanc vel illam olei speciem adscriberem, nec non, sub motus vel et caloris accedentis aliarumve causarum concurrentium conditionibus, illis singulares virtutes inesse, ostenderem. Quod quamvis hic, propter limitum dissertationis academicae angustiam a me perfici ubique haud potuit, nihilominus tamen spero, fore, quo Benevolo Lectori haec mea de saponibus dissertatiuncula non penitus displicitura sit: Quod igitur si illud impetravero, voti mei compotem me factum esse, arbitror.

---

XVI.

DR. MATTHIAE A PAECKEN

DISSERTATIO

DE

SALE ACIDO ESSENTIALI  
TARTARI.

GOETTINGAE,

1779.

THE NEW YORK PUBLIC LIBRARY

ASTOR LENOX TILDEN FOUNDATION

311/17/17222 001124 311/2  
521 1721

1721 1721 1721

1721

## DE SALE ACIDO ESSENTIALI TARTARI.

Vt pro dissertatione inaugurali argumentum aliquod quaererem, institutorum academicorum ratio et officium meum a me postulavit. Haecce in causa sunt, cur chemiam corporis non satis hucusque examinati analyfin, publico iudicio subiicere iam audeam. Annus iam praeterlapsus est, ex quo, pericula ad hanc disquisitionem necessaria, Berolini cum amico facere licuit; eorum alia iam ante me facta repetii, alia primus tentavi. Eruditionis ostentatio, citatorum (quorum tamen multitudo rarissime multae lectionis certum testimonium esse solet) infinita series, et a notarum copia commendatio, a praesenti opusculo abest. Continet nil nisi experimentorum nonnullorum enarrationem, quam fidam accuratamque esse spondeo; caeterum vt meus conatus non seuerè diiudicetur sed indulgenter potius excipiat, quam maxime rogo.

Quae in regno vegetabili deprehenduntur salia essentialia acida, non modo ab acidis regni mineralis et animalis diuersa, sed etiam inter se inuicem, quamuis multa communia habeant, haud levi discrimine distincta esse, satis constat. Commode igitur pro diuersa sua natura in bina genera diuidi posse videntur, quorum alterum, acida volatilia, quae vi ignis, natura non mutata, in sublimē tolluntur, complectitur; vt v. gr. *flores Benzoes*, cet. et *aceta* quodammodo: Alterum vero, multo maiorem acidorum vegetabilium copiam comprehendit, quae maiorem aliquem ignis impetum non ferentia, urgente calore, varias ipsorum elementorum mutationes patiuntur. Notissima sunt ex hoc genere: *Tartarus*, *sal Acetosellae*, *Tamarindorum*, *Malorum Citri* rel. *acida*. Horum quoque haud parua est diuersitas: differunt vel in hoc, quod alia facillime solidam capiant formam, alia plane respuant.

De *Tartaro*, et in specie de eius *sale acido puro* in hac dissertatione mihi tractare proposui. Ea quidem, quae

de *Tartari* Etymologia, Historia naturali, et usu medico dicenda essent, cum vulgo notissima sint, iterum repetere superflueo: notionem vocabulo *Tartari* tribuo, quam iam veteres constituere, qui *sal essentielle vini* hoc nomine insigniverunt. Hujus quidem acidi analysi chemicae sequentes pagellae dicatae sunt.

*Tartarum*, ut hoc uno verbo moneam, intelligo illum puriorem, qui vulgo nomine *Crystallorum* vel *Cremoris Tartari* venit, a quo partes heterogeneae, crudo adhaerentes, separatae sunt. Proxima quidem eius Elementa sunt *acidum essenziale proprium* et *alkali fixum vegetabile*, quocum ex parte tantum in sal medium coit. Acidum illud, si a basi alcalica separaveris, in partes aqueas, terreas et oleosas resolvitur, quorum commune atque artificissimum vinculum est *aër fixus*. Hic in omnibus vegetabilium acidis frequens est, in Tartaro autem incredibili fere copia reperitur: vi ignis sueto expellitur more. Ingens quamvis aëris huius vis expulsa in auras sit, non minor tamen moles residuo alkali artificissime adhaeret.

Quae vulgo adoptata est opinio, qua, inter essentialia et proxima Tartari principia *terram* enumerare solent, argumentis certis destituta est. Licet quidem terram ad remota tartari principia referre, quippe quae necessario tam ad salis alcalici, quam acidi puri substratum constitutendum, pertineat: sed iam de his nobis cura non est. Ad regenerandum tartarum, alkali tantum et acido puro, non terra, opus est: ea quae in Tartari cum salibus alcalinis saturatione deprehenditur, pro corpore heterogeneo et alienae a Tartaro indolis, minime pro principio essentiali, habenda est.

Partes Tartari constitutivae omnino hucusque parum accurate cognitae explorataeque fuerunt. Nostro demum aevo extra omnem dubitationis aleam positum est, sal alcalinum Tartari non ab igne generari vel produci, sed naturale eius et fundamentale esse substratum. *Acidum purum Tartari* serius innotuit, quod primus in eo deprehendit SCHEELIUS, Suecus, Vir magni inter Chemicos nominis: Observationum super hoc acido factarum notitiam, novis periculis confirmatam, primus cum erudito orbe



communicauit Cel. RETZIUS in dissertatione Commentariorum Academiae Suecicae Volumini XXXI<sup>mo</sup>, pro anno MDCCLXX, inserta.

Quae quidem in praesenti libello a nobis exponuntur, non omnino superflua fore speramus, cum partim experimentis observationibusque clarissimorum virorum firmandis inserviant, partim tractatione chemica accuratius instituta, ad melius cognoscendum illud acidum eiusque in aliena corpora effectus, conferre posse videantur.

*Acidi puri ex Tartaro praeparandi Methodus.*

Duas libras vel Uncias triginta duas *cremoris tartari* soluebam in f. q. Aquae feruidae. In bullientem solutionem immisi Cretae praeparatae eam copiam, qua acidum penitus saturaretur, et cessante efferuescentia, syrupus Violarum colorem iam non mutaret. Ad hoc efficiendum requirebantur nouem cretae huius vnciae. Ab igne remota et refrigerata solutione, in filtrum decanthau. Terra cretacea acido Tartari nexa instar pulueris grauioris in fundum delata erat, eique incumbibat stratum tenue terrae leuioris, colore cinereo praeditae. Aliquoties cum abluta esset aqua frigida et leui calore siccata, vnciarum triginta trium pondus habebat. Per similis erat arenae albae minutissimae, et dentibus compressa stridorem quendam ciebat, caeterum carebat sapore. Hanc terram RETZIUS vocat *Seleniten tartareum*, WIEGLEB vero nomine magis accomodato, *tartarum calcareum*. Vncis viginti et vni huius *tartari calcarei*, olei vitrioli partibus octo vel decem aquae destillatae mixti, vnciae nouem adfundeantur: efferuescebant, acidumque vitriolicum, acidum tartari a terra cretacea eo separauit, vt ipsum cum hoc in seleniten transfret. Interiectis horis circiter XXIV. liquorem acidum decanthau: selenites residuus abluetur aqua destillata. Acidum Tartari, quod filtrum penetrauerat, idoneis experimentis in hanc rem institutis, acidi vitriolici expers esse deprehendebatur: selenites residuus prunis ardentibus iniectus odorem tartari vsti referebat, eumque leuissimum. Ex hoc periculo mihi constabat, iustam fere acidi Vitriolici quantitatem fuisse adhibitam. Quam ad-

huc parare potuiffem, acidi tartari exilem copiam, cum mihi tantum acidum purum curae efflet, facile neglexi.

E pluribus fatisque notis, acidum vitriolicum detegendi methodis, ea, quam RETZIVS Vir cl. proposuit, in hoc nostro periculo visa est ceteris securior. Cum acido, de cuius puritate quaeritur, saturnus ex saccharo suo in aqua destillata soluto, praecipitatur et coagulo inde orto acidum Nitri affunditur. Iam si acidum vitriolicum defuerit, coagulum penitus soluitur, clarum pellucidumque redditur. Contra ea pro acidi Vitriolici copia coagulo inhaerente, plus minusue insolutum remanet.

Acidum illud Tartari per filtrum separatum, cum aqua ad abluendum tartarum calcareum adhibita, in testa vitrea ad vnciarum circiter triginta duarum pondus concentratum est. In ipsa euaporatione haud magna selenites copia separabatur, a quo acidum tartari, iterata filtratione liberatum erat. Acidum iam ab omnibus partibus alienis purum, leni subieci euaporationi, eoque modo elicui crystallos satis magnas et regulares, figurae variae, maximam partem tamen oblongae, cuspidibus lanceolatis. Probe siccatas cum ponderarem, vnciarum X pondus habere inveni. Hae quidem crystalli tartari acidum purum constituunt. Aëri expositae eadem, permanent forma solida, et facile in puluerem minutum soluuntur. Liquefcunt linguae admotae, purumque et sincerum earum acidum sapore percipitur.

RETZIVS Vir. cl. narrat, crystallos, quas ipse elicuerit, crinium tenuissimorum formam habuisse: eius vero rei causa, quam ipse etiam satis probe suspicatus est, in exigua mole, qua ad experimentum faciendum vltus est, quaerenda.

Priusquam ad acidi puri Tartari tractationem accedam, breuiter de ea Tartari parte dispicere lubet, quae in eius cum terra calcarea saturatione, soluta in lixiuio remanet. Lixiuium illud a tartaro calcareo per filtrum separatum, affusa pariter aqua illa, ad eum abluendum adhibita, leniter euaporare coëgi, vnde vncias septemdecim salis medii sicci paraui, quod quidem a tartaro tartarifato naturali non differt. Constat quidem ex sale alcali fixo, quod duabus libris Crystallorum tartari in encheiresi impensis continetur, quodque tantum acidi tartari retinuit, quanto opus est, ad constituendum sal medium purum. Sal hocce

medium sueto more in crystallos pulchras mutari potest, quae plerumque prismatum quadratorum longiorum, quorum cuspides ex utroque latere oblique praecisae sunt, figuram referunt, quaeque aëri expositae non liquescunt. Quod igitur ad figuram hancce attinet, differre *tartarum tartarifatum natium* ab officinali apparet, qui quidem plerumque in crystallos lanceolatim coit.

Chemicorum plurimi qui tartari cum terris absorbentibus saturationem tentauere experimentis, scriptisque exposuere, sese in eum errorem induci passi sunt, ut sal medium solubile inde paratum, sal medium terreum esse crederent, cui terra tartaro addita pro basi sit. De hac quidem opinione iis tam persuasum fuit, ut de ea dubitare nunquam iis in mentem venerit, quod si semel factum esset, experimentis facillime instituendis edoceri potuissent, tartari solubilis, non terram, sed sal alcalicum genuinum, constituere basin.

Ut vnum saltem huius erroris exemplum asseram, lubet ad auctorem prouocare in ceteris praestantissimum, MACQVERVM, cuius in *Elemens de Chymie pratique* Vol. II. Chap. IV. processus primus legatur. Patebit quam falso et temere terram absorbentem solui penitus perhibeat, ita ut in filtro exigua quaedam remanet terrae copia; cum tamen pondus tartari calcarei instar terrae arenosae in filtro remanentis, tres fere partes quartas eius ponderis constituat, quod cremor tartari Experimento adhibitus habuit. Probabile mihi videtur, MACQVERVM ipsum quidem periculum huius rei non fecisse, sed quae praecipit, auctoritate DU HAMELII et GROSSE inductum, scripsisse. WENZELIVS etiam, cui ob editum eximium illum *de affinitatibus* librum, maximae debentur gratiae, in eo capite, quo de affinitate tartari cum terra calcarea agit, eundem errorem haud euitauit; quod in tam sagaci Chemico eo magis mireris, cum magnam pulueris insolubilis in fundum delati copiam, illius attentionem et obseruationem haud effugisse videas.

Ad firmandam illam, quae inter acida regni vegetabilis intercedit differentiam, paucis, pericula eodem modo cum *sale Acetofellae* instituta, exponere lubet. Vnciae duae salis Acetofellae ad saturationem parem copiam certae lotae requirebant. Terra cretacea cum acido copulata, cum probe siccata esset, drachmarum viginti cum dimidia in trutina aestimabatur. Ea quidem non tam arenae al-

bae, cuius formam tartarus calcareus prae se ferebat, quam pulveri cretaceo similis erat, saporemque quendam salinum habebat. Sal medium natium lixiuo inhaerens in crystallos satis magnas concreuit, quae non quidem quadratam illam figuram prismaticam tartari tartarifati natiui, sed rhomboidalem potius habebant et vnciae vnus pondus habebant.

*Tartarus* igitur, vt et pleraque salia acida regni vegetabilis, pro sale medio natiuo, acido suo supersaturato, haberi potest. Supersaturationis quidem huius exemplum, etiam inter salia mineralia, in *Alumine* deprehenditur; eo tamen discrimine, vt alumen, acido suo plane saturatum, corpus sit solutu difficillimum, supersaturatum vero (quale est *alumen crudum*,) sal solubile exhibeat. Tartari vero diuersa et opposita est indoles. Basis eius alcalica, si acido suo saturata tantum sit, sal medium praebet, quod ad solutionem vix aequalibus sibi partibus aquae frigidae eget. Nimio vero acido accedente et cum sale medio coniuncto, cremor tartari regeneratus producitur, cuius vni parti soluendae, aequales aquae feruidae partes duodecim ad quindecim vix sufficiunt.

Salis quidem fixi alcalini in tartaro, aliisque vegetabilibus nondum exustis, praeeistentia, experimentis certissimis MARGGRAFII aliorumque abunde probata est. Horum argumenta collegit, praestantissimisque suis de salibus alcalicis periculis chemicis, confirmauit Cel. WIEGLEB, omnem quae *tartaro* inest salis alcalici copiam, ex *hoc* nullam vim ignis experto elici posse. (vide Exp. 60-65.) Rationem horum in eo reperies, quod acidum minerale potiori gaudeat attractione electiua ad basin alcalinam Tartari, aliorumque salium vegetabilium, quam acidum Tartari. Ad eos tamen, qui in instituendis processibus chemicis a MARGGRAFIO et WIEGLEBIO praescriptis, forte de aliqua terrae calcareae per acidum in sal alcali mutatione, somniaturi sunt, erroris conuincendos, sequens periculum inferuiat, quod forma specieque tantum mutata, eandem sententiam firmat, cum tamen corpus terreum vel aliud adhibitum sit nullum. Vncias duas tartari tartarifati natiui tribus cum dimidia vncius spiritus nitri dilutas

expofui vt in cryftallos excreſcerent. Mox cryftalli Nitri regenerati in conſpectum venere, quae poſt repetitam evaporationem, quam fieri potuit diligentiffime collectae, deinde aqua pura ſolutae, iterum cryſtallifatae atque ſiccatae, drachmarum decem pondus habebant. Ex iſta cryſtallorum nitri quantitate facile ſupputando reperietur, ex vnciis tartari tartariſati ſeptemdecim (quae ſalis medii natiui, ex duabus libris cryſtallorum tartari educti quantitas eſt) eodem, quem enarraui, modo tractatis, vncias Nitri puri decem, drachmas quinque potuiſſe parari. Ad eliciendam hanc Nitri quantitatem opus eſſe videtur ſalis alcalici fixi, aëre fixo ſaturati, vnciis circiter decem cum dimidia, quae pondere fere aequant, ſalis alcalini ex duabus cryſtallorum tartari libris per calcinationem parandi, quantitatem, ſi exiguam illam partem ſubtraxeris, cuius iactura in ipſo proceſſu inſtituendo euitari non poteſt.

Auctorum nonnulli v. g. NEWMANN, alique, diſſuadent tartarum tartariſatum in cryſtallos mutare; arbitran-tes liqueſieri facile, et cryſtallos non eſſe amplius ſal medium, ſed potius tartarum ab alcali iam ſeparatum. Hoc vero falſiſſimum; cum contra ea perſuaſi ſimus, parari poſſe per cryſtallificationem, ſal medium puriſſimum, ea tamen conditione, vt ſaturatio accurate ſit inſtituta.

### *Experimenta cum acido Tartari inſtituta.*

Drachmas duas ſalis acidi tartari puri et cryſtallifati in retortam parvam per ſe deſtillandas immiſi. Leui calore iam liqueſcere et ebullire coepit acidum, mox ingruente calore, cum ſpuma permulta ſurſum extolli viſum eſt. Spiritus quidem empyreumaticus cum oleo in vapores albos ſpiſſosque tranſiit, quorum odor nares vehementer pungens, mihi exuſti ſacchari potius quam Tartari aequare odorem videbatur. Retortam, quae per dimidiam horam adhuc prunarum igne incanduerat, confregi, atque in ea vix aliquot ſauillae leuiſſimae ruſeſcentis grana inveni, quae ſaporem alcalinum habebat nullum. Num vero his ſauillis inhaereat terra quaedam vitreſcibilis, quod ita ſe habere KETZIVS Vir cl. perhibet, in exili iſta copia explorare mihi non licuit.

Ad indagandam aliquo modo *aëris fixi* acido tartari inhaerentis copiam, drachmam dimidiam huius acidi, in paruum retortam, cui vesica alligata esset, immisi. Mox leui adhibito calore vesica intumescerebat, vix tamen excipiendo omni aëri sufficiebat. Quo cum lagenam implevissem, in spatium sedecim aquae vnciarum capiens, hunc aërem extendi, deprehendi. Fracto per incuriam vase, aër, cum eius proprietates essem exploraturus, dilapsus est.

Acidum tartari *dulcificationi* cum spiritibus inflammabilibus nullo modo aptum est, quia ut cetera salia vegetabilia (de acido enim volatili e vegetabilibus per fermentationem parando i. e. de aceto iam non agitur) in statu quidem naturali nimis iners, vel ut ita dicam fixum est; maiore vero aliqua ignis vi nimis facile commutatur vel destruitur. Salis acidi tartari partem unam per pauca aqua ad solutionem concentratam redactam, duabus alcoholi vini partibus admiscui, diuque leui igne calefeci, quo facto postea spiritum vini abstraxi nihil omnino mutatum.

D. SCHIFFEL in Dissertatione *de acidis concentratis et dulcificatis, speciatim de vegetabili fumante et dulcificatione* Halae 1759 habita, in Spho XIma processum chemicum proposuit, quo ex tartaro tartarificato, acidum tartari per distillationem mediante oleo vitrioli, concentratum elici posse perhibet, eodem fere modo quo alcohol aceti e terra foliata tartari paratur. Quamvis equidem, cum eiusmodi tractationem chemicam salium essentialium vegetabilium naturae, propter illam in igne destructionem, minime accommodatam esse intellerem, iam antea de successu experimenti eius felici dubitarem, tamen periculum ex auctoris illius sententia facere decreui. Sed eo instituto, tale acidum minime paravi; odor enim suffocans, satis certe mixturam acidi sulphurei cum spiritu tartari empyreumatico, prodidit. Mixtura illa, quamvis usus essem retorta maxima, caloremque leuissimum amplivissem, tantam spumam emisit, ut distillationi finem imponere coactus fuero, cuius continuatio nullius quoque fuisset utilitatis, cum statim abunde edoctus essem, quam vana et inutilis esset auctoris eius praeceptio.

*Pericula de acidi tartari puri in alia corpora effectibus.*

Cum salibus alcalinis coniunctum hoc acidum producit salia media pura, quae in solidas et regulares excrescunt crystallos.

Drachmae duae *salis tartari purissimi* in aquae destillatae s. q. solutae, ad saturationem egebant *salis acidi tartari crystallisati et ficci* granis centum duodecim cum dimidio. Pauca grana leuioris terrae, qualem alcalia vegetabilia in saturatione cum acidis emittere solent, sueto more in fundum deferebantur. *Tartarus tartarificatus* inde natus, lenique calore siccatus drachmarum trium pondus habebat. Ad componendam igitur tartari tartarificati vnam vnciam, opus est *salis acidi tartari crystallisati ficci* drachmis quinque, et *alcali puri vegetabilis fixi* drachmis quinque, scrupulo vno. Drachmas tres *salis medi* inde parati iterum solui et ad crystallisationem disposui; forma crystallis tartari tartarificati propria excresebant.

Drachmae duae *salis alcali mineralis crystallisati et ficci* ad saturationem indigebant *salis acidi Tartari crystallisati* granis centum quinque. Ex his crystallorum perpulchrarum *fali Seignette* simillimarum paravi drachmas duas et scrupulos duos cum dimidio.

Ad drachmas duas *salis volatilis ammoniaci fictissimi* saturandas opus erat *salis acidi tartari purissimi crystallisati* partibus anaticis. Paratus inde *tartarus solubilis genuinus*, qui et *tartarus ammoniacalis* vocatur, in crystallos pulchras polyedras, eodem drachmarum duarum et scrupulorum duorum cum dimidio pondere, excresebat.

In huius acidi tartari cum salibus alcalinis saturatione, peculiari cautione curandum est, vt saturationis punctum accurate reperiatur. Si enim acidi paullulum abundat, *cremor tartari regeneratus* prodit, de quo infra pluribus dicendum est. Qua de causa praestat immittere acidum in salium alcalinorum solutionem; minus bene feceris, si salia alcalia in acidum indideris, quoniam hoc modo mixtum acidum, cum primis quae immittantur *salis alcali* portionibus, statim coagulatur.

Quod ad effectus acidi nostri in *terras* et inter eas in *terram calcaream* attinet, ex processu *salis acidi tartari* parandi supra proposito, satis iam patet *terram calcaream* perlubenter imbibere hoc acidum, atque eandem cum acido coniunctam, constituere sal medium terreum solutum difficillimum. Nouem vnciae cretae lotae in solutione tri-

ginta duarum vnciarum cremoris tartari, vncias viginti tres tartari calcarei praebuere. Cum iam vnciam dimidiam huius cretae cum acido tartari puro saturarem, tartarus cretaceus qui praecipitabatur sufficienter lotus siccatique pondus drachmarum decem habuit.

Data hac occasione opportuna, commendationem lotionis et edulcorationis cretae periculis adhibendae, non inutilem esse credo. Cretam enim praeter arenosas partes, etiam salium alienae indolis vestigia e. gr. salis communis, alcali volatilis etc. continere deprehendi. Cum vero ad educendum aërem fixum plerumque adhibeatur creta, fieri non potest, quin aër partibus istis salinis crudae cretae inhaerentibus, polluat.

Acidi Tartari cum terra calcarea affinitas remotior est quam acidorum mineralium; propior tamen quam aceti cum eadem affinitas. Acidum quidem Vitriolicum tartarum calcareum dissolvit, cum eius basi separata in seleniten transeundo: sic terrae calcareae in acido Nitri vel Salis solutiones, acido Tartari non turbantur, contra ex aceto statim praecipitantur. Drachmam vnam *testarum ofstrearum* purificatarum in aceti vini destillati et frigore concentrati s. q. penitus solui, et acidum tartari in aqua destillata solutum affudi, ea copia, ut nihil amplius in fundum deferretur. Tartarus calcareus sic paratus, perfecta ablutione et exsiccatione necessaria, drachmarum duarum, granorum viginti et quatuor pondus habuit. Deinde ut solubilitatis quae in *tartaro calcareo* est magnitudinem compertam haberem, drachmas duas, vncias quatuor aquae destillatae mistas, in cucurbita per dimidiam horam coctas ponderavi, eiusque grana decem soluta reperi.

*Terram muriaticam* acidum tartari magna cum effervescencia adoritur, ea saturatur et maximam partem tamquam corpus solutu difficile in fundum delabitur.

Paratum e duabus drachmis *salis amari Magnesia* cum acido tartari probe saturati, sal medium terreum quod insolutum manserat, granorum centum triginta quatuor pondus habuit. Haec quidem *Magnesia tartarifata* plus saporis salini quam tartarus calcareus prodidit; forma arenae, quae huic propria est, caruit, cum in solidius potius frustum exsiccata esset. Eadem facilius aqua soluebatur,



quum liquidum per filtrum separatum in ipsa euaporatione crustam crystallinam lutei coloris induebat, intermistis tenerrimis spiculis; residuum in massam terream saporis acidi transit.

Ex omnibus quidem corporibus terreis *terra aluminis* penitus sine praecipitatione soluitur. Terrae huius ex alumine romano per praecipitationem cum alcali fixo paratae, probeque edulcoratae, portionem madentem adhuc, in acidi tartari solutionem concentratam immisi; mixturam hanc coloris lactei, leni calori exposui, cuius quidem vi terra aluminis sensim soluebatur, ita vt mixtura, quamquam dominante acido, redderetur clara et aquae instar pellucida. Eiusdem terrae tantum addidi, quanto ad acidum saturandum opus esset; liquorem per filtrum decanthavi: solutio penitus saturata peculiarem quendam saporem adstringentem retulit, cuius in linguam effectus satis diu permanebat. Per euaporationem exsiccata est in massam claram coloris flauo viridis facile comminuendam, gummi arabici figuram referentem.

Si Crystalli Tartari cum alcali aliquo saturantur, separatur terra quaedam minuta, cana; cuius fere drachmae tres ad quatuor continentur libra vna crystallorum tartari, quae indolis est calcareae et argillaceae. Ea, quo tandem modo crystallos tartari intrauerit (partem enim eius essentialem putare nequeo) forte explicari potest. Notum est in fabrica Montis Pessulani in qua crystalli tartari conficiuntur, ad facilitandam partium faeculentarum oleosarum et sordidarum a crudo tartaro separationem, adhiberi terram quandam argillaceam. Cum vero, quod ex superioribus patet, terra aluminis ab acido tartari in continenti soluitur, idem fieri in depuratione tartari crudi ope terrae argillaceae concludere licet. Huius quidem terrae, quae a crystallis tartari discernitur, sub terrae inflammabilis nomine mentionem fecit Cl. WENZEL, eo ductus, quod eam in candenti lamina splendentem viderit. Sed si accurate rem inspicias, non terra ipsa ignem lucemque emittit, sed partes oleosae inflammabiles, quas e tartaro imbiberat. Ex quo etiam patet, cur in periculo eiusdem viri in tartaro et terra aluminis facto, eadem terra inflammabilis in conspectum non venerit; cuius quoque quantitatem in Crystallis tartari non semper eandem esse, notavi.

In *Corpora metallica* effectus paucos adnotatione dignos habet acidum tartari.

In *Aurum* quidem nullam vim exferit, nec eius solutio in aqua regia per acidum nostrum mutatur. Idem valet de *argento*, eiusque in acido Nitri solutione.

In *Mercurium* habet effectum, non quidem in forma soluta, sed sicca potius. Acidi Tartari crystallisati partes duae facile per triturationem cum vna mercurii viui parte copulantur; globuli mercuriales mox euanescent et puluis inde paratus colore Aethiopis saccharati est, quem *Aethiopem tartarifatam* vocare liceret. De cremore tartari notum est, bene ab eo per triturationem extingui mercurium. Si mercurio ex acido Nitri per alcali fixum praecipitato, vel mercurio per se calcinato, vel mercurio praecipitato rubro, affundatur salis tartari acidi solutio, cumque eo digeratur, mercurialia, mutato colore, cum parte acidi tartari coniuncta, tamquam grauia praecipitata, colore luteo in fundum deferuntur. Enimuero solutio mercurii sublimati in aqua destillata, cum acido tartari mista, non mutatur. Mixturam eiusmodi quum leui calore euaporare coëgissem, primo quidem mercurius sublimatus, in fuetas crystallos excreuit, postea acidum tartari per se crystallorum formam induit.

Diuerfa ratio est Mercurii in acido Nitri soluti. Drachmae vni mercurii in s. q. acidi nitri solutae, affundebam solutionem acidi tartari, quo facto, Mercurius instar pulueris grauioris, enituit, et vitri lateribus satis firmiter adhaesit: puluis aqua edulcoratus et deinde siccatus pondus granorum septuaginta duorum habuit. Huius praecipitati partem in cochleari argenteo prunis euaporandam imposui, residuum erat cineris paululum: cochleare vero colore aureo superinductum erat, qualis a Mercurio tartarificato Constantini produci solet.

I. Is quidem *Mercurius tartarifatus Constantini*, argumentum constituit satis celebre, epistolarum illarum alchymicarum ab auctore periculorum chemicorum de calce, Hanouerae, 1767 editarum. Eundem, ex mixtura supra memorata mercurii sublimati et salis acidi tartari parauit; euaporatam scilicet illem massam crystallinam in aquae feruidae s. q. solui, exque binis mercurii drachmis, et salis acidi tartari crystallisati granis sexaginta octo constabat. Addidi salis tartari grana septuaginta duo, quae quantitas, ad acidum salis marini quod in his duabus mercurii

sublimati drachmis in erat saturandum, requirebatur. Mixture quam maxime effervuit, et colorem amoenum auranteum induit, qui tamen cessante effervescencia rursus evanuit. Quo facto fluidum percolavi et calori exposui. Interiecto aliquo tempore Mercurius cum acido tartari coniunctus, instar pulveris argenti in fundum deferabatur. Illam in litteris memoratis commendatam virtutem *chrysopoeam* vere huic pulveri inesse, affirmare equidem nollem; tartarum tamen in conatibus veterum alchemicis non ultimas sustinuisse partes, certum est.

II. Mentio hoc loco facienda esse videtur differentiae satis notabilis, quae inter *acidum tartari* et *acidum salis Acetofellae* intercedit, quando cum mercurio conjunguntur. Ea quidem est eiusmodi: quum Mercurius tartarificatus in cochleari prunis impositus placide evaporet, idem metallum cum acido salis Acetofellae coniunctum, *mercurium fulminantem* genuinum praebet. Ad quem eliciendum, parandum est primo loco ex sale Acetofellae et sale tartari, sal medium purum, vel potius adhibendum est sal medium crystallisatum nativum, quod inest sali Acetofellae, quodque ex lixivio salis Acetofellae cum terra calcarea post saturationem residuo, educitur; cum hoc sale medio praecipitetur Mercurius ex acido nitri, edulcoretur et siccetur. Is quidem satis bene fulminat, a fragore tamen illo quem aurum fulmans edere solet, longissime abest; maiori etiam calore ad fulmen ciendum opus est. Eodem modo *argentum* quoque *fulminans* reddi potest, eius tamen effectus multo imbecillior: dirumpitur enim tantummodo instar pulveris torminalis. Memorabile hoc phaenomenon diligentiores et accuratiores disquisitionem mereretur.

Acidi tartari vim aliquam esse in *Cuprum* forma metallica, non inveni: Cuprum enim in acido Nitri vel Salis solutum, non turbatur. Interiecto tamen aliquo tempore crystalli nonnullae parvae, virides, regulari forma carentes, in fundum deferuntur. *Calx Veneris* e Vitriolo veneris per alcali fixum praecipitatum, cum acido tartari digesta, solutioni per filtrum colatae colorem viridem tenuem praebuit, quae tamen per evaporationem in coagulum subviride albicans transit.

*Ferrum* ab acido tartari cum lenta effervescencia adortum soluitur: quod solutum est, pulveris grysei granulati forma in fundum deferitur. Drachmae vnius *limaturae Martis* pars non soluta, vna cum pulvere crystallino praecipitato, lota et siccata, octoginta quinque granorum pondus habebat. Tenue tantum fuit in lixivio ferri ve-

stigium, et parum retulit saporis martialis: idem cum decocto gallarum colore aliquo conspicuo haud tinctum est. *A croco Martis* e vitriolo Martis per alcali praecipitato, acidum tartari cum eo digestum, colore tinctum est, purpureo, et leui calore exsiccatum, in massam coloris hepatici resinofam transiit. *Tincturae Martis alcalinae Stahl*i affuso acido tartari, statim *cremor tartari regeneratus* in fundum delapsus est: colorem a particulis ferreis subfuscum duxit.

*Stanno* in acido salis soluto, acidum tartari affusum non turbatum est, sed euaporationi subiectum in solutione stanni, quae clara et pellucida manserat, in crystallos excreuit.

Maior vero acido tartari cum *Plumbo* est affinitas. Minium enim cum acido tartari digestum, amisso colore rubro, cum acido coit. Saturni in acido Nitri facta solutio, acido tartari accedente, ex parte praecipitata est: maiori vero copia saturnus ex solutione sacchari sui praecipitatur. De qua re iam supra, cum de puritate acidi tartari exploranda ageretur, quae scitu essent maxime digna, exposita sunt. Non praetereundus tamen est error in methodo a *RETZIO* proposita obuius, isque in eo positus quod in §pho 15ta et 16ma ad soluendum saturnum tartarifatam, acidi nitri puri loco, acidum salis, aquam regiam et acetum concentratum commendet. Acidum enim Salis fortiori gaudet ad saturnum attractione electiua quam acidum tartari; et saturnus cornuus ex illo ortus, tanquam corpus solutu difficile, huic experimento, de quo agitur, minime idoneus est. Acetum vero minorem cum plumbo habet affinitatem, adeoque acidum tartari illi eripere non potest. Coagulum enim, siue saturnus tartarifatam, a nullo acido, quamuis in omnibus non eadem causa suppetat, excepto acido nitri soluitur.

Ex omnibus metallis in *Zincum* maximam vim exferit acidum tartari, cum eo tamen instar magisterii albi in fundum defertur. Drachma vna limaturae Zinci, cum hoc acido per binos dies fortiori digestionem exposita, praecipitatum eius metallo ipsi non soluto mixtum, granorum centum quadraginta pondus habuit. E floribus Zinci in

aceto solutione, Zincum, acidi tartari vi, instar pulueris crystallini albi, praecipitatum est.

Omnino quidem, vt vniuerse hoc moneam, ea methodus acidum tartari corporibus metallicis vel terreis applicandi prae ceteris praestantior mihi videtur, qua illa corpora, eo, quo par est modo, in acido aceti concentrati soluuntur, ex solutione postea cum acido tartari praecipitantur.

Vltimo loco de *regeneratione* crystallorum vel Cremoris tartari, siue quod idem est, de eorum ex acido puro et sale alcali fixo *Synthesi*; paucis monere libet. Si acido tartari cum sale alcali probe saturato et in sal medium conuerso, addatur adhuc aliquantum acidi, hoc cum sale medio copulatum, cremoris tartari forma in fundum deferitur. *Cremor tartari regeneratus* ex drachma vna salis alcali fixi, cum sale acido tartari, modo supra enarrato, supersaturati, paratus, cum aqua lotus et ficcatus esset, drachmae vnius scropulorum duorum pondus habuit.

Drachma vna *salis alcali mineralis fici* eodem modo supersaturati, exhibuit grana tantum quinquaginta; a liquido euaporato grana octodecim crystallorum minutorum parauit.

E *salis alcalini volatilis* Drachma vna acido tartari supersaturati, grana nonaginta septem elicui; in evaporatione liquidi in crystallos excreuere grana duodecim. Cremorem ex hoc sale paratum *RETZIUS Cremorem tartari volatilem* nominat.

Eadem regeneratio tartari peragi solet, admisto salibus mediis, v. gr. *tartaro tartarifato natiuo* vel *officinali*, *tartaro solubili*, *salis Seignette*, quouis acido vel minerali vel vegetabili, vel acido phosphori. Inualuit huc vsque opinio, qua praecipitatio. Cremoris tartari, per nimium acidum salibus mediis acidum tartari continentibus additum, pro certo illius sententiae argumento habita est, tartarum inter omnia salia, affinitatem minimam cum salibus alcalinis habere. Haec vero sententia ex parte tantum vera est. Additum enim illud acidum (quod *RETZIUS* Vir. cl. bene obseruauit) ea tantum cum parte salis alcali coniungitur, quae in sale medio, praeter illam quae

tartaro constituendo necessaria est, superflua deprehenditur. Si tamen ex data Tartari quantitate, omne acidum educere placeret, ratio huius rei efficiendae optima foret ea, vt lixiuio ex acidi cum terra calcarea coniunctione residuo, et sal medium continenti, acidi alieni v. gr. Nitri vel Salis communis, aliquantum, vsque ad finitam cremoris tartari regenerati praecipitationem, affundatur; quocum tartaro tartarifato regenerato, nec non cum tartaro tartarifato residuo, eodem quo antea modo procedendum.

Ex sale medio quoque e sale acetosellae excreto, et pariter acido aliquo supersaturato, sal acetosellae regeneratum, paratur.

Acidi tartari cum metallis, salibus alcalinis, terrisque affinitatem accurate inuenire, ob propriam illius indolem non licet, qua illis corporibus maiore quam qua ad saturationem iustam opus est, copia, adhaerere, et cum iis praecipitatum solutu difficile constituere solet. Quod in specie effectum huius acidi puri in corpora metallica attinet, certum est, acidum cum alcalina basi coniunctum, multo efficacius quam sine ea esse. Satis notam illam vim, quam tartarus crudus in martem, venerem, aliaque metalla exferit, immo vero metallorum in tartaro solutionem, ex parte, proprie sali medio natiuo tartari tribuere licet. Nimis ampla pro huius libelli limitibus effectuum acidi tartari cum basi alcalica coniuncti, in metalla foret expositio; quamuis in hoc etiam multa nondum satis explorata et disquisitione accuratiori digna inesse non dubitem. Haec quidem pro fine, quem mihi proposueram sufficiant: eorum quae exposui nonnulla vsum aliquem in re medica habere persuasus sum. Illustris *BALDINGER Praeceptor pie venerandus* in additamentis ad Pharmacopoeam Edinburgensem *sal essentiale acidum tartari* iam enumeravit. Pharmacopoeae Suecicae et Rossicae eidem acido honorificum praebuerunt locum: plura certe huius acidi praeparata in dispensatoriis recenseri mererentur.

---

XVII,

DR. PETR. REMIG. FRANCISC. DE PAULA  
WILLEMET

DISSERTATIO

DE

FRIGORIS USU MEDICO.

N A N C E I I,

1783.

ATLAS OF THE UNITED STATES  
OF AMERICA

OF THE  
UNITED STATES

OF THE  
UNITED STATES

OF THE  
UNITED STATES



# PROOEMIUM.

## I.

Quo medicamenta simpliciora, quo inventu faciliora, eo sunt maxime feligenda. Non ad longinquas regiones eundum, ut aeger curetur; verum alma natura homini aegrotanti remedia potiora in natali solo ministrat. Adsunt undique stirpes salutiferae, sed praesto est potissimum diaeta et usus opportunus accomodatusque rerum communium. Iam diu decantatum est:

Si tibi deficient Medici, Medici tibi fiant

Haec tria: mens hilaris, requies moderata, diaeta.

Equidem si opportune res vulgatissimas adhibere noveris, saepissime sufficient in morbis depellendis; quod ad probandum de frigore, in hoc tentamine, aggredior.

## II.

### *Frigoris definitio et effectus.*

Frigus, secundum Physicorum definitionem, nihil aliud est, quam imminutio caloris, scilicet proprietas in corporibus mere relativa. Sic omnia corpora, in quibus calor minor adest, quam in homine, nobis sunt frigida. Frigoris qualitas praecipua est corpora adstringere et unire. Per ejus vim, solida majorem consistentiam firmitatemque suscipiunt, fluida vero condensantur, consolidantur, gelascunt; aer ipse, fluidum tenuissimum, condensationem citissime experitur. Ex his tribus effectibus, quos etiam corpus humanum praeclare per sentit, derivantur plurimae proprietates Medico non negligendae. Scilicet, ex primo effectu, frigus fibris tonum inducit, eas adstringit, roborat, quandoque stimulat; ex secundo, sanguinem humoresque nimium rarefactos et calidos condensat, refrigerat, sedat; ex tertio, aerem, intra corpus noxium, ad minus volumen reducit, et saepe expellit. Inde fit ut frigus non immerito referendum sit inter remedia tonica, roborantia, adstringentia, reperiuntia, antiseptica, stimulantia, evacuantia; inter refrigerantia, sedantia; atque tan-

dem inter carminantia, et ea, quae morbis, ex nimio aëris intra corpus volumine ortis adversantur.

Non has varias virtutes singulatim persequemur; sed morbos exponemus in quibus, illarum ope, frigus competit, et non raro plures simul indicationes adimplet. Experientia freti, theoria ex primis physicae lineis deprompta suffulti, brevitatem affectabimus, cum et intelligenti pauca, nec otium, nec praxis, nec opusculi forma, nec ingenii vires nobis majora permittant.

### III.

#### *Diversi modi frigus administrandi.*

Variis modis frigus aegrotantibus administrari potest, nempe mediantibus aëre, aqua, glacie, nive, et medicamentis frigidis.

Aër frigidus, saeviente hyeme, facillime admitti potest. Sub aestate vero, ut solebant antiqui, „in subterraneo loco aeger decumbet, et pavementum aqua frigida „conspersetur, ut aër hinc frigidior evadat. Aqua etiam „ex aliis vasis in alia decidat. . . Praestat adhuc, si aërem „ita immutes, ut non modo refrigerare corpus, sed etiam „corroborare possis, id quod fiet, si pavimento injicias refrigerantium aliqua, aut rosas, aut semperviva, aut rubum, aut lentisci turiones, aut vitis capreolos, aut simile „quoddam, tum ad refrigerandum, tum ad robur inducendum efficax.“ ALEXANDER TRALL. pag. 722, edit. Guinter.

Aqua minimum ad gradum trigesimum thermometri FAHRENH. frigeat: secus enim effectus minus certos ad scopum propositum ederet. Sub forma potus, balnei, fustus, clysteris, adhibenda venit, frigoris gradu a Medico, pro necessitate, aucto.

Glacies, seu aqua congelata, propter majorem frigiditatem, in casibus ubi maximum frigus conciliandum erit, est usurpanda. Methodos artificiales glaciei obtinendae et aquae refrigerandae non trademus. De illis vide Physicorum scripta et *Dictionn. encyclopedique*, sub voce FROID, *Physique*. Ad aquam refrigerandam, glacie vel nive tantum utebatur R. P. Bernardus-Maria de CASTROGIAANNE,

Siculus, ex Ordine Capucinorum, qui, aquae gelidae ope, morborum curationes permultas, quandoque mirificas, nobis saepe laudandas, obtinuit.

Nix, ex aquis atmosphaericis congelatis formata, eosdem<sup>us</sup> usus ac ipsa glacies praebet. Ejus ope frictiones potissimum sunt instituendae.

Quoad medicamenta frigida, non in illis operam ponemus, quae dissertationis integrae darent argumentum. Si Medicus pro quadam indicatione adimplenda, illa adhibere vellet, recurrere potest ad acida, ad nitrum, ad fructus aquosos frigidos, melonem, citrullum, etc. etc.

## IV.

*Cautelae in administratione frigoris necessariae.*

Sciunt omnes nullum esse remedium quod indiscriminatim adhiberi possit. Quandoque, in morbis qui frigoris auxilium vulgo postulant, dantur contraindicationes, quae eodem abstinere cogunt. Praecipuae sunt idiosyncrasia subjectorum, quorum nervi ab illo semper male afficiuntur, et praesentia inflammationis. Frigus proclivitatem ad inflammationem ipsamque gangraenam saepe curat. Sed, ut alia adstringentia antiseptica, praesentem inflammationem adauget. Alias minoris momenti contraindicationes frigoris lectorum sagacitati relinquimus.

## V.

*Frigoris usus in febribus.*

Frigus mirabilem utilitatem praebet in illis febribus continuis, sub quibus aegri ardorem vehementem periciunt, et dira siti excruciantur. Tunc enim cum natura, materiae morbificae expulsionem omni ope moliens, summum calorem producat, frigus, optimum antiphlogisticum, nimium ignem temperat, simulque tamen ob vim tonicam omnibus organis impertitam, evacuationes \*) pro-

\*) HIPPOCRATES, *de morb. cap. ult.* de potibus frigidis agens: „Multos autem edunt effecrus: alii siquidem mictionem provocant, alii alvi dejectionem, alii utrumque, alii neutrum, sed tantum refrigerant.“

vocat, pro unico fere remedio \*) adhibendum. In febribus ardentibus igitur, quae, inter alias synochos, enarratis symptomatis insigniter distinguuntur, cavendum est ne aeger lecto incarcerationis sub linteorum copia magis ac magis calorem contrahat, et saepe refrigerandus est aër: sed tunc potissimum administranda venit methodus, qua frigus ad interiora tuto, cito, et jucunde perveniat; scilicet exhibenda est aquae frigidae potio, quam aegrotantes etiam ex naturali instinctu magnopere appetunt. Veteres \*\*), Arabes \*\*\*), et quidam ex recentioribus †) ejus efficacitatem in hujusmodi morbis agnoverunt; at non eadem est illorum sententia de tempore exhibitionis, AVICENNAS et caeteri Arabes bibendam frigidam continenter toto morbi decursu jubent, dum contra CELSUS, AETIUS et LOMMIUS contendunt, in exhibenda frigida, cavendum esse a principio atque incremento febris, sed totius morbi particularisque exacerbationis vigorem deligendum. *Cru-da enim, aqua,* inquit LOMMIUS †), *murationi officit humorum, ideoque non recte dari, nisi in statu, qui absolutam exhibet concoctionem, potest.* Credimus equidem quod in his temperatis regionibus, imprimis quando febris non

\*) GALEN. *Metb. med.* l. 9. „Maxime vero continentium februm remedia, haec duo sunt detractio sanguinis et potio frigida.

\*\*) HIPPOCRAT. *de morbis*, l. 3. circa finem. GALEN. *Metb. med.* l. 9. c. 5. *De consuetud.* c. 1. *De simpl. med. fac.* c. 30. In hoc ultimo loco notanda sunt GALENI verba: *Non solum audacter dedi in causo, sed et aegrotantis familiaribus dixi, moriturum nisi Frigidam biberet: et omnes, cum Deo dictum sit, evaserunt.* Vide etiam PAUL. AEGIN. *ardent. curat.* c. 29. ARETAEUM, l. 2. c. 4. CELSUM, l. 3. c. 7.

\*\*\*) RHAZEUS ad MANSOREM, lib. 10. et in lib. *divisionum*. AVICENN. *canon.* lib. 4. AVERRHoes, colligit l. 5.

†) FERNEL. *Febr. cur. metb.* p. 308. SCHELHAMMER. *de genuina febr. cur. metb. part.* 3. sect. 3. LOMMIUS, *de curand. febr. contin. sect.* 3. c. 2. et 3. HOFFMAN. *de febr. ard.* p. 113. R. P. BERNARDUS, cujus felices curationes in variis collectionibus videndae sunt, scilicet *Mercure de Fr.* 1724 et 1725, *Bibliorb. de med. Clar.* PLANQUE, sub voce *Glacé*, et *Verr. medic. de l'eau comm.* 1. 2. p. 467. et seq. BOISSIEUX, *metb. rafr.* p. 105. G. G. RICHTER. *Opuscul.* 1. 2. p. 27, etc.

††) *Loc. cit.* p. 144.

maxime ardet, abstinendum sit a nimia Frigidæ potionem in principio morbi; sed sub calidiore coelo, ubi ardor semper adest in summo gradu, Medicus eidem, toto morbi decursu, indulgere potest et sæpe debet; quod confirmant felices curæ Arabum et praxis R. P. BERNARDI, aquam gelidam aegrotantibus in insula Melita pro unico remedio ministrantis. Neque hic dissimulandum est VAN SWIETENIUM \*) methodo nostræ adversari. Veterum testimonia agnoscit, et tamen, nulla experientia fretus, infirmare tentat, additque: *patet facile, quanta mala metuenda sint, si aestuanti a febre corpori gelidus potus affatim ingereretur.* Verum, quod tanti viri pace dictum sit, non idem metus adest de potus frigidi exhibitione in aestu febris ardentis, ac in calore a corporis exercitio procedente. In statu febrili multo major est ardor sanguinis, quam ut subito vincatur aqua frigida, superveniantque gravissima symptomata, quæ in statu sano subitum frigus post calorem vulgo sequuntur. Imo in peste aegri quandoque sani evaserunt ope Frigidæ. Tria exstant exempla apud HANCOCKIUM \*\*), et AVICENNAS, de cura pestis \*\*\*), *aquam plurimam frigidam subito esse valde juvativam* asserit. Illud emolumentum insuper habet frigus, in peste, quod sub forma frictionum glacie operatarum, vim antisepticam exercendo carbones curet. Cl. SAMOÏLOWITZ †) hoc remedium, ab ipsa Ruthenorum Autocratissâ indicatum, felicissime adhibuit.

Nec tantum feбри ardenti conducit frigus. Sæpe sub forma pediluviorum, semicupiorum, balneorum in ephe-mera et synocho simplici emolumentum ††) fecit. Aeger quidam †††), synocho simplici cum delirio laborans, in puteum sese præcipitem dedit, sicque sanatus est. In febre variolosa RHAEUS \*) aquæ frigidæ potionem suadet, additque illam magis etiam convenire ei qui morbillis aegro-

\*) Comment. 2. 2. §. 604. et §. 743.

\*\*) Febrifug. magn. p. 271.

\*\*\*) Canon. lib. 4.

†) Vid. *Lettres sur les experiences des frict. glacial.* 1782. Varia di-  
ria recentissima ejus successus iterum celebrant,

††) BOISSIEUX, *Meth. refr.* p. 19.

†††) *Four. de med.* 2. 30. p. 127.

\*) RHAEUS de variol. edit. Goetting. 1781. p. 62.

tat, quam variolis laboranti. Cl. PAULET \*) in hocce ultimo morbo eandem facpe et paucis portionibus fumentam jubet. BERNARDUS Capucinus \*\*) etiam variolas aqua gelida curabat, et aegrorum facies nunquam foedabatur.

In febribus putridis gelidum potum aegris illum appetentibus permittit RICHTERUS \*\*\*), et equidem hujus utilitatem Cl. NICOLAS †) in seipso et in aliis tali morbo laborantibus expertus est. Felices quosdam successus Frigidæ in malignis, vide apud HANCKOCKIUM ††). Eam Celeb. SARCONI, imprimis in febribus putridis malignis, ob solidorum atoniam et nervorum debilitatem †††), commendat. Fomenta frigida in febribus malignis suadet RIGLERUS *epi. Siles. p. 22. et 62.* Et in eodem morbo Americani aegrotantes in aquam frigidam mergebant; *vid. ROBERT trait; etc. t. 1. p. 369.*

Pro curatione febris biliosæ, ubi magis ad vomitum et diarrhæam compescendam, quam ad febrilem motum coercendum respicere oportet; id optime prestabit, ut testatur Cl. VOGEL \*), potus Frigidæ copiosus, quem dudum laudaverat \*\*) HIPPOCRATES in tali febre. Hujus reliquias, ex debilitate procedentes, Celeb. TISSOT \*\*\*) præsertim juvante balneo frigido expellit, et toto morbi decursu †) aërem, quantum potis est frigidum et sæpius renovatum, in cubiculo admitti jubet.

Veteres ††) hæticam in primo gradu frigore fere solo sanabant. Aëre refrigerato, balneis et potibus frigidis maximo cum successu utebantur, et nil impedit quin eorum vestigiis insistamus.

\*) *Hist. de la pet. ver. t. 2. p. 57. et 77.*

\*\*) *Vert. de l'eau comm. t. 2. p. 485.*

\*\*\*) *Opuscul. t. 2. p. 28.*

†) *Malad. epid. du Dauphine.*

††) *Febrifug. magn. p. 184.*

†††) *Istor. del. malatt. Neap. §. 208.*

\*) *De cognosc. et cur. morb. §. 82.*

\*\*) *De morbis, l. 3.*

\*\*\*) *De febre biliosa, inter opusc. t. 1. p. 84.*

†) *Loc. cit. p. 59.*

††) AETIUS, *bas. febr. cur. p. 267.* GALEN. *meth. med. l. 10. c. 6.* ALEXANDER TRAL. *l. 12. p. 716.*

Usum frigoris non suademus in febribus intermittentibus, quamvis C. F. PAULLINI tertianam in seipso inter frigidos potus et sociata corporis exercitia \*) restrinxerit. Nec multum nos commovet exemplum Indorum \*\*), qui post paroxysmos balneo frigido, vel Curlandorum qui, teste R. LENTILIO \*\*\*), ad fugandam tertianam, flumine se immergunt aut in nive volutantur, postquam in caldario sudarunt. Si quandoque profuerit frigus in hisce febribus, id variis peculiaribus circumstantiis tribuendum est. Sed in genere, tunc ab ejus usu abstinere oportet, propter calorem minorem et humorem morbificum vulgo crassiores aut tenaciorem.

## VI.

*Frigoris usus in haemorrhagiis.*

Nullus est morbus qui melius frigoris potestatem in sanguinem probet, quam haemorrhagia. Aqua gelida, nix, glacies supra vulnus applicatae, sanguinem condensant, spissiores faciunt et ejus fluxum praepediunt. Quae remedia, natura duce, ex omni aevo cum fructu adhibentur, heroibus Homericis †) athleticque nota. Eadem medelae in haemorrhagiis internis conveniunt. Celeb. HAENIUS ††), aqua gelida pulmonis et ventriculi haemorrhagiae curam promovit. Uterinae vero sanatio valde juvatur †††) aspersioibus, applicatione linteorum aqua frigida madidorum, balneis, liquoribus acidis, etc.

## VII.

*Frigoris usus in quibusdam morbis inflammatoriis.*

Frigus etiam in morbis inflammatoriis utile reperiuntur. Iterum fatemur quod in inflammatione declarata plerumque noceat; verum si haec minima, vel tantum impendens adsit, virtus antiphlogistica frigoris non

\*) *Obs. phys. med.* 32.

\*\*) *Eph. nat. curios. dec. 1. an. 9. et 10. obs.* 194.

\*\*\*) *Eph. nat. curios. dec. 2. an. 6. obs.* 188.

†) *Vid. Illad. l. 11. et ATHEN. dipnosoph. edit. 1612, p. 41.*

††) *Ratio med. part. 10. c. 6. §. 5.*

†††) *Vid. Observat. sur les pertes de sang, par Mr. LE ROUX, p. 184.*

parum proficere potest. Inde procul dubio repetendae sunt quaedam pleuritidis et peripneumoniae sanationes, quas a glaciei vel nivis usu obtentas TH. BARTHOLINUS \*) commemorat. HANCOCKIUS \*\*) asserit pleuritidem, a se observatam, aqua frigida affatim sumpta, potius, quam venae sectione curatam fuisse. Praeterea Celeberr. SARCONE \*\*\*) ope Frigidae, glaciei, nivisque memorandas curationes in morbis inflammatoriis pectoris vidit et operavit. Apud eundem, Cl. BRESSANI testatur se, in peripneumonia epidemica, aquam glaciale maximo cum emolumento aegris propinavisse.

Adversus hepatitis, lintea aqua frigida imbuta, regioni hypochondriacae quin et toti abdomini imposita, valde utilia observavit mox laudatus Cl. SARCONE.

Norunt omnes quantum adhibitio frigoris in phrenitide †) competat. Caput aegri ad cutem tonsum fotu frigido frequenter madefaciendum est, et balneis potissimum utendum. Clariss. PERREYMOND ††) paraphrenitidem semibalneis frigidis curavit. Oculorum inflammationem, et dolores exinde exortos, nullo alio remediorum genere sedare potuit ER. WINDIGIUS †††), quam nivis globulo parti affectae applicito.

Ergo verum et illud divini senis \*): „Frigido in his „utendum, unde fluit aut fluxurus sanguis est, non quidem eodem loci, sed ad ea loca unde influit, admoto: et „si quae partium inflammationes aut deflagrationes ad rubrum sanguineumve colorem tendunt, recenti efflorescente sanguine, iisdem ipsis adhibito. Nam inveteratas „nigrefacit. Erysipelas etiam non ulceratum juvat: siquidem exulceratum laedit.“

\*) *De nivis usu, cap. 26.*

\*\*) *Loc. cit. p. 215.*

\*\*\*) *Loc. cit. §. 208.*

†) Inter alios Auctores; vide potissimum ARETAEUM *curar. morb. acut. lib. 1. cap. 1.* In insolatione idem remedium successu praestantissimum habet.

††) *Journ. de med. 1. 32. p. 138.*

†††) Apud BARTHOLIN. *de niv. c. 25.*

\*) *Aphorism. sect. 5. 23.*



## VIII.

*Frigoris usus in doloribus.*

Eminet insuper virtus antiphlogistica et sedans frigoris in illis morbis, quos Authores, sub nomine dolorum, peculiariter intelligunt. Hic frigidorum utilitatem ex omni aëvo Medici agnoverunt.

Cephalalgiam, praesertim ex solis ardore contractam, tantum topicis frigidis Antiqui \*) curabant; idemque remedium, a recentioribus tentatum, ex voto \*\*) successit.

Calidum dentium dolorem aqua nivis, AVICENNA \*\*\*) teste, sedat: ZACUTUS †) confirmat plures, qui hoc praesidium sunt experti, doloris saevitiem effugisse, etiam omnibus aliis remediis incassum adhibitis.

Adversus cardialgiam CAELIUS AURELIANUS ††) regimen frigidum instituit, et FR. VALLESIIUS †††) potum gelidum balneumque commendat. Aqua frigida saepe minores stomachi dolores \*) expulit.

Variae colicae species a frigore maxime levantur. Nullam fere aliam opem poscit ea, quae pendet a flatibus; quod etiam obiter dicendum est de tympanitide \*\*); aër nempe condensatur et deinde facile eliminatur. Sed et caeteros dolores colicos curant, vel effusio aquae frigidae supra corpus, qua mulierem jam desperatam sanavit HIPPOCRATES \*\*\*), vel emplastrum ex nive parti dolenti impositum, ZACUTO †) monstrante viam, vel potus frigidus, quo permulti ††) usi sunt.

\*) GALEN. de compos. med. sec. loc. 1. 2. c. 1. CELS. l. 1. c. 3.

\*\*) Verr. de l'eau com. 1. 1. p. 48. et 104. 1. 2. p. 469, 477, 486, 517.

\*\*\*) L. 2. ir. 2. c. 524.

†) Prax. adm. l. 1. obs. 79. et Hist. Med. princ. l. 1. obs. 46.

††) Acut. l. 2. c. 37.

†††) Comment. in HIPPOCR. epid. l. 5.

\*) Vide Republ. des lett. 1708. sept. p. 290. HANCOCK. p. 220. Verr. de l'eau comm. passim.

\*\*) Journal de med. 1. 38. p. 133.

\*\*\*) Epid. l. 5.

†) Prax. adm. l. 2. obs. 23.

††) GALEN. meth. l. 12. c. 7. LAZ. RIVER. Prax. l. 5. c. 1. VAL-  
LISNERI eph. n. c. cent. 5. obs. 10. NOGUEZ, explic. des eff. de  
l'eau. P. BERNARDUS, etc. etc.

Articulorum tumores et dolores absque ulcere, atque etiam podagricos, et convulsiones, magna ex parte, Frigida large effusa levat et extenuat, solvitque dolorem; nam modicus torpor doloris solvendi vim habet, ipso loquente \*) HIPPOCRATE. Non mirum igitur, si HERM. VAN DER HAYDEN \*\*) pedum crurumque immersionem arthriticis commendat et plurimis profuisse tradit, quod remedium etiam a nobili quodam Hispano adhibitum vidit TH. BARTHOLINUS \*\*\*). Nec immerito HOMBERGIUS †) curationem rheumatismi non minus a balneo frigido, quam a calido obtineri posse contendit. Cl. RISSOT ††) nullum certius remedium ad illum avertendum scribit, et Frigidæ potum contra eundem laudat HANCOCKIUS †††): quod fulcit observatio a Celeberr. MARET ad calcem ejus eximii de balneis operis \*) consignata. Demum quis nescit podagram rarissime abstemios invadere? Frigidam bibant podagrici: rem bene vertere observarunt RONDELETIUS \*\*) et HOFFMANNUS \*\*\*), præsertim in podagra biliosa. Applicationes frigidaæ adhuc competunt, hibernæque nives, SNEBERGERO †) monente.

## IX.

*Frigoris usus in spasmis.*

Spasmi ipsi adeo sedari possunt a frigore, ut, illo ad majorem gradum adducto, totius musculorum systematis irritabilitas ††) pereat. Nil desperandum, Medico perito remedium ita efficax moderante. Iam Cl. POMME †††) ostendit omnimodas applicationes frigidas spasticis sympto-

\*) *Aphor. sect. 5. 25.*

\*\*) *De aq. fr. disc. 3.*

\*\*\*) *De niv. c. 28.*

†) *Hist. de l'Acad. R. des Sc. de Par. an. 1770.*

††) *Avis au Peuple, p. 159.*

†††) *Loc. cit. p. 227.*

\*) *Pag. 117. not. 30.*

\*\*) *Meth. cur. morb. p. 611.*

\*\*\*) *Diff. de aq. comm.*

†) *Med. eupor. adv. artic. dol.*

††) Id experimentis probat Cl. SPALANZANI, *Opuscul. de Physiq. trad. 1777. t. 1. p. 144.*

†††) *Traité des affect. v. por. passim.*

matibus affectionis hystericae vel hypochondriacae mederi. Ad probandum solo aquae frigidae usu morbum ipsum curari, I. N. A. LEUTHNER \*), Medicus Germanus, librum scripsit.

In tetano, sine ulcere, HIPPOCRATES \*\*) Frigidae largam profusionem adhibebat, et multae observationes \*\*\*) confirmant convulsiones plurimas sic profugisse.

Potum sub frigidum tussi remedio esse testantur VAN DER HEYDEN, HOFFMANNUS et HANCOCKIUS †). Haec medela convenit tussi catharrali: equidem catharris et rheumatismis vexatos non raro sanat applicatio frigida, si vires sufficiant. SMITH Anglus ††) mulierem vidit tussi vehemente vexatam, lotionem frigida circa aures, tempora et capitis verticem sanata, postquam omnia remedia incassum tentasset.

In epilepsia, mania, rabie frigus laudabiles effectus edit, pro causa et symptomatis morbi. Celeberr. MARET †††) nymphomaniam, omnibus aliis antispasmodicis resistentem, solis balneis frigidis sedavit. Ex dictis, Medici erit occasionem discernere frigoris in his morbis adhibendi.

## X.

*Virtus stimulans et roborans frigoris, cujus actionis in fibras gradus perpenduntur.*

Frigoris vi, sedante ita demonstrata, ne παρὰδόξων amantiores videamur, si idem pro stimulante, tonico, roborante haberi volumus. In praedictis morbis agebat potissimum sanguinis ardorem refrigerando et nervorum sensibilitatem musculorumque irritabilitatem nimiam minuendo. Prior agendi modus non impedit quin frigus, ut jam §. II. innuimus, fibras solidorum adstringat ac roboret; nec magis alter obstabit, si frigoris effectus altius perpen-

\*) Vid. Gaz. sal. 1782. No. 12.

\*\*) Aph. 21. Sect. 5.

\*\*\*) Journ. de med. 10m. 27. p. 350; t. 29, p. 129; et t. 56, p. 54. Gaz. sal. 1781; No. 40 et 41. Verri. de l'eau comm. 1. 2. p. 468 et 776.

†) Locis cit.

††) Traité des vert. med. de l'eau comm. p. 118.

†††) Mem. sur la man. d'ag. des bains, etc. p. 116.

dantur. Sic enim rem intelligimus. Frigoris in fibras actio est illas constringere; sed haec constrictio, secundum minorem majoremve gradum, varios effectus producit. Quatuor gradus, pro frigoris intensione, distinguendi sunt: in primo, fibrae adstringuntur, roborantur, tonum acquirunt; in 2<sup>o</sup>. stimulantur, irritantur; in 3<sup>o</sup>. constrictione nimia torpor eis inducitur, unde sensus doloris evanescit; tandem in ultimo, molecule igneae prorsus deficiunt, irritabilitas perit et simul ipsa vita. Ex his patet frigus, quod mox dolores et spasmos sedabat, ad minorem gradum adductum stimulare vel roborare posse. Non assignamus, ope thermometri, frigoris gradum ad illos effectus edendos necessarium, cum regulae certae de re valde relativa difficillime constitui possint. Semper idiosyncrasiam, consuetudinem, aetatem Medicus respiciat.

Vis stimulans frigoris notatur in lipothymia et syncope, ubi facies laborantium aqua frigida maximo cum successu inspergitur. Nemo nescit ex hac civitate idem remedium diutius protractum, pluries felicissime adhibitum fuisse a D. HARMANT, ut homines vaporibus carbonum suffocatos ad vitam revocaret.

Roborantem frigoris virtutem, jam theoria fultam, comprobat praxis Medicorum hujusce temporis, qui in omnibus pene morbis a debilitate ortis ad balneum frigidum recurrunt. Iis Clariss. TISSOT se ducem praebet, qui nihil praestantius noscit \*) quam nobile illud remedium, quod duce natura et adhibuit et amavit sapiens antiquitas. Nimis longa foret enumeratio morborum, quibus competit ad roborandum. „Quotiescumque enim,“ ut Celeberr. Authoris verbis utar, „adeſt atonia, (quando „hodie non adeſt?) et vitia quae ſecum trahit atonia, de- „pravatae digeſtiones et coctiones, nervorum debilitas et „mobilitas, fluor albus aliaque omnigena horum ſoboles, „modo non praepediant obſtructiones incurabiles, aut vo- „micae, nullum par datur remedium a primo vitae dilu- „culo ad ſenium uſque.“ Nec balnea prohibent aliam fri-

\*) *De febr. bil. p. 84.*

goris administrationem, si necessaria judicetur. Sic PAULUS A SOREBAIT \*) paralyfin potu liberali frigidus vicit, et eadem frictionibus gelidis non semel \*\*) sanata est. Balnea frigida scopo roborante conducunt gravidis, eaque nutricibus utilia vidit WHYT, *avis aux femmes enceintes et en couche*, p. 6. Ad restituendas ventriculi vires, in digestionem difficili aqua frigida detur.

## XI.

*Virtus evacuans frigoris.*

Iam hanc virtutem §. V. leviter attigimus, cum animadvertebamus in febribus evacuationes a frigore provocari. Id fit et in aliis morbis, quibus competit ad excretionem varias excitandas.

In constipatione maxima, optatissimos edidit effectus usus aquae frigidae \*\*\*) externus: clysteres frigidi †) etiam adhiberi possunt. In cholera, ubi sordes primarum viarum eliminandae sunt, potum frigidum dabant CAELIUS AURELIANUS ††) et THEODORUS PRISCIANUS †††). Eadem ratione dysenteria pluries \*) sanata est, et HUXHAMUS \*\*) fatetur aqua frigida sola, opii pauxillo adjecto, nonnunquam ejus curationem consummasse. Juvenis, gravi dysenteria laborans, cum in fluminis aquam ad genua usque se immerisset, et circiter semi-horam sic in flumine obambulasset, vix egressus, virium instaurationem expertus est, domumque rediit sanitati omnino restitutus: LA CASE, *inst. Med.* p. 105.

Cl. BOUSQUET \*\*\*) utilitatem aquae frigidae adver-

\*) *Eph. n. c. d. 1. a. 2. obs. 49.*

\*\*) BARTH, *de niv.* p. 210. *Virtus de l'eau comm.* p. 508. *Gaz. sal.* 1778. No. 20.

\*\*\*) STEVENSON, *Eff. d'Edimb.* t. 6. p. 560. et seq.

†) BOISSIEUX, *meth. rafr.* p. 167.

††) *L.* 7. p. 376.

†††) *L.* 2. part. I. c. 13.

\*) AMATUS, *Lusit. cent. 1. obs. 46.* LANZONUS *epb. n. c. d. 2. a. 9. ob. 53.* VICARIUS, *ibid. ob. 146.* P. BERNARDUS, *vert. de l'eau comm.* t. 21. p. 502 et 503.

\*\*) *Tom. 1, p. 292.*

\*\*\*) *Gaz. sal.* 1777, No. 30.

sus dysuriam observavit, et frigidorum efficacitatem in lotio suppresso laudat \*) TH. BARTHOLINUS.

Tandem ad ipsa menstrua vel lochia restituenda frigus conducere potest. In priori casu, MEADIVS immersionem pedum in aqua frigida adhibuit. In retentione vero lochiorum, mos est antiquissimus et usitatissimus Syracusarum \*\*) tum apud populum, tum apud Medicos, ut supra regionem lumbarem mulieris sacculum nive plenum applicent, donec fluxus rursus compareat, quod semper fit aliquanto post, et novum fluxum potione nive refrigerata adjuvant.

## XII.

### *Frigoris usus in Chirurgia.*

CHIRURGIA quoque magnam utilitatem ex administratione frigoris capit. Ejus ope, haemorrhagia, ut supra monuimus, sistitur, et hernia incarcerata \*\*\*) reducitur. Cancrum ab aqua gelida curari docuit Cl. POUTEAU †). Quid plura? Frigus probe administratum frigoris immoderati noxis medetur: scilicet frictiones cum glacie institutae ‡) partes corporis congelatas sanant, eodemque modo nix pernionibus adversatur.

\*) *L. cit. p. 152.*

\*\*) *Obs. sur la Phys. par l'Ab. Roz. etc. suppl. t. 13. p. 22.*

\*\*\*) *Vid. Gaz. sal. 21. Nov. 1782.*

†) *T. 1, p. 95, 105 et 131.*

‡) *Vid. VRIGNAUD, Recherch. sur l'Econ. anim. 67.*



XVIII.

DR. IOANN. SCHAEFFER

DISSERTATIO

SISTENS

ANTHELMINTICA REGNI  
VEGETABILIS.

ALTDORFII,

1784.





## P R A E F A T I O.

Quoad longissime potest mens mea respicere vestigia praeteriti temporis, in veterum scriptorum monumentis, inde usque repetens, interaneorum animalia video non solum tenerioribus, sed et aetate provectioribus principem et ad gignendos et ad deteriores efficiendos morbos, rationem extitisse. Ex quo factum est, ut medici, humanitate ducti, vehementer inflammarentur, ut non deessent, quibus adversarios istos, corpus omnibus profecto cruciantes modis, profligarent, imo graviter iis adfectos quasi e mortis faucibus eriperent, et scientiae medicae adhuc maior inde adfulgeret lux et splendor. Verum enim vero tantum aberat, ut prospera aequabilisque valetudo, secundo vitae sine ulla offensione cursu exinde oriretur, ut potius omnium propemodum horum remediorum vim prorsus illuderent vermes, adeo, ut infirmi incredibili hac et paene divina, qua sanitatis beneficio fruimur, voluptate carere cogerentur. Res itaque diligentius tractari coeperat. Quum enim ea maximi momenti esset, et ad salutem totius generis humani pertinere videretur, accidit, ut medici, quo se verterent, nescientes, assidue captis experimentis, Materiae, ut dici solet, Medicae tantum huius generis medicamentorum cumulum adderent, ut vix ulla inveniri posset huius pars, quae maiori instructa esset copia. Ego vero, quum iam in eo essem, ut mihi ad disserendum materiam sumerem, operae pretium me facturum esse credidi, si, quantum id quidem in me positum erit, omnia, quae anthelmintica et praestantiora et leviora in monumentis medicorum partim dispersa, partim adhuc neglecta iacerent, paulo adcuratius investigarem, eaque, servato ordine, collecta publici iuris facerem. Atque ego quidem parum hic laudis captandum esse duco e labore tam parvo; non ingratum tamen hunc ipsum, nec inutilem fore confido: quippe quem a me ipso non absque voluptate et utilitate defluxisse confiteor.

Constitueram quidem initio, brevi antea facta de eo, quo modo generentur hi hospites infesti in corpore humano, praefatione, ad tractationem earum rerum, quas hac in Dissertatione recensere animo mihi proposui, accedere; nisi magnorum Virorum Venerab. GOEZ et Cl. BLOCH, quorum industria in amplificanda augendave historia rerum naturae non satis laudari digne potest, egregii libri de vermium in animalium interaneis viventium ortu, natura figuraque conscripti in manus venissent, meque de fixa iam statutaque sententia deduxissent. Etenim Duumviri hi omnia flagranti studio summaque animi contentione, ita, ut nulla pars ab iis praetermissa videatur, tractarunt, omnemque insimul de vermium in corpore animali primordio errorem amputare, falsarumque opinionum, quibus hucusque delectabamur, fibras evellere, seminaque extinguere studuerunt. Rebus itaque sese ita habentibus, et quum nihil, saltim parum novi ac inauditi me dicturum esse non solum suspicarer, sed et plane cernerem, eos, quorum haec omnia clare nosse, aut quorum sententiam ex contrariis diversisque inter se pugnantibus opinionibus conflata, certiore melioremque reddere interest, ad ipsos indicatos fontes, e quibus enarratio rerum uberrima hauriri potest, relegabimus.

His praemissis pauca quaedam de distributione anthelminticorum ipsa differere fert animus. De quibus autem quoniam omnis disputatio futura est, placet antea definire, quid nobis sit anthelminthicum, ut appareat, quid sit id, de quo disputetur. Est autem anthelminticum nihil aliud, nisi medicamentum, quod corpori, sive interne sive externe adplicatum, interaneorum vermes vel expellit, vel enecat, vel etiam utrumque simul efficit. Posita hac definitione dividam ego omnia helmintagoga in duas classes. Quarum unam vermes *expellentia*, alteram vero *enecantia* continere dico. Quaedam enim expellentia sunt, quae aut drastica sua virtute, aut vi mechanica, aut amaritiae, graveolentiae et fragrantiae sua tollunt vermes, aut quae a vermibus ob dulcedinem suam, quam in deliciis habere creduntur, adpetita, eos ad intestina usque crassa adlectos evocant. Ex quo vel maxime intelligi potest, cur

clysteres e lacte vel dulcibus parati iniiciantur, quo vermes nimirum ad inferiora adliciantur et educantur. Quaedam vero vermes sola interficiunt, quibus potissimum cathartica subiungenda sunt, ut vermes mortui educantur. Atque etiam praeter has tertia est classis, continens ea, quae *expellentia* aequae ac *occidentia* dici queunt; propterea quod neque solum educunt, neque solum interimunt, sed, si dentur, utrumque simul faciunt. Est et alia adhuc distributio helminticorum. Nam et *simplicia* quaedam dicuntur et *composita*. De prioribus nobis est praecipue hac Dissertatione explicandum; de posterioribus vero nil nobis quasi negotii. Etiam dividuntur in *externa* et *interna*.

Perlustrando Catalogum nostrum forsitan invenies, quae votis minus respondeant. Credo. Rerum copia pressio, temporisque angustia mihi non contigit, omnium, quae adduxi, vires experiri; sed in isto genere cum multorum, tum magnorum virorum auctoritatem me sequi oportuit. Illud etiam tacitus praeterire non possum, nec fas esse duco, non omnibus eadem auxilia convenire. Notum enim est exploratumque, alia atque alia summos auctores quasi sola commendasse, prouti cuique vermes cessarent. Oportet nos itaque, ubi aliquid non statim eodem modo respondet, non magis attendere auctorem, quam aegrum; sed experiri aliud atque aliud. Neque etiam ego sum is, qui tantum mihi sumam, ut omnia, quae nos circumfluunt anthelmintica, enumerasse mihi persuadeam, ut maiorem potius copiam adhuc invenire me potuisse credam, si mihi plus otii minorque festinandi necessitas fuisset.

Restat, ut, quanta maxima fieri potest brevitate, dicam de circumspeditione, qua in exhibendis anthelminticis sub ipsis paroxysmis verminosis gravioribus utendum sit. Idque eo utilius fore arbitror, quo minus in eo collocarint operam ac diligentiam suam auctores. Permultos esse nimirum intelligo, qui eam animo imbibant sententiam, ut in quolibet symptomate verminoso, omni posthabita ratione induciarum subinde paciscendarum, statim de expellendis hostibus cogitandum esse iudicent. A quibus ego vehementer dissentio, adeo, ut frequenter abstinendum esse

ab ipsa methodo expulsoria, eligendamque potius symptomaticam existimem. Est enim perspicuum, quam difficile sit, vermes expellere, si convulsiones, epilepsiae aliaque symptomata urgent, ubi vermes scilicet convellitatione et irritatione intestinatorum tubum spastice constringunt, sicque exitum sibi claudunt. In his si consueta methodo obviam ire velis, nec mitigantibus et antispasmodicis remediis nervorum tumultum sedare studeas, sane mirum in modum augebis symptomata, nec metam attinges tibi propositam. Data enim anthelmintica, quae cum vermes, tum intestina ut plurimum graviter irritant, deteriora reddunt symptomata. Ex his elucet, non statim purgantia vel alia acria et calefacientia propinare medicum oportere, sed potissimum symptomata magis urgentia respicere, eaque adhibere, quae symptomatibus simul respondeant. Sic, credo, vermibus, quos comitantur convulsiones, opium, asam foetidam, radicem Valerianae etc. opponere maxime convenit. Quae omnia relaxant spasmos atque etiam vermes simul expellunt. Sed fatis de hoc — Plura praefari magnitudo voluminis prohibet; ad propositum potius veniemus et in hac recensetimus *Dissertatione Anthelmintica regni vegetabilis*.

---

## CLASSIS I.

## MONANDRIA.

## MONOGYNIA.

## AMOMUM.

1. A. *Zingiber*. RHEED. mal. II. p. 21. t. 12. JACQ.  
hort. t. 75.

LOC. India orientalis; nunc Iamaica. *Perennis, fera.*

PHARM. ZINGIBERIS COMMVNIS Radix 3j

*condita cum vel f. Brodio.*

ALBI Radix 3j *optima,*

*condita cum vel sine Brodio.*

QUALITAS: acris, aromatica, fervida, subfragrans.

*Culinaris.*

VIS: calefaciens, (*recons eccoprotica*) stomachica, stimulans.

2. A. *Cardamomum*. RHEED. mal. II. p. 9. t. 6.

LOC. Malabaria. Zeylona. *Perennis, peregrina.*

PHARM. CARDAMOMI MINORIS (*fructus*) non excor-  
*ticus, excorticatus, Semina* 80.

QUAL. *praecedentis.*

*Culinaris.*

VIS: stimulans, nervina.

3. A. *Granum paradisi*. RHEED. mal. II. t. 6. f. 4.

LOC. Madagascar, Guinea, Zeylona, in umbrosis uligi-  
nosis ad radices montium. *Perenn. peregr.*

PHARM. PARADISI GRANA (Semina).

QUAL. *antecedentis, sed acerrima.*

*Rarior.*

VIS: stimulans, calefaciens.

## COSTVS.

4. C. *arabicus*. RHEED. mal. II. p. 15. t. 8. JACQ. amer  
I. tab. I.

LOC. Malabaria, Zeylona, Brasilia, Surinamum.

*Perennis, fera.*

PHARM. COSTI DVLCIS Radix 3ß

ARABIGI Radix 3ß

QUAL. amara, aromatica, acris, suaveolens.

*Rarior.*

VIS: stimulans, calefaciens, stomachica.

2. [*A. C. lumbricum latum* pellit auctore DIOSCORIDE.]

4. [*Pellit lumbricum latum cum aqua, ob amaritiam, quae illi*  
*inest.* RAII hist. pl. L. XXIII. c. XVI.]

## MARANTA.

5. *M. Galanga*. RUMPH. amb. 5. p. 142. t. 63.  
 LOC. India orientalis, Philippinae. *Perennis, fera.*  
 PHARM. GALANGAE MAIORIS Radix (*Ingratior*)  
 MINOR. Radix (*fortior*)  
 QVAL. acris, aromatica, fragrans. *Praestans.*  
 VIS: stimulans, stomachica.

## KAEMPFERIA.

6. *K. rotunda*. RHEED. mal. II. p. 17. t. 9.  
 LOC. Zeylona, Malabaria. *Pereunis, peregrina.*  
 PHARM. ZEDOARIAE LONGAE Radix gr. 5 — 10.  
 Essent.  $\nabla$ ,  $\Omega$ ,  $\otimes$ , Semina.  
 QVAL. subacris, aromatica, amaricans, debile fragrans. *Frequens, praestans.*  
 VIS: stimulans, stomachica.

## CLASSIS II.

## D I A N D R I A.

## M O N O G Y N I A.

## OLEA.

7. *O. europaea*. BLAKW. t. 199. LEHR Diff. de Oliv.  
 c. fig.  
 LOC. Hispania, Gallia, Italia (coelo temperato.)  
*Arbor, mansueta, sterilis.*  
 PHARM. OLIVAE (fructus) *conditae*. Ol.  
 QVAL.  $\otimes$  pingue, blandum, insipidum, inodorum; *Condit.*  
 austera. *Culinaris.*  
 VIS:  $\otimes$  obrundens, emolliens, leniens, relaxans. *Condit.*  
 tonica, stomachica.
6. [CARTHEUS. Fund. Mat. Med. Sect. XII. c. III. §. 3.]  
 7. [Ex antiquioribus medicis DIOSCORIDES olei virtutem in expellendis vermibus iam perspectam habebat exploratamque. CAEL. AVRELIANVS item id maxime extollit, ac vel solum vel aqua commixtum, ingurgitasse ad interaneorum vermes expellendos suffecturum esse docet. Atque etiam CELSVS pueris, lumbricis teretibus obnoxiiis, in alvum iniectum utile iudicavit. Cuius duo aut tria cochlearia uno die sumpsisse, sufficiant. Neque alienum videtur, ascaridibus exercitatis enematis, ex hoc oleo iniectis, succurrere; siquidem immort. BOERHAAVIO, foeminam quandam ascaridibus vehementer vexatam, oleo quam diligentissime hausto, et clysteri-

## GRATIOLA.

- 8.
- G. officinalis*
- . OED.
- Flor. dan.*
- t. 363.

LOC. Lusatia, Gallia, et australioris Europae humidiuscula.

*Perennis, palustris, mansueta.*

PHARM. GRATIOLAE Herba recent. ʒj. in decoct. aquos. a ʒiſs ad ʒij. Extr. ʒſs Syr.

QVAL. amara, nauseosa.

*Eximia, causa.*

VIS: purgans, emetica, hydragoga.

- 9.
- G. peruviana*
- . FEWILL. peruv. 3. t. 47.

LOC. Peru.

QVAL. antecedentis.

VIS: purgans.

## VERBENA.

- 10.
- V. officinalis*
- . OED.
- Flor. dan.*
- t. 628.

LOC. Europa australior, Scania.

*Annua, cicur.*

PHARM. VERBENAE Herba, ▽.

QVAL. subinsipida, inodora.

*Exoleta.*

VIS: adstringens.

## SALVIA.

- 11.
- S. officinalis*
- . BLAKW. t. 10.

LOC. Europa australis.

*Perennis, olitoria.*

PHARM. SALVIAE Herba, ▽, Ω, ♂, Fl. Sem.

QVAL. suavem odorem spirans, amaricans. *Frequens, praestans.*

VIS: adstringens, tonica, stomachica, unde et sudoribus nimis opitulatur.

- 12.
- S. SCLAREA*
- . REGNAULT bot. DOD. pempt. 292.

LOC. Syria, Italia.

*Biennis, olitoria, mansueta.*

PHARM. SCLAREAE (Gallitrichi) Herba.

QVAL. spirans.

*Rarior.*VIS: fortior *S. officinali*, stimulans.

bus ex eodem adhibitis, brevi ad sanitatem reduxisse contigit. Animadvertere autem oportet, quodlibet oleum vermibus esse infestum.]

8. [ACAD. DE SCIENCES l'ann. 1705. p. 246.

ANGELVS SALA Essent. veget. Sect. V. c. 9. p. 158. sq.

BALDINGERS neues Magazin für Aerzte IV Bands IV Stück. 1782. p. 330.]

9. [
- Gratiola peruviana*
- , infusa aqua, Indiani frequenter uti solent, quando vermium cruciatu afficiuntur. FEWILL]

10. [MONARDI Lib. 3. simpl. Medicam. ex novo orbe delat. cap. de
- Verbena*
- .]

11. [WEDELIVS, VAN SWIETEN, MELLIN, IOHN HILL.]

## TRIGT N I A.

## PIPER.

13. *P. nigrum*. PLUCK. alm. 297. t. 437. f. I. RHEED.  
mal. 7. p. 23. t. 12.

LOC. India orientalis.

*Frutex, peregrinus.*

PHARM. PIPERIS NIGRI Fructus, ☉, ☉.

ALBI Fructus.

QVAL. acris, aromatica, fervida.

*Culinaris.*

VIS: stimulan, stomachica.

14. *P. longum*. RHEED. mal. 7. p. 27. t. 14.

LOC. India orientalis.

*Frutex, peregrinus.*

PHARM. PIPERIS LONGI Fructus.

QVAL. praecedentis.

VIS: — —

15. *P. CVBEBEA*. SUPPL. pl. 90.

LOC. Iava.

PHARM. CVBEBAE Fructus, ☉.

QVAL. praecedentis.

VIS: — —

## CLASSIS III.

## T R I A N D R I A.

## M O N O G Y N I A.

## VALERIANA.

16. *V. officinalis*. OED. DAN. 570.

LOCVS: Europae prata et nemora paludosa.

*Perennis, vulgaris.*

PHARM. Valerianae sylvestr. (minoris) rad. ʒij. Extr.

QVAL. hircofo-felina, amaricans.

*Praestans.*

VIS: purgans, antepileptica, ophthalmica.

17. *V. phu*. BLAKW. t. 250. REGN. bot.

LOC. Alfatia, Silesia.

*Perennis.*

PHARM. PHV (Valer. mai.) rad. herba.

13. [ROSENSTEIN von den Kinderkrankheiten, Abschn. XXII.  
pag. 551.]

16. [III. L. B. a STOERCK eam excellenter ad fugandos vermes  
facere observavit.

Mem. de l'Academie des sciences. 1706. pag. 430.

v. SWIETENII Comment. T. IV. p. 728. Edit. Hildburgh.]



QVAL. antecedenti amarior.

*Exoleta.*

VIS: antecedentis.

18. *V. celtica*. CLVS. pann. 514. 515.

LOC. Helvetia, Styria, Liguria, Genua, Alpes.

*Perennis, peregrina.*

PHARM. SPICAE CELTICAE Rad. Flores.

QVAL. fragrans, acris, aromatica, amaricans.

*Rarior.*

VIS: stomachica.

## IRIS.

19. *I. germanica*. BLAKW. t. 69.

LOC. Germaniae, Helvetiae edita.

*Cicur.*

PHARM. IREOS NOSRATIS Rad. foecula obsoleta.

QVAL. odor subnauseosus, sapor leviter amaricans, acris.

*Heroica.*

VIS: rec. purgans, hydragoga, subemetica.

20. *I. Pseudo-acorus*. OED. DAN. t. 494.

LOC. Europa ad ripas paludum, fossarum.

*Perennis, vulgarissima.*

PHARM. ACORI PALVSTRIS Radix.

QVAL. insipida, substyptica.

*Rarior.*

VIS: hydragoga.

## D I G T N I A.

## SACCHARVM.

21. *S. officinarum*. SLOAN. iam. 31. hist. I. pag. 108.  
t. 66. RVMPH. amb. 5. p. 186. t. 74. f. 1.LOC. Indiae utriusque loca inundata. *Perennis, fera.*PHARM. *Saccharum canariense*, candidum, album, rubrum, Farinaceum, album, griseum, Penidium, Perlatum, Rubrum, Syrupus.QVAL. dulcissima, inodora, mitissima. *Culinaris, usitatissima.*

VIS: saponacea, edulcorans, relaxans, expectorans.

## BROMVS.

22. *B. Sterilis*. RETZ fasc. I. obs. pag. II. LEERS Herborn. n. 83. t. II. f. 4.

20. [ETMVLLERVS lumbricos inde deiectos vidit — teste SPIELMANNO.]

21. [vid. REDI observ. de Animal. vivis in Corp. anim. viventium pag. 165.]

22. [Adversus infantum vermes tanquam singulare auxilium radices in vino albo decoctum diebus aliquot continuis potum]

LOC. Europae australioris agri, sylvae, ad vias.  
PHARM.

QVAL. et VIS:

TRITICVM.

23. *T. repens*. SCHREBER Gram. l. p. 24. t. 26.

LOC. Europae nostrae rudrata. *Perenne, vulgatissimum.*

PHARM. GRAMINIS Radix, ▽.

QVAL. dulcescens.

*Vixata.*

VIS: aperiens, mundificans.

CLASSIS IV.

T E T R A N D R I A.

M O N O G Y N I A.

COVTOVBEA.

24. *C. spicata*. AVELET hist. des pl. de la Guiane p. 72.  
t. 27.

LOC. Guiana ad rivulos.

*Annua.*

QVAL. amara.

VIS: tonica, stomachica.

25. *C. ramosa*. AVEL. guian. 74. t. 28.

LOC. idem ibidem.

QVAL. et VIS: eaedem.

DORSTENIA.

26. *D. Contrayerva*. BLAKW. t. 579. HOVST. act. n. 421.

f. I. PLVM. gen. 29. ic. 119.

LOC. Peru, Mexico, Vera crux, Inf. Vincentii.

*Perennis, peregrina.*

PHARM. CONTRAYERVAE Radix.

QVAL. aromatica, subfragrans, amaricans. *Vixata, praestans.*

VIS: adstringens, stomachica.

CLASSIS V.

P E N T A N D R I A.

M O N O G Y N I A.

ANCHVSA.

27 \*. *A. officinalis* cum HYSSOPO et NASTVRTIO pota la-  
tos ventris lumbricos excutit, referente DIOSCORIDE.

commendat TRAGVS. vid. RAII hist. pl. L. XXII. cap. X.  
A. 5.]

26. [CARTHEVS. Fund. Mat. Med. S. XIII. c. 4. §. 3.]

## CYCLAMEN.

27<sup>b</sup>. *C. europaeum*. JACQ. austr. t. 401.LOC. Asiae, Pannoniae, Hungaricae, Austriae, Tartariae sicca umbrosa nemorosa. *Perenne, mansuet.*

PHARM. CYCLAMINIS Radix 3j.

QUAL. mucilaginoso, tum acris, fervida, amaricans. *Rarior.*

VIS: purgans, drastica; Externe resolvens, anthelmintica.

## MENYANTHES.

28. *M. trifoliata*. GMEL. fib. 4. t. 97. OED. FL. DAN. t. 541.LOC. Europae paludes. *Perennis, vulgaris.*

PHARM. TRIFOLII AQUATICI herb. Conserva, Effent. Ω.

QUAL. amarissima. *Praestans.*

VIS: tonica, saponacea, stomachica, subeocoproctica.

## SPIGELIA.

29. *S. anthelmia*. AMOEN. acad. 5. p. 133. t. 2. BROWN iam. 156. t. 37. f. 3. PET. gaz. t. 59. f. 10.LOC. Caienna, Brasilia. *annua, fera.*

PHARM. SPIGELIAE herba.

QUAL. tetra, foetida. *Rarior.*

VIS: expellens.

28. [CARTHEVS. Fund. Mat. Med. Sect. IX. c. 3. §. 5.]

29. [S. A. summo in honore semper fuit apud medicos, adeo, ut longe ceteris excellere anthelminticis existimaretur, inprimis, ubi febres ac convulsiones comites se vermibus adiungere, plurimum boni peperisse reperta est. Qua *Nigri*, qui incolas insularum Britannicarum eius usum docuerunt, nil habent praestantius ac frequentius, quo utantur, mirasque eam semper apud illos exseruisse vires cognitum est. De eius igitur laude neque hic locus est, ut multa dicantur, neque plura tamen dici possunt, quam b. LINNAEI Amoen. acad. Vol. 5. T. 2. continet. Namque idem ille auctor confitetur, se nunquam virtutis expertem eam deprehendisse, modo si spes salutis affulserat; quid? quod multum exinde hausisse utilitatis, ubi iam de salute pertimescere coeperat: simulque addit, in id omni studio incumbendum esse medicis, ut tam efficax remedium contra vermes in officinas introducarur. Quae tamen circumspectione atque prudentia adhibenda erit, cavendumque, ne corpus detrimenti quid capiat, idque adversae valetudinis praesidia consumant; siquidem nimia dosis, confirmante b. LINNAEO, vertiginem excitat cum spasmis supra,

30. *S. marylandica*. HOPE Act, Edinb. 3. ann. 1771. p. 151. t. 1. CATESB. carol. 2. p. 78. t. 78.

LOC. Virginia, Marylandia, Carolina. *Fruticans perennis.*

PHARM. SPIGELIAE MARYLANDICAE Radix.

QUAL. praecedentis.

VIS: praecedentis, sed praestantior.

### OPHIORRHIZA.

31. *O. mungos*. MAT. MED. p. 59. t. 1.

infra et intra ipsos oculos. Ea vero symptomata vel sponte evanescent, vel aromatibus, croco aut spirituosis, removen-  
tur. Cel. VAN SWIETEN in Comment. in Boerh. T. 4. p. 737. eandem amplectitur sententiam, affirmatque, hanc plantam corpori admodum esse inimicam; eamque ob causam non temere ea utendum esse censemus. Methodus vero hanc praeparandi medicinam haec erit: Rec. Hb. Spigeliae Mij. Coq. in aq. fontan. ℥ij. Col. exhibe ℥j. cui adde Sacchar. alb. q. s. ad gratiam. S. Dentur circiter ℥iv. aetate provedio-  
ribus pro dosi prima, et circiter ℥ij. l. iij. quovis sexhorio consequuturo, si ratio id permiserit. Sed gracilioribus repe-  
tatur solum quavis hora 10 vel 12: hoc continuetur per spa-  
tium 36. l. 48. horarum, tum dosi gemina iteretur; et prae-  
stito dosi sumtae effectu, iuvetur Rhabbarbaro vel alio quodam  
nobili purgante. vid. BROCKLESBY Oec. et med. obs. pag. 282. sq. Ill. MURRAY Apparat. med. T. 1. p. 380.]

30. [SPIGELIA MARYLANDICA in America boreali ob exi-  
mias suas vires, quibus pollere dicitur, tantis laudibus efflo-  
ruit, ut plurimum ANTHELMIAE praestare credita fuerit. Cel. BERGIUS iam pridem maluerat, ut Spigeliae herba e S. MARYLANDICA desumeretur; utpote quae ex eius senten-  
tia Anthelmia viribus longe superior est. Et quidem, ut de aliis auctoribus nihil dicam, extat in PHIL. TRANSACT. T. 1. Edinb. edit. narratio de natura eius et insigni ab illa praestito iuvamine. Praescribitur vel in pulvere, vel etiam in infuso aquoso. Dosis adulto herb. ℥ij, in infuso, bis de die. D. IOHN LINING radicem in forma pulveris prae-  
stantiorem putat, puerisque triennibus gr. xii. vel in in-  
fuso ℥j, hac dosi mane et vespere per aliquot dies repetita suf-  
fectura esse. Opera vero danda, ne in exhibenda hac medi-  
cina liberalior fuisse videare; enimvero, teste Cel. BERGIO, pupillae dilationem efficit, in nimia dosi sumta. vid. M. M. p. 95. T. 1.]

31. [Quid efficere valeat haec radix in debellandis omnis generis vermibus BONTIVS in hist. nat. et Med. Ind. Orient. Amst.

LOC. Zeylona, Java, Sumatra.

*Perennis, peregrina.*

PHARM. SERPENTVM Radix.

QUAL. amarissima.

*Exoleta, praestans.*

VIS: expellens.

## CONVOLVVLVS.

32. *C. Scammonia*. MORIS. hist. 2. p. 12. f. 1. t. 3. f. 5.  
MILL. dict. t. 102.

LOC. Syria, Myfia, Cappadocia per Smyrnam.

*Perennis, peregrina.*PHARM. SCAMMONIVM CRVDVM gr. vj. Diacrydium  $\mathfrak{z}\mathfrak{ss}$ . Resina  $\mathfrak{z}\mathfrak{ss}$ .

QUAL. acri — amaricans, nauseosa, gummosa — resinosa.

VIS: purgans, heroica, crudum calcar, Resina laudabilis, Diacryd. optimum.

33. *C. Turpethum*. BLAKW. t. 397. HERM. lugd. 177.  
t. 178. 179.

LOC. Zeylona, Malabarica.

*Perennis, peregrina.*PHARM. TVRPETHI Radix  $\mathfrak{z}\mathfrak{ss}$ . Extr.

QUAL. gummosa, subinsipido — acris, nauseosa.

*Rarior, praestans.*

VIS: purgans, hydragoga.

34. *C. Ialappa*.

LOC. Mexico, Vera crux.

*Perennis, peregrina.*PHARM. IALAPPAE Rad.  $\mathfrak{z}\mathfrak{ss}$ . Extr.  $\mathfrak{z}\mathfrak{j}$ . Resin.  $\mathfrak{z}\mathfrak{ss}$ .

1658. expertus esse videtur; de qua re plura legi velim in b. LINNAEI Dissertatione *Lignum Colubrinum* inscripta, quam amoenitatibus suis academicis Vol. 2. inferendam curavit, ubi simul graviter molesteque fert, quod in huius locum frustula ligni cuiusdam arboris longe diversissimae (*Strychnos colubrina*) in pharmacopoliis europaeis substituuntur.]

32. [ROSENSTEIN *von den Kinderkrankheiten Abschn.* XXII. p. 546. v. SWIETEN *Comment. T. IV. p. 737.*]
33. [C. T. ingreditur species diaturbith. c. rhab. quae vermibus destinari solent. Post mercurium enim nihil fortius illos expellit, quam hae species, quae ad  $\mathfrak{z}\mathfrak{ss}$  ad  $\mathfrak{z}\mathfrak{j}$  in formam morfulorum, ope sacchari redactae, propinantur, dicente IVN-KERO m. m. pag. 59. Puellae annum VI. agent, ubi vermium suspicio mentem subibat, haec praescripsi: Rec. Turpeth. rad. pulv.  $\mathfrak{z}\mathfrak{i}\mathfrak{j}$  Aethiop. min.  $\mathfrak{z}\mathfrak{j}$ . Syr. e Cich. c. Rheo  $\mathfrak{z}\mathfrak{j}$  M. f. Elect. D. S. duo Cochlearia minora mane danda. Sumta hac medicina lumbrici magna copia exierunt.]
34. [vid APPEND. ad pharm. Edinb. p. 278. Cel. SELLE *Med. clinic. p. 623.* VAN SWIETEN *Comment. T. IV. p. 737.*]

QUALITAS: nauseosa, acris odore et sapore. *Trita, beroica.*  
 VIS: purgans, hydragoga. Refina calcar purgantis.

## CINCHONA.

35. *C. officinalis*. L. PFLANZENSYST. I. p. 258. t. 6. f. 1.  
 ZORN. ic. t. 292.

LOC. Loxa Peruviae.

*Arbor, peregrina.*

PHARM. CHINAE cortex 3j. Ess. Extr.

QUAL. tenacissime amara, carnes amaritiae inficiens.

*Trita, beroica.*

VIS: tonica, adstringens, roborans, sublaxans.

## COFFEA.

36. *C. arabica*. AMOEN. ACAD. 6. pag. 160. t. 160.  
 IVSS. act. 1713. p. 388. t. 7. BLAKW. t. 337.

LOC. Arabia felix, Aethiopia.

*Arbor, fera.*

PHARM. COFFEEAE SEMINA, ustulata.

QUAL. usta empyreumatica.

*Culinaris.*

VIS: excitans, pellens, carminativa.

## NICOTIANA.

37. *N. Tabacum*. BLAKW. t. 146.

LOC. America.

*Annua, mansueta.*

PHARM. Tabaci herb. Pulvis, 8c, Extr. gr. ij. Syr.

3iij. Sem.

QUAL. nauseosa, acris.

*Trita, praestans.*

VIS: narcotica, emetica, purgans, phthiriaca.

## CAPSICVM.

38. *C. annuum*. BLAKW. t. 129. RHEED. mal. 2. p. t. 35.

LOC. Brasilia, Mexico, Barbados. *Annua, submansueta.*

PHARM. PIPERIS INDICI fructus (Semina.)

QUAL. acris, septica.

*Culinaris Indis, eximia, varior.*

VIS: rubefaciens, stimulans.

## STRYCHNOS.

39. *S. Nux Vomica*. BLAKW. t. 395. RHEED. mal. I.  
 p. 67. t. 37.

35. [vid. MEDICVS *Geschichte periodischer Krankheiten* p. 31.  
 KLEIN Select. medicam. rational. p. 55.]

37. [vid. VAN DOEVEREN *von den Würmern* p. 312. et DES-  
 PORTES *histoire des maladies de St. Dominique* T. I. Pa-  
 ris. 1773. 12. p. 141. MED. OBS. and INQUIRIES, Vol. 2.  
 p. 307. et MED. TRANSACT. Vol. I. p. 45.]

38. [CELS. lib. IV. c. XVII.]

Loc. Malabarica, Zeylonia.

*Arbor, peregrina.*

PHARM. VOMICAE NVX, 3ß.

QVAL. amara, virofa.

*Ravior, cauta.*

VIS: emetica, pellens.

40. *S. colubrina*. RHEED. mat. 7. p. 10. t. 5. BLAKW.  
t. 403. RVMPH. amb. 2. c. 46. t. 37.

Loc. Malabarica, Timor, Solor.

*Arbor, peregr.*

PHARM. COLVBRINI VVLGARIS Lign. (radicis) 3ß.

QVAL. suspecta, acris, amarissima.

*Exoleta, cauta.*

VIS: emetica, pellens, fatigans.

## IGNATIA.

41. *I. amara*, SVPL. pl. 149.

Loc. India, Insulae Philippinae.

*Arbor, peregrina.*

PHARM. IGNATII FABA.

QVAL. nuclei amarissima, nauseosa, fol. minus amara.

*Ravior, heroica.*

VIS: tonica, pellens, narcotica.

## CHIRONIA.

42. *C. Centaurium*. BLAKW. t. 452. OED. DAN. t. 617.

Loc. Europae humidiuscula.

*Annua, vulgaris.*

- PHARM. CENTAVRII MINORIS herb. (summitat.  
flor.) Extr.  $\nabla$ ,  $\Omega$ ,  $\ominus$ ; Flor. Conserva.

QVAL. amarissima.

*Trita, praestans.*

VIS: balsamica, tonica, stomachica.

## CORDIA.

43. *C. Myxa*. DILL. elth. 340. t. 255. COMM. hort. 1.

40. [CARTHEVS. Mat. Med. S. XII. c. XXI. §. 9.]

42. [Si cui forte mirum videatur, quid tandem sit causae, quod ego C. ad *Chironiae* genus retulerim; is, si me vel maxime auctoritatem magni illius SCHREBERI, cuius praecepta imbibisse magnopere laetor, sequutum esse, cognoverit, simul et id, quod feci, probabit, et me, si aliter fecissem, iustam doctorum reprehensionem nullo modo effugere potuisse existimabit. — WEDELIVS et LEDELIVS, qui de hac planta differuerunt, C. Cent. magnis laudibus extulerunt in verum affeetibus. In clysteribus adhibita ventrem fortiter mover, atque ascaridum colluviem extinguit.]

43. [Quum aliquot auctores confirment, lumbricos myxis summo-  
pere delectari; SOLENANDER decoctum *Sebesten* pro Cly-  
stere laudat ad haec animalia adlicienda et evocanda.]

- p. 139. t. 72. BLAKW. t. 398. RHEED. mal. 4  
 p. 77. t. 37. PLVK. alm. 306. t. 217. f. 3.  
 LOC. Aegyptus, Malabaria. *Arbor, fera.*  
 PHARM. SEBESTEN, (Drupa).  
 QVAL. mucilaginosā, dulcis.  
 VIS: nutriens, lubricans, eccoprotica.

## VITIS.

44. V. *vinifera*. BLAKW. t. 154.  
 LOC. Orbis quatuor partes temperatae. *Frutex, mansueta.*  
 PHARM. VITIS folia. Agrestae Syrupus. Passulae  
 maiores, longae. Corinthiacae, pulpa, lohoc. Vi-  
 num album, Rhenanum rubrum, Ω, †.  
 QVAL. Fol. acidula, substyptica. Passul. acidulo-dulcis.  
*Trita, eximia.*  
 VIS: Fol. subadstringens. Passul. nutriens, sublaxans, lubricans.

## NERIVM.

45. N. *Antidysentericum*. RHEED. mal. I. p. 85. t. 47.  
 BURM: Zeyl. 176. t. 77.  
 LOC. Malabaria, Zeylona, Russia. *Frutex, peregrinus.*  
 PHARM. Profluvii Cortex.  
 QVAL. lactescens, acris. *Ignota.*  
 VIS:

## ECHITES.

46. E. *Suberecta*. JACQ. amer. pict. p. 21. t. 33.  
 LOC. Insulae Caribaeae. *Frutex, peregr.*  
 PHARM. SVCCVS RECENS.  
 QVAL. lactescens, acerrima.  
 VIS: emetica, drastica, corrosiva, venenata.

## D I G T N I A.

## ASCLEPIAS.

47. A. *Vincetoxicum*. BLAKW. t. 96. MILL. dict. n. I.  
 icon. t. 53. JACQ. misc. austr. T. I. t. I. f. 5. p. 17.  
 44. [ANDRY de la generation des vers dans le corps de l'hom-  
 me. a Paris 17CO. p. 244. BAGLIV. oper. omnia. pag. 699.  
 VAN SWIETEN narrat in febre Castrensi verminosa vinum  
 et inprimis serum lactis vinosum profuisse, dum larga copia  
 potabatur. Vid. eius Comment. T. IV. p. 735.]  
 46. [Nimis violentam eam iudicat virtutis eius anthelminticae  
 testis SLOANEVS.]



LOC. Europae arida, praesertim Gothlandiae.

PHARM. HIRVNDINARIAE Radix 3j; hb.  $\nabla$ , &c. *Perennis, frequens.*  
 QVAL. lactescens, subvenenata. *Trita, dubia*  
 VIS: expellens.

## CHENOPODIUM.

48. *C. botrys*. ZORN. ic. t. 225.

LOC. Calabria, Hetruria, Narbona, (Russia.)

*Annua, cicur.*

PHARM. BOTRYOS herba, Semina.

QVAL. fragrans, graviuscula.

*Rarior, praestans.*

VIS: resolvens, pellens, carminativa.

49. *C. ambrosioides*. MORIS. hist. 2. p. 605. f. 5. t. 35.  
 f. 8.

LOC. Mexico, Lusitania.

*Annua.*

PHARM.

QVAL. praecedentis.

VIS: praecedentis.

50. *C. anthelminticum*. DILL. elth. 77. t. 66. f. 76.

LOC. Pennsylvania, Bonaria.

*Perennis.*

PHARM. CHENOP. ANTHELM. Sem. 3j.

QVAL. graveolenti fragrans.

*Eximia, inusitata.*

VIS: anthelmintica.

## GENTIANA.

51. *G. lutea*. MILL. icon. 139. f. 2.

LOC. Alpes Norvegicae, Helveticae, Apenninae, Silesiacae, Austriacae, Pyrenaeae, Tridentinae.

*Perennis, mansueta.*

PHARM. GENTIANAE RVBRAE rad. Eff. Extr.

QVAL. amarissima, lutea.

*Trita, praestans.*

VIS: tonica, stomachica.

52. *G. Amarella*. FL. DAN. t. 328. GESN. fasc. 2. p. 45.  
 t. 21. f. 87.

49. [Quoniam *C. ambrosioides* passim frequentius adhibetur *Botryo*, ob hanc causam addendum esse arbitrati sumus.]

50. [Semina *C. anthelm.* in Pennsylvania et Nevv-Jersey inter ceriora anthelmintica locum sibi vendicarunt, ac praecipue infantibus offeruntur. KALM. T. 2. p. 305.]

51. [CARTHEVS. fund. Mat. Med. Sect. IX. c. 3. §. 5.]

LOC. Europae prata sicca.

*Annua, vulgaris.*

PHARM. GENTIANELLAE herba.

QUAL. amara.

VIS: balsamica, tonica.

53. *G. cruciata*. JACQ. austr. t. 372.

LOC. Pannoniae, Apenninorum, Helvetiae montosa  
aprica, sterilia, ad vias. *Perennis.*

PHARM. GENTIANAE CRUCIATAE Radix.

QUAL. amara.

VIS: tonica.

### DAVCVS.

54. *D. Carota*. BLAKW. t. 546. OED. DAN. 723.

LOC. Europae campi exaridi.

*Biennis, cicur.*

PHARM. DAVCI SYLVESTRIS Semina.

SATIVI (radix) Semina.

QUAL. rad. dulcescens, leniter aromatica, fragrans.

*Trita.*

VIS: rad. diluens, aperiens, anthelmintica. Sem. carminativa.

### FERVLA.

55. *F. asa foetida*. KAEMPF. amoen. 535. t. 536.

LOC. Persia.

*Perennis, peregrina.*

PHARM. ASAE FOETIDAE gummi, Essentia, Syrupus.

QUAL. gummi-resina, foetidissima, amaricans, acris, organica  
alliata. *Eximia, trita.*

VIS: resolvens, carminativa, antispasmodica.

### ANGELICA.

56. *A. Archangelica*. OED. DAN. t. 206.

LOC. Alpes Lapponiae, Austriae etc. et ad rivulos.

*Biennis.*

PHARM. ANGELICAE SATIVAE Rad.  $\nabla$ ; herba, se-  
mina,  $\Omega$ ,  $\odot$ , Balsamus, Extract.

53. [MATTHIOLVS radicem tusam et ventri emplastri modo  
impositam ad vermes intestinorum remedium expertum af-  
firmat.]

55. [CL. ROSENSTEIN laudando commendat pilulas ex asa foe-  
tida cum melle pond. gr. 1. formatas, pueris lumbricis labo-  
rantibus omni trihorio N. 5. per 2. dies propinandas; inter-  
iectis vero tribus diebus Rhabarbarum ad alvum ducendam  
interponendum est, vid. eius libr. *von den Kinderkrankheiten*  
p. 516. edit. noviss.]

56. [CARTH. Fund. Mat. Med. Sect. XII. c. 8. §. 6.]

QUAL. acris, amaricans, fragrans, aromatica, calida.  
VIS: resolvens, stomachica.

## BVBON.

57. *B. Galbanum*. JACQ. hort. 3. t. 36.

LOC. Aethiopia.

PHARM. GALBANI Gummi commune, dep. Essent. &.

QUAL. Refina graveolens, amaricans. *Trita, praestans.*

VIS: carminativa, resolvens, antispasmodica.

## CORIANDRVM.

58. *C. sativum*. BLAKW. t. 176. REGN. bot.

LOC. Italiae agri.

*Annua.*

PHARM. CORIANDRI semina, Confectio, &.

QUAL. tetra, suspecta. *Culinaris, rarior.*

VIS: carminativa, hypnotica.

59. *C. testiculatum*. PLVCK. alm. 120. t. 169. f. 2. RIV.  
pent. t. 72.

LOC. Europae australis agri.

*Annua.*

PHARM.

QUAL.

VIS:

## IMPERATORIA.

60. *I. Ostruthium*. BLACKW. t. 279. REGN. bot. ZORN.  
icon. t. 24.

LOC. ad radices alpium Helvetiae, Austriae, Alverniae.

*Perennis.*

PHARM. IMPERATORIAE Radix.

QUAL. amaro-acris, aromatica, calida. *Trita, praestans.*

VIS: carminativa.

## PASTINACA.

61. *P. Opopanax*. MORIS. hist. 3. p. 315. f. 9. t. 17. f. 2.

GOUAN. illustr. bot. p. 19. t. 13. 14.

LOC. Galloprovincia, Italia, Sicilia.

*Perennis.*

PHARM. OPOPANACIS Gummi.

QUAL. Gummi-refina amaricans, acris, graveolens.

*Rarior.*

VIS: nervina, carminativa, eccoprotica.

58. [RAII hist. pl. L. IX. c. 22.]

60. [CARTHEVS. Fund. Mat. Med. Sect. XII. c. 8. §. 3.]

61. [Vinum OPOPANACIS olim in affectibus verminosis adhibebatur GLEDITSCH.]

## CARVM.

- 62.
- C. Carvi*
- . JACQ. austr. t. 393.

LOC. Europae prata.

PHARM. CARVI Semina, Confectio,  $\nabla$ ,  $\Omega$ ,  $\circ$ .

QVAL. acris, aromatica, calida.

VIS: resolvens, carminativa.

*Biennis, vulgaris.**Culinaris, praestans.*

## PIMPINELLA.

- 63.
- P. Saxifraga*
- . JACQ. austr. 4. t. 395. OED. DAN. t. 669.

LOC. Europae campi.

*Perennis, vulgatissima.*PHARM. PIMPINELLAE NOSTRATIS (albae) radix, Conserva, Esient.  $\nabla$ . hb. Sem.

QVAL. acerrima, hircina, calida.

*Trisa, praestans, Scabiana.*

VIS: resolvens, stomachica.

## T R I G Y N I A.

## SEMECARPVS.

- 64.
- S. Anacardium*
- . MURRAY Syst. veg. ed. nov. pag. 292. SUPPL. pl. p. 182.

LOC. desertae et sylvaticae aridae Indiae, versus Zeylonam.

PHARM. ANACARD. officin.

QVAL. nuclei dulcis amygd. putaminis acerrima.

*Exoleta.*

VIS: nuclei nutriens, putam. caustica.

## SAMBVCVS.

- 65.
- S. Ebulus*
- . MILL. dict. n. 4. ic. t. 226. ZORN. icon. t. 40.

LOC. Europa, Suecia, Calmaria.

*Perennis, cicur.*

PHARM. Ebuli Radix, Cort. interior, Folia, Flores, Baccae, Rob, Sem.

QVAL. amaro-acris, tetra foetida, nauseosa.

*Rarior, eximia, causa.*

VIS: (pellens, emetica, drastica,) herbae olei cocti anthelmintica.

- 64.
- S. A.*
- in India frequenter usurpatur adversus lumbricos, vid. GARCIAS ab HORTO hist. aromat. et simpl. aliquot. Medicam. pag. 125.]

65. [LINN. amoen. acad. T. V. p. 137.]

## CLASSIS VI.

## H E X A N D R I A.

## M O N O G Y N I A.

## ALLIVM.

66. *A. Porrum*. BLAKW. t. 421. HALL. all. 6.  
 LOC. *Biennis, oleracea,*  
 PHARM. PORRI semina, Mel, Syrupus.  
 QVAL. acris, subdulcescens, orgastica. *Exoleta, culinaris.*  
 VIS:
67. *A. victorialis*. JACQ. austr. t. 216.  
 LOC. Alpes Helvetiae, Italiae, Austriae, Silesiae.  
*Perennis, submansueta.*  
 PHARM. VICTORIALIS LONGAE Radix.  
 QVAL. acris, orgastica. *Exoleta, superflua.*  
 VIS: Allii sequentis.
68. *A. sativum*. HALL. all. I. DODON. pemt. 682. CAM.  
 epit. 328.  
 LOC. Sicilia. *Perennis, oleracea.*  
 PHARM. Allii radix,  $\nabla$ ,  $\ddagger$ .  
 QVAL. acris, subcaustica, orgastica, lactaria, urinaria.  
*Culinaris, praestans.*  
 VIS: excitans, pellens.
69. *A. ascalonicum*. MORIS. hist. 2. p. 383. f. 4. t. 14. f. 3.  
 LOC. Palaestina. *Perennis.*  
 PHARM. CEPAE ASCALONICAE Radix.  
 QVAL.  
 VIS:
68. [Inter antiquiores medicos GALENVS, DIOSCORIDES, PAVL. DE AEGINA et CELSVS Allium sativum praecipue magnis laudibus in enecandis vermibus extulerunt; inter recentiores solum Cl. ROSENSTEINVM attulisse sufficiat, ubi duo clara exempla enumerantur, quae eius vim vel taeniis inimicam probare videntur. In multa coctum puerisque oblatum, sive lacte decoctum et ventri superimpositum, eius saporem odoremque ingratum reformidantibus plurimum adiuventi interdum attulisse, certum est exploratumque. Russi et Turcae, qui Allii mirum delectantur liberosque suos harum deliciarum participes facere solent, vermibus rarius infestantur. Si ascarides in pudendo muliebri nidulentur, anthelmintica pessularia commendavit HIPPOC. de Mul. morbis l. 2. c. 60.]
69. [A. A. vermes intestinorum necare asserit MATTH.]

70. *A. Cepa*. HALL. *alt.* 10. DODON. pempt. 687.

LOC.

*Biennis, oleracea.*

PHARM. CEPAE Radix.

QVAL. acris, orgastica.

*Culinaris, praestans.*

VIS:

### ERYTHRONIVM.

71. *E. Dens canis*. GMEL. fib. 1. p. 39. t. 7. JACQ. austr.

V. 5. app. t. 9.

LOC. Liguria, Allobroges, Augusta Taurinorum, Sibiria, Virginia, Monspelium. *Perennis.*

PHARM. DENTIS CANINI Radix.

QVAL.

VIS:

### SCILLA.

72. *S. maritima*. ZORN. icon. t. 380. BLAKW. 591.

LOC. Hispaniae, Siciliae, Syriae litora arenosa.

*Perennis, submansueta.*

PHARM. SCILLAE Radix, Acetum, Essentia, Oxymel scilliticum.

QVAL. acris, amara, cruda corrosiva.

*Trita, beryca.*

VIS: incidens, stimulan, pellens, emetica, hydragoga.

### ALOE.

73. *A. perfoliata*. ZORN. icon. t. 283.

*α. vera.* RHEED. mal. 11. p. 7. t. 3.

LOC. Italia, Sicilia, Melitae tecta, muri.

*Perennis,*

*submansueta.*

PHARM. ALOES HEPATICAE ℥ij. lotae ℥j,

Tinet, Extr. ℥ß.

70. [Aniculae nostrae crudam cepam conscindunt, atque in aquam fontanam iniiciunt, perque noctem in ea macerant, postea pueris et infantibus hancce aquam potandam exhibent ad eiiciendos ventris lumbricos. Neque sine fructu; sed Allium melius id efficit.]

71. [Stiriacas mulierculas radice exsiccatæ pollinem pulvis puerorum inspergere ad enecandas eliciendasque ventris taenias CLVSIVS relatum audivit. Id cum idoneum auctorem habeat, neque habere quicquam periculi possit, quamvis in monumentis reliquorum medicorum non legerim, tamen inferendum huic dissertationi meae credidi.]

73. [A. vix sola adhibetur, nisi in infantibus contra vermes, quibus euecandis et expellendis egregie conducit. Speciebus

*β. Aloe americana.*

LOCVS: Barbados.

*Perennis, submansueta.*

PHARM. ALOE SVCCOTRINA.

*γ. Aloe guineensis caballina.*

LOC. Guinea.

*Perennis, submansueta.*

PHARM. ALOE CABALLINA.

QUAL. amarissima, nauseosa.

*γ. Rara; α. β. Trisa, beroica.*

VIS: purgans, pellens, stomachica.

## ACORVS.

74. A. *Calamus*. ZORN. ic. t. 207. LEHRS herb. n. 260. t. 13. f. 12.

*α. Acorus verus. f. Calamus aromaticus officinarum.*

MORIS. hist. 3. pag. 246. f. 8. t. 13. f. 4.

LOC. Europae paludes.

*Perennis, cicur.*

PHARM. CALAMI VVLGARIS radix, condita, Extract. ▽, Ω.

*β. Acorus verus f. Calamus aromaticus radice tenuiore. RHEED. mal. II. p. 99. t. 60.*

LOC. India orientalis, Brasilia.

*Perennis, peregrina.*

PHARM. ACORI VERI Radix.

QUAL. aromatica, acris, amaricans, fragrans.

*Vsitata, praestans.*

VIS: incidens, pellens, stomachica.

## T R I G T N I A.

## RVMEEX.

75. R. *acutus*. MONTING brit. t. 189. BLAKW. t. 491.

LOC. Europae succulenta.

*Perennis, frequens.*

PHARM. LAPATHI ACVTI Radix, herba, semina.

admiscetur, quas *Hieraspicras* medici adpellare solent; merito quidem; namque ob eius amaritiem utique vermibus infesta dici meretur; sed diligenter prospiciendum, ne gracilioribus atque etiam ad haemorrhoides vergentibus temere porrigatur, id enim frequenter usu venit, ut intestina nimium stimulando, ad haemorrhagias urgeat, quare non ultra aliquot grana semel dedisse fas est. Cum aceto et selle bovino mixta, atque umbilico imposita taenias et lumbricos exturbare dicitur.]

74. [CARTHEVS. Fund. M. M. Sect. XII. §. 3.]

QVAL. styptica, nauseosa, *radicis* amarior, lutea, *foliorum* acidior.  
*Praestans, Hb. superflua.*

VIS: adstringens, tonica, eccoprotica.

76. *R. alpinus*. MÜNTING. phyt. t. 200. ZORN. icon. t. 23.

LOC. Europae humentia.

*Perennis, frequens.*

PHARM. RHABARBARI MONACHORVM Radix.

QVAL. amaro-austera, flava.

VIS: adstringens, sublaxans.

#### CLASSIS VIII.

### O C T A N D R I A.

#### MONOGYNIA.

#### CHLORA.

77. *C. perfoliata*. MORIS. hist. 2. p. 565. t. 5. f. 26. f. 1. 2.

LOC. Helvetia, Anglia, Gallia, Hispania, Germania, Oriens. *Annua.*

PHARM.

QVAL. amara citra mordacitatem.

VIS: leviter adstringens.

#### CLASSIS IX.

### E N N E A N D R I A.

#### MONOGYNIA.

#### LAVRVS.

78. *L. cinnamomum*. JACQ. amer. pict. p. 59. t. 117.

LOC. Zeylona, in America ad montem Calebasse Martinicae. *Arbor, peregrina.*

PHARM. CINNAMOMI Cortex, Syr. ▽ sine vino, ▽ cum vino, ℞, ♂ Gtj.

QVAL. dulcis, dein acris, aromatica, suavissima, fragrantissima. *Triza, beroica.*

VIS: corroborans, carminativa, stomachica.

76. [In Russia infantibus et pecoribus propinatur ad eliminandos vermes. PALL. it. 1. p. 195.]

77. [vide RAII. hist. pl. L. XX. p. 1093. GALENVS ob insignes mirasque huius plantae facultates de ea integrum librum conscripsit.]



β. Katou-Karua. RHEED. mal. 5. p. 105. t. 53.

LOC. Malabarica.

*Arbor, peregrina.*

PHARM. MALABATHRI Folium.

QUAL. acris, aromatica, fragrans, debilis.

VIS: calefaciens, stimulan.

79. L. *camphora*. COMM. hort. 1. pag. 185. t. 95.

LOC. Iaponia.

*Arbor, fera.*

PHARM. CAMPHORAE Refina grj. — ʒʒ, Ω, ʒʒ.

QUAL. aromatica, acris, amaricans, fragrantissima.

*Trita, beroica.*

VIS: resolvens, nervina, pellens.

80. L. *nobilis*. ZORN. ic. t. 52.

LOC. Italia, Graecia.

*Arbor, mansueta.*

PHARM. LAVRI BACCAE, ▽, ʒʒ, Folia.

QUAL. subacris, aromatica.

*Trita, praestans.*

VIS: stomachica, resolyens, pellens, carminativa, phthiriaca.

#### RHEVM.

81. R. *undulatum*. AMOEN. ACAD. 3. p. 212. REGN. bot.

LOC. China, Sibiria.

*Perennis.*

PHARM. RHABARBARI VERI Radix ʒj. tosta ʒij. (licet in hac forma minus concinna.) Essentia ʒj. Extractum ʒj.

QUAL. styptico-amara, nauseosa, lutea.

*Trita, beroica, usitatissima.*

VIS: laxans, tonica, stomachica.

79. [vid. WEDELII Diff. de Camphora pag. 22. et PRANGE Diff. de camphorae virtute anthelm. Goett. 1759. Affirmat III. BALDINGER, magnopere profuisse istam in affectibus verminosis, et in clysterum forma proinde cortici nupta. vid. von den Krankheiten einer Armee p. 408, et APPEND. pharm. Edinb. p. 269.]

81. [Secundum observationes CL. PALLAS et GEORGI verosimillimum est, *Rhabarb. verum* desumi a *Rheo undulato*; nisi, ut credere fas est, *Rhabarb. verum* singularis sit species. Doceat CL. FORSTER *Rhabarb. verum* est a *Rheo palmato*. Vid. eius *Geschichte der Entdeckungen und Schiffabrien im Norden. Erst. an der Oder 1784. S. 286*. Ego itaque fretus tantorum auctorum observationibus, *Rheum undulatum* inferendum esse putavi. Ex observat. Ven. RIMROD vero elucet, radicem *Rhei hybridi* maxime convenire *Rhab. vero*. vid. *Naturforscher* 18. St. p. 243.]

## CLASSIS X.

## D E C A N D R I A.

## M O N O G Y N I A.

## DICTAMNVS.

82. *D. albus*. JACQ. austr. t. 428. MILL. ic. t. 123.  
 LOC. Germania, Italia, Gallia. *Perennis*.  
 PHARM. DICTAMNI ALBI radix.  
 QVAL. amara. *Rarior, dubia*.  
 VIS: balsamica, pellens.

## RVTA.

83. *R. graveolens*. MORIS. hist. 2. p. 507. f. 5. t. 14.  
 f. 3. ZORN. ic. t. 163.  
 LOC. Africa, Graecia, Hetruria, Narbona. *Frutex*.  
 PHARM. RVTAE HORTENSIS herba, Conserva; ▽,  
 ∞, ⊖, ⊕, Semina.  
 QVAL. acerrima, amara, tetra. *Trita, heroica*.  
 VIS: resolvens, pellens, carminativa, phthiriaca.

## MELIA.

84. *M. Azadirachta*. RHEED. mal. 4. pag. 107. t. 52.  
 BREYN. ic. 21. t. 15.  
 LOC. India. *Arbor*.  
 PHARM.  
 QVAL. *Fructus* oleosa, acris, amara.  
 VIS:

82. [Dictamno albo multum laudis tribuitur in morbo caduco, et fellis suffusione a vermibus ortum trahente. Ill. L. B. de STOERCK vires huius radices in vermibus egregias expertus est, et in libello de Flammula Iovis cap. I. publici iuris fecit. Atque idem ille auctor laudat tincturam e radice paratam, ino pulverem radices, dosi ℥j vel 3℥; eiusque vires anthelminticas praestantiores, satis explicatas se habere atque compertas, adfirmat.]
84. [Foliorum succus, sive per os sumptus solus, aut cum vino, aut aqua, aut gallinae iusculo mixtus, sive umbilico illinitus aut solus, aut cum felle taurino, aceti aut Aloes tantillo, ad omnis generis vermes expellendos perutilis fertur. Quam ob rem familiaris admodum et perquam salubris est medicina omnibus Malabaricae incolis, quoniam lumbricis valde sunt obnoxii. RALL hist. pl. p. 1545.]

## QVASSIA.

85. *Q. amara*. AMOEN. ACAD. 6. p. 421. t. 429.  
 LOC. Surinamum. *Arbor, fera.*  
 PHARM. QVASSIAE LIGNVM.  
 QVAL. amarissima, inodora. *Eximia.*  
 VIS: balsamica, tonica, stomachica.

86. *Q. Simaruba*. AVEL. Guian. 860. t. 331. 332.  
 LOC. Guiana Americes. *Arbor, mansueta.*  
 PHARM. SIMARUBAE Lignum, Cortex 3j.  
 QVAL. inodora, amaricans. *Præstans, usitata.*  
 VIS: tonica, stomachica.

## IVSSIEVA.

87. *I. suffruticosa*. RHEED. mal. 2. pag. 55. t. 49. RYMPH.  
 amb. 6. t. 41.  
 LOC. India.  
 PHARM.  
 QVAL.  
 VIS:

## SAPONARIA.

88. *S. officinalis*. OED. DAN. t. 543.  
 LOC. Germania, Anglia, Gallia, Belgium. *Perennis, cicur.*  
 PHARM. SAPONARIAE Radix, Herba, Semina.  
 QVAL. amara, trita spumescens. *Exoleta.*  
 VIS: resolvens, pellens.

## CLASSIS XI.

## D O D E C A N D R I A.

## M O N O G Y N I A.

## ASARVM.

89. *A. europæum*. OED. FL. DAN. t. 633. MILL. icon.  
 t. 53.  
 LOC. Europæ nemora. *Perennis, cicur.*
85. [vid. *die Casselschen gelehrten Beyträge* de 31. Maij. et 7. Ian. 1769. et HIRSCHTEL *von der Heilung der binfallenden Sucht* etc. Mierau 1774.)
86. [Decoctum *Q. Simarubæ* magnam vim lumbricorum in puero secum deportasse adfirmavit VAN DOEVEREN l. c. p. 329.]
87. [Plantæ decoctum epotum lumbricis enecandis servit. RAIH hist. pl. p. 1510.]

PHARM. ASARI Radix ʒj, Extr. ʒj; Fol. N°. VI.

QVAL. amaro-acris, nauseosa.

*Trisa, heroica.*

VIS: vomitoria, purgans.

### PORTVLACA.

90. *P. oleracea.* BLAKW. t. 287.

LOC. Europa, India, Inf. Ascensionis, America.

*Annua, cicur.*

PHARM. PORTVLACAE Hb. sem. Conserva, Syr. ∇.

QVAL. aquosa.

*Culinaris, exoleta, superflua.*

VIS: Sem. anthelmintica.

## T R I G Y N I A.

### EVPHORBIA.

91. *E. officinarum.* COMM. hort. I. p. 21. t. 21.

LOC. Africa.

PHARM. EVPHORBII Gummi.

QVAL. lactescens, acris, septica.

*Rarior, cauta.*

VIS: incidens, stimulans, pellens, drastica.

### CLASSIS XII.

## I C O S A N D R I A.

### MONOGYNIA.

### PVNICA.

92. *P. Granatum.* ZORN. ic. t. 270.

α. *Malus punica sativa.* BAVH. pin. 438.

β. *Punica fl. pleno maiore.* TOURNEF. inst. 636.

LOC. Africa, Hispania, Italia.

PHARM. (β) BALAVSTIORVM Flores.

MALICORII Cortex.

GRANATORVM Semina, Syr.

QVAL. styptica, rubrans.

*Trisa, praestans.*

VIS: laxans; Fl. pellens, anthelmintica.

91. [*Caraputiae minoris* Semina pariter et *Efulae* radicem, si cum aliis purgantibus misceatur, ad lumbricum latum expellendum efficacem esse monet IACOB. OETHAEVS. vid. D. CLERIC. hist. lumbric. c. XV. p. 439.]

92. [CELS. Lib. IV. c. XVII.]

## AMYGDALVS.

93. *A. Persica*. ZORN. icon. t. 280.

LOC. Persia.

*Arbor, mansueta.*

PHARM. PERSICAE Flores. Syr. Nuclei, ▽.

QVAL. Amygdalae amarae. (94. β.)

*Exoleta.*

VIS: Amygdalae amarae.

94. *A. communis*. ZORN. ic. tab. 301.α. *A. dulcis*, putamine molliore. MILL. icon. t. 28.

f. I.

LOC. Tripolis fepes.

*Arbor, mansueta.*

PHARM. AMYGDALAE DVLCIS Nuclei, oblongi, ♂.

QVAL. dulcis, sapida.

*Trita, praestans.*

VIS: obtundens, relaxans, nutriens.

β. *A. amara*.

LOC. Tripolis.

*Arbor, mansueta.*

PHARM. AMYGDALAE AMARAE Nuclei ♂.

QVAL. amara.

*Praestans, dubia.*

VIS: praecedentis (α), carminativa, pellens.

P E N T A G Y N I A.

## PYRVS.

95. *P. Malus*. BLAKW. tab. 178.

LOC. Germania.

*Arbor, cicur.*

PHARM. POMORVM BORSDORPHIENSIVM Succus liquidus.

QVAL. acidula, esculenta, sapida.

*Parcior.*

VIS: tonica, subecccprotica.

## TORMENTILLA.

96. *T. erecta*. OED. FL. DAN. t. 589.

93. [Folia *A. Persicae* ob amaritiam suam, in cerevisia aut lacte decocta, aut vino infusa et pueris oblata, lumbricos interficiunt et expellunt. GALENVS trita et umbilico imposita id praestare ait; nonnulli cataplasmata ex foliis persicorum et felle tauri, in eundem finem ventri admovent. Idem efficiunt et flores et syrupus inde paratus.]

94. [Amygdalae amarae plerisque animantibus volatilibus et quadrupedibus commestae, mortem inferunt, ob eamque causam etiam lumbricos peremturae creduntur.]

95. [Est hoc omnibus fere pomis commune, ut succus expressus admixto paulo Croci ebibitus ventris animalia pellat, inprimis vero id ea malorum species praestare creditur, quam Latini *Melimelum* sive *Mustum* vocant.]

LOC. Europae pascua sicca. *Perennis, vulgarissima.*

PHARM. TORMENTILLAE Radix, Essentia, Extr.

Herba.

QVAL. styptica, rubra.

*Trita, praestans.*

VIS: adstringens.

## P O L T G T N I A.

GEVM.

97. *G. urbanum.* OED. FL. DAN. t. 672. MURRAY in  
nov. Comm. Goett. 5. p. 33. t. 4. A.

LOC. Europae nemora. *Perennis, vulgaris.*

PHARM. CARYOPHYLLATAE radix, herba.

QVAL. styptica, fragrans, antacida.

*Rarior.*

VIS: adstringens, pellens.

## CLASSIS XIII.

## P O L Y A N D R I A.

## M O N O G Y N I A.

PAPAV.ER.

98. *P. somniferum.* ZORN. ic. tab. 371.

α. *Papaver hortense* sem. nigr.

β. — — sem. albo.

LOC. Europae australioris agri.

*Annua.*

PHARM. PAPA. NIGRI Sem. Capitula, Syrup.  
(Diacodium) 3j.

ALBI Herba, Syrupus 3vj, Sem.

℞. Opium crudum gr. ij, correctum, succus inspissatus, Extractum gr. V. Tr. cum †, Tr. sine †.

QVAL. Opii resinoso-gummosa, amara, acris, tetra, foetida, inflammabilis.

*Trita, heroica.*

VIS: narcotica, hypnotica, antispasmodica, paregorica.

97. [Conf. R. BVCHHAVE obs. circa rad. Gei urb. 'vires' etc. Hafn. 1781. 8. c. fig.]

98. [Opii dos duplex esse videtur; primum quod vim stupefacientem, quam in omni animanti exserit, ipsis vermium corporibus impertiat; deinde quod spasmos a vermibus relaxet; quibus relaxatis prodeunt interdum vermes. ANT. de HAEN Tract. de verm. intestin. p. 57. et B. L. TRALLES [Vf. opii salub. etc. Wratisl. 1757. 4.]

CAMBOGIA.

99. *C. Gutta*. ZORN. ic. tab. 316. RHEED. mal. I. p. 41. t. 24.

LOC. Malabaria, Zeylona. *Arbor, peregrina.*

PHARM. GUTTAE GUMMI Gr. 3 — 5. Sulphuratum Gr. xvj.

QUAL. resinosa-gummosa, lutea, opaca, nitida, insipida, inodora. *Rarior, beroica.*

VIS: draistica, hydragoga, subemetica.

CARYOPHYLLVS.

100. *C. aromaticus*. ZORN. ic. tab. 315. LINN. *Pflanzen-system*. 2. p. 50. t. 12. f. 1.

LOC. Moluccae, praesertim Ternata. *Arbor, peregrina.*

PHARM. CARYOPHYLLI AROMATICI Fructus, TR.  $\infty$ , Balsamus.

ANTHOPHYLLI Fructus.

QUAL. aromatica, calidissima. *Culinaris, eximia, ANTH. superflua.*

VIS: tonica, stomachica.

T R I G T N I A.

DELPHINIVM.

101. *D. Staphisagria*. BLAKW. tab. 265.

LOC. Istria, Dalmatia, Calabria, Apulia, Creta, Galloprovincia. *Biennis, mansueta.*

PHARM. STAPHISAGRIAE Semina.

QUAL. amara, nauseosa. *Trisa, praestans, externa.*

VIS: draistica, phthiriaca.

ACONITVM.

102. *A. Anthora*. JACQ. austr. t. 382. MILL. ic. t. 12.

LOC. Alpes Pyreneae, Helvetiae, Taurinae, Allobrogicae. *Perennis.*

PHARM. ANTHORAE Radix 3j.

QUAL. amara, acris, toxica. *Exolera, dubia.*

VIS: purgans.

P E N T A G T N I A.

NIGELLA.

103. *N. fativa*. MILL. dict. n. 3. et ic. t. 187. f. 1.

103. [CARTHEVS. F. M. M. Sect. XII. c. 39. §. VI.]

LOC. Germania, Aegyptus, Creta. *Annua, mansueta.*

PHARM. NIGELLAE Semina,  $\circ\circ$ .

QVAL. acris, fragrans, toxica.

*Rarior.*

VIS: pellens.

### HELLEBORVS.

104. *H. niger.* SCHMIDEL. ic. p. 26. t. 6. JACQ. austr. t. 201.

LOC. Alpes Apenninae, Austriae, Hetruriae.

*Perennis, mansueta.*

PHARM. HELLEBORI NIGRI Radix  $\mathfrak{3j}$ , Fibrae, Extractum  $\mathfrak{3}\mathfrak{ss}$ .

QVAL. Rad. acris, amaricans, subnauseosa, foetida.

*Trita, eximia.*

VIS: purgans, pellens.

105. *H. viridis.* JACQ. austr. t. 106.

LOC. Montes Vignenses, Euganei, rel.

*Perennis.*

PHARM. HELLEBORI VIRIDIS Radix.

QVAL. amarior, acrior magisque nauseosa *nigro.*

VIS: praecedenti fortior.

106. *H. foetidus.* STERB. fung. 372. t. 36. f. C.

$\beta$ . *Helleborus niger trifolius.* MORIS. hist. 3. p. 406. f. 12. T. 4. f. 7.

104. [Pulvis foliorum exsiccatorum, pauca quantitate, verminantibus pueris exhibetur, vel in potu, aut iusculo, vel in ficu etc. D. de LILLE in Tractat. de palpitatione cordis p. 253. sequentem mixtionem laudat. Rec. Extr. Hellebor. nigr.  $\mathfrak{3j}$  Vitriol. Martis  $\mathfrak{3}\mathfrak{ss}$  solve in Aqu. Card. ben.  $\mathfrak{3j}$ , adde Syrup. Violar.  $\mathfrak{3j}$ . M. D. S. Infanti cochlear parvum detur ieiuno stomacho.]

106. [Si ullum unquam remedium virtutis anthelminticae gloria floruit, certe *Helleborus foetidus* maxime floret, utpote cuius efficacia in Cleveland in propellendis vermibus satis perspicua est atque manifesta. Quem et Cel. BISSET semper sibi bene cessisse fatetur. Dosis erit foliorum recentium  $\mathfrak{3j}$  in decocto; quodsi vero folia siccata sumantur, gr. xv. sufficere possunt pueris 5. vel 6. annorum, duos vel tres dies continuos mane oblata. In maiori copia sumtus excitat emesin atque catharsin. Succus expressus, ope sacchari in syrupum redactus, cuius cochlear dimidium mane et vesperi infantibus 2—6 annorum propinandum, pulveri et decocto praefendus est.]



LOCVS: Germania, Helvetia, Gallia. *Perennis.*  
 PHARM. HELLEBORI foetidi Herba.  
 QVAL. acris, tetra.  
 VIS: purgans, emetica.

## CLASSIS XIV.

## D I D Y N A M I A.

## G Y M N O S P E R M I A.

## TEVCRIVM.

107. T. *Chamaepitys*. OED. FL. DAN. t. 733.  
 LOC. Italiae, Galliae, Angliae, Hungariae, Helvetiae,  
 Germaniae agri. *Annua, cicur.*  
 PHARM. CHAMAEPITYOS Herba.  
 QVAL. resinoso-aromatica, amara. *Trita, praestans.*  
 VIS: resolvens, pellens, tonica.

108. T. *Scordium*. OED. FL. DAN. t. 593.  
 LOC. Europa, Sueciae Oelandia, Gothlandia.  
*Herba, perennis.*  
 PHARM. SCORDII Herba, Syrupus, Essentia, ▽.  
 QVAL. amara, acris, orgasmica alliata, lactaria.  
*Trita, eximia.*  
 VIS: tonica, antiputredinosa, resolvens, pellens.

109. T. *Chamaedrys*. CLVS. hist. I. pag. 351. t. 17.  
 REGN. bot.  
 LOC. Germania, Helvetia, Gallia. *Perennis,*  
*mansueta.*  
 PHARM. CHAMAEDRYOS Herba.  
 QVAL. spirans, amara. *Trita, praestans.*  
 VIS: balsamica, tonica.

## SATVREIA.

110. S. *capitata*. CLVS. hist. I. p. 357.  
 LOC. Graecia, Creta, Baetica, Hispalis, Palaestina.  
*Suffrutex, ferus.*  
 PHARM. THYMI CRETICI Herba.

107. [CARTHEVS. M. M. Sect. XIII. c. XI. §. VI.]  
 108. [*Scordium* in pulverem tritum, saepe profuisse in affectibus  
 verminosis testatur BARRERE Obs. anat. etc. p. 170.]  
 109. [CARTHEVS. P. M. M. Sect. XIII. c. XI. §. 3.]  
 110. S. C. confirmante RALIO LXI. c. VII. p. 520. ventris taenias  
 exigere valer.]

QUAL. spirans, *Thymo vulgari* fortior.

*Exoleta, praestans.*

VIS: *Thymo vulgari* fortior.

### HYSSOPVS.

III. *H. officinalis*. JACQ. austr. t. 254.

LOC. Austriae subalpina, Russia australis.

*Suffrutex.*

PHARM. HYSSOPI Herba, Conserva, Syrupus, Essentia,  $\nabla$ ,  $\odot$ , Semina.

QUAL. amaricans, nidorosa, halitiosa.

*Trita, praestans.*

VIS: tonica, resolvens, stomachica.

### NEPETA.

II2. *N. cataria*. OED. FL. DAN. t. 580.

LOC. Europae pagi, rudrata.

*Perennis, vulgaris.*

PHARM. NEPETAE Herba.

QUAL. hircosa felina, amara.

*Exoleta, praestans.*

VIS: resolvens, pellens.

### MENTHA.

II3. *M. crispa*. MORIS. hist. 3. p. 367. f. II. t. 6. f. 5.

ZORN. ic. tab. 386.

LOC. Europa.

*Perennis, cicur.*

PHARM. MENTHAE CRISPAE Herba, Conserva, Syrupus,  $\nabla$ ,  $\Omega$ ,  $\odot$ .

QUAL. amaricans, spirans.

*Trita, eximia.*

VIS: resolvens, pellens.

II4. *M. piperita*. KNIGG. diff. t. I.

LOC. Anglia.

*Perennis.*

PHARM. MENTHAE PIPERITAE Herba.

QUAL. praecedentis, sed acrior, cum sensu refrigerii.

*Rarior, eximia.*

VIS: praecedentis, sed fortior.

### MARRVBIVM.

II5. *M. vulgare*. ZORN. ic. t. 27.

LOC. Europae rudrata argillofa.

*Perennis, vulgaris.*

PHARM. MARRVBII ALBI Herba.

QUAL. graveolens, amariuscula, ingrata.

*Exoleta, praestans.*

VIS: pellens.

III. [CELS. lib. IV. c. XVII. pag. 238. et 239. ed. HALLER. ROSENSTEIN *von den Kinderkrankheiten* p. 514.]

II3. [CELS. l. c. p. 239. et HIQVET *Arzney und Chirurgie der Armen, teutsche Uebersetzung*, 1769. p. 216. CARTHEVS. F. M. M. Sect. XII. c. XIII. §. 5.]

## LEONVRVS.

116. *L. cardiaca*. OED. FL. DAN. t. 627.β. *Cardiaca crispa*. RAII. hist. pl. p. 572.

LOC. Europae ruderata, pagi.

*Perennis, frequens,*

PHARM. CARDIACAE Herba, ▽.

QVAL. sicca.

*Exoleta, infida.*

VIS: roborans.

## THYMVS.

117. *T. vulgaris*. BLAKW. tab. 211.LOC. Hispaniae montosa, saxosa, Gallia Narbonensis,  
ubi nulla alia planta frequentior; Sibiria.*Suffrutex, cicur.*

PHARM. THYMI VVLGARIS Herba, ▽.

QVAL. aromatica, spirans.

*Vsitata, praestans.*

VIS: resolvens, pellens, corroborans, tonica, stomachica.

## SCVTELLARIA.

118. *S. indica*. RVMPH. amb. 5. p. 459. t. 170. f. 1. 2.

LOC. China,

PHARM.

QVAL. amara.

VIS: tonica, stomachica.

## ANGIOSPERMIA.

## SCROPHVLARIA.

119. *S. nodosa*. GVNN. norveg. n. 732. tab. 4. f. 1 — 3.

LOC. Europae sepes.

*Perennis, vulgaris.*

PHARM. SCROPHVLARIAE FOETIDAE Radix.

QVAL. tetra, foetida, amara.

*Rarior, praestans.*

VIS: repellens, carminativa, Sem. anthelmintica.

## CLERODENDRVM.

120. *C. infortunatum*. RHEED. mal. 2. pag. 41. t. 25.

RVMPH. amb. 4. p. 108. t. 49.

β. *C. folio lato et acuminato*. SVRM. Zeyl. 66. t. 20.

LOC. India.

*Frutex.*

PHARM.

QVAL.

VIS:

116. [RAII hist. pl. p. 572.]

118. [Succus expressus, vel si mavis, decoctum *Scutellariae*, pueris datum lumbricos profligat, confirmante RVMPHIO.]

## CLASSIS XV.

## T E T R A D Y N A M I A.

## S I L I Q V O S A.

## SISYMBRIVM.

121. *S. Nasturtium*. OED. FL. DAN. t. 690.LOC. Europae rivuli fontesque. *Perennis, frequens.*PHARM. NASTVRTII AQVATICI Herba, Succus  $\text{℥iv}$ ,  
Conferva, Syrupus,  $\nabla$ ,  $\Omega$ .

QUAL. minus quam Cochlearia acris, orgastica.

*Trita, eximia.*

VIS:

122. *S. SOPHIA*. OED. FL. DAN. t. 528.

LOC. Europae maceriae, muri tectaue.

*Annua,  
vulgaris.*

PHARM. SOPHIAE Semina.

QUAL. acris, fervida.

*Exoleta.*

VIS: stimulan; adstringens.

## ERYSIMVM.

123. *E. Alliaria*. REGN. bot. ZORN. ic. tab. 91.

LOC. Europae sepes, culta, umbrosa.

*Perennis,  
vulgaris.*

PHARM. ALLIARIAE Herba, Semina.

QUAL. amara, orgastica, alliata.

*Exoleta, praestans.*

VIS:

124. *E. cheiranthoides*. JACQ. austr. t. 23. OED. FL. DAN.  
731.

LOC. Europae arva.

*Annua.*

PHARM. CAMELINAE Herba.

QUAL.

VIS:

## TVRRITIS.

125. *T. glabra*.

LOC. Europae pascua sicca aprica.

121. [Foliorum succus epotus lumbricos in ventre enecat. RAIL  
hist. pl. p. 1571.]122. [*Sopbiae* semina *Cinae* seminibus praestantiora esse testatur  
C. HOFFMANN.]

125. [vid. DALE Mat. Med. p. 162.]

PHARM. TVRRITIDIS Herba.  
 QVAL. acris.  
 VIS:

## BRASSICA.

126. B. *Eruca*. REGN. bot.  
 LOC. Helvetia, Austria. *Annua.*  
 PHARM. ERVCAE Semina.  
 QVAL. acris, fervida, penetrans, orgastica. *Exoleta.*  
 VIS: incidens, resolvens.

## SINAPIS.

127. S. *nigra*. BLAKW. tab. 446.  
 LOC. Europa. *Annua, cicur.*  
 PHARM. SINAPEOS Semina.  
 QVAL. acris, orgastica. *Culinaris, irrita, praestans.*  
 VIS: incidens, stimulans.

## RAPHANVS.

128. R. *fativus*. BLAKW. tab. 81.  
 β. R. *niger*.  
 γ. R. *chinesis annuus oleiferus*.  
 LOC. *Annua.*  
 PHARM. RAPHANI Radix (recens) Semina.  
 QVAL. aquoso-acris, orgastica. *Culinaris, exoleta.*  
 VIS: diluens, attenuans, mundificans, carminativa.

## CLASSIS XVI.

## M O N A D E L P H I A.

## D E C A N D R I A.

## HVGONIA.

129. H. *Myrtax*. RHEED. mal. 2. p. 29. t. 19.  
 LOC. India. *Frutex.*  
 PHARM.  
 QVAL.  
 VIS:

126. [Semen contusum ex vino potum, lumbricos interimit.]  
 128. [I. A. HARNISCH Select. Med. Francof. T. II.  
 129. [RAII hist. pl. Lib. XXVIII. p. 1570.]

## CLASSIS XVII.

## D I A D E L P H I A.

## H E X A N D R I A.

## FVMARIA.

130. *F. officinalis*. ZORN. ic. tab. 14.

LOC. Europae agri, culta.

*Annua, vulgaris.*

PHARM. FVMARIAE Herba, Conserva, Syrupus, Effentia, Extractum, ▽, Semina.

QUAL. inodora, amarissima.

VIS: tonica, corroborans, pellens, eccoprotica.

## D E C A N D R I A.

## LVPINVS.

131. *L. albus*. ZORN. ic. tab. 321.

LOC.

*Annua.*

PHARM. LVPINI Semina.

QUAL. sicca, amaricans, ingrata.

*Exoleta, dubia.*

VIS: flatulenta.

132. *L. varius*.

LOC. Messana, Monspelim, inter fegetes.

*Annua.*

PHARM.

QUAL.

VIS.

## DOLICHOS.

133. *D. pruriens*. JACQ. amer. 201. t. 122. — amer. pict. p. 99. tab. 188.

LOC. India.

*Peregrina.*

PHARM.

QUAL.

VIS: mechanica.

134. *D. urens*. JACQ. amer. 202. t. 182. f. 84. — amer. pict. p. 100. tab. 189.131. [*Lupini albi* semina interficiunt lumbricos, tum contusa et ventri imposita, tum addito melle lineta, tum in posca posita; quin et decoctum eorum idem praestat.]

134. [Secundum cl. BANCROFT incolae totius Guianae, inprimis vero servi nigritae lumbricis affliguntur, quibus nullum efficacius remedium opponere solent, quam Lanuginem DOLICHII, a leguminibus abradendam et cum Syrupo quodam in formam Electuarii redigendam, cuius dosis adultis est ʒj

LOC. America meridionalis.

Frutex.

PHARM. DOLICHI VRENTIS Lanugo.

QUAL.

VIS: praecedentis.

## VICIA.

135. *V. sativa*. Cuius herbam equo oblatam plus triginta *Ascarides* diversae magnitudinis expulisse, refert Rev. GOEZ in splendido libro, qui inscriptus est: *Versuch einer Naturgeschichte der Eingeweidewürmer thierischer Körper* etc. p. 63. An itaque credendum, succum eiusdem expressum vel lumbricos C. H. expulsum esse?

## CICER.

136. *C. arietinum*. ZORN. ic. tab. 146.

LOC. Inter Hispaniae, Italiae, Orientis fegetes.

*Annua, subcicur.*

PHARM. CICERIS femina alba, rubra.

QUAL. sicca, farinacea, subnauseosa.

*Rarior, dubia.*

VIS: flatulenta, pellens.

## GEOFFROYA.

137. *G. inermis*. WRIGHT in philos. transact. vol. 67. p. 507. c. fig.

LOC. Iamaica.

*Arbor, peregrina.*

PHARM. GEOFFR. INERM. Cortex. Cabbagebark.

Anglis. ♂ Decoct. Extr. Syr.

QUAL. Recent. mucilagineo-dulcis, odor. ingrati Sicc. mucilag. amaricans, fere inodora.

VIS: purgans, narcotica.

## GLYCYRRHIZA.

138. *G. glabra*. ZORN. ic. tab. 209.

LOC. Franconia, Gallia, Italia, Hispania.

*Perennis, cicur.*

vel plures, quovis mane per triduum, sumto simul Rheo. Aequè tutum est ipsis infantibus, dosi nimirum aetati respondente. vid. BANCROFT. *Naturgeschichte von Guiana* p. 241.]

136. [Decoctum *ciceris arietini* lumbricos eiicit. RAIL hist. pl. lib. XVIII. p. 918.]

138. [*Liquiritiae Radicis* decoctum, teste CAELIO AVRELIANO, et idem cum melle mixtum et lacte dulci sumptum BOERHAVIUS specificum habuit.]

PHARM. LIQVIRITIAE Radix, Succus inspissatus, Extractum, Essentia, Syrupus, Bacilli, Trochisci.

QUAL. mucilaginosa, dulcissima.

*Trita, eximia.*

VIS: edulcorans.

### GALEGA.

139. *G. officinalis*. MILL. ic. t. 137. MORIS. hist. 2. p. 91. f. 2. t. 7. f. 9.

LOC. Hispania, Italia, Africa.

*Perennis.*

PHARM. GALEGAE Herba.

QUAL. subaromatica.

*Rarior, dubia.*

VIS:

### CLASSIS XVIII.

## P O L Y A D E L P H I A.

### I C O S A N D R I A.

### CITRVS.

140. *C. medica*. REGN. bot.

α. *Malus medica*.

β. *Malus Limonia acida*.

LOC. Asia, Media, Assyria, Persia. *Arbor, mansueta.*

PHARM. CITRI Flavedo, *Essentia de Cedro*.

Cortex, *Conditus, Essent.* 7, 80.

Caro, *Condita Succus, Conserva.*

*Syrupus, Semina, Flores.*

QUAL. *Flav. aromatica, odorata vesiculis oleosis.*

*Pulp. acida.*

*Sem. amara. Fl. fragrans.*

*Trita, optima.*

VIS: *Flav. cardiaca, stomachica. Pulp. refrigerans.*

*Sem. anthelmintica. Fl. analeptica.*

141. *C. Aurantium*. REGN. bot.

139. [Vfus eius praecipuus est in lumbricis, quos etiam extrinsecus admota fugare existimatur. Sed rarior usus certi quidpiam ponere vetat. Estur vel herba ipsa cruda, vel cocta.]

140. [Si ascarides haerent in intestino recto, qui pueros maxime exercent, semina citri medicae dari possunt. Quorum contundantur N. 12 — 15. et coquantur in lactis 3iv. Expresso decocto et adiecto paululo Sacchari bibatur haec dosis quotidie, donec ascarides alvo reddantur. LANGII misc. veritat. de reb. med. Fasc. I. Luneburg. 1774. 8. p. 85.]

141. [vid. HANNES de puero epileptico foliis aurantiorum curato.]



**β. Citrus Sinenſis.**

LOC. India Orientalis.

*Arbor, mansueta.*PHARM. NAPHAË (Flores) *Conditae, Conserva*, ▽, Ω.

AVRANT. Folia, Poma immatura, Cortex

*conditus, Syrupus, Effentia*, ▽, &c.(Bergamotte) Flavedo, *Effentia*.QUAL. amara, *Naph. fragrans.**Trisa, eximia.*

VIS: tonica, stomachica, corroborans, pellens.

**P O L Y A N D R I A.****HYPERICVM.****142. H. perforatum.** ZORN. tab. 31.

LOC. Europae prata.

*Perennis, vulgaris.*

PHARM. HYPERICI Herba, ▽, Flores, TR. Sem.

QUAL. balsamica, graveolens.

VIS: resolvens.

**143. H. quadrangulare.** OED. FL. DAN. 640.

LOC. Europae prata.

*Perennis.*

PHARM. HYPERIC. QVADRANG. Herba, Fl. Semina.

QUAL. praecedentis.

VIS: praecedentis sed praestantior.

**144. H. Androſaemum.** BLAKW. tab. 94.

LOC. Angliae, G. Narbonensis, Italiae humida loca.

*Frutex.*

PHARM. HYP. ANDROSAEM. Fol. Flor. Sem.

QUAL. et VIS:

**CLASSIS XIX.****S Y N G E N E S I A.****POLYGAMIA AEQUALIS.****CICHORIVM.****145. C. Intybus.** ZORN. ic. t. 37.

**142.** [*Hyp. perf.* praestantissimum est ad lumbricos pellendos, si flores in sp. Vini infusi exhibeantur; id quod certa nobiliss. matronae experientia didicit T. BARTHOLIN. Aët. Med. Ann. 1671. 1672. Obs. 40. *Hyperici* succum ad vermes necandos commendat CAMERARIUS et alii. Herbae decoctum idem efficit.]

**143.** [Quum *Hypericum quadrangulare* perforato viribus superius sit et praestantius, ideoque officinis nostris dignissimum, id in anthelminticorum numero putaram haberi oportere.]

LOC. Europa ad margines agrorum viarumque.

*Biennis, cicur.*

PHARM. CICHORII Radix, *condita*; Herba, *Syrupus*,  
 $\nabla$ ; Flores, *Conserva*, Semina.

QVAL. aquoso-amara, flavo-tinctoria.

*Trita.*

VIS: aperiens, tonica.

#### CARDVVS.

146. *C. marianus*. REGN. bot.

LOC. Italiae, Galliae, Angliae aggeres. *Annua, cicur.*

PHARM. CARDVI MARIAE Herba,  $\nabla$ ; Semina.

QVAL. amara.

VIS: tonica. *Sem. anthelmint.*

#### CARLINA.

147. *C. acaulis*. ZORN. ic. t. 168.

LOC. Italiae, Germaniae montes aprici.

*Perennis,  
cicur.*

PHARM. CARLINAE Radix.

QVAL. graveolens, acris, amara, aromatica.

*Rarior.*

VIS: pellens, stomachica, subemetica.

#### SPILANTHVS.

148. *S. Acmella*. BREYN. icon. 48. t. 48. SEB. mus. I.  
 p. 19. t. 9. 10.

LOC. Zeylona.

*Annua, peregrina.*

PHARM. ACMELLAE Herba, Semina.

QVAL. amara, sapore odoreque *Sigisbeckiae*.

*Inusitata,  
eximia, pretiosa.*

VIS: *Sem. anthelmintica.*

#### EVPATORIVM.

149. *E. cannabinum*. OED. FL. DAN. t. 745.

LOC. Europa ad aquas.

*Perennis, infrequens.*

PHARM. EVPATORII Radix, Herba.

QVAL. peramara, acri-odorata.

*Exoleta.*

VIS: corroborans. *Rd. purgans, emetica.*

#### SANTOLINA.

150. *S. Chamae-Cyparissus*. ZORN. ic. t. 245.

LOC. Europa australis.

*Fruticulus, mansuetus.*

PHARM. SANTOLINAE Herba.

146. [CARTHEVS. M. M. Sect. IX. c. VI. §. 3.

148. [*Acmellae* Semina lumbricos expellunt. DALE.]

149. [IVNKER Mat. Med. p. 516.]

QUAL. amara, nidorosa.

Rarior, praestans.

VIS: tonica, pellens, carminativa.

## POLYGAMIA SUPERFLUA.

## TANACETVM.

151. *T. vulgare*. GMEL. fib. 2. p. 133. t. 65. f. 1. $\alpha$ . Tanacetum vulgare luteum. $\beta$ . Tanacetum crispum.LOC.  $\alpha$ . Europae margines pratorum. *Perennis, cicur.*PHARM. TANACETI  $\alpha$ . Flores, Semina. $\beta$ . Herba,  $\nabla$ ,  $\otimes$ .

QUAL. amara, aromatica, luteo-tinctoria, nidorosa.

*Praestans.*

VIS: tonica, pellens, carminativa.

## ARTEMISIA.

152. *A. Judaica*. PLVCK. alm. 4. t. 73. f. 2.LOC. Iudaea, Arabia, Numidia. *Exotica, perennis.*

PHARM. APSINTHII IVDAICI Fol. Fl. Sem. Essent.

QUAL. fragrans, subnauseosa, amaricans.

VIS: tonica, stomachica.

153. *A. Contra*.

LOC. Regnum Boutang Mogolis, Caramania Persiae, Palaestina per Alexandriam, Arabia, Numidia.

PHARM. CINAE (SANTONICI) Sem. 3j. *Confectio.*

QUAL. amara.

*Trita, praestans.*

VIS: tonica, stomachica.

152. [Fol. et summitates *Apsintib. jud.* aqua, cerevisia, vel vino infundi, sicque pueris dari possunt.]

153. [Haereo ac fluctuo animo, an non Semen *Santonici*, quo non facile quidquam dixerim me vidisse efficacius, primum omnium anthelminticorum ponam. Sane ego huic nullum facile praefero, quum eius virtutem nunquam mihi imposuisse, omni ratione confirmare possim. Sed nescio profecto, quomodo acciderit, ut Cl. SELLE in Med. Clin. p. 631. id *levioribus* anthelminticis adnumerare potuerit. Num id fortasse ab illo ideo factum est, quod Semen *Cinae* a variis *Artemis.* speciebus desumitur? Dari potest vel decoctum cum lacte, vel melli immersum, vel in confectioe, ac nisi primis diebus vermes prodeant, laxans subiungi potest. Ego plerumque cum radice *Alappae* et *Mercurio dulci* coniunctum exhibui, ubi me nunquam fere spes fefellit. Taenia illi non cedit, nisi in larga dosi sumatur. Id autem quemque

154. *A. Abrotanum*. DUHAMEL. arb. I. p. 20. t. 4.  
 LOC. Syriae, Galatiae, Cappadociae, Italiae, Carniolae,  
 Monspeli montes aprici. *Suffruticosa, cicur.*  
 PHARM. ABROTANI Herba,  $\nabla$ .  
 QVAL. amara, nidoroso-halituosa. *Rarior, praestans.*  
 VIS: tonica, stomachia, pellens.
155. *A. Santonica*. GMEL. fib. 2. p. 115. t. 51.  
 LOC. Tartaria, Persica etc.  
 PHARM.  
 QVAL. et VIS.
156. *A. campestris*. GMEL. fib. 2. p. 117. n. 102. tab. 53.  
 f. 1. 2.  
 LOC. Europae campi aprici, aridi. *Perennis, vulgaris.*  
 PHARM. ARTEMISIAE CAMPESTRIS Hba, Sem.  
 QVAL. Sem. *Cinae*.  
 VIS: Sem. *Cinae*.
157. *A. pontica*. JACQ. austr. t. 99.  
 LOC. Hungaria interior, Pannonia, Thracia, Myfia:  
 loca aprica, arida. *Perennis.*  
 PHARM. APSINTHII PONTICI Herba, *Conserva.*  
 QVAL. sequenti suaveolentior. *Rarior, praestans.*  
 VIS: sequenti debilior.
158. *A. Apfintium*. GMEL. fib. 2. p. 129. tab. 63.  
 LOC. Europae rudrata arida. *subperennis, vulgaris.*  
 PHARM. APSINTHII VVLGARIS Herba, *Syrupus,*  
*Conserva*,  $\nabla$ ,  $\Omega$ ,  $\infty$ ,  $\Theta$ , *crystall.*  $\Theta$  *non crystall.*  
*Essent. simpl. Extr. inspissat.*  
 QVAL. amarissima, nidorosa, halituosa. *Trita, eximia.*  
 VIS: stomachia, pellens, resolvens.
159. *A. maritima*. I. BAVH. hist. 3. p. 178.
- animadvertere oportet, quod iam olim ZWINGERVS obser-  
 vasse sibi visus est, pueros, qui non verminabant, usu huius  
 feminis male se habere. Quare curiose prospiciendum, ne  
 quod in largienda dosi liberalitatis vestigium appareat.]
156. [ROSENSTEIN l. c. p. 514.]
157. [GALENVS meth. med. lib. II. c. XVII. ampliori oratione  
 hanc plantam complexus est, eiusque vires enumeravit; un-  
 de factum, ut *A. ponticum Galeni* adpellatum fuerit.]
159. [Cum stanno raso (seu potius granulato) et corall. rubr. spe-  
 cificum Anglor. adversus Taeniam. MEAD monit. et praec.]

LOC. Europae septentrionalis litora maris. *Perennis.*

PHARM. ARTEMIS. MARIT. Herba.

QVAL. amara, suaveolens, camphorata.

VIS:

### GNAPHALIVM.

160. *G. arenarium*. OED. FL. DAN. t. 641.

LOC. Europa australior, Scania campestris.

*Perennis, cicur.*

PHARM. STOECHADIS CITRINAE Flores. *Vsitata.*

QVAL. flava, sicca.

VIS: exsiccans.

161. *G. stoechas*. MORIS. hist. 3. p. 401. f. 7. t. II. f. 7.

LOC. Germania, Gallia, Hispania, Oriens; colles aridi.

PHARM.

QVAL. antecedentis.

VIS:

### CONYZA.

162. *C. anthelmintica*. RHEED. mal. 2. p. 39. t. 24.

LOC. India.

*Annua.*

PHARM. CONYZAE ANTHELMINT. Semina.

QVAL. amara.

VIS:

### TVSSILAGO.

163. *Petasites*. BLAKW. t. 222. REGN. bot.

LOC. Germania, Belgium, Anglia, Gallia.

*Perennis,  
cicur.*

PHARM. PETASITIDIS Radix, Flores.

QVAL. Rad. ingrata, amara, leviter styptica.

*Rarior, Fl. superflua.*

VIS:

*med. p. 67. praecipue adv. taeniam Solium L. utile. PALLAS nord. Beyträge I. p. 55.]*

160. [*G. arenarii* flores vino decocti et poti lumbricos; ventris expellant, quod TRAGUS experientia certum esse didicit. Externe in emplastro ad necandos vermes interdum adhibetur.]

161. [Flores *Gnaphalii Stoechadis* vino decocti aut macerati et poti, lumbricos fugant. RAI hist. pl. p. 291.]

162. [RETZIUS ad *Serratulam* referendam esse mavult, eo, quod flosculis foemineis caret. vid. eius fasc. I. p. 23.]

163. [Facit ad latos lumbricos, teste RAIQ.]

## SENECIO.

164. *S. vulgaris*. OED. FL. DAN. t. 513.

LOC. Europae culta, ruderata, succulenta.

*Annua.*

PHARM.

QVAL.

VIS:

## INVLA.

165. *I. Helenium*. OED. FL. DAN. t. 728.

LOC. Europa australior.

*Perennis, cicur.*PHARM. ENVLAE Radix, *Condita, Conserva, Effentia, Extractum*, ∇.

QVAL. aromatica, mucilaginoso.

*Trita, praestans.*

VIS: pellens, stomachica.

## CHRYSANthemVM.

166. *C. millefoliatum*. MILL. ic. 6. t. 9.

LOC. Russiae australis campi.

*Perennis.*

PHARM. CHR. MILLEFOL. Semina.

QVAL. et VIS: fere *Achilleae*.

## MATRICARIA.

167. *M. Parthenium*.

LOC. Europae australioris culta, ruderata.

*Subperennis, cicur.*

PHARM. MATRICARIAE Herba, ∇, ♂, Flores.

QVAL. amara, nidorosa, haliturosa.

*Vistata, praestans.*

VIS: tonica, stomachica.

168. *M. Chamomilla*. ZORN. ic. t. 139.

LOC. Europae agri, ruderata.

*Annua, vulgaris.*

164. [Ad lumbricos utilem esse verisimillimum est, siquidem Veterinarii Anglicani et Hippia tri succum eius expressum equis praebent, adversus ventriculi et intestinorum vermes; Bôrs dictos, quorum praesentissima pestis est. RAII hist. pl. L.VI. c. XIV. p. 290.]

165. [Radices *Enulae* vino decoctae, aut recentium succus vino infusus et potus, lumbricos et enecat et expellit. CARTHEVS. M. M. Sect. XII. §. 8.]

166. [Adhibita est cum fructu a medico quodam in Russia. Calida est, adeoque promiscue propinari non debet.]

167. [Ventris lumbricos profligat vel herba ipsa, vel succus eius expressus non secus ac *Centaureum* aut *Apsinthium*. CARTHEVS. M. M. Sect. XII. c. XIII. §. 5.]

- PHARM. CHAMOMILLAE *nostratis* Herba, Syrupus,  
 ▽, ꝓ, *caerulea*. Flores ꝓ.  
 QVAL. amara, odorata. *Trita, praestans.*  
 VIS: resolvens, roborans.

## ANTHEMIS.

169. A. *nobilis*. BLAKW. tab. 526.  
 LOC. Europae pascua aprica. *Annua, cicur.*  
 PHARM. CHAMOMILLAE ROMANAE Herba, ꝓ,  
 Flores, ▽ anisat.  
 QVAL. amara, suaveolens. *Trita, eximia.*  
 VIS: balsamica, carminativa.

## ACHILLEA.

170. A. *Ageratum*. MILL. ic. t. 10. MORIS. hist. 3. p.  
 38. f. 6. f. 2.  
 LOC. Liburnum, Florentia, Monspelim. *Perennis.*  
 PHARM. AGERATI Herba, ꝓ.  
 QVAL. amara, suaveolens, aromatica. *Exoleta, superflua.*  
 VIS:

171. A. *Millefolium*. OED. FL. DAN. t. 737.  
 LOC. Europae pascua prataque. *Perennis, frequens.*  
 PHARM. MILLEFOLII Hb. Essent. Extr. ▽, ꝓ.  
 QVAL. aromatico-odorata. *Stabliana, trita.*  
 VIS: narcotica, tonica.

172. A. *odorata*. BARR. rar. III 6. t. 992.  
 LOC. Helvetiae, Narbona, Hispania. *Perennis.*  
 PHARM.  
 QVAL. amara.  
 VIS:

## POLYGAMIA FRVSTRANEA.

## CENTAVREA.

173. C. *benedicta*. ZORN. ic. t. 122.  
 LOC. Agri in Chio, Lemno, Hispania. *Annua.*

169. [CARTHEVS. M. M. Sect. XII. c. XVI. §. 6.]  
 170. [Felici successu oleo ipsius *Agerati* utebatur SIM. PAVLLVS  
 in verminantibus pueris, tam ut iis id propinetur, quam ut  
 Gossypio exceptum umbilico eorum admoventur.]  
 171. [CARTHEVS. M. M. Sect. XII. c. XVI. §. 10.]  
 172. [RAII hist. pl. Lib. VIII. c. III. p. 348.]  
 173. [CARTHEVS. M. M. Sect. IX. c. VI. §. III]

PHARM. CARDVI BENEDICTI Herba, Conserva, ♀, ♂,  
Flores, Semina.

QVAL. amarissima.

*Vsitata, praestans.*

VIS: tonica, pellens, purgans, subemetica.

# CLASSIS XX.

## G Y N A N D R I A.

### HEXANDRIA.

#### ARISTOLOCHIA.

174. *A. Serpentaria*. CATESB. car. I. p. 29. t. 29.

LOC. Virginia, Carolina.

*Perennis, mansueta.*

PHARM. SERPENTARIAE VIRGINIANAE Radix 3ß  
Essentia.

QVAL. acris, hircosa, odore Valerianae.

*Trita, eximia.*

VIS: pellens.

175. *A. Piftolochia*. CLVS. hist. 2. p. 72.

LOC. Hispania, G. Narbonensis, Helvetia.

*Perennis.*

PHARM. A. PISTOLOCHIAE Radix.

QVAL. convenit cum *Serpentaria*.

VIS: antecedentis.

176. *A. rotunda*. ZORN. ic. tab. 125.

LOC. Italia, Hispania, G. Narbonensis.

*Perennis,  
mansueta.*

PHARM. ARISTOLOCHIAE ROTVNDAE Radix.

QVAL. foetida, aromatica, acris, exurens.

*Vsitata, praestans.*

VIS: incidens, pellens, emetica.

177. *A. longa*. ZORN. ic. tab. 201.

LOC. Gallia australis.

PHARM. ARISTOLOCHIAE LONGAE Radix.

QVAL. praecedentis.

VIS: praecedentis.

174. [CARTHEVS. M. M. Sect. XII. c. VII. §. 3.]

176. [*A. rotunda* ob insignem amaritiam merito anthelminticis  
adconsenda viderur.]



## CLASSIS XXI.

## M O N O E C I A.

## T E T R A N D R I A.

## BETVLA.

178. *B. alba*. BLAKW. tab. 240.

LOC. Europae sylvae.

*Arbor, frequentissima.*PHARM. BETVLAE Lignum, Lympha, Epidermis,  
Folia tenera, adulta, Fuligo, Carbones, Oleum  
moscoviticum.QVAL. *Lymphae* edulcorans, & suaveolens.*Vitata, praestans.*VIS: *Fol.* sudorifera; *Lymphae* diluens, anthelm. Carbon.  
anthelm.

## BVXVS.

179. *B. sempervirens*. ZORN. ic. tab. 181. $\alpha$ . *B.* arborefcens. $\beta$ . suffruticosa.

LOC. Gallia, Helvetia.

*Arbor, mansueta.*

PHARM. BVXI Lignum, &amp; Gtt. xx.

QVAL. tetra, foetida, amara.

*Rarior.*VIS: *Lign.* diaphor. mundificans. *Fol.* purgans, pellens,  
& anthelmintica.

## MORVS.

180. *M. nigra*. ZORN. ic. tab. 173.

LOC. Italiae maritima, in Persia sponte.

*Arbor,*  
*mansueta.*

PHARM. MORI Roob. Syrup. Cortex, Radix.

QVAL. dulci - subacida.

*Trisa, eximia.*

VIS: refrigerans, corroborans.

178. [OLAFSEN und POVELSENS *Reise in Island I. Th.* p. 113.  
Alii carbonēs eundem effectum monstraverunt PALL. *nord.*  
*Beyr. I.* p. 57. vid. *Fraxinus* etc.180. [Cortex radicis *Mori nigrae*, dosi ʒijjss, in aqu. font. lbj  
per semihoram coctus, et decoctus mane propinatus, revera  
Taeniam pellere dicitur. Quodsi vero unica dosis non suffi-  
ciat, iteranda est, usque dum Taenia eiiciatur. ANDRY  
l. c. p. 172.]

181. *M. alba*. DOD. pempt. p. 810.

LOC. China, Persia iponte.

*Arbor, mansueta.*

PHARM. MORI ALBAE radix.

QUAL. amara.

VIS: purgans.

## P O L Y A N D R I A.

### IVGLANS.

182. *I. regia*. BLAKW. tab. 247.

LOC. America septentrionalis, Persia. *Arbor, mansuet.*

PHARM. IVGLANDIS fructus immaturi, Extractum, Roob.

QUAL. graveolens, amaricans, denigrans. *Rarior, praestans.*

VIS: pellens.

## A D E L P H I A.

### PINVS.

183. *P. sylvestris*. TREW in nov. act. A. N. C. III. app. p. 452. t. 15. f. 1. 3. t. 16. f. 11—25.

LOC. Europae borealis sylvae glareosae.

*Arbor, frequentissima.*

PHARM. PINI Liber, Turiones, Resina, Pix,  $\infty$  picis, TEREBINTHINA COMMVN. cocta,  $\Omega$ ,  $\infty$  Templinum.

QUAL. resinosa.

*Trita, praestans.*

VIS: mundificans.

### CROTON.

184. *Tigium*. RHEED. mal. 2. p. 61. t. 75.

182. [Nuces iuglandes egregia vi vermifuga praeditae sunt. CL. FISCHER in Comment. phys. med. de vermib. in C. H. et anthelmintico, Stadae 1751. extractum eius parari iubet. Cuius drachmas duas in uncia dimidia aquae cinamomi s. vino solvuntur, huiusque solutionis infantibus duorum aut trium annorum guttas viginti vel triginta ter de die porriguntur. Interiectis sex vel octo diebus Laxans mercuriale subiungendum esse docet. Iuglandes aridae commestae tæ-nias adeo certe Mediolanensibus eiiciunt, ut nihil praestantius teste BEREHS. Decoctum foliorum item vermibus inimicum creditur.]

183. [BARTHOLINI Epist. med. T. II. Cent. IV. epist. LIV: pag. 345. ROSENSTEIN l. c. p. 514.]

184. [ACTA PHYS. MED. Vol. IX. obs. 13. p. 34. sq. Anne *Iatrophae Curcas et multifidae* semina ob vim eius drastici anthelminticis adnumerari possunt?]

- LOC. Zeylona. *Arbustula, peregrina.*  
 PHARM. TIGLII (Tilli) Grana. Gr. iij.  
 PAVANAE Lignum.  
 QVAL. Radic. inprimis *Corricis* illius, *Ligni recent.*  
*Foliorum* (quae licet ceteris partibus debiliora, delibata  
 linguam vellicant et adurant) *Granorum* nauseosa, acer-  
 rima. *Exoleta, causa, superflua.*  
 VIS: emetica, drastica.

## RICINVS.

185. R. *communis*. MILL. icon. 219.  
 LOC. temperatum coelum IV. orbis partium.  
*Annua, mansueta.*  
 PHARM. RICINI VVLGARIS (cataputiae maioris)  
 Semina gr. xlv. (Palmae Christi Ol.)  
 QVAL. succ. acris, amara; cotyledon. subadstringens, oleosa.  
*Exoleta, causa.*  
 VIS: drastica. *Folior.* purgans; *Ol.* laxans, anthelmintica.

## HIPPOMANE.

186. H. *Mancinella*. CATESB. car. I. p. 95. T. 95.  
 LOC. Litora inf. Caribaeorum et vicinae continentis  
 Americae. *Arbor, peregrina.*  
 PHARM. LAC FICVS. (Lait du Figuier.) SVCCVS RE-  
 CENS. Dosis cochl. I — 5 vel 6.  
 QVAL. succus lacteus amaricans.  
 VIS: vesicans, excorians, inflammans, corrodens, venena-  
 tissima.

## S T N G E N E S I A.

## CVCVMIS.

187. C. *colocynthis*. SABBAT. hort. I. t. 70.  
 LOC. Syria, Alepo. *Perennis, mansueta.*  
 PHARM. COLOCYNTHIDIS Pulpa, Semina, Resina,  
 Extract. gr. iv.  
 185. [HVNGERBYHLERI Diss. de oleo Ricini medicam. purgante  
 et anthelm. etc. Friburgi Brisgoviae 1780.]  
 186. [Est specificum anthelminticum Cayennense Cel. BAION.  
 Journal des Médecins tom. 34. p. 60. Datur vel solum, vel  
 cum ☉ ricini, aliisque mucilaginosi oleosis. Etiam cum  
 Simarouba. Sed deleterium medicamentum esse recte mo-  
 net Cel. AVBLET in hist. des pl. de la Guiane p. 885.]  
 187. [Quondam ad vermes pellendos umbilicus illinebatur un-  
 guento ex oleo diacolocynth. et felle taurino parato.]

QVAL. amarissima, nauseosa.  
VIS: draastica.

*Rarior, heroica, cauta.*

### BRYONIA.

188. *B. alba.* OED. FL. DAN. t. 813.

LOC. Europa ad pagos et sepes. *Perennis, infrequens.*

PHARM. BRYONIAE Rad. 3j. Extr. 3j. Foecula, Baccæ, Semina.

QVAL. Rad. recent. turicu. acris, amara, nauseosa, substyptica, baccarum mitior. *Visitata, eximia.*

VIS: purgans, pellens.

189. *B. dioica.* JACQ. austr. t. 199. MILL. ic. 71.

LOC. Europa ad pagos et sepes.

*Perennis.*

LOCVS: BRYONIAE DIOICAE Radix.

QVAL. præcedentis sed præstantior.

VIS: — —

### CLASSIS XXII.

### D I O E C I A.

#### DIANDRIA.

#### SALIX.

190. *S. fragilis.* LINN. flor. lapp. T. 8. f. b.

LOC. Europæ borealia.

*Arbor, vulgaris.*

PHARM. SALICIS FRAGILIS Cortex.

QVAL. amara, substyptica.

VIS: tonica.

### T E T R A N D R I A.

#### VISCVM.

191. *V. album.* BLAKW. t. 284.

LOC. Europæ arbores gummosæ resinosæque.

*Frutex, parasiticus, infrequens.*

PHARM. VISCI Lignum, 80 (heraclinum).

QVAL. graveolens.

*Rarior, præstans.*

VIS:

#### MYRICA.

192. *M. Gale* OED. FL. DAN. t. 327. ZORN. t. 217.

190. [HIRSCHEL l. c. p. III. sqq. et GERHARDT mat. med. p. 300 — 302. Salicis cortex e *Salice alba* et *pentandra* quoque defumi potest.]

192. [Folia *Myrti brabanticæ* lumbricos necare DALE adferit.]

LOC. Europae, Americae septentrionalis uliginosa.

*Frutex, vulgaris.*

PHARM. MYRTI BRABANTICAE Folia.

QUAL. amara, nidorosa, luteo-tinctoria, cerifera.

*Exoleta, praestans.*

VIS: phantastica, narcotica.

## P E N T A N D R I A.

### CANNABIS.

193. *C. sativa.* MILL. icon. t. 77.

LOC. Iaponia, India orientalis.

*Annua, cicur.*

PHARM. CANNABIS Semina, Ol.

QUAL. virofa.

*Rarior, praestans.*

VIS: narcotica, anodyna.

### HVMVLVS.

194. *H. Lupulus.* BLAKW. t. 536. a. et b. REGN. bot.

LOC. Europae sepes et ad radices montium.

*Perennis, cicur.*

PHARM. LVPVLI coni.

QUAL. amara, nidorosa.

*Rarior.*

VIS: tonica, narcotica.

## M O N A D E L P H I A.

### IVNIPERVS.

195. *I. Sabina.* BLAKW. t. 214.

LOC. Lusitania, Italia, Sibiria, Oriens Olympus, Ararat.

*Arbuseula.*

PHARM. SABINAE Herba, Extr. Essent. ▽, ♂.

QUAL. amaricans, hircosa.

*Triza, praestans.*

VIS:

193. [*Cannabis* herbae succus, nec non seminis certa perniciēs est vermibus interaneis, confirmante Rajo. Emulsionem e *Cannabis* feminibus laudat ANDRY l. c.]

194. [ACTA N. C. MISC. D. II. A. VII. obs. 240. ubi cineres sarmentorum lupuli adversus vermes commendantur. MATHIOLVS laudat eius semina.]

195. [*Iuniperus Sabina* ingreditur specificum cel. RATHIER adversus taeniam, quod constat e pulv. Sabin. gr. XX. Sem. *Rusae* gr. XV. *Mere. dulc.* gr. X. ol. *Tanac.* gtt. XII. M. f. c. Syr. fl. perf. bol. in 2. p. div. et altera mane, altera vesperi sumenda, hausto dein cyatho vini, in quo nuclei persicor. per XII. h. macerati fuerunt. IOURN. de MEDECIN tom. 28. p. 44.]

196. *I. communis.* BLAKW. t. 187.

LOC. Europae frigidioris sylvae.

*Arbuscula,  
vulgatissima.*

PHARM. IVNIPERI Lign. Cincres, Baccac, Rob. ▽,

Ω, ∞.

QUAL. aromatica, resinosa.

*Trita, praestans.*

VIS: pellens, carminativa.

## CLASSIS XXIII.

## P O L Y G A M I A.

## M O N O E C I A.

## VERATRUM.

197. *V. album.* JACQ. austr. t. 335. MILL. icon. t. 271.LOC. Russia, Sibiria, Austria, Helvetia, Italia, Graecia  
in montosis.*Perennis.*

PHARM. HELLEBORI ALBI Radix gr. vij.

QUAL. acris, nauseosa.

*Exoleta, cauta.*

VIS: drastica, emetica.

198. *V. Sabadilla.*

LOC. Mexico.

PHARM. SABADILLI Semina.

QUAL. acris, amara, caustica.

VIS: drastica, vomitoria, phthiriaca, toxica.

## ANDROPOGON.

199. *A. Nardus.* RVMPH. amb. 4. p. 22. t. 6.

LOC. Zeylona.

*Perennis, peregrina, dubia.*

PHARM. SPICAE (INDICAE) NARDI Radix.

QUAL. fragrans, acris, aromatica, amara.

*Eximia, inusitata.*

VIS: stomachica.

196. [Decoctum summitatum *Iuniperi* comm. vel etiam succum  
expressum equis verminantibus medici equarii exhibere so-  
lent. Olei eiusdem guttulae duae vel tres puerulis datae  
lumbricos, quibus consistantur, occidunt, extrudantque.  
Gummi iuniperinum idem praestat.]

197. [In Russia radix recens ad pond. 9j. cum melle datur ad  
expellendos lumbricos et taenias. PALL. Reise I. p. 50.]

198. [SCHMUCKERS *vermischte Schriften* 2ter B. pag. 241.]

## D I O E C I A.

## FRAXINVS.

200. *F. excelsior.* BLAKW. t. 328.LOC. Europae sepes. *Arbor, vulgaris.*PHARM. FRAXINI Lign.  $\ominus$ , Cortex, Folia, Sem.  
Carbones.QUAL. Cort. amara, Sem. aromatica, singularis. Carbonum  
mechanica.VIS: Cort. adstringens; Sem. ficans; Sal. diuretica. Carbo-  
num anthelmintica.

## CLASSIS XXIV.

## C R Y P T O G A M I A.

## F I L I C E S.

## PTERIS.

201. *P. aquilina.* BLAKW. t. 325.

LOC. Europae sylvae, praesertim caeduae.

PHARM.

QUAL. resinosa, nauseosa.

VIS: incidens, tonica, eccoprotica.

## POLYPODIVM.

202. *P. Filix mas.* BLAKW. t. 325.LOC. Europae sylvae. *Perennis, vulgaris.*

PHARM. FILICIS Radix.

QUAL. amarulenta. *Vfuita.*

VIS: tonica.

200. [Carbones *Fraxini* compositionem specifi HERRENSCHWANDII adversus taeniam, adfirmante Ill. VOGELIO, praecipue ingrediuntur; quamquam huius specifi compositio varie ab auctoribus traditur. *Fraxini* carbones irritant intestina et vermes perinde, ac *Dolichos pruriens* et *urens*.]201. [THEOPHRAST. Hist. pl. IX. 20. p. 193. ed. Heins. DIO-SCOR. l. IV. c. 196. 187. PLIN. l. XXVII. p. 430. ed. Hardouin. RAIVS, HALLERVS alique laudes ad *Pteridis* aquilinae radices circumcidendas esse putant. Non desuerunt tamen, qui radicem *Pteridis aquilinae* Filici mari praetulerint.]202. [Balis est specifi NVFFERIANI et HERRENSCHWANDIANI, de quibus conferri meretur Ill. PALLAS in libro: *Nordische Beyräge* l. p. 67. sqq. quo teste utrumque Taeniam latam promte, reliquas autem aegrius expellere solet. Ex-

203. *P. Filix foemina*. MORIS. hist. 3. p. 579. f. 14. t. 3. f. 8.

LOC. Europae frigidiora subhumida.

PHARM. FILICIS FOEM. radix.

QUAL. praecedentis.

VIS: praecedentis.

## A L G A E.

### LICHEN.

204. *L. aphthosus*. OED. FL. DAN. t. 767. f. 1.

LOC. Europae iuniperata.

*Vulgaris.*

PHARM. MVSCI CVMATILIS Herba.

QUAL. tetra, mephitica.

*Inusitata.*

VIS: draftica.

### FVCVS.

205. *F. Helminthochortos*. BARRELIER N. 1337. Icon. 1391. n. 13.

LOC. Corsicae insula, litora maritima Aiacii, meridionalis Galliae orae.

PHARM. HELMINTOCHORTOS.

QUAL. nauseosa, penetrans, mucilaginoso.

*Trita, praestans.*

VIS:

### CORALLINA.

206. *C. officinalis*. ELLIS. cor. 48. n. 2. 3. 4. t. 24. f. 2.

stant tamen observationes, quae docent, radicem *Filicis maris* Taeniam Solium L. exturbasse. Conf. Cel. GMELINI Confid. general. Filicum. Erlangae 1784.]

205. [Quicumque plura de utilitate ac praestantia huius helminthochorti legere cupiat, evolvat P. I. SCHWANDIMANNI Diss. inaug. Helminthochortos hist. nat. atque vires sistentem, Argentorati. 4. 1780. ubi omnia optime explicantur. Nos profecto ex omnibus, quae lumbricos expellunt, maxime singularem virtutem habere deprehendimus, ita, ut illum vix unquam spem fefellisse liquido adfirmare possimus. Solemnis nobis haec formula fuit: Rec. Helminthochort.  $\mathfrak{z}\text{ij}$  Coq. in Aqu. fontan.  $\mathfrak{z}\text{iv}$  Col. adde Mellis despum.  $\mathfrak{z}\mathfrak{ss}$ . Omni bithorio cochleare sumendum. Hausta hac medicina vermes plerumque sine ullo purgante subiuncto exierunt.]

206. [Verosimile est, *Corallinas* ad regnum vegetabile referendas esse. Conf. Ill. PALLAS Elench. Zoophytorum. Poterit ita-



LOC. Mare Atlanticum, Norvegicum. *Manfueta.*

PHARM. CORALLINA.

QVAL. insipida, inodora, calcaria. *Frequens.*

VIS: absorbens, subadstringens.

## F V N G I.

### BOLETVS.

207. *B. Laricis.* JACQ. misc. 1. p. 172. tab. 20. 21.

LOC. Alpium Tridentinarum, Tyrolis, Helvetiae, Delphinatus (Russiae, Sibiriae) Larices.

*Peregrinus.*

PHARM. AGARICI OPTIMI 3ß, Resina, (Extractum) ʒj.

QVAL. subdulcis, mox amara, acris, nauseosa.

*Trita, eximia.*

VIS: subadstringens, eccoprotica.

## A P P E N D I X.

### P A L M A E.

#### COCOS.

208. *C. nucifera.* JACQ. amer. 277. t. 169. — pict. p. 135.

LOC. Indiae paludosa, umbrosa.

PHARM.

QVAL.

VIS:

### R E S I N A E.

209. MYRRHA.

LOC. Regio Troglodytarum Africae. *Barbara.*

PHARM. MYRRHAE Gummi - resina ʒj, Tr. 3ß,  
Extr. ʒo destil. et ʒo per Deliquium.

que haec in numerum anthelminticorum vegetabilium recipi.  
VAN SWITEN Comment. T. IV. p. 727.]

208. [E nucleis confusis atque expressis lac extorquetur, lumbricis enecandis utilissimum teste DALE.]

209. [CARTHEVS. M. M. Sect. XII. c. XXVIII. §. 15. *Aloen, Crocum et Myrrham* sumebat BOERHAVE Chem. Tom. II. Process. 81. p. 277. Laudat hoc remedium, quoties in primis viis lumbrici hospitantur. VAN SWIETEN egregie hoc profuisse testatur.]

QVAL. ruffa, amara, fubacris, aromatica, naufeofa, graveolens.  
*Trita, eximia.*

VIS: tonica, ftomachica.

210. SAGAPENVUM.

LOC. Alexandria, Perfia.

*Barbara.*

PHARM. SAGAPENI Gummi-refina.

QVAL. virofa, acris, rufefcens.

VIS: eccoprotica, refolvens.

M I S C E L L A N E A E.

211. AGALLOCHVM. RVMPH. amb. 2. t. 9.

LOC. China.

*Arbor, peregrina.*

PHARM. ALOES (Agallochi veri) Lignum ꝑj. Refi-  
 na, ꝑc.

QVAL. lactefcens, meditullium trunci amariffimum.

*Rarior.*

VIS: venenatiffima, excorians.

212. SPONGIA FLVVIATILIS.

QVAL. afpera, terra.

VIS: irritans (mechanice) vermes et inteftina.

212. [Datur in Ruffia adverfus vermes. GMEL. I. p. 150. Num  
 genuina fit *Spongiae* fpecies, dubitari adhuc poteft. Certe  
 non eft animal, cum vitae nullum in ea reperiatur veftigium.  
 PALL. elench. Zooph. p. 384.]



XIX.

DR. GEORG. ALBERT. WEINRICH

DISSERTATIO

DE

HAEMATOTOXYLO CAMPE-  
CHIANO.

ERLANGAE,

1780.

THE UNIVERSITY OF CHICAGO

PHYSICS DEPARTMENT

## P R O O E M I V M.

**Ex** quo tempore a quisquiliis repurgari coepit cordatorum virorum studio, variam sortem experta est Materiae Medicae scientia. Etenim, quod in aliis rebus quoque saepius accidit, auream non raro transgressi sunt mediocritatem repurgatores, plura proscribentes remedia, quibus comprobata per longum aeuum efficacia locum vindicare videbatur; neque vnanimi consilio haec facta sunt, sed omnium, quicumque selectam exhibere Materiam Medicam prae se ferebant, alius aliam medicaminum instituit collectionem. Alii de locupletanda potius cogitarunt scientia, antiquis illis inertibus noua substituentes remedia, euporistorum et indigenorum primam rationem habentes, vel ex remotioribus terrae regionibus nouam suggerentes penum, quam insignem testantur recentiores eruditissimorum pariter ac solertissimorum virorum, immortalis Archiatri a LINNE', ill. MURRAY, GLEDITSCHII, BERGII, aliorumque de Mat. Med. conscripti libri. Bene de re medica meritos esse, qui medicamentum antea inusitatum non introducere, nisi omnimode definitum et experimentis rite captis sat comprobatum, quis est, qui negauerit? Ast quot noua remedia, quot inauditae cognitorum decantatae fuerunt virtutes et adhuc audacter decantantur, quae si rigidae subieceris tentationi consistere nequeunt! Quae quamuis dies deleat commenta, non varias tamen de confusa et incertis rebus obruta scientia querelas medicorum excitant; quo factum est, vt plures, omne recentiorum apud hanc Medicinae partem collocatum studium deridentes, in iis, quae a doctoribus olim acceperant, subsistant, nec pauci tironum praecipue dubii, quibusnam recte vtantur,

diu haereant. Palmam itaque reliquis praeripuisse mihi videntur ii, qui neque dulci nouitatis desiderio capti, neque inuentoris nomen inhiantes, iis, quae nobis cognita sunt Mat. Med. subiectis vltius explorandis potissimam operam impenderunt. Hi quidem vno alteroue experimento perfunctorie capto non temere fusi, tam descriptionem rei exhibent curatorem, qua cognosci et ab omnibus aliis facile discerni queat, quam in veras eius virtutes maxima, qua fieri potest, circumspectione et sedulitate inquirunt. Quorum vestigia ego premens in exhibendo hoc inaugurali specimine, quamquam me eos assecutum esse minime mihi persuasum habeam, tamen assequi conantem veniam a Lectore Beneuolo impetraturum esse confido.

---

## §. I.

*Ligni descriptio.*

Quod sub nomine *Ligni Campechiani*, siue *Campechensis*; *Bois de Campêche*, *Bois d'Inde* Gall. *Logwood*, *Camprachywood* Angl. *Hout van Campeche* Belg. *Legno di Campeche* Ital. *Palo de Campecho* Hisp. *Blauholz*, *Blutholz* Germ. apud mercatores prostat, cortice et alburno rescissis in maiora frusta dissectum venit, quorum superficies est inaequalis et ab aquae aërisque iniuriis fusco-cinerea. Solida et compacta est textura, dissectione difficile, intus colore sanguineo et, si laeuigatum fuerit, ad aureum aliquantisper vergente, praeditum. In longitudinem diffusum venis nigricantibus longitudinalibus pictum est et laminulis transuersis laeuius splendentibus, quas pectines vocant, quae vero, si dolabra adhibita fuerit, minus conspicua sunt, transuersim sectum annulos dat undulatos rubros et alternos obcuriores. Aquam pondere superat, et ratio grauitatis aquae ad grauitatem ligni est sicut 1 : 1.057. Odor ligni integri vix vllus est, rasi vero peculiaris quidam debili illi forsitan similis, quem flaccidi violae odoratae flores spargunt. Saliuam leuiter mallicatum colore inficit rubro caerulescente. Saporem in lingua excitat dulcem adstringentem, in fine parumper amaricantem. Frusta quaedam ligni subinde reperiuntur, quibus alburnum et cortex adhuc adhaerent, quale et mihi conspiciere contigit. Easdem quidem, quas solum lignum, aëris et aquae iniurias quamquam pertulerint, ita vt de vera vtriusque natura parum coniecere possim, prorsus omittere eorum descriptionem tamen nolui. Corticis crassities vix lineam geometricam aequat, color epidermidis est nigricans, corticis sub ea sordide flauo-cinereus, sapor mucilaginosus, ingratus, acriusculus. Alburnum itidem saporem mouet satuum, acriusculum; colorem ostendit albicantem, odorem, vti et cortex, eundem qui ligno proprius est. Aquam neque cortex, neque alburnum, aut sola, aut addito alumine, notabili colore tingunt.

## §. II.

*Arboris descriptio.*

Arbor, quae lignum Campechianum dat, est

*Haematoxylon Campechianum.* LINN. *Spec. plant.* p. 549. *hort. Cliff.* p. 160. IACQVIN *obs. bot.* I. p. 20. MILL. *Gaermerlex. ed. nouiss.* 2. p. 415. BERGII *mat. med.* 1. p. 351. MURRAY *appar. med.* 2. p. 429.

*Haematoxylon spinosum*, foliolis (foliis) pinnatis, racemis terminalibus. BROWN. *nat. hist. of Iamaica* p. 220.

*Lignum Campechianum*, species quaedam Brasiliae Io. de Laet. SLOAN. *nat. hist. of Iamaica* 2. p. 183. t. 231. f. 1. 2. *ligni.* KAI. *hist. 3. dendrol.* p. 132.

Quae cum nemini adhuc enarratius fuerit descripta, imaginem eius, ex peregrinatorum itinerariis et ramulorum exemplis ficcatis, quae ex instructissimo suo herbario, missos a generosiss. de ROHR, Architecturae militaris et ciuilibus summo Praefecto in insulis Indiae occidentalis, regis Daniae imperio subditis, mecum communicauit ill. SCHREBER, Praeceptor atque Fautor ob singularem in me fauorem pio venerandus animo, duce ipso gaudens et auctore, quatenus verbis exprimi potest, iam sum exhibiturus.

ARBVSCVLA duodecim ad quatuordecim pedes plerumque alta \*) formae neglectae, parum comosa \*\*), Crataego Oxyacanthae similis \*\*\*).

TRVNCVS breuis, raro vltra septem pollices crassus †) nodosus, vna cum ramis primariis cortice rimoso nigricante vestitus, inermis vel paucis tantum spinis armatus ††), nonnunquam magis spinosus †††).

Rami alterni, subflexuosi, teretes, materie flaua, eisdem fere fabricae et coloris, ac lignum Berberis vulg. cortice fusco, epidermide ex albida cinerea: rimosa, laeui, punctis crebris eleuatis fuscis scabra, spinosi.

\*) BROWNE, IACQVIN l. c. in cultis.

\*\*) IACQVIN l. c.

\*\*\*) DAMPIER *voy. autour du monde* t. III. p. 299.

†) BROWNE, in cultis.

††) DAMPIER l. c.

†††) IACQVIN l. c. — Cetera ex exemplis ficcis.



**FOLIA** plurima, bipollicaria circiter, alterna, patentia, pinnata. *Foliola* triiuga, quadriiuga et quinqueiuga, cuneiformia, integerrima, margine crassiusculo, apice rotundata vel emarginata, supra nitida, subtus pallidiora, vtrinque glabra, venis maximam partem parallelis, ad angulum acutum (50 circ. gr.) a nervo medio discedentibus dense striata, planiuscula, compacta, persistencia; maiora semipollicaria.

*Petiolus* cuiusque folii communis fere semiteres, supra planiusculus, pilis breuib. hispidus, subtus convexus, glaber, articulatus: articulis quam foliola brevioribus, nonnunquam retrofractis. *Petioluli* brevissimi, glabri; infimi rarius elongati, singuli biugi.

*Stipulae* geminae, laterales, sessiles, subulatae, basi latescentes, ramo appressae, deciduae, longitudine circiter lineae.

*Spinae* axillares, patentes, simplices, conicae, acutae, ramo circulari commissura iunctae, eiusdem cum eo structurae et coloris; ex inferioribus tantum alis emergentes.

**RACEMI** terminalis et axillares plures, patentes, foliis longiores, tripollicares et ultra.

*Pedunculus communis* filiformis, apicem versus sensim attenuatus, striatus, glaber. *Pedicelli* plurimi, ad angulum rectum a pedunculo exstantes, articulatione ipsi iuncti, sparsi, capillares, glabri, sesquilineam longi. *Bractae* minimae, falcatae, acuminatae, deciduae.

**CAL.** *Perianthium* monophyllum, quinquepartitum, coloratum, purpureum \*); basi persistens: laciniis patentibus, oblongis, obtusis, quatuor superioribus aequalibus, margine apiceque tenuioribus petalodeis albidis vel flavescentibus: infima paullo longiore; omnibus deciduis.

**COR.** *Petala* quinque, patentia, sessilia, ovalia, obtusa, subaequalia, flava \*\*) calyci inserta, eius laciniis maiora.

\*) MILLER l. c.

\*\*) IACQVIN l. c.

STAM. *Filamenta* decem, subulata, pilosa, erecta, calyci ad basin laciniarum inserta, inaequalia \*), vix corolla longiora. *Antherae* ovales.

PIST. *Germen* oblongum, compressum, staminibus brevius. *Stylus* filiformis; ultra stamina protensus, deciduus. *Stigma* infundibuliforme.

PER. *Legumen*, sesquipollicare, lanceolato-acinaciforme, compressum, obtusum, uniloculare, vtrinque futura crassiuscula non dehiscente marginatum, valuulis medio per longitudinem ruptis se aperiens, et in duas partes nauculares discedens, quarum superior altera minor.

SEM. solitaria (vel gemina ternae \*\*) oblonga, compressa, vtrinque per longitudinem sulcata, medio alterius marginis affixa funiculo brevi; longitudine quatuor lineas aequantia.

GEMMAE axillares, conicae, obtusae, stipulaceae, breues.

SOMNVS, vt in quibusdam foliis, vna missis, apparet, imbricans \*\*\*).

Flores odorem, pergratum spirant †).

Haec docent, arborem ad ordinem naturalem plantarum leguminosarum staminibus non connatis, quas Lomentaceas nominat b. a LINNÉ, pertinere et generis characterem essentialem hunc esse constituendum:

*Cal.* quinquepartitus, basi persistens. *Petala* quinque subaequalia. *Legumen* lanceolato-acinaciforme, valuulis extra futuras per longitudinem discedentibus.

CATESBY in libro: *The natural history of Carolina* etc. ††) Haematoxyli ramum breuiter descripsit, eiusque egregiam effigiem aeri incisam. addidit, adposito, quod a SLOANEO repetebat, nomine: Lignum campechianum,

\*) Nonnunquam duo reliquis paullo breuiores sunt.

\*\*) MILLER l. c.

\*\*\*)) Idem testatur perill. a LINNÉ in diss. de somno plant. Am. acad. 4. p. 348.

†) IACQ. l. c.

††) Tom. II. p. 66. tab. 66.

species quaedam etc. qui ramus vero à vulgari specie eo differt, quod nullas spinas habeat certe nec in figura conspiciendas, nec in libro ipso indicatas, et quod omnes eius partes sint solito maiores. Quod utrumque vero cum à cultura productum esse queat, et ceterum imago Catesbyana bene conueniat cum ramis illis siccatis, quos inspicere mihi licuit, non nisi recedentem quodammodo à communi Haematotoxylī Campechiani forma eam, quam CATESBY depinxit, arborem pronuntiare audeo; quibus autem in posterum Indiae occidentalis insulas adeundi occasio dabitur, naturae periti, obscuram nunc rem dubiis discussis facile illustrabunt. \*Id adhuc monendum de hac figura habeo, basin foliorum nimis acutam esse, neque calycem satis à corolla distinctam apparere. Veram ipsius speciei, qualis crescere in loco natali solet, iconem nondum habemus, ea enim quam *Herbarium Blakwellianum* tabula quadragesima nonagesima tertia exhibet, si modo hanc arborem referat, variis laborat vitiis \*).

Antequam ulterius progrediar, errores nonnullorum reprehendere liceat in determinanda arbore, de qua lignum fumitur Campechianum, olim, cum minus ea cognita fuerit, commissos. POMET \*\*) sibi fingeat eam esse Myrtum Pimentam LINN. quem secutus est BOMARE in *Dictionnaire d'histoire naturelle* \*\*\*). RAIUS, certiora nondum edoctus †), speciem esse credidit Caesalpiniae, quam LINNE' triuiali nomine Sappan designauit, eiusdem ipse sententiae, cum primum ediderit librum de *mat. med.* ††); et cel. ADANSON adhuc in Caesalpiniiis eam quaerit †††); sed euidentiora sunt virorum cl. SLOANE, BROWNE et IACQVIN testimonia, quam de quibus vel momentum liceat dubitare.

\*) IACQVIN *obs.* l. c.

\*\*) *Hist. générale des Drogues* p. 120.

\*\*\*) T. II. Yverdon 1768. p. 137. *Art. bois de campêche*, cui in hac editione additur, Linnaeanum nomen esse *Haematoxylum*.

†) *Hist. pl.* 2. p. 1736.

††) p. 69. no. 203.

†††) *Familles des plantes*, II. Partie p. 318. 315.

## §. III.

*Patria. Solum.*

Solum patrium Haematoxyli est Yucatan, peninsula in australiori parte regni Nouae Hispaniae, et eius quidem maritima regio. Nomen duxit ab vrbe Campeche, ad quam, nec non ad totum sinum eiusdem nominis, copiose antehac proueniebat, vnde primum a solis Hispanis in Europam deportatum est. Iamaica insula potiti Angli id quoque viderunt in eo sinu nauigantes, et primum quidem vsus eius atque pretii ignari, mox ipsi hic posteaque in sinu Honras e regione sito, ceciderunt \*), quod monitis et armis prohibere diu frustra conati Hispani, nostra denique aetate, inita post secularia certamina pace concedere coacti sunt. Disseminata arbor paullatim fuit in insulis, quae circumiacent, Antillis maioribus et minoribus, in quibus nunc rara non est. Sepibus struendis inservit suauipulchritudine conspicuis, in St. Domingo et Iamaica insulis \*\*). In pratis quoque crescit Iamaicae \*\*\*). Ad insulam Cayenne eadem translata et in hortis plantata est †). Quam depinxit arborem, in insula Prouidence, Lucaicarum maxima, vidit CATESBY. Initio incrementum difficulter capit, donec nouo solo plantae fuerint adsuetae. Arbusculas ex semine eius eduxerunt in Anglia ††), quod ill. IACQVIN Viennae e millenis seminibus vix annuis non contigit. Loca humilia praecipue amat pluuiarum tempore inundata, cetero humida ac paludosa, et terram exigit argillaceam luteam humo leuiter tectam †††), qualis regio est, vbi Angli id caedunt; sed quod in sicciore solo ad occidentalem sinus Campechiensis oram crescens reperiunt et vendere coeperunt nuper Hispani, Anglico illo deprehenditur praestantius \*). In Guinea quoque eam

\*) DAMPIER *voy* 9. p. 286. ROBERTSON *Geschichte von America* II. 383. *sqq.*

\*\*) IACQVIN *l. c.* p. 20. MÜLLER *l. c.*

\*\*\*) BROWNE, JACQ. *l. c.*

†) AUBLET *histoire des plantes de la Guiane françoise etc.* I. p. 393.

††) MILLER *l. c.*

†††) DAMPIER 3. p. 299. BROWNE, *l. c.*

\*) ROBERTSON *l. c.*

prouenire credit SLOANE locis quibusdam PURCHASII ductus \*); sed de quo ibi sermo est, lignum tinctorium absque dubio est Caesalpiniae Sappan LINN. Recentiores quidem de his terris relationes nullam Haematotoxyli ibi crescentis faciunt mentionem.

## §. IV.

## G u m m i.

Celeberrimi viri, BROWNE et IACQVIN, ligni nostri descriptionem tradentes, de gummi quoque mentionem iniiciunt e trunco et ramis primariis exsudante, oui saepe gallinacei volumine cortici adhaerente, quod in Angliae tabernis venit. Quamquam vero huc apportandam quandam eius copiam omni data opera curauerim; haecenus in conspectum meum nondum venit, quare in enarrandis iis, quae illi de hoc gummi commemorarunt, coactus subsisto. Molle primum est, sed breui solidescit, tandemque fragile redditur digitis in puluerem facile conterendum. Color ipsi est saturatissime ruber, quo fit, vt, quamuis pellucidissimum sit, nigrum et opacum appareat. Lentissime quidem, ast totum soluitur in aqua, lente iterum spissescens. De sapore aliud vterque fert iudicium, et BROWNE quidem egregie subadstringens illud praedicat, cum dulcedine quadam, qua gratissimum palato sese commendat \*\*). IACQVINVS autem insipidum deprehendit, nec quidquam adstringentis in eo detexit; solutum tamen in aqua leuissimam linguae dulcedinem imprimere ipse fatetur \*\*\*).

## §. V.

## ANALYSIS CHEMICA.

*Infusum frigidum aquosum et vinosum. Decoctum aquosum.*

Chemicam Haematotoxyli suscepturo explorationem omnium primus labor erat inquirendi, quae, si aqua frigida illi affunderetur, digna notatu essent apparitura; quo in negotio duce gauisus sum *perill. DELIO*, Fautore meo-

\*) l. c.

\*\*) l. c.

\*\*\*) l. c.

rumque studiorum Promotore summe colendo. Affusa frustulis ligni, qualibus vtuntur opifices et tinctorum, aqua post horas viginti quatuor colorem adsciuerat sanguineum, qui ex admixta solutione vitrioli martis puri in nigrum illico conuertebatur. Alia portio cum alcali fixo commixta vinum, quod Pontac appellant, colore retulit, eundemque colorem effecit spiritus salis ammoniaci. Alumen crudum in aqua antea solutum infusionem hanc ligni aquosam reddidit ex coccineo purpuream, quo liquore aluminato cum alcalisato illo combinato, color violarum ortus est, et terra aluminis praecipitata. Ordinis naturalis connubium animum adduxit indagare, num infusum frigidum aquosum instar infusi ligni nephritici, Guilandinae Moringae LINN. colores sit variaturum; sed nullum huius vestigium vidi \*), quamuis, quod deinde legebam, hanc infusi virtutem commemoret BROWNE \*\*). Infusum frigidum vinosum fusci coloris fuit, quem alumen additum in eum, qui vino burgundico est, mutauit \*\*\*). Aquae fontanae librae quatuor cum vnciiis duabus rasurae ligni tamdiu coctae, vt dimidia liquidi pars superesset, liquorem ex atro saturatissime rubrum dederunt, qui multa dilutus aqua in sanguineum conuersus est. Odor illi est, aequae ac infuso frigido aequoso, debilis ligni, sapor vtrique sat dulcis adstringens, quem comitatur in saturato potissimum decocto paullulum cuiusdam nauseosi. Nescio, quid imposuerit ill. POERNER, qui decoctum hoc nullius dicat esse odoris vel saporis, nisi terre cuiusdam. Sensum tamen ipse as-

\*) Liceat hic paucissimis indicare, eandem, quam in ligno nephritico diu cognoueramus, virtutem in Aesculo Hippocastano, Aesculo Paui, et Fraxino excelsiore derexisse cl. FRISCHMANNVM, Pharmacopolam peritissimum; nec infusum solummodo aquosum frigidum corticis et ligni, sed et extractum vtriusque in multa aqua solutum coloris in luce et umbra variationem praestare. Facile ideo explorari iam potest, si extractum corticis chinchinae extracto Hippocastani sit adulteratum. De Fraxino GESNERVM idem iam tradidisse lego.

\*\*) l. c.

\*\*) Hanc vini albi in rubrum mutationem, ope ligni tinctorii cuiusdam, aluminis et cet. fallacibus oenopolis in vsu esse arguit perill. DELIVS in libello: *Etwas zur revision der weinprobe etc.* p. 18.

firmat illud excitare in ore et lingua parum adstringentem \*). Decoctum, cui vitriolum martis additur, colorem nanciscitur ex caeruleo nigrum, qui tunc demum, cum magna vitrioli copia particulas tingentes praecipitauerit, in liquore supernatante in virescentem illum mutatur, quem ill. MURRAY ipsi tribuit \*\*). Plura experimenta cum decocto et salinis liquoribus variis instituta recenset POERNER \*\*\*). v. cl. quem, cum a proposito longius recedere mihi non liceat, quorum ea scire interest, quaeso euoluant.

#### §. VI.

*Haematoxyli tinctura spiritu vini facta. Extractum resinofum I. gummosum II. †).*

Rasurae ligni vncia dimidia cum spiritus vini rectificatissimi vnciiis quatuor per noctem digesta, ortus est color nigro-fuscus, qui cum eadem spiritus vini quantitate dilutus saturatam retinuit rubedinem. Odor nullus erat, nisi spiritus vini, et sapor praeter spirituosum parum adstringens. Ad extracta, pro more solito, paranda ligni ab externis partibus corruptis optime liberati ac derafi vnciiis tribus bis additae sunt spiritus vini rectificatissimi vnciae octodecim, quae digestionem sufficiente dederunt extracti resinosi drachmas sex cum granis octodecim, quod coloris erat ex fusco nigri, saporis dulcis adstringentis, odoris, cum prunis inspergeretur, qualis est ligni guaiaci accensi. Residua ligni copia bene siccata coquebatur cum aquae communis mensuris quatuor, quibus euaporatis relicta fuit massa drachmam vnam et grana viginti quatuor pondere aequans, nigricans, linguam primum, quasi sal medium ipsi admoueas, pungens, postea adstringente leniterque amaricante sapore afficiens. Monendum est harum extractionum quamlibet menstruo duabus vicibus affuso factam, et inspissatos ad mellis consistentiam duos liquores

\*) POERNER *chymische versuche und bemerkungen zum nutzen der färbekunst* T. III. p. 261.

\*\*) MURRAY *apparatus medicaminum* vol. II. p. 430.

\*\*\*) l. c. p. 262. *sqq.*

†) Haec et sequentia experimenta chemica comite amicissimo FRISCHMANNO, in laboratorio eius fuerunt instituta.

homogeneos in vnico vase commixtos ad extracti ficioris consistentiam fuisse euaporatos.

§. VII.

*Extractum gummosum I. resinofum II. Experimenta cum quatuor extractis capta.*

Vnciis tribus ligni rasi aquae mensuris quatuor affusis, coctis, exhalatis remansit extractum vnciam dimidiam et drachmam dimidiam pendens. Sapor eius est idem fere, qui extracti resinofi primi, adstringens dulcis, vix, si gustaueris, initio falsum illud extracti aquosi secundi prodens; color quoque idem. Reliquum ex hac coctione aquosa lignum, infusis spiritus vini rectificatissimi vnciis octodecim extractum, reddidit drachmas duas vnumque scrupulum massae, cuius color reliquis extractis erat paullo rubicundior, sapor parum dulcis, terreus, adstringens. Iam, quomodo soluantur in aqua et spiritu vini haec extracta, experturus, cuiuslibet granis duobus adfundendas curauit aquae fontanae purae drachmas quinque. Post quatuor dies, cum interea bene fuisset agitatus liquor, extractum aquosum secundum totum solutum atro tinxit aquam colore; reliqua, quamque diutius in aqua relictæ, extracta rubram tantummodo eam reddidere, ac in fundo integra fuere conspicienda. Dein eidem extractorum quatuor quantitati spiritus vini drachmis itidem quinque additus est, qui post triduum extractum resinofum primum totum soluerat, resinofi vero secundi dimidiam circiter partem. Aquosum primum saturatam menstruo conciliauit auream rubedinem, aquosum secundum dilutam, nec magis quicquam post plures dies praeterlapsos. Periculum quoque feci cum extracto resinoso primo, num idem phaenomenon id nobis sit praebiturum, quod in gummi guaiaci natiuo in spiritu vini soluto, cum spiritu nitri dulci mixto et aqua diluto videre saepius est, gummi nempe praecipitari caeruleo praeditum colore \*). Ast post horas demum viginti quatuor praecipitatum aliquid est non caeruleum, sed atro-fuscum exhibens colorem.

\*) CRELLII *chemisches Journal* Vol. II. p. 78.



## §. VIII.

*Aqua destillata.*

Rasurae ligni vnciis quatuor cum aquae communis libris quatuor in vesicam cupream stanno probe obductam infusis, ignis destillatorii ope transit in vas excipiens aqua pellucida colore rubicunda instar florum Persicae, qui dimidia vix praeterlapsa hora in flauo virescentem mutabatur persistentem. Odor ipsi erat, qualis ligni, vnguinoso quodam quasi remixtus. Oleum nullum in ea conspiciebatur. Colorem hunc aquae destillatae inexpectatum sane pulueri rasurae subtilioris, dum infunderetur in vesicam, ad alembicum adscendenti ac vapores ibi transeuntes tingenti, ortum suum debere rati, alteram suscepimus destillationem aequalibus ligni et aquae quantitibus adhibitis, vase ope aquae destillatae simplicis solerter eluto, et remoto, cum infunderentur rasura et aqua, alembico. Sed en, aqua destillata priori omnimode similis fuit. Vtramque oleum tartari per deliquium rubicundam reddidit, qualis fuerat e vesica descendens, quem colorem vitriolum martis ad eum reduxit, qui constans aquae est, flauo-virescentem, terra martiali nigra praecipitata. Ad aliam aquae partem addidimus primo vitriolum martis, et color illico ortus est caeruleo viridis, persistente pelluciditate. Aliam spiritus salis ammoniaci citrinam tinxit, idemque fere adfuso spiritu vitrioli color apparuit. Dubii mirabundique de tertia iam cogitamus destillatione ligno in segmenta minora conciso vsi, et nunc aqua descendit in vitrum appositum decolor, limpida, salibus nullis mutanda, eiusdem cum prioribus duabus odoris ac saporis, nec vestigia quidem olei perhibens; quam aquam residuo in vesica ligno iterum infusam, addita vncia vna salis tartari, destillatio reddidit adeo parum immutatam, vt vix flauescens aliquid in colore eius oculus inuenerit. Constat itaque aquam ligni Haematoxyli e frustulis destillatam esse limpidam, sine colore, odoris ac saporis, quem supra retuli, oleo nullo praeditam, nisi forte pauxillo in maxima eius copia latente. Quenam vero liquorum prius destillatorum ratio? summam adhibuimus solertiam atque circumspectio-

nem; quo minus peregrini quid accederet, nec vitio nobis verti potest, vesica cuprea nos vsos fuisse; non enim solum stanno interius accuratissime obducta ea est, sed vltima quoque destillatio in eodem vase instituta fuit. Aquam in vapores solutam particulas subtilissimas rasurae secum abripuisse, quibus colorem debeat, in aprico mihi positum videtur; sed quae sit rubicundi in virescentem mutati coloris causa, nisi in acido aëro eam quaerere liceat, nullo pacto indagare possum. Causam autem hanc vt probabilem credam eo adducor, quod spiritus vitrioli colorem aquae exaltauit ad laete citrinum; et quod in hunc finem cepi experimentum penitus confirmare meam sententiam videtur. Aqua segmentis ligni infusa, donec eundem assumserit colorem rubicundum, quem aqua destillata ab initio ostendebat, affuso acido nitri aut vittioli colorem recuperauit seruauitque flauo viridem. Alia infusio aquosa ad eundem gradum tincta decantata post sex horas eundem, quem aqua destillata, adsciuerat colorem.

### §. IX.

#### *Destillatio sicca.*

Quae denique partes fortioris ignis ope in ligno Haematoxyli detegiqueant experturus, sedecim vncias eius in frusta concisi in vase retorto terreo igni aperto tradendas curauit. Qui primus descendit liquor aqueus clarus erat, vnciam dimidiam pondere aequans, quem excepit fuscus vaporum densiorum sub forma transiens. Omnis, quem e destillatione hac retulimus, liquoris odor est empyreumaticus, sapor acidus, pondus vnciarum quatuor. Materiae alicuius salino-oleosae siccae in collo retortae nihil animaduerti potuit. Oleum empyreumaticum ita cum acido liquore fuit coniunctum, vt pars quidem eius vitri fundum occuparit, pars eius lateribus adhaeserit, multum autem cum acido ipso iunctum fuerit, nec post quatuordecim dies verae separationis vestigium vllum apparuerit. Filtro itaque aqua imbuta acidum ab eo separauimus vncias tres cum dimidia pendens, oleo spissiore nigriore paullulum, quam liquor per filtrum transmissus remanente. Carbo-nes in vase destillatorio reliqui pondere aequabant vncias

quatuor cum dimidia, quos in cineres conuersuri in crucibulo candefactos libero aëri in tabula cuprea commisimus. Quoniam autem hoc pacto in cineres abire plane recusabant, atque in alio vase, vbi aëri minus, quam in crucibulo, aditus erat praeclusus, denuo igni fortiori commissi, vix vllam cinerum praebebant copiam; addita illis est integra libra ligni in segmenta concisi, quibus vna cum carbonibus foco ex tubulis argillaceis albis constructo impositis et accensis, facile cessit combustionis negotium, cineribus albis relictis, quibus calcinatio niueum induxit candorem. Hisce vnciam dimidiam et scrupulum vnum pendentibus quater in aqua destillata coctis, liquorem habuimus limpium insipidum linguam quasi exsiccantem. Vix unica praeterierat post eius filtrationem hora, cum cuticula in superficie eius nasci coeperit, sensim adaucta, instar cremoris calcis, quam, quoties concussio vitro fundum petierat, altera breui excepit. Decantato post quatuor dies liquore cremorem illum ficcatum simillimum deprehendi terrae Thermis Carolinis supernatanti (Badeschaum). Laminulis constat tenuibus, laeuis, albidis, saporem nullum habet, pondus trium granorum. Vnum huius terrae granum adfusa aqua instillatoque spiritu nitri efferuescendo soluebatur, ad quam solutionem additus spiritus vitrioli nullam excitauit perturbationem. Euaporatione facta orti sunt fasciculi crystallorum radiati radiis ex centro produntibus, quos superfusum acidum salis communis intactos reliquit, nisi quod citrinum inde acquisierit colorem. Igni expositi instar gypsi cocti, in superficie fatiscentes apparuerunt. Ipse liquor decantatus ac inspissatus dedit residui grana quatuor, quorum circiter vnum terra fuit cremori modo descripto similis, reliqua tria verum sal alcali constituerunt. Haec fuerunt, quae quadruplici coctione ex cineribus aqua soluere potuit. Quam intactam reliquit terram, ea albo cinerea est, insipida, in superficie splendens. Huius quartam partem, cui aquam superfudimus, spiritus nitri drachmae duae efferuescentem soluebant; cui solutioni, quam filtrum a residuo, terram insolubilem atro cineream exhibente, separauerat, adfusum oleum tartari per deliquium absque vlla efferuescentia illi-

co terram praecipitauit, quae in aqua sexies abluta siccataque niuea apparuit, tenera, tactu similis magnesia nitri, triginta sex granorum pondere. Acidi salis vncia dimidia citissime soluit eam summopere aestuando; quo facto remixtoque cum aquae vnciiis duabus liquore, instillatus est spiritus vitrioli, qui absque turbatione, praeuia euaporatione, formauit cum terra crystallos seleniticas, laminoso radiatas, in aqua minime solubiles \*). Reliquae terrae copiae primum non mutatae, deinde et cum seuo hircino in patella terrea vsae solerter adhibens magnetem, ne miculam quidem ferri conspiciere potui. Terrae insolubilis grana quatuor cum borracis granis duodecim fusa vitrum dederunt pellucidum, colore subaquilum. Reliqua eius copia nec sola, nec cum seuo tosta magneti quaedam prae-buit attrahenda.

## §. X.

*Experimentorum lustratio.*

Quod ad menstrua, quibus partes Haematoxyli actiuae extrahuntur, attinet, maior copia extracti resinosi tam primi, quam secundi, et ipsa extracti resinosi primi perfecta in spiritu vini rectificatissimo solutio comprobant, quae LEWIS \*\*) et MURRAY \*\*\*) v. cl. nos docent, spiritum vini plures earum soluere, quam aquam. Explicitam quoque resinam in eo non esse, nec purum gummi, arguit

\*) Nudo oculo apparent hae et quas antea e cremore ortas indicaui crystalli, instar pilorum breuium crassiorum e communi centro, tamquam sphaerae radii diuergentium in fasciculos minores collectorum, simillimi argento antimoniali, capillis niueis v. BORN *ind. fossil. p. 82.* quod in cuniculo omnium sanctorum in Hodritsch ad Schemnitzium Hung. fodiunt. Armato oculo se ostendunt, vt columnae, prorsus pellucidae, tenerae, longae, acufformes, hexaëdrae duobus lateribus latioribus, ex parte in breuem apicem, quem constituunt duo plana obtuso angulo conuergentia, ex parte in longum acumen, ex parte quoque in crenam desinentes e duobus planis angulo obtuso inclinatis formatam, eiusdem generaliter figurae, ac natrum flexile LINN. *Syst. nat. 3. p. 90.* cuius imaginem exhibet DELISLE in *Crystallographie tab. V. f. 3. 4.*

\*\*) *Mad. med. artic. Lign. Campech. p. 354.*

\*\*\*) *Appar. med. l. c.*

magna, quae extractum intercedit aquosum primum et resinofum primum, similitudo, et solutio dimidia tantum partis extracti resinosi secundi in spiritu vini. Nulla etiam prorsus olei vestigia in aqua destillata apparuere limpidissima, quae tamen odore ligni specifico non est destituta; nec ullam salis miculam in inspissato decocto, post aliquot menses reperire mihi contigit, quem tamen arguit sapor subdulcis; ita scilicet mucilagineis inuolutum particulis, ut in crystallos secedere nequeat. Quod adhaeret huic phlogiston, coloris sine dubio in se continet rationem. Miranda omnino venit paucissima salis alcalini fixi copia, nec minus attentione digna terra calcaria videtur. Veram esse calcariam crystallos, quas inde obtinui, seleniticae comprobant, nec aluminosam illi admixtam persuadere mihi facile possum. Nulla enim facta est perturbatio ab affuso ad solutam terram acido vitrioli, quae ex affinitate terrae calcariae cum hoc acido propinquiore, quam quae est terrae aluminosae, esset consecuta. Et ipsa solutio terrae in acido salis optimum argumentum est, quod aluminosam terram totam quidem soluit, sed in materiam gelatinosam, difficulter in crystallos coagulabilem, qui si oriantur in aëre mox liquefunt \*). Ferrum, nisi prorsus deficiat, in minima quantitate adest, et adhuc dubito, num color citrinus spiritus salis crystallos seleniticis affusi illud vere prodat. Collectis iam rationibus, et comparatis scimus unam libram Haematotoxyli continere

Salis alcalini fixi	-	grana $1\frac{1}{2}$
Terrae calcariae	-	74
Terrae insolubilis filiceae	-	54

## §. XI.

*Virtus medica e partibus constitutivis et experimentis cognoscenda.*

Adstringentem vim esse Haematotoxyli ligno non solum manifeste arguit, sed et experimentorum, quae modo retuli, plura confirmant. Vitriolum martis omnium

\*) ERXLEBEN *anfangsgründe der Chemie* §. 453. WENZEL v. d. *verwandtschaft der körper* p. 142.

vegetabilium styptica virtute pollentium solutioni aquosae nigrum conciliare colorem, res est peruulgatissima; quoniam acidum eius, connubium cum terra eorum arctius iniens, ferrum, quod solutum in eo haeserat, relinquit. Virtutis adstringentis rationem continet terra vegetabilium in acido soluta \*), quod vitrioli et aluminis analogia potissimum suadet. Terram hanc calcariam quidem, sed ex maiori parte aluminosam esse affirmat cl. GMELIN \*\*); ego vero nullo modo aluminosam in Haemotoxylo terram inuenio, nec in vniuersum valere eam sententiam arbitror, cum in gallis solum et cortice peruiano experimenta Vir sagacissimus ceperit. Ferri praesentiam in ligno meo equidem non penitus negauerim, et experimentis suis idem Vir eruditissimus nos docuit, quatenus ex aliquot vegetabilibus adstringentibus ad reliqua omnia concludere licet, non ferro quidem soli adstringentem deberi adstringentium vim, deberi tamen primario, licet parciore copia, quam aut aluminosa, aut calcaria terra, reperiatur, quae hanc vim tantum adiuuant, eo, quod ferrum longe maiori menstrui copiae vim constringendi conciliet \*\*\*). Cum interim nulla omnino apparuerit ferri particula in ligno meo, primariam certe, nisi totam adstringendi vim terrae calcariae in acido solutae non attribuere non possum, duce vsus et autore ill. GLEDITSCH, qui ferrum aut principium ferreum terrae remixtum vnicam et propriam adstringentium terram esse negat †). Ad declarandam hanc Haematoxyli virtutem facit quoque mutatio, quam in ouillo vellere produxit. Cui in vase terreo clauso probe circumdatum et humectatum post duos menses colorem et fusco nigrum, magnam densitatem et veram corii faciem conciliauit aucta simul crassitie; sed rigidius euasit corium fragiliusque alio eiusmodi velleris frustulo in cortice peruiano per idem temporis spatium condito. Minuunt stypti-

\*) GLEDITSCH *einleitung in die wissenschaft der rohen und einfachen arzneymittel etc.* II. Tb. p. 373.

\*\*) I. Fr. GMELIN *Disquisitio an adstringentia ferreo principio debent efficaciam etc.* Tub. 1773.

\*\*\*) l. c. p. 31.

†) GLEDITSCH l. c. p. 381.

cam qualitatem, vt subadstringens remedium recte dicatur, phlogiston et mucilaginea pars cum terra et acido intimius coniuncta. Par sine dubio ratio subest, cur Haematotoxylum ossa animalium non inficiat colore rubro, quod testatur cl. BOEHMER \*). Terrearum enim partium in rubia non maior solum est copia, quam in Haematotoxilo, sed et in iis, cum resinosis paucis combinatis, tingentem haerere constat virtutem \*\*), quam in phlogistico salinis Haematotoxili potissimum quaerit POERNER \*\*\*). Vrinam et feces interdum tingere dicitur, quod in his tantum videre mihi semel contigit. Antiseptica vi pluribus aliis cedit, quamquam ea non adeo destitutum. E tribus enim carnis bubulae portionibus pondere aequalibus, eodem tempore tribus terreis ollis inclusis, quarum vna sibi relicta, altera Haematotoxilo, cortice chinchinae tertia circumdata fuit, prima elapsis sexaginta horis putredinosum spargere coepit odorem; altera post horas nonaginta octo, primum debilem vix a specifico ligni distinguendum edidit odorem putidum, et tertia denique post horas centum et quindecim eum prodidit.

## §. XII.

### *Usus in dysenteria.*

Cognitis iam remedii nostri qualitibus et constitutivis partibus, age vires, quas ad aegrorum salutem inde expectare licet, auctorum fide et mea ipsius experientia videamus comprobatas. Pauci sunt, teste celeb. PRINGLE, morbi acuti, in quibus sanandis natura nobis adeo desit, quam dysenteria, eoque magis de remediis efficacibus veraque morbi debellandi methodo sollicitos esse oportet medicos. Variis ille indiget, pro variis suis stadiis, remediorum generibus, in quibus eligendis et suo singulis tempori accommodandis omnem prudens quisque medicus operam nauat. Et in ultimo quidem morbi huius stadio, in quo alui profuuium opio alii, alii cortice peruiano,

\*) I. B. BOEHMER *diff. radices rubiae sinctorum effectus in corpore animali.* Lips. 1751.

\*\*) POERNER l. c. T. II. p. 159.

\*\*\*) l. c. T. III. p. 266.

cascarillae, aromatibus, terra catechu sistere conantur, inter varia haec medicinae genera Lignum quoque Campechianum Anglis medicis per plura vſitatum fuit decennia. Primus eorum, quantum mihi quidem innotuit, de vſu eius tradidit in libro de *morbis castrenſibus* PRINGLE, ac poſt eum DON. MONRO, BAKER, HUME, FORDYCE, CLARKE, WHYTT, AKENSIDE, WLNTRINGHAM aliſque, a quibus et nos id accepimus; nec ſuperuacuum me ſulcepiſſe laborem mihi perſuadeo, quid illi de vſu eius atque praestantia nos docuerint, quid de viribus eius ipſe expertus ſim, ſermone paullulum fuſiore expoſiturum.

### §. XIII.

#### *Idoneum eius adhibendi tempus.*

Cum adſtringendo agat hoc remedium, de vſu et variis noxis adſtringentium in dyſenteria exhibitorum medicaminum quaedam praemittenda eſſe cenſeo. Omnes fere, quiquis eorum de dyſenteria noſtra aetate tradidit, therapiae doctores, ſeria addunt monita, ne ante locus adſtringentibus detur, quam ſordes in ventriculo et inteſtinis haerentes, vtpote vera totius morbi cauſſa proxima, ſatis ſuperque fuerint expurgatae; neque parum ad ſalutem aegrotorum intereſt attentas monitoribus praeberi aures. Repellentibus ſolis acquieſcendo in omni dyſenteriae ſtadio peccarunt antiquiorum medicorum plurimi, e quibus vnicum liceat excitare CELSUM, eas expreſſis verbis commendantem, quae aluum adſtringunt, potiones \*). Vtinam vero illos tantum accuſare, nec aegrotos agyrtarum ſimilibus remediis pereuntes quotannis videre cogere-  
mur! Inflammatio inteſtinorum vix non ſemper letifera, ſcirrhi eorum atque vlcera, hydrops, pertinaciſſima alui obſtructio cum torminibus diuturnis, materiae retropulſae ad viſcera deſcriptio nobiliora peruerſam hanc medendi methodum trifti vindicant animaduerſione, quibus quantum, niſi ea res longius ab incepto me traheret, malorum turbam addere poſſem! Plures dyſenteria laborantes ſolis euacuantibus rite datis et continuatis eam ſuperant, vt

\*) CELSI de re medica L. 4. C. 15.



prorsus nullis, quibus nimius ventris comprimatur fluor, opus sit medicamentis. Attamen saepius accidit, adhibitis omnibus intestina repurgantibus et ab acrimonia defendentibus immorigerum morbum adstringentia requirere, quibus intestina nimis debilitata confirmentur. Laudantur quidem et vsurpantur in hoc casu varia aromata, anodyna, spirituosa, quae vero, quando et quonam profint noceantue modo, cum ad propositum meum nihil attineat disquirere, in Haematoxyli vsu praecipue definiendo consistam. Ipso quidem morbo congruis iam profligato medicamentis et materia peccante satis expurgata, tanta saepe restat intestinalis tubi debilitas, qui nec assumpta, donec rite ex illis praeparetur alimentaris liquor, retinere, nec humoribus in vasa eius excernentia nimis affluentibus resistere valeat. Valida tum corroboracione eget, et iam Haematoxylo locus datur exhibendo. Ita DUNCAN septimo aut octauo morbi die, cum in prioribus sordes solertius eduxisset, felicissime id in vsum vocasse a MONRO \*) accepimus. Sedulo tamen monent omnes adstringentium exhibendorum auctores, neque tunc temere negligendam esse euacuationem, sed quoties tormina, aut alia denuo collectae in primis viis materiae signa sese manifestarent, illis esse interponendam. Adstringentium enim ope humorum vltiorem quidem secretionem in vasis et glandulis intestinorum, minime autem praesentis in tubo eorum materiae excretionem impedire conamur. Tenesmus in fine morbi molestissimus non raro perseuerat, variis causis, inflammationi, vlceri, muco deficienti, materiae peccanti in cellulis intestini recti haerenti ortum debens. Vltimam harum causarum frequentissimam pronuncians cel. ZIMMERMANN \*\*), tincturae rhabarbari optimum tribuit in ea remouenda effectum; si vero ad hanc colluuiem in fine intestini totius canalis insignis accedat debilitas, torminibus omnibusque febris symptomatibus absentibus, Haematoxylon commendare nullus dubito; non enim contrahendo retinet materiam euacuandam, sed leniter

\*) Don. MONRO krankheiten in den brittischen feldlazarethen in Deutschland. p. 61.

\*\*) Von der rubr. p. 81.

adstringendo muscularibus intestini fibris suum, quo colluuiem exterminare valeant, robur restituit, cuius rei, quam mox enarrabo, morbi historia, egregium praebet argumentum. Accidit quoque eos, qui omnem superarunt morbum, ex infirma intestinorum constitutione denuo in alui profluuium incidere, quod diarrhoeam, quam dysenteriam reuertentem dici mauult PRINGLE \*), praemissa ipecacuanhae radice, Haematoxylo, cui tincturam iaponicam adiunxerat, frequenter in hoc casu usus. Varias sunt dysenteriae species pro varia febrium eam concomitantium indole, quae differentia vero, cum in fine morbi, qui nullam amplius febrem habet, remedium commendauerim, vix hic in censum venire videtur. Omnes quidem infirma relinquunt intestina, suoque adstringentem medicinam tempore exigunt, siue putridus sit, siue biliosus, morbi fomes, siue maligna accedat febris; sed ubi inflammatoriae indolis est dysenteria, non superflua erit ZIMMERMANNIANI moniti \*\*) repetitio, summam in porrigendis adstringentibus adhibendam esse circumspectionem, quippe rarissime eiusmodi exigat remedia. Superest, ut diuturnam dysenteriam, et quid in ea valeat Haematoxylon, breui definiam. Optimam eius expressit imaginem, quam inspiciat quaeso noscendi cupidus, ZIMMERMANN \*\*\*), qui in hac quoque adstringentia recte detestatur, nisi, post eliminatos humores morbosos, confirmatione solummodo indigeant intestina; et difficile sane hac de re est iudicium, cum causae molestissimi huius mali variae sint. Si sola eorum accusatur debilitas, absque organica destructione, euacuantia quidem negligere nunquam aude-rem, quae vero cum materiae excernendae finem vix unquam sint impositura, non vltimum in sananda hac corporis labe locum Haematoxylo assignandum esse existimo, experto eius efficaciam MONROO mihi assentiente †).

\*) *Beobachtungen über die krankheiten der armen, p. 33'.*

\*\*) *l. c. p. 280.*

\*\*\*) *l. c. p. 269. 770.*

†) *l. c. p. 70.*

## §. XIV.

*Morborum, in quibus profuit, quaedam enarrationes.*

Ad argumenta iam propèro euidentiòra illis, quae particularum constituentium cognitio, et celeberrimorum medicorum fides praestantiam remedii, de quo agitur, comprobaturò mihi suppeditarunt. Primam morbi, in quo mihi ipsi exoptatissimum tulit auxilium, historiam exponere liceat.

Adolescens vicesimum tertium aetatis annum nondum egressus, habitu tenui stricto praeditus, sat confirmata valetudine per plures annos gauisus, postquam insigne refrigerium in itinere nocturno passus essem, in dysenteriam tum temporis epidemicam implicitus sub finem Augusti anno praeterito decubui. Putridae indolis fuit morbus absque omnibus inflammationis signis, et idonea quaevis euacuantia et inuoluentia adhibuit ill. WENDE, Fautor et Praeceptor beneuolentissimus, cuius memoriam pio in aeternum animo seruabo. Torminibus in principio quidem vehementioribus vltra quintum diem non vexabar, sed incredibilis aderat materiae bilioso-putridae, sanguineis striis permixtae, colluies et creberrima excretio, quam perpetuus tenesmus comitabatur. Accedit pulsus irregulari rhythmò intermittens, verus ille sordium in ventriculo et intestinis haerentium testis, sub vesperam praecipue, qua immanis anxietas et praecordiorum oppressio me simul excruciebat, percipiendus. Continuantur euacuantia remedia, non neglectis quoque, quae corrigere materiam et intestina ab eius acrimonia defendere valent; sed tanta iam nata est horum infirmitas, vt hordei aut aenae cremorem, quem vix ingesseram, ponderis instar e ventriculo per gyros intestinorum descendentem saepissime senserim, et myrtilli ficcati ex aqua cocti, vix vlla digestionè permutati, nec vltra horae dimidium in abdomine commorati deiectioni fuerint. Quae mala, cum ad finem usque secundae hebdomadis perpetuo perseverarent, infuso et puluere rhabbarbari, radice salap, bolo armena, externisque herbarum aromaticarum epithematibus frustra in auxilium vocatis, in corticibus chinchinae et cascarillae

medela quaesita est. Extracti vtriusque binae drachmae in aquae scordii vnciis sex soluebantur, cuius potionis vnciam dimidiam quouis bihorio assumsi. Dein, interposito pulueris rhabbari tosti vsu, corticis cascarillae drachmas duas duodecim horarum spatio deglutiui, quo iterum non iuuante, decocto corticis peruiani vsus sum, et quidem primum, quum aluum temere adstringere religio esset, duabus tantum drachmis, dein dimidia vncia eius cum sex aquae vnciis coctis. Nec opii vim experiri neglectum fuit, cuius vnum granum cum radicis salap, bolique armenae, singulorum quinque granis et corticis peruiani scrupulo vno miscebantur, puluere in quatuor partes diuiso, quibus noctu quies a perpetuis alui depositionibus et somnus aliquantum conciliaretur. Hoc quidem effecere illi, vt per aliquot semihoria comprimeretur venter; interdium vero idem rerum tenor perrexit. Tunc denique, cum vires insigniter fractae essent, tormina diu cessauissent, tenesmus autem et frequens alui profluuium nullo compesceretur remedio, suasore ill. SCHREBER ad Haematoxylum confugit vir salutem meam sollicitissimus. Huius grossiuscule puluerisati vncia semis ex aquae fontanae vnciis sex cocta fuit, vt tertia quauis hora, quod cochlear capit, haurirem. Qua dosi vix aliquoties vsus optatissimum sensi leuamen; mitigatus est, qui continuo me excruciat, tenesmus, aluique deiciendae conatibus longior mora interiecta. Consumto remedio ter tantum quaterue de die illi reuertebantur, noctu prorsus silebant, et, quod ad superandam vltimam morbi vim repetitum fuerat eadem quantitate, decoctum, ex parte tantum haurire opus erat. Omnis enim iam cessabat dysenteria, ne minimo eius symptomate reuertente, nec alio subsequente malo, quod temerariam argueret huius medicamenti exhibitionem. Ita quidem confirmata eo fuerunt intestina; vt, qui antea, quantum memoria repetere praeterita possum curru vehi non poteram, quin nausea et vomitione frequenter vexarer, praecipue si post assumpta quaecunque corpus ita motum fuerit, nunc a largo prandio surgens absque vlla molestia primam, post morbum superatum, excursionem in curru susceperim, et adhuc quouis vehiculo

longum iter faciam. Vulgaris quidem est opinio, dysenteriam passos maiori, quam antea, intestinorum robore gaudere, quam vero cum ne de iis quidem in vniuersum valere sciamus, quibus sine medicina adstringente alui conditio naturalis reddita fuit \*); eo magis perspicuum est, in meo rerum statu, in quo natura defuit, soli remedio omnem intestinorum firmitatem esse tribuendam.

Altera hanc excipiat morbi a cl. D. LOSCHGE, amico et exercendae praxeos in instituto clinico socio amantissimo, duce ill. WENDT curati relatio.

Iuuenis vicesimum aetatis annum agens, admissa ad corpus summe incallescens subita refrigeratione, vltimis mensis Augusti diebus anno praeterito febriles motus cum torminibus ventris, nausea aluique profluuiio passus est, quod quavis hora frequentius rediens mox sanguine permixtum et tenesmo accedente molestissimum redditum fuit. Pulueres ex rheo et gummi arabico ante incassum ceperat quam ad ill. WENDT accederet. Sexto morbi die, feuerius ante omnia admonito ipsi vt a carnis, iusculis et cereuisia sibi temperaret, quibus hucdum vsus fuerat, ob nauseam continuantem scrupulus pulueris ipecacuanhae porrectus fuit vomitum quater excitantis leniorem. Diebus sequentibus rheum vna cum variis inuoluentibus, gummi arabico, radice salab et tepido potu ex radice althaeae decocto assumsit. Haec quidem aluum aliquantisper cohibuerunt, et inunctum abdomini oleum mastichinum cum vnguento anodyno tormina vehementissima vnica nocte placauit; sed cum morbi vim prorsus non infringere potuissent, ad alia remedia confugit medicus. Cortex simarubae ex aqua decoctus nihil profuit. Debilitatem aegroti in dies auctam pulsus debilis indicabant et virium defectus; ardorem in regione vmbilicali, sitim clamorantem post potum frigidum sentiebat miser, appetitu ad omnia, ea quoque, quae ipsi necessaria erant, cremorem scilicet hordei, auenae, oryzae et similia, prorsus prostrato, aluo tamen minus frequenti et sanguine rarius permixta. Duo-

\*) v. ill. JENSEN FLAMM, Fautoris et Praeceptoris grato animo nunquam non colendi *differt. de dysenteriae affinitate. p. 24.*

decimus iam agebatur morbi dies, cum in ancipiti hoc rerum statu vires vitri antimonii cerati, ab aliis in pertnaciori malo laudatas, experiri in animum induceret medicus. Huius medicamenti grana quatuor cum radicis althaeae granis duodecim mixta addito decocto e floribus chamomillae, mediocrem vomitionem, et denuo assumpta grana duo cum althaeae granis decem sequenti die nullam effecere. Qua noua euacuatione facta, solutio gummi arabici et corticis cascarillae drachmae duae in aquae vnciis sex alternis bilioriis propinata, adeo imminuerunt alui depositionem, vt quatuor tantum aut quinque de die numerarentur; in quibus cum post triduum sanguinis maior copia iterum adesset, oedema pedum et abdominis accederent intumescencia, mane tinctura rhei, et vesperi puluis eiusdem tostus prioribus adiungebantur remediis, quae, vt satius anxio aegroti summopere languentis desiderio fieret, cum pulueribus ex gummi arabico, bolo armena et radice salab compositis, et theriaca Andromachi, cortice cascarillae et simaruba cum syrupo cydoniorum in electuarii formam redactis commutata fuerunt. Aluus quidem magis nunc sistitur, sanguis rarius vna profluit, sed eodem tenore pergunt inappetentia, defectus somni, abdominis inflatio et oedema pedum; vires vero in dies decrescunt, accedente tussi et pituitae flauae excreatione. In hisce rerum angustiis tandem praebebatur aegro Ligni Campechensis in puluerem redacti minus subtilem vncia dimidia ex aquae fontanae vnciis sex cocta, additis tribus syrupi myrtillorum drachmis, cuius potionis vnciam dimidiam tertia quauis hora hausit. Omnem expectationem superauit remedii effectus in reddendo vigore ac tollendis cunctis illis malis adeo periculosis, e quorum aceruo sola restitit insomnia, quam massae pilularum de cynoglossa parca dosis breui profligauit. Nulla alia vltius vsus medicina optime conualescens iuuenis cibis mox vescebatur, quibus rite subigendis par nondum erat ventriculus, vnde aluus subinde orta liquidior alteram requisuit decocti Haematoxyli exhibitionem, quod absque syrupo addito perfectam reddidit aegroti sanitatem.

## §. XV.

*Vsus in diarrhoea.*

Ipſa diarrhoeae cum dysenteria affinitas, quam in cauſſis atque medela arctiorem, quam quis crederet, eſſe luculenter docuit cel. BALDINGER \*), uſum Haematoxyli in hoc morbo commendare videtur. In omnibus quidem eius ſpeciebus prius illud dare quoque non conducit, quam materia alui fluorem excitans ſatis fuerit exterminata. Si primarius eſt et idiopathicus morbus, ſiue ſtercorea audiat, ſiue bilioſa, ſiue ſeroſa diarrhoea, diuerſa enim eſt pro materiae diuerſitate; in eo, quod modo designauī, ſtadio, niſi ſponte remiſerit, adſtringentia, in iis ſque Haematoxyli decoctum, neceſſaria ducit MACBRIDE \*\*) eiusque virtutes ſaepe expertus egregias quoque praedicat BALDINGERVS \*\*\*). Si alium morbum vna cum reliquis comitatur ſymptomatibus, illius quidem veram et proximam cauſſam aggredi prudentis medici eſt; interdum tamen et ſymptomatis huius, ſi vrgeat, peculiarem habere oportet rationem, cuius rei exemplum ſit diarrhoea phthiſicorum colliquatiua. Quorum morbus cum inſanabilis ſit, certe ubi eo vehementiae proceſſit, vt fuſi vi febris humores per aluum effluant, profluuium hoc aegrotis moleſtiſſimum ſaltem arcendum eſt, vt *ἐνθαρσύναν* ipſis conciliemus. Difficillime quidem hunc in hac rerum conclamata conditione conſequimur finem, attamen et tunc non proſuſ deſuit Haematoxylum in ſemina, cuius curam me teſte adhibito habuit D. KNIGGE, amicus ſtudioſorumque ſodalis iucundiſſimus.

Sexagenaria haec vitam inde a iuuentute trahens plenam aerumnis, caecis haemorrhoidibus tuſſique continua per aliquot annos laborans, medio hoc anno in veram incidit tympanitidem, vomitu et pertinaciſſima alui obſtipatione comitatam. Oppoſita malo efficaciſſima quaeque re-

\*) *Von den krankheiten einer armee. P. III. Sect. 3. Cap. 4. torum.*

\*\*) *Einleitung in die theor. und praetiſche arzneykunſt. II. Tb. pag. 747. 749.*

\*\*\*) *l. c. p. 455.*

media impedire nequierunt, quo tussis, dyspnoea, abdominis intumescencia pulsusque celeris debilitas, vna cum virium deiectione minus in dies ingrauescerent, quibus procliuitas ad vomitum sese adsociabat. Tartarus denique tartarificatus, dissolutus in aqua foeniculi et syrupo domestico, ingentem flatuum copiam supra infraque propellens, totius morbi faciem in meliorem commutauit; quae vero salutis spes cum vix aliquot dies affulgeret, pulsus hecticus, tussis et sputa flaua caenosa redierunt, aluumque decies de die deponere coacta est. Saturatissimum corticis peruiani decoctum addita aqua cinnamomi hordeata diu vsurpatum ne minimam quidem opem attulit; itaque Haematoxyli sesquiuncia in aquae nouem vnciis cocta largioribus propinabatur dosibus, aliquoties absque leuamine repetitis. Denique extracti eius gummosi sex drachmae, in vnciis octo aquae menthae piperitidis sine vino paratae, dissolutae continuato vsu deiectionum aluinarum numerum ita redegerunt, vt tres tantum quatuorue de die, minori simul copia, superessent. Quamuis nunc omnem medicamentorum vsum recuset, vltra quinarium non adscendit depositionum numerus, neque vires ex vsu remedii refocillatas quodammodo fuisse negari potest.

De diarrhoea vere critica nullus mihi sermo est, huic enim adstringentia adhibere summae temeritatis indicium esset; sed oriuntur non raro diarrhoeae sub finem variorum morborum, febrium quoque, quibus, quamquam morbum soluere videantur, non prorsus indulgendum est. Talis est diarrhoea, quam PRINGLE in febre putrida castrensi obseruatam describit, quae critica quidem, prouide reprimenda est, cum largioribus euacuationibus ferendis aegroti non pares deprehendantur in hoc morbi stadio \*). Tunc quoque, licet neminem auctorem habeam, Haematoxylum, tamquam leniter et secure adstringens medicamentum suadere nullus dubito. Saepe etiam primam infirmitatem superatam sequitur alui profluuium, pro critico minime habendum, sed morbum secundarium constituens difficulter debellandum, quod in lienteria praecipue nun-

\*) l. c. p. 375.



quam fere non accidit. In diarrhoea eiusmodi post lienteriam exorta, quam cortex peruuianus vincere non potuit, praestantissimum sese praebuit Haematotoxylum \*). Habitualis quoque et diuturnus alui fluxus obseruatur, qui vel in dysenteriam facile abit, vel ortum ex eadem ducit, et ad quem omnia, quae de dysenteria chronica proposui, censeo esse referenda.

### §. XVI.

#### *Vires eius comparatae cum viribus corticis et opii.*

Tonum reddituri intestinis a dysenteria aut diarrhoea languidis, auxilium in cortice peruuiano diu ante quaesierunt medici, quam virium Haematotoxylī periculum factum fuerit, et maior pars nunc quoque eodem praestantissimo roborante remedio in hoc casu utitur; sed variis adducor rationibus, ut promiscua eorum praeconia, quibus eum collaudant, disquisitione egere existimem perspicaciori. Sua utriusque remedio manet laus, suus utriusque agendi locus, nec ubi cortex utiliter adhibetur, ibi Haematotoxylum semper iuuat, nec in huius locum ille eodem cum effectu ubique surrogatur. Corticem enim chinae cum virtute antiseptica Haematotoxilo antecellentem (§. XI) probauerim, in omnibus illis casibus vnicum et potissimum praedicare oportet remedium, ubi vniuersae colliquationis humorum putredinosae potior, quam confirmationis intestinorum ratio est habenda. Cum itaque aphthae fauces occupant, petechiae apparent, gangraenosa extremitatum corporis corruptio coepit, febris maligna dysenteriam comitatur, totum corpus insigniter languet, quisnam de necessario corticis peruuiani usu dubitaret? Optimum auxilium eum ferre obseruauit CLARKE \*\*) in dysenteria putrida epidemica, cuius eadem, quae febrium continuarum remittentium, causae sint; minus tamen in genere virtutem eius in dysenteria putrida fatetur esse exploratam, quam in febribus, quippe qui non raro ipsi defuerit. Sub omnibus illis, quas praecedente paragrapho exposui,

\*) V. KNIGGE *diff. de mensba piperiside. p. 26.*

\*\*) *Betrachtungen über die krankheiten in heißen gegenden. p. 159.*

conditionibus longe superatur ab Haematoxylo cortex, quod tum eae comprobant, quas ipse adduxi, morborum historiae, tum aliorum testimonia satis affirmant. Expres-  
sis enim verbis testatur, quem modo excitaui CLARKE \*), se tunc quoque, cum morbo superato intestina corroborare studuisset, minorem plerumque expertum fuisse corticis efficaciam, quam aliorum, in quibus Lignum Campechianum numerat, remediorum. Ad praecauendum morbi reditum corticem suadens MONRO, scilicet remedium, quo nullum sit in hunc finem potentius, argute subiungit, robur aliquod ante conciliandum esse intestinis, quam cortici locus concederetur \*\*). Itaque sic habendum est, si putrida humorum resolutio vrgeat, si febris maligna adsit, si omnis corporis fibra robore egeat, corticem peruianum praeualere \*\*\*); si vero partialis intestinorum laxitas auxilium requirat, Haematoxylum ipsi esse praeferendum, saepiusque accidere, vt vtriusque medicamenti virtutem combinari necesse sit. Aliud est, nec minus solenne pluribus medicis ad vim morbi huius refranandam medicinae genus, quod anodyna exhibeant; neque satis disquirere iam possum, quonam in statu aegris talia vere con-  
ducant, quippe suo loco saluberrima. Vbi vero id tantum agimus, vt alui nimium compescamus profluuium, nec dolorem sedare simul mens est, tutius ab Haematoxylo, quam a soporiferis auxilium speratur. Secretionem quidem materiae cohibet opium, sed tantum abest, vt validiora inde reddantur intestina; vniuersalem potius relinquit infirmitatem, quam MACBRIDE quoque veretur †). Tunc quoque, cum in cortice opem quaerere oportet, anodynorum in locum, quae medicorum plurimi addunt, cum putridae humorum indoli faueant, Haematoxylum substituendum esse existimo; neque in hoc casu ob vires antispasmodicas atque simul tonicas digna non est Inula dysenterica, quae vltcrius experiundo innotescat.

\*) *l. c. p. 150.*

\*\*) *l. c. p. 241.*

\*\*\*)) Cascarillae cortex cum proxime ad corticem peruianum viribus accedat, eadem de eo ferenda est sententia.

†) *l. c. p. 749.*

## §. XVII.

*Modus exhibendi.*

Cum simplicissimus, tum optimus virtutis Haematoxyli in usum vocandae modus mihi videtur, si solum lignum rasum ea, quam in enarrationibus morborum modo indicavi, proportionem in aqua coctum ad vnciam dimidiam ter, quater, saepiusque de die pro re nata porrigatur. Alii cinnamomum addiderunt \*), aut in aqua calcis decoctum praebuerunt cinnamomo quoque addito \*\*). Extractum resinofum cum gummoso mixtum, quale confici iubet *Pharmacopoea Edinburgensis* \*\*\*), commendat FORDYCE absque additamento in pilulas formatum, quarum vero magnitudo aegrotis non molesta esse non potest, cum e duabus extracti drachmis viginti pilulas fieri velit, earumque tres quatuorue sexta quavis hora deglutiri †). Solutum in aqua fontana, et cinnamomi spirituosa cum pauca tincturae iaponicae quantitate coniunctum dedit PRINGLE ††), in aqua et spiritu vini gallici MONRO †††). Cum primis arridet mihi methodus ill. BALDINGERI, drachmam extracti in aqua menthae crispae vncia dissolventis \*), quam observatio supra (§. XV.) relata interdum potioem esse comprobatur decocti exhibitione. In terris Indiae orientalis extracti nullum vidit effectum CLARKE, propterea forsitan, quod situ facile corrumpatur \*\*). Syrupum e decocto conficiendum curavi, qui grato sapore et colore, nec non virtute leniter subadstringente se commendat. Nec in enemate adhibitam aquam, in qua coctum Haematoxylum fuit, exoptatum non edituram esse effectum existimo, si aphthae fauces obsidentes aut aliud eiusmodi obstaculum, quo minus hauriatur, impediant.

\*) CLARKE l. c. p. 255.

\*\*) MACBRIDE l. c. p. 749.

\*\*\*) p. 166.

†) FORDYCE *grundsätze der ausübenden arzneigelahrtheit*. p. 155.

††) l. c. p. 331.

†††) l. c. p. 591.

\*) l. c. p. 455.

\*\*) l. c. p. 158.

Singula medicamenta extracti ope Americanos Surinamenses colorare refert cl. ROTTBOELL \*).

§. XVIII.

*Vsus tinctorius,*

Color, quem Lignum Campechianum in aqua coctum pannis laneis inducit, similis est cerasorum, sed in aëre non persistens in pallide badium mutatur. Addito alumine purpureus violaceusque paratur, æque minus constans. Eodem vitio laborat canus varii generis color, qui ex Haematoxylo, gallis et vitriolo martis conficitur: sed optimus et ingenuus ligni vsus est tinctoribus pileorumque opificibus in nigrore pannis et coactilibus conciliando, si gallas itidem et vitriolum ipsi adiecerint.

Omnem sic ad finem perduxi commentationem de Haematoxylo Campechiano, quam cum pro exiguo virium modulo adornare diligenter studuissem, æqui consulat eruditus quisque vehementer rogo, neque omni vtilitate destitutam tempus comprobet, vehementius opto.

\*) v. *Acta litterar. Hafn.* 1778. p. 290.

XX.

DR. IOANN. DANIEL. CARL

DISSERTATIO

DE

VIRIBUS CHAMOMILLAE.

GOETTINGAE,

1775.

XX

DR. JOHN HANSEL CARD

MISSISSAUGA

ALFRED C. COMPTON

MISSISSAUGA

## P R A E F A T I O.

Indigena quaedam remedia permultis exoticis longe praefenda esse, iam aliquoties monuerunt medici. Nullo enim non tempore nimis laudata fuere exotica illa, quae ex diffitis regionibus allata. Nimirum nec Graeci ipsi a vana illa opinione prorsus alieni fuisse videntur, ea, quae in exteris regionibus genita, indigenis magis efficacia esse, illorumque usu melius mederi morbis, quam horum, quae patria largiretur. Arabes etiam suo tempore, nec non medici a Sec. XV. initio ad nostrum fere usque tempus, nimium omnino laudibus ornarunt, quae illis innotuerunt varia aromata calidiora, et vegetabilia Indiae utriusque, quae magno emuntur pretio, et nocent saepius quam iuuant, immo saepissime in artis exercitio non tam eximiam praestant vim remedialem, quam inuentores illis magna ostentatione tribuunt, nec non alii nimis creduli, inuentorum auctoritate decepti, quum saepe non accurate satis examinarent illorum commenta.

Quamquam vero haec omnia verissima sint, pauci tamen hodie imitantur illustre Suetorum exemplum, qui vero amore patriae et ciuium, magno studio tentarunt, plantas in Suecia indigenas inuestigare, quibus omne morborum genus sanare possent. Sine artis detrimento, quod ex illorum obseruationibus patet, facile possunt carere permultis remediis, quae antea magno pretio emenda erant ab exteris \*).

Germania nostra inprimis vegetabilibus abundat, quorum vis remedialis tot repetitis experimentis adeo comprobata, ut iure meritoque permultis exoticis longe praefenda sint in exercitio artis nostrae. Pauca saltem ex multis, ut adducam exempla, nominasse sufficiat: Millefolium, Alchimillam, Allium, Scordium, Sambucum, Taraxacum, Fumariam, Absinthium, Iuniperum, Valerianam, Ebulum, Asarum, Arum, Cicho-

\*) vid. Berättelser till Rikshens Högskola. Ständer rörande medicinala Verkens Tillstånd J. Riket ingifne vid Riks Dagen 1769 af Kongl. Colleg. med. u. s. tv. Upsala 1769. 8vo.

rium, radicem Graminis, Bardanam, Saponariam, Armoricam, multaque antiscorbutica notissima, Pinum, Sonchum, Hordeum, Arnicam, Altheam, Maluam, Helleborum, Muscum islandicum, Cherefolium, Centaurium minus, Carduum benedictum, Rubum Idaeum, Fragam vescam, fructus horaeos, Nasturtium aquaticum, et plantas nonnullas, quae non multum a ferulaceis illis praestantissimis differunt, licet apud nos rarius in usu sint, Leuisiticum, Imperatoriam, Enulam. Adde his aliquot Salicis species, Hippocastanum, herbam Chamaedryos et Chamaeipyrtios, ut probe instructam officinam pharmaceuticam haberemus, si illis iungere vellemus ex regno animali, Formicas, Millepedes, Cornu Cerui, et ex minerali denique Salia fontium Germaniae, cineres clauellatos, Succinum, Calcem viuam, Martem, Vitriolum, Nitrum, Alumen, Sulphur ac Salia neutra artefacta, Antimonium. Accedit producta alia, quae vñibus medicis inserviunt, etiam in Germania ipsa parari v. c. Sal Ammoniacum, Saponem vegeto mineralem, Sal mirabile Glauberi, Spiritum Vini, Sal Tartari, Oleum Vitrioli, Cinnabarim et alia multa. Exotica denique praestantiora nuper in patria nostra, cuius ager adeo fertilis est, colere coeperunt, quorsum pertinet rhabarbarum et Rubia Tinctorum, et largam messem promittunt agricolis plantae in agro nostro laete crescentes, quas ciuitatis iure nuper donarunt. Aliae fortassis plantae exoticæ non differunt a nostris, sicut radix Salep, quae coniectura est verosimilis Ill. SPIELMANNI; saltim Orchis nostra MORIO L. eandem vim probauit Cl. QVARIN. Optimo igitur consilio continuanda foret industria nonnullorum, qui de reformandis pharmacopoliis, et de minuendis pharmacis, saluberrima dederunt hoc seculo consilia.

Verosimile est admodum, exiguum esse numerum exoticorum, aut saltim cum multum minui posse, quibus plane non potest carere medicus in praxi. Eius generis videntur Cortex peruuianus, Cascarillae, Aurantiorum, inprimis Curassauensium, Cinnamomi, Simarubae, Guaiacum, Sassafras, radix Rhabarbari, Sassaaparilla, Senega, Zedoaria, Ialappa, Serpentaria virginiana, Gentiana rubra, Squilla, fortassis quoque Ipecacuanha, Sagu, maxime vero Gummata illa ferulacea dicta, Tamarindi et Cassia, Manna, Aloe, Opium, Myrrha,



*Balsama nonnulla natiua, Oleum oliuarum, olea exotica aetherea et fragrantia, Caricae pingues, Camphora, Moschus, Stannum anglicanum, Saccharum lactis, Cremor tartari, Hydragryrus, et quae sunt reliqua, quae vere selectum sistunt rationalem medicamentorum, quibus vera inest vis remedialis. Chamomillam officinarum in praesenti specimine placuit denuo pertractare, quam recte primarium euporiston vocat FRID. HOFMANNVS in clav. SCHRÖDERIANA, et polychrestum remedium SIMON PAVLI. Eius eximia virtus antiquissimis temporibus iamiam celebrata fuit, quae per tot secula sese commendavit, et hodie etiam magni aestimatur. Quare videbor fortassis nonnullis Iliada post Homerum scribere. Sed sciendum est me apud neminem recentiorum, qui huius plantae mentionem fecerunt, vel illam in libellis academicis seorsim pertractarunt, omnes vires collectim recensitas inuenisse, quas in tot libris passim annotatas, et observationibus confirmatas inuenire contigit mihi, cum ex instituto consulerem medicorum monimenta. Similem laborem iam ante me suscepit Ill. HALLERVS, qui in altera editione stirpium Helvetiae, magno studio collegit ubique notatu maxime digna, circa vires plantarum, sed contentus fuit potissimum, ea annotare tantum, quae sibi praecipua visa sunt, nec omnium plantarum historiam integram medicam scribere voluit vir summus, cui tot ac tanta artis nostrae incrementa debemus. Nemo tam facile in dubium vocabit, utilissimum fore laborem, si unitis viribus societas eruditorum ex tanta librorum multitudine in epitomen redigere vellet historiam medicam simplicium, a primis inuentoribus ad recentissima usque tempora. Quis enim non expertus est, non sine magno temporis dispendio et taedio, ex medicorum scriptis colligi absolutam historiam remediorum simplicium, quae sparsim latet, velut disiecta membra, in tot libris, in quibus saepe vix expectare licet, quae ad historiam illam pertinent, cuius utilitatem nemo negare potest, qui didicit: morbis promptius mederi posse, cum calleat medicus efficacia remedia, quorum vim probatam alii iamiam nobiscum communicarunt. Iuvat non minus, si fieri nempe potest, annotare ubique, quis primus omnium vim aliquam remedialem obseruauerit, nam dulcius ex ipsis fontibus bibuntur aquae. Haec itaque lex esto et norma in recensendis chamomillae viribus, ut solliciti, quot-*

---

*quot huius plantae vires inuenire potuerim, seorsim exhibeam, omnes vero examini subiiciam, et ut decet, sincere ac candide moneam, quae suo loco monenda, ut demum appareat, quibus morbis chamomilla vulgo dicta, mederi possit, quae certissime permultis aliis ex utraque India allatis simplicibus palmam praeripit, hinc iustas meretur laudes summorum virorum, quod, nisi omnia me fallunt, ex specimine meo luculenter satis patebit.*

---

## §. I.

*Chamomilla officinarum* quid?

Quae in officinis asseruantur plantae, quibus Chamomillae nomen imponunt vulgo, non vnus eiusdemque sunt generis. Paucis vero nunc sufficit indicasse verbis, de quibusnam plantis mihi potissimum sermo sit, cum exulta hodie botanica, non sicut olim, tantis difficultatibus prematur plantarum cognitio, et faciliori longe negotio vna ab altera distingui possit, quae genere differt planta, olim admodum consule descripta, vt Oracula Delphica non adeo obscura, quam descriptiones plantarum apud veteres auctores. Sic Chamaemelum olim erat genus quoddam plantarum, non accurate satis definitum, plantas continens permultas, quas summo iure recentiores in aliquot genera diuersa distribuere docuerunt. Plantas omnes, quibus olim nomen Chamaemeli datum fuit, pro genio seculi, sermone prolixiori recensuit Io. BAVHIN, in *histor. plantar. vniu.* T. II. Cap. XIII. p. 115.

Occurrit etiam in Onomatologia Botanica, nuper edita, relatio prolixa de Chamaemeli apud varios auctores significatu. *III.* LINNE'VS in *Spec. Pl.* et *III.* HALLERVS in edit. altera *Stirpium Heluetiae*, suis locis vbique inter synonyma annotarunt, quibus plantis olim Chamaemeli fuerit nomen. In libris materiae medicae, recentissimis temporibus GEOFFROY, LEWIS, *III.* SPIELMANN aliquot genera plantarum, more antecessorum ad Chamomillam officinarum retulerunt. Solam ego intelligo Chamomillam vulgarem et romanam, missis omnibus reliquis, quibus idem fuit olim nomen. Est vero *Chamomilla vulgaris* planta, quam *Matricariam Chamomillam* L. vocat, ed. *Spec. II.* p. 1266, quae apud HALLERVM l. c. p. 143. describitur. *Chamomilla romana* est *Anthemis nobilis* L. l. c. p. 1260. Graecum nomen *Dioscoridis* *Avdēpus* restituit *III.* *Eques*, cum admodum verosimile sit, plantam nostram esse illam, cui illud nomen olim fuit. Asseruatur quoque in officinis varietas floribus plenis romanae, et

ordo medicorum Parisiensis iam ante aliquot tempus ciuitatis iure illam donauit. De dissensu, quatenus ex illis alteri sit praeferenda, alibi opportuna differendi erit occasio. *Chamaemelum* veteres graeci scripsere, *Chamomilla* barbari. Chamomillae adnumerant non pauci, et ex nuperis *Ill. SPIELMANN*, nec non *LEWIS* plantam, quae apud *L.* audit *Anthemis Cotula*, l. c. p. 1281. et apud *Ill. HALLERVM* describitur l. c. p. 44. Non solum in officinis errore nonnunquam Cotulam, quae vulgo foetida vocatur, loco Chamomillae vulgaris interdum exhiberi scio, sed annotatum etiam inuenio, errasse quoque scriptores in viribus recensendis, et *RAII* obseruationem de Chamomillae viribus in Scrophulis, de Cotula foetida potius intelligendam esse. Testimonia occurrunt apud *HALLERVM*, consilio nonnunquam, loco Chamomillae vulgaris, forma clysterum, adhibitam fuisse Cotulam. Odor foetidus et molestus, distinguit Cotulam ab aliis plantis, quae habitu et similitudine aliqua conueniunt, maxime vero a Chamomillis officinarum. Sed etiam chemicum examen discrimen a Chamomillis docuit. Ex triginta nimirum libris Cotulae *Ill. SPIELMANNVS* nullum obtinuit oleum. Candide fatentur alii, vires Cotulae nulla fide digna obseruatione confirmatas reperiri in monimentis medicorum. Ad Chamomillam redeo. Non fugit me, fallax esse argumentum virium plantae cuiusdam, quae centies ab auctoribus laudatur, saepe enim ex nonaginta nouem, vnus alterum allegauit, vt bene monuit de Opio *YOUNG*. Sed nulla fere occurrit in materia medica planta, quae tot repetitis multorum obseruationibus et experimentis confirmauerit efficaciam in sanandis morbis permultis, quam Chamomilla. Inde factum, vt principes viri in arte nostra, vno ore omnes fateri coacti sint autopti, Chamomillam et romanam et vulgarem, donum esse diuinum, mortalibus vtilissimum. Illustris *TRILLERVS*, vir annis et meritis conspicuus, in *Thef. Pharmaceut. s. Disp. vniu.* p. 130. qua pollet facundia, mirifice laudat Chamomillam, polychrestum et panchrestum remedium vocat, nec non pauperum Panaceam et aegrotorum Nepenthes, et haec omnia quidem verax. Scripserat *ALBERTVS BVLIGHIVS*,

D. et Phys. Neo-Ruppinensis in Marchia, libellum, cui titulus *Anthemiatrice* s. *Medicatio per Chamomillam*, cuius *plantae natura et usus ita docetur, ut eam esse instar Panaceae*, sed nunquam prodiit in lucem, cum mors e viuentium numero eriperet auctorem, antequam cum orbe erudito communicare posset doctas suas lucubrationes. BARTHOL. ZORN in auctariis ad THOMAE PANCOVII *herbarium*, et postea in *Botanologia medica*, multus est in recensendis viribus Chamomillae, quas ex obseruatorum libris collegerat. Deinde IO. DAN. SCHEFERVS Diss. Arg. 1700. et SAM. HERZOG Diss. Halae 1730. Praeside b. SCHVLZIO defensam, de Chamomilla edidit. Passim denique in recentiorum libris occurrunt annotationes, de remedii nostri viribus, et vsu polychresto.

Plantae siccatae sapor et odor non adeo penetrans, quam viridis, sed mitis est; et omnino exsiccatio emendat plantam, quae bene asseruata diu efficax, bene monente LEWIS, manet. Sed cum vires delitescant partim in principio volatili, olfactus organon afficiente, quod etiam praeparatis nonnullis communicat, et aromaticis plantis omnino adnumeranda sit Chamomilla, quotannis nouam plantae copiam, quae tot vsibus inseruit, colligendam et in officinis bene asseruandam esse, censeo. Vulgaris odor dulcis est balsamicus, isque non ingratus, romana aroma magis spirat, vulgaris ideo temperata magis, romana magis penetrans et fragrans. Chomomilla odorem suauem habet, qui pomum vinosum refert, multi dixere, et vocis originem deriuant a χαμαὶ *humile* et μῆλον, pomum, quia humi haeret, et odorem pomi habet. Odor tamen, hinc et olei destillati copia, differt pro diuersitate loci natalis. Vulgaris habet saporem mucilaginosum, romana asharum magis et aromaticum. Aromaticam qualitatem ex sapore, odore, et oleo cognoscendam, ETTMULLERVS iamiam annotauit, ita tamen, vt haec qualitas in romana maior sit.

## §. II.

### *Analysis chemica.*

Ab oleo incipiam, quod per destillationem obtinetur. Olei, quod vulgaris largitur, coloris amoeni, sapphirini,

apud non paucos fit mentio, et quod suo loco moneam, diu iamiam in usu illud fuit. Sic meminerunt olei huius SIMON PAVLI l. c. TH. BARTHOLIN, Act. Hafn. P. I. p. 76. TEICHMEYER, *Chym.* p. 66. NEVMANN, prael. chem. ed. ZIMMERMANNI p. 769.; REDI T. II. p. 139.; ETTMULLER, l. c. FABRICIUS in Dissert. de oleis aether. destillat. Io. BOHN, in *epist. de alc. et acid. insuffic.* acced. ei. *Diss. phys. chym.* Lips. 1696. 8vo. p. 535. etiam MYLIUS, in *Pharm. spagyr.* Non in disco et flosculis flosculosis, sed in calice potissimum latere oleum hoc, NEVMANNVS l. c. p. 169. annotauit. Causam eximii coloris deriuarunt nonnulli a vesica cuprea, e qua destillatum, sed ex obseruatione SIM. PAVLI iam 1664. facta, aequae coeruleum obtinetur, si vase vitreo instituitur destillatio florum Chamomillae vulgarium exsiccatorum, quod pariter dixit ETTMULLER l. c. Io. BOHN l. c. et. b. VOGELIUS in *Chemia* p. 133. Perperam itaque RICHTER in libello de corruptione medicamentorum p. 20. dixit, hunc coeruleum colorem esse adulterii signum, est enim color naturalis, et millefolium, galbanum, pimpinellae nigrae radix ac seselios montani semen, simile oleum coeruleum stillant. Eius tamen color sapphirinus post aliquot tempus mutatur, et in album degenerauit, notante THOM. BARTHOLINO. l. c. p. 76., BOHN (l. c. p. 536.) aëre externo inprimis saepius admissio, per plures tamen annos LEWIS vidit coeruleum mansisse, rariori certe exemplo, et fortassis optime seruatum, vetustum fit alias etiam viride-flauum et fuscum. Credidit FR. HOFFMANNVS in obs. phys. chym. p. 11. si color post integrum annum adhuc constans coeruleus, oleum mangonifatum esse. Sed cadit hypothesis auctoritate Cl. LEWIS, et prolixè iam respondit NEVMANN p. 770. A solo natali repetunt alii causam coloris coerulei elegantissimi, coniectura valde verosimili. Ab aliis etiam causis mutari posse colorem, non mirum est, et ex physico-chymicis rationibus, de diuersitate oleorum aethereorum, a b. VOGELIO in *Chym.* allatis, facile intelligitur. Iisdem fere causis debetur, non eandem copiam olei semper obtineri. Ex integra libra NEVMANNVS paucam quantitatem, scru-

pulum vnum; drachmam integram *III.* SPIELMANN, et tres accepit LEWIS. Oleum destillatum romanae est colore flauum, et quantitate longe superat vulgarem, omnium consensu, hinc a maiori copia olei essentialis, maior etiam vis romanae pendet. Est omnino magna copia olei, quod ex vulgaris integra libra accepit LEWIS, scilicet quinque drachmas elicuit. Vulgaris adulterium frequens fit addito terebinthinae oleo, vna cum floribus chamomillae destillato, vt aequae rarum sit verum oleum chamomillae, quam oleum cinnamomi, vt ait b. NEWMANN.

Extractum largitur vtraque, tam aquosum, quam spirituosum, cuius quantitas omnino insignis est, proportio tamen non eadem ab auctoribus annotatur. Ex vtraque  $\frac{1}{2}$  aquosi et  $\frac{3}{8}$  spirituosi NEWMANNVS obtinuit. Vtrumque inertius esse, non mirum, nam per violentam coctionem pars bona principii illius volatilis, quod tam eximie in neruos agit, horumque motus nimios compescit, dissipatur. Ex romana fere  $\frac{1}{2}$  extr. aquosi, et  $\frac{1}{3}$  spirituosi, et eandem fere quantitatem ex vulgari, CARTHEUSERVS accepit. Recentiores, cum melius perspexerint rationes, cur non in eadem proportionem possimus obtinere semper partes sic dictas constitutiuas, has quidem non negligunt, at in recensendis et determinandis illis, non tam anxie curant dissensum circa quantitatem, quam ii, qui in ea erant opinione, vires vnice pendere a proportionem, quam chemicum examen extorquet. Ex eadem planta, nunc recenti, nunc sicca, alia proportio partium elicitur. Sic iam annotauit FEISTL in *Diff. vegetabilia recentiora siccis esse praeferenda* Alt. 1740, Chamomillam recentem maiori olei copia turgidam esse, quam siccam. Quum in chamomilla pars aromatica praecipue sit efficax, facile intelligitur, aquosum extractum esse fere iners, cum resinofum teste CARTHEUSERO et LEWIS, et tinctura spirituosum, optimam possideant vim. Nimis fere subtilis est descriptio examinis chemici chamomillae vulgaris, quam dedit GEOFROY. Is enim spiritum vrinosum, sal volatile vrinosum, et aquam acidulam colorem chartae coeruleum rubro colore tingentem, ait se obtinuisse, ac Chamomillae tribuit sal ammoniacale cum acido saturatum, et duplex oleum,

tenerius et crassius, quae quidem principia arctius sinter se vnita. In extracto, cuius sapor amarus falsus, tandem in eius superficie crytalli minores visae sunt a Cel. LEWIS. Idem obseruatur in aliis praestantiorum herbarum extractis, et crytalli illae sunt partim species salis natiui essentialis, partim species salis aduentitii, partim denique, vt verosimile est, nascuntur ex noua vnione et syncrifi. Monuit SIMON PAULI, infusum vinosum aliquoties cohobatum, adeo falsum fuisse sapore, quasi admixta esset larga salis communis portio. Illud principium salinum quoque fuisse aduentitium *III.* CARTHEUSERVS affirmat. Qualitates manifestae, odor, sapor, immo chemica analysis vtriusque plantae, notabile discrimen ostendunt, vt auctorum consensu vires vtriusque non perfecte conueniant, hinc aliis vsibus alia planta adhibenda sit, de quibus mox dicam. Quamquam vero haec ita sint, ab aliis tamen promiscue romana et vulgaris adhiberi solet, immo propter qualitates mitiores vulgaris, haec magis in vsu esse consuevit, et praefertur.

Romanam magis exaestuare bene monet GEOFFROY. Vulgarem in Electuario amauit FRID. HOFMANNVS in M. R. S. Romanam propter vim magis penetrantem externis vsibus potissimum, tanquam neruinum et resoluens remedium commendat Io. IVNCKER in *Therap. gen.* Romanam magis neruinam esse, vulgarem magis emollientem, monitum est *III.* CARTHEUSERI, ab analysi chemica desumptum. Idem ad febres intermittentes sanandas maluit romanam adhiberi; item in sacculis pro epithemate saepius laudatur romana, tanquam magis efficax; quam vbique prae vulgari commendat *III.* HALLERVS. Solam vulgarem b. SCHVLTZIVS in *mat. med.* omissa altera, pertractauit. Cl. GERHARD *III.* CARTHEUSERI epitomator, a praeceptore vix dissentit; et ait ille: in vulgari abundare spiritum rectorem balsamicum, et vaporosum principium, in romana principium aromaticum et olei aetherei copiam. Romana iam olim in anglia officinarum fuit. NEVMANNVS fateri debet, romanae vires quamquam magis excitantes, rarius tamen in vsu esse. Parisini teste LEWIS promiscue vtraque vtuntur et DANIEL



LYDOVICI in *Pharmac.* credidit iamiam, sufficere vulgarem, et nos posse carere prorsus romana. *Cel. PLENK* in *mat. met. chir.* mauult vbique adhibere vulgarem, et nescio qua ratione permotus dixerit, esse efficacem magis. Sed haec sufficiant de medicorum dissidiis. Sua vtilitate quaeuis non caret, et facile est diiudicare, in quonam casu haec vel illa sit adhibenda. Interim facile quoque patet, non semper annotasse obseruatores, quam plantam adhibuerint, sed cum vires vtriusque sibi similes sint, exceptis tamen praeparatis quibusdam, discrimen exigui momenti credidisse.

### §. III.

#### *Praeparata simplicia.*

Ea vulgo praeparata efficacia censemus, quae plantarum spiritum rectorem, principium aromaticum, oleosum, gummosum, resinosum, salinum, fixas vel volatiles partes continent. Praeter oleum illud coeruleum essentiale vulgaris, quod in Elaeosacchari forma, vel ex brodio potissimum, propinare solebant medici, et extractum spirituosum, in pilulis vel elixirio, cum aliis, v. c. Gummi ammoniaco, myrrha, oleo destillato rutae, etc. de quibus suo dicam loco, adhibendum, aqua destillata, Syrupus, Tinctura spirituosa, seu essentia, eximia sunt pharmaca, quorum efficacia in praxi saepius confirmata legitur. Aquam florum destillatam iam parare iubet VALERIUS CORDVS, cuius memoriam toties recoluit *Ill. SPIELMANN*, et quam laudat BOERHAAVIUS in *Chymia*, (idem cohobatam in *historia Plantarum*.) quae odorem et vires habet plantae, monente HALLERO, cuius fit mentio apud SIM. PAVLI, HERMANNVM, et SCHVLTZIVM, officinalem esse iubent Edinburgeses.

Aquam destillatam cum aliis remediis fomentationis forma adhibuit olim KEYLAV. Inprimis magni facit aquam *Ill. TRILLERS*. Aquam esse balsam *HILL* et *GEOFFROY* annotarunt. Aquam cum vino per destillationem paratam, laudant AMATVS LYSITANVS et ETTMÜLLER. Aquam ex succo florum destillatam

FONSECA nec non ZACVTVS LVSITANVS, saluberrimam inuenerunt.

Essentia vtriusque, non minus ab ETTMVLLERO, CARTHEVSERO laudatur. Dicit Cl. LEWIS, chamomillam cum spiritu vini destillatam, partem aliquam principii efficacis in se recipere, partem vero in extracto remanere. Tinctura spirituosa occurrit in Pharmacop. Parisin. Extractum ipsum non solum frequenter praescribitur in pilulis antispasmodicis, neruinis, vterinis, contra mulierum morbos, sed etiam in *Pharmacop. Edinb.* quem meretur locum, inuenit, quamquam sit debilius.

Syrupus commodum excipiens boli, electuarii iam occurrit in *Pharmacopoea Augustana*. Oleum infusum laudabat AETIVS, coctum ARETAEVS, et locum inuenit in Pharmi. Edinb. Sed recte dixit LEWIS, non magnam vim expectari posse ab oleo illo cocto; nam oleum antequam incalescit ad eum gradum, ut ebulliat, sustinuit vehementiorem ignem, qui destruxit iamiam gratum aroma chamomillae, ut vires, quas illo oleo tribuunt, potissimum ab oleo presso emolliente repetendae sint. Meliori methodo oleum coctum parare docuit NEVMANN l. c. p. 771.

#### §. IV.

##### *Praeparata composita.*

De his fere idem monendum, quod de aliis compositis, quae Sec. XVI. et XVII. frequenter in usu erant, esse partim vana, partim superflua, et magis saepe nocere, quam prodesse. Quare paucis verbis indicasse praecipua sufficiat. Addita fuit chamomilla aromatibus et calidis remediis, ex quibus olim parabant aquas carminatiuas, quarum variae formulae passim occurrunt.

Sunt: 1) *Aqua Carminatiua* DORNCREILII, et *Pharmac. August.* ex chamomilla et variis aromatibus composita, ad duo cochlearia sumenda. Vehementer illam laudat b. HOFFMANNVS, in *Diff. de specif.* Occurrit aqua contra flatum s. vino, in catal. compos. ap. HERMANN.

- 2) *Aqua Carminatiua* SCHRÖDERI, cum vino, cuius dosis drachma vna et dimidia. Calida omnino medicina, caute praescribenda.
- 3) *Aqua Carminatiua* WÜRTENBERG. DORNCREILII est compositio correcta.
- 4) *Aqua Carminatiua spirituosu Würtembergensium*, etiam calida medicina, parca dosi ad aliquot drachmas fumenda.

Exstat quoque *Essentia Chamomillae* WEDELII, et in sequentibus compositis flores chamomillae occurrunt, scil.

- 1) in *Essentia Carminatiua* MICHAELIS.
- 2) in *Spiritu Carminatiuo* SYLVII.
- 3) in *Aqua Carminatiua Norimbergensium*.
- 4) in *unguento martiato*.
- 5) in *emplastro de meliloto*.
- 6) in *emplastro de ranis cum mercurio* Io. de VIGO.
- 7) in *Aqua Carminatiua* MYSICHTI.

Nobis solummodo placet aqua cohobata ex magis compositis. Oleum destillatum nonnunquam addito oleo terebinthinae corrumpi, supra dixi. Sed consilio HARTMANNVS et SENNERTVS oleum Chamomillae cum terebinthina destillare simul iubent, vt oriatur balsami species ad vulnera sananda. Terebinthinae loco addita fuit ab aliis rasura ligni pini. Sed ETTMÜLLER superflua omnia iamiam declarauit.

Conseruam et sal THEODORVS vulgo TABERNAEMONTANVS, iamiam nominauit. Sal, quem laudat quoque ZORN, sed prae aliis salium generibus per incinerationem paratis, nullam vim singularem habere videtur, in iisdem morbis, in quibus prodest sal cardui benedicti, absinthii, utilis fuisse dicitur. De sale annotauit GMELIN in Act. Petrop. T. V. p. 289. hunc esse impurum, acidum continere et phlogiston. Conserua tamen efficax et non contemnenda est. Plura composita leguntur apud HERMANNVM in *Cynof. mat. med.* P. I. pag. 575. Sed vix laudare possum formulas, quibus nimia opiatorum copia admixta. Reliqua composita, quae olim in officinis asseruata fuere, omitto, cum hodie magis selecta remedia in promptu habeamus, nosque illis facile possimus carere.

## §. V.

*Praescriptio extemporalis.*

Forma tam simplici, quam composita, additis scilicet aliis, remediis, vario modo prodest chamomilla, quod ex ante dictis patet. Flauedinem chamomillae, pulueris forma, mole modo maiori, modo minori, vna vice sumenda, praescriptam fuisse, scripta medicorum testantur. Et ea quidem forma pro vsu interno admodum efficax sistit medicamentum, vt suo loco videbimus. Idem puluis saepe in bolo vel electuario exhibitus fuit. Pro excipiente inseruire potest et conserua et syrupus. Extracta in pilulis vel elixirio praescribenda esse, formularum doctrina docet. Itidem aqua propria, simplex vel cohobata, menstrum esto. Oleum destillatum Elaeosacchari forma optime propinabis. Si placet menstruum et potionis forma, cum aqua et syrupo eiusdem plantae illam concinnare possumus. Oleum cum mica panis in pilulas redegit BOERHAAVIUS, et non inepte illud gummatibus aliisque extractis admiscetur, pro pilulis conficiendis. Succum recenter pressum ad vnicas aliquot diu dederunt medici.

Puluis florum in sacculis, modo siccis, modo humidis, frequentissime applicatur externe, ac medicinam multorum constituit domesticam. Infusa denique, decocta, vinosa, aquosa, omnium frequentissime parantur, pro vsibus modo internis, modo externis. Nonnunquam loco menstrui cereuisia sumitur, pro decoquenda chamomilla. Singulis illis iusta laus manet, et ex scopo electio facile diiudicanda erit. Singula enim menstrua efficacia sunt, ac suscipiunt varia proportionem aromaticum chamomillae principium. Infusum theiforme, leni tamen igne paratum, est pro vsu interno vera medicina polychresta, qua carere nollem in artis exercitio. Decoctum specie fomenti, clysteris, iniectionis in vterum, balneorum, pediluuii, infusus, balnei vaporosi, vtilissimum sistit remedium in permultis morborum generibus, vt suis locis videbimus. Decoctum cum lacte paratum, non solum interne, forma potus, sed externe, fomentationis forma, iuuat in morbis magnis et auxilio fuit statim. Aqua, quod antea dixi, non-

nunquam inter fomenta recipitur. Oleum coctum decoctis pro clystere admiscetur, et linimentis ac vnguentis, nec non balsamis externis. Varias formulas communicauit HERMANN I. C. Decoctum, vel infusum nonnunquam constituit haustum pro assumendo puluere. Essentia chamomillae misceri potest, cum essentia, quae similes habet virtutes, item cum extracto spirituofo, vt fiat elixirium, quod, si forma diluta magis desideratur, in aqua propria, ea proportionem dissolui potest, vt cochleatim assumi queat medicamentum.

Reseruabo monita de addendis aliis medicamentis, ad augendam chamomillae vim, suis locis, et vbique addam in specialiori disquisitione, quibus morbis mederi possit chamomilla, simplices compositiones, quas vel medicorum peritia declarauit saluberrimas, vel artis nostrae praecepta, non inutiles fore suadent.

## §. VI.

### *Vires Generatim.*

Qui chamomillae vires propriis obseruationibus edocti annotarunt, illam laudant tanquam antispasmodicam, neruinam, carminatiuam, antifebrilem, emmenagogam, aristolochicam, antihystericam, lithontripticam, diureticam, antipodagricam, antiscorbuticam, anthelminticam, roborantem. Mederi affirmatur recensitis malis, potissimum vero illis, qui a spasmodicis oriuntur, interno vsu. In morbis potissimum intestinorum, et viscerum infimi ventris praestantissimum remedium videtur, et illico praestat opem. Non solum spasmos subito lenit, flatum dispellit, sed etiam viscerum infimi ventris obstructions resoluit, quod GALENVS iamiam sciuit. Planta aromatica haec inprimis neruis grata videtur, et non solum motus a nimia neruorum sensibilitate, sed etiam a nimia fibrarum muscularium irritabilitate, compescit egregie. Inde concipimus, chamomillam permultis morbis spasmodicis, horumque effectibus, scilicet haemorrhagiis naturalibus turbatis, et febribus egregie mederi posse. In morbis pectoris, asthmate, pleuritide spuria, saepissime vtilissima fuit medicina, non aliam ob causam, quam remouendo in primis viis causas

materiales, unde consensus lege illi morbi originem habebant. Vis roborans, nec non neruina, antispasmodica, mihi videntur primariae vires, et ab illis reliquas omnes pendere, ac ex iis explicari posse, facile mihi persuadeo. Sine dubio praecipua virtus chamomillae haec est, vt solida mutet. Hanc veritatem suo tempore iam perspexit ET TMÜLLERVS. Is enim ait: „*neruorum motus compefcit et irritationem fenfibilem.*“ Eam igitur ob cauffam recte concludit, mederi morbis infimi ventris idiopathicis, et pectoris ex consensu cum infimo ventre ortis. Efficaciam chamomillae in solida nostri corporis egregie confirmauit HALES, in libro cui titulus: *Haemoflatique*, p. 134. Is vim quandam stypticam in chamomilla latere probat, vt tarde per vasa tranfeat, sicut *Cinnamomum*. Ea vis docet, cur chamomilla fit tam eximium antipyreticon. In putridis morbis, vsu interno et externo, adhibita fuit, et in gangraena ipsa, scorbuto, sphacelo, antiquiorum temporum medicis eius vis antiseptica iamiam nota fuit, quam recentiori demum tempore, nouis tentaminibus et obseruationibus egregie confirmauit III. PRINGLE; princeps eorum, qui hoc seculum ornant, et ad augendam omnino artem nostram natus, quae gloria paucis contingit.

Non minus CL. MACBRIDE in tentaminibus suis, anglice scriptis p. 130. vim, qua chamomilla resistit putredini, obseruauit, cinnamomo tamen minorem inuenit. Docet haec vis antiseptica similitudinem aliquam florum chamomillae cum cortice peruuiano, quae quidem pharmaca hodie sibi saepe substitui, nonnunquam misceri simul, notum est. Eadem vis antiseptica, qua plurima remedia febrifuga gaudent, inprimis cortex peruuianus, argumentum ab analogia desumptum praebet, chamomillam inter febrifuga optima locum mereri, et magis fidum est argumentum illud, quam illa, quae sola coniectura nituntur, nulla vero fide digna obseruatione confirmantur.

Non solum enim similes qualitates in cortice peruuiano et chamomilla inuenimus, sed virium atque effectuum similitudinem et conuenientiam res ipsa per experientiam docet. Fluida nostri corporis a chamomillae viribus non vna ratione mutantur, ac mutari possunt. Et.

nim alia fluidorum mutatio per chamomillam intelligitur atque concipitur ex aromatica eius qualitate et mixtione, qua statim mutat humores; alia vero ceu effectus roboris per chamomillam aucti, aut spasmi sopiti consideranda venit. „*Corrigendo agit*,“ scribit ETTMÜLLERVS, *hostilem materiam acrem, nervis infensam, et spasmos ac dolores lenit, ac flatum discutit.*“ Valde subtilis nonnunquam est materia morbida, quae nervos ac musculos sic irritat, ut spasmi oriantur vehementes, et saepe maxime efficacia antispasmodica sanant dirissimam convulsionem, sine manifesta quadam euacuatione morbidi, ut nullum sit dubium, inesse remediis nonnullis eam vim singularem, ut spasmos tollere possint, minima dosi et copia exhibita. Non audeo vim omnem medicamentorum, quae saepe mira est, et summam admirationem meretur, methodo demonstratiua, quae nonnullis nimium placuit, explicare, et sufficit, vim illam longo rerum usu cognitam atque perspectam habere. Plura dicam in speciali morborum disquisitione, statim subiungenda.

Quod chamomillae externe adhibitae laudes attinet, vis pargorica, dolores et tumores leniens ac discutiens, resoluens, antiseptica, spasmos sopiens, ab omnibus et singulis agnoscitur. Romana discutiens magis censetur, vulgaris anodyna magis.

Forma remedii externe adhibita et alia admixta, mutant vim.

## §. VII.

### *Vis Febrifuga.*

Vim illam eximiam, qua efficax chamomilla solet mederi febribus intermittentibus, tertianis potissimum, aliquando etiam quartanis, nonnunquam aliorum remediorum usu vix sanabilibus, primo loco pertractare volui, cum sit fere antiquissima omnium, cuius notitiam veteres habuerunt, ut ab omni aevo in usu fuisse, medicorum scripta nos doceant. Aegyptiis notam fuisse vim chamomillae, ad febres sanandas GALENVS libro III. de medicament. simpl. facult. Cap. X. reliquit, ac testatur, plantam apud Aegyptios soli dicatam fuisse, quam omnium febrium putaue-

runt remedium. Rectius tamen GALENVS dixit, in ea febre potius adhibendam esse, quae circa viscerum inflammationem infestaret; maxime, quae ab humore bilioso aut cutis densitate orta esset. Chamomillam enim calidis medicinis adnumeravit, et in aliis febribus, non nisi coctis adhiberi voluit. DIOSCORIDES in *facile parab. L. II. Sect. 25.* in febribus cum rigore per circuitus redeuntibus, inter remedia contra lassitudinem, chamomillae quoque mentionem fecit. In iisdem morbis idem DIOSCORIDIS remedium sic descripsit AETIVS *Tetr. II. Serm. I. Cap. 88. collect. STEPHAN. p. 218.* externe inungendum, ad rigorem febrium tollendum „*Chamaemeli flos tritus et in pastillos formatus, ac in umbra exsiccatus, et usu expectente cum oleo tritus ac illitus.*“ Idem AETIVS *Tetr. I. Serm. I. l. c. p. 10.* testis est, inuentorem vnguenti ex pastillis e floribus chamomillae et oleo, fuisse NECHEPSON, Aegyptium. Totum corpus a capite ad calcem inungi debet hoc linimento; contra rigores. Ibi exstat quoque memorabilis relatio, eundem in potu pastillos exhibuisse febre laborantibus, fabae quantitate, ex aqua calida. Oleum, in quo chamomillae flos maceratus et insolatus, eodem occurrit loco. ORIBASIVS, qui omnia fere ex GALENO hausit, scribit *L. II. C. I.* „*iam exanthemata, quae ex febris excessu orta sunt in capite, sanat chamaemelum, si viride sit, oleo incoctum, si aridum, aceto prius conspersum.*“

Medici recentiorum temporum frequenter floribus chamomillae sanarunt febres intermittentes. MORTON dedit florum drachmam integram, vel per se, vel cum sale absinthii; nonnunquam cum antimonio diaphoretico. Idem adhibuit cochlearia tria succi, cum aliquot guttulis spiritus vitrioli; ex brodio.

Aegyptiorum dosis fuit florum drachma integra, quod etiam annotavit DE HAEN, *Rad. med. p. XI. p. 60.* Flores in febribus intermittentibus *catholicon febrifugum* vocat ETTMÜLLER, laudat HEISTERVS, *de med. german. indig.* HofmannVS, senior, *de med. offic. L. 2. Cap. 62. p. 165.* SCHVLZIVS in *mat. med.* flauedinem florum, certum remedium antifebrile nuncupat, item in docta *diff. de febr.*



*interm. curat. antiquis* §. 4. p. 10. narrat, se amicum per triginta sex menses aegrotum, qui frustra iamiam varia accepisset remedia, solo usu florum chamomillae, et vnica quidem dosi, a febre liberasse. PITCARN verissime dixit, medicos fore felices, si in omnibus morbis tam certa et efficacia haberent medicamenta, quam Chamomillam et corticem peruianum in febribus intermittentibus. RICHARDVS MEAD, in aureo libello, *monita* etc. chamomillam in febribus intermittentibus efficacem inuenit, cum corticem frustra dedisset. Drachmam integram, ex decocto proprio sumendam commendat HERMANN in *cyndf. mat. med.* in febribus puerorum, BAGLIV magni fecit flores chamomillae in febre. Eius vero specif. Cap. XIII. *Op. de fibra motr.* monente LEWIS, fuit medicina composita. SENNERTVS in tertiana decoctum chamomillae et cremoris tartari, ante paroxysmum exhibuit. LAZARVS RIVERIVS, laudat potissimum decoctum chamomillae in febribus pituitosis, L. 17. *prax. med.* Sect. 2. Cap. 1. 3. 4. et Cent. IV. obsf. 12. 16. Flores ad scrupulum, vel drachmam integram in tertiana rebelli, quae cortici nolebat cedere, vtilem obseruauit FAVRAT, *thes. miscell.* Dedit autem aliquoties eandem dosin in die. VALCARENGHI in febre intermittente, cum symptomatibus malignis, cum cortice peruiano miscuit chamomillae flores, in *med. rat.* p. 20., quod connubium saluberrimum est. In febre intermittente irregulari, cum sale absinthii simul praescripsit PRINGLE. Flores vulgaris ad vnciam dimidiam LINNEVS laudat in tertiana. BOERHAAVIUS commendat infusum, item aquam, in *Chym.* et monet: decoctum a nonnullis magis laudari, quam corticem peruianum, et in *hist. plant.* dicit, succi vnciam vnam vel vncias duo, aequae esse antipyreticum, quam C. P. Flores in puluere praescribit pro dosi a granis duodecim ad drachmam dimidiam LEWIS, et nunc addi iubet sal alcali, nunc sal ammoniacum, vel alia aperientia aut roborantia. Recte monet idem, praestare chamomillam, vbi noceret cortex peruianus, propter obstructions viscerum. FRIDERICVS HOFMANNVS in M. R. S. Tom. IV. P. I. p. 24. commendat sequens electuarium: ℞. Roob Samb. ʒʒ. pulv.

C. P. 3v. fl. Cham. vulg. 3ij. Extr. Cent. min. pulv. Caryoph. ana 3ß. syrup. 4tol. Citr. 3iß. misc. dos. 3ß. omni bihorio. Loco Syrupi nonnunquam elegit iulepum Rosarum, et addidit aliquando sal ammoniacum. Aliam formulam communicavit KLEINVS, *select. rat. med.* R. Roob Samb. pulv. C. Peruv. ana 3ß. Sal. ammon. dep. 3iij. Extr. Card. bened. extr. fl. Cham. ana 3ß. Syr. C. Aurant. Curasfav. vel Iulep, Rosar. q. s. F. Elect. Paulisper mutavit Ill. COTHENIVS, Archiater Reg. Pruss. formulam HOFMANNI. Est sequens: R. pulv. C. Peruu. 3vj. rad. Zedoar. 3j. Fl. Cham. 3iij. Mell. Ros. Roob. Iunip. ana 3iß. Samb. q. s. F. El. Dos. 3j. omni bihorio.

Cl. THEEDEN, summus chirurg. Praef. exercitus Reg. Pruss. pilulas antifebriles sequentem in modum concinnare docuit: R. Extr. fl. Cham. Card. bened. Imperat. ana, pulv. rad. Ari q. s. ad consist. Militibus et pauperibus haec medicina est admodum proficua. Est mihi nota compositio alia, quae saepissime feliciter profligauit febres R. Conseru. fl. Cham. Card. bened. ana 3j. Sal. absinth. Card. bened. cent. min. ana 3j. (vel vnus hor.) pulv. C. Peruu. opt. 3vj. Rhab. opt. 3ij. misc. d. dosi facile limitanda. Extemporalis praescriptio hunc etiam in modum fieri posset: R. pulv. C. Peruu. 3j. Sal. ammoniac. flaued. Fl. Cham. ana 3ß. Syr. C. Aurant. q. s. F. Elect. HEISTERVS laudat flores Cham. in Elect. c. Roob Samb. et infusum, tempore paroxysmi.

WERLHOFIVS, decus illud insigne seculi nostri, magni fecit in *Tr. de Febr.* flaued. flor. Chamomillae. Florum 3ß. in electuario, vel succi recentis vncias duas, immo quatuor, in febribus ex hypochondriis, praescribit LOESECKE, in *mat. med.* Ex aqua, puluerem flor. et herbae absque stipitibus adhibuit, ACHILLES GASSER, ap. WELSCH: in syllog. obs. 25. p. 25. et potione illa, ante paroxysmum data, quarta dosi sanauit tertianam notham, in filia sua. Non possum omittere memorabiles obseruationes illas, quarum quidem SCHEFFERVVS etiam mentionem fecit, cum eius diss. fortassis non omnibus ad manus sit, scilicet ZACVTI LVSITANI, L. III. *prax. med. admir.* Obs. 26. qui in chronica febre, cum alia remedia

non iuuarent, decoctum chamomillae calidum cum saccharo, ad aliquot vncias, vacuo ventriculo dedit. Formula est sequens. *R.* Fl. Cham. p. iij. Comar. absinth. p. ij, coque in aquae ℥iij. ad reman. ℥iſſ. Colat. add. sacch. ℥iv. Dos. ℥v-vj. Allegauit ille quoque AVICENNAM (ed. nostra Bas. 1556. fol.) L. II. Tr. II. Cap. 121. p. 203. qui quidem febrifugam chamomillae vim, et alias quoque recensuit, sed ad verbum ex GALENO hausit. ZACVTVS aquam Ch. e balneo mariae destillatam suadet illis, qui sumere nolunt decoctum propter fastidium. Antecessorem habuit MANARDVM, qui laudauerat vsum internum et externum; et (sicut MATTHIOLVS), nihil dixerat, quod non legerat in scriptis Graecorum.

DIEMERBROECK non solam chamomillam; quod alii etiam fecerant, dedit, sed cum aliis herbis amaris, post purgans ante propinatum. Exstat in *Obseru.* 94. obseruatio, de febre intermittente aliquot mensium, profligata vsu decocti sequ.: *R.* Absinth. Mj. Cent. min. Mij. Card. bened. fl. Cham. ana Mjſſ. Coque ex cereuis. ten. ℥iij per horae quadrantem, expr. Die febris bis; apyrexias, ter dedit praebium. VITVS RIEDLINVS passim in *lin. med. et meth. cur. febr.* aliquot proprias obs. de chamomilla febrifuga nobiscum communicauit. Similes occurrunt in A. N. C. Romanam Chamomillam CARTHEVSERVS in *mat. med.* tanquam magis aromaticam, magis efficacem censet.

Quod modum agendi attinet chamomillae, tam eximii febrifugi, quod iuuat nonnunquam cortice frustra iamiam dato, quod prodest saepe, vbi cortex noceret, et quod cortici omnino par censendum, consentiente quoque HERMANN in *mat. med.* ex longo tempore consentiunt medici, chamomillam praecipuis indicationibus in febribus intermittentibus facere satis. Resoluere nimium viscidum et infimi ventris obstructions, roborare ventriculum et intestina, spasmos compescere, acidum in primis viis corrigere, excretiones non turbare, turbatas restituere, obseruatum fuit. Eandem ob causam chamomilla est polychrestum medicamentum in tot morborum generibus ab obstructione, immo laxitate viscerum, et intestinorum,

viscido, originem habentibus, et malis praecipue, quae ad spasmodum familiam pertinent. Non memini, vnquam noxium effectum ab vsu chamomillae in febre intermittente, fuisse obseruatum, et non immerito dixeris chamomillam Europaeorum Chinam. Puluis florum, quod PRINGLE annotauit, magis quam cortex ipse et serpentaria virginiana, putredinem arcet, et vi antiseptica eximia gaudet, quae a febrifuga non videtur diuersa, sed nisi omnia me fallunt, vna eademque. Idem eximius obseruator PRINGLE, repetitis tentaminibus denuo probauit, etiam infusum chamomillae antisepticum esse, et in febribus castrensibus felici euentu adhibuit saepe chamomillam. Medetur morbo et praecipuis eius symptomatibus. In vomitu enim febrili, cum magna copia viscerum ventriculorum replet, in horrore, nullum remedium mihi notum est, quod praeferre malim infuso florum chamomillae.

Egregie nimirum moderari solet vomitum, immo non raro iuuat, et facit, vt facilius eiiciatur turpis hostis. Inunctiones spinae dorsae ad mentem veterum, non contemnendae sunt, imprimis cum b. HOFMANNVS, in M. R. S. felici euentu id genus auxiliorum adhiberi, nos docuerit. Paucis adhuc dicendum est, longe plures auctores magni fecisse chamomillam in febribus, quam vt omnes allegare potuerim, ne scilicet libelli mei moles nimium cresceret. Cui tamen placet, euoluat quoque ADR. SPIGEL, eximium obseruatorem, *de febr. semitert.* (seorsim et in Opp. ei) passim; DVNCAN. LIDDELIUM *de febr.*; ROD. a FONSECA, Conf. med. 51. T. 2. qui succum dedit ad 3vj. in tertiana; RAYM. IO. FORTIS, *de febr.* passim; FRANC. PIENS, qui non male de febribus scripsit, *Cap. II. med. experim.* DIGBAEAN; *Theaur. secret. Colon. Allobrog.* et TH. FULLERI, *pharmac. extemp.* Sed sufficiant haec de vi febrifuga. In pleuritide spuria, flatulenta potissimum, post SIM. PAULI, ZORNIVM, multis aliis eximiam vim probauit. Inflationem ventris tympaniticam ex intermittente ortam, sanauit chamomilla PRINGLE.

## §. VIII.

*Vis antispasmodica in Cardialgia, Colica, Hysteralgia, Hypochondriaci, Calculo, Asthmate, Nephritide, Dysenteria, Ischuria, caet.*

Commode satis pertractare licebit vires antispasmodicas in variis morbis, coniunctim, cum ex cognatione illorum morborum cognita, nullum hodie superfit dubium, omnibus illis morbis, specie et schemate diuersis, eadem ratione chamomillam mederi, spasmos nempe mitigando, et discutiendo flatus, roborando, et resoluendo viscidum. Breuiter ac strictim obseruationes memorabiles recensebo ex ordine, in variis morbis collectas. Sit igitur

1) *Cardialgia.*

Romanae cham. flores sunt specificum in cardialgia, ait G. W. WEDEL, *amoen. mat. med.* p. 558.; FR. HOFMANN, in *M. R. S. Part. II.* p. 236. scribit: „in omni dolore cardialgico flores ch. vulg. eorum aqua, oleum, et quidem elaeosacchari forma, essentia saturata, cum spiritu florum ch. non adeo spirituosus et elaeosaccharo eximia sunt. Laudat idem extractum in pil. et decoct. fl. cham. e cereuisia, vel cum auena excorticata simul paratum et epotum, nec non clysteres flor. cum oleo cocto et lacte. SIMON PAULI l. c. FORESTVS, L. XVIII. Obs. 20. L. VII. Obs. 1. AMATVS LVSITANVS, *Cent. V. Curat.* 39. RIVERIUS, *prax.* L. IX. C. X. HARTMANN, *prax. chym.* forma decocti ex cereuisia, fomentationis, clysteris, immo aquam destillatam ad uncias tres, laudant ex propriis obseruationibus. Plures obseruatores ZORNIUS, in *Botan.* p. 194. et p. 195. allegauit.

2) *Pica; Malacia.* Placuit tribus saltim verbis annotare, in his morbis quoque chamomillam fuisse utilem, teste IAC. HOLLER, et FR. HOFMANN, *sen. meth. med.* L. I. C. 19. et NENTER, *fund. med.* P. 3. p. 833., qui docoetum exhibuit. Oriuntur vero hi morbi, ex saburra et singulari neruorum affectione, vt ex principiis artis nostrae facile possis perspicere agendi modum.

3) *Colica. Iliaca.*

Laudarunt MATTHIOLVS decoctum in colica flatulenta; SENNERTVS decoctum florum ex cereuisia vel vino tenui albo, ad uncias quatuor, et ETTMÜLLER in omni fere colica decoctum vinosum; RIVERIUS [Lib. IX. Cap. X. in colica quacunque, SIMON PAVLI decoctum vinosum, tanquam praestantissimum remedium; FIENI, *de Flat.* Cap. 21. tanquam mirificum; a colica vero non multum differt iliaca passio, et obseruatores per iliacam passionem saepissime intellexerunt colicam, cum vehementioribus torminibus et tenesmis. In colica flatulenta et nephritica, calculosa, praecipue vsum habere videtur insignem, tam interne, quam externe, in omni forma, scil. clyst. foment. baln. pediluu. femicupii, decocti, infusi, caet. Singula enim praeparata ex chamomilla in colica laudari lego. Aquae carminatiuae compositae saepius nocent, quam iuuant.

- 4) *Dysenteria.* Sunt tenesmi et tormina praecipuum symptoma huius morbi molestum. Infusum florum chamomillae, clysteres et fomentationes optime tormina et tenesimum, non solum in hoc morbo, sed aliis etiam spasticis infimi ventris leniunt. In dysenteria autem propter vim antisepticam, prae caeteris sese commendat Chamomilla. Decoctum fl. ch. cum lacte paratum, calide potum, vehementer laudat in dysenteria SIM. PAVLI, et BOERHAAVE in *chym.* Nuper in dysenteria infusum, et fomentationes, magni vsus inuenerunt viri *Cel.* PRINGLE, MONRO (*de milit. morb.*) ZIMMERMANN, *de dysent.* passim.

5) *Calculus; Nephritis.*

Nephritis, cui remedio fuit chamomilla, saepius a calculo natales repetit, saepius mere spastica existit. Vis lithontriptica, quam obseruatores de chamomilla annotarunt, partim debetur eius viribus antispasmodicis, partim leniter roborantibus. Quis enim nescit, calculos, saepe maiores, sponte expelli, spasmis sedatis, et tonica illa, immo nonnunquam adstringentia, calculi expulsionem non raro iuuare.

In nephritide, calculo, et orta inde ischuria, dysuria, stranguria, primo SIMON PAVLI vehementer laudat clysteres ex cham.; DIOSCORIDES cham. vulg. fl. potu et infessu ad vrinae vitia et calculum pellendum; omnia ex chamomilla IO. IAC. WALDSCHMID, *monit. med. de calc.* IO. RAYVS, in *Cat. plant.* dicit: *inter omnes plantas, quotquot contra calculum recipiuntur, nil floribus chamomillae efficacius esse.* Aqua chamomillae lithontriptica Eph. N. C. D. II. A. I. p. 387. Decoctum in nephritide calculosa, PECHEY, *herbal.* ap. HALLERVM. Obstructionem vrinae sanauit nuper Cl. TODE, oleo cham. externe illito, *Collect. soc. med. Hafn.* Vol. I. Obs. 26. Infusum lenit saltim dolores ex calculo LOESECKE.

Etiam in dysuria a pituita et acrimonia ISER. DE DIEMERBROECK Obs. 40. et FORESTVS L. 25. Obs. 25. inprimis decoctum cum lacte, quod commendat quoque HERMANNVS, et lactis vis hic etiam auget vim chamomillae.

- 6) *Hypochondriasis, Hysteralgia varia, menstrua et Lochia retenta.* Propter cognationem horum morborum, de his etiam simul loquar.

Quod damna ex flatibus retentis a spasmis in primis viis, in malo hypochondriaco quotidie obseruare liceat, notum est ex libris ROB. WHYT et III. DELIX von *Blähungen und Dünsten* etc. In asthma debellando, inprimis stomachico et flatulento hypochondriacorum, mira est chamomillae efficacia, quae et ventris inflationes a causa frigida tam egregie compescit. Contra tormina ventris flatulenta commendat ZORN infus. cham. cum vino vel cereuisia, cum aniso; decoctum aquosum, solum, vel cum Cortice Citri, Aurantiorum, sine pari est, ait ETTMULLER, in morbis ventriculi et intestinorum. SCHVLZ in *diff.* magni facit cham. in affectione hysterica. Optimus ille FR. HOFMANN, in M. R. S. T. IV. P. I. p. 118. spasmos hystericarum optime lenire decoctum ex flor. cham. vulg. et summit. millefolii. Ibidem P. II. pag. 330., aquam fl. cham. vulg. in doloribus intestinorum commendat.

Decoctum in hysteralgia familiare constituit remedium domesticum. Vix habemus in vniuersa materia medica medicinam mulierum; tot morbis sanandis specie diuersis, caussarum ratione sibi cognatis, efficacem magis, quam chamomillam nostram. Non rite enim menstruatis, grauidis, parturientibus, et puerperis, saluberrima est. Externe non minus cataplasma ex floribus et lacte, tumores mammarum frigidos, vel a lactis coagulo, discutit, maturat, BOERH. *hist. plant.* p. m. 167.

Hypochondriacis maxime prodest propter vim resoluentem obstructions viscerum, quare GALENVS iam laudat, in morbis ex infimo ventre. Quam salutare sit hypochondriacis decoctum ch. sciuit iam IO. PAVL. PERNVMIA L. V. *de curat. art.* p. 352.

Menstrua certissime fluere facit, spasmos auferendo et roborando, hinc commendat FERNELIUS, BOERHAAVE *hist. plant.* LOESECKE l. c. Forma potus, balnei, clysteris, inunctionis optime iuuat. Breui ante partum tempore clystere ex chamomilla nihil melius, difficultatem enim pariendi propter spasmos, optime tollit, quare iam BOERH. commendauit, *hist. pl.* ob eandem causam, etiam post partum, si adsint tormina, spasmi, placentae et lochiorum retentio, clystere, fotu, potu. Probatam inuenit in lochiorum obstructione TREW; in vteri flatulentia post partum ETTMÜLLER et FORESTVS L. 28. Obs. 75. et 81. vt instar arcani sit, decoctum cum cereuisia in partu difficili et doloribus post partum. Non ineptum est consilium ETTMÜLLERI, qui ad menstrua pellenda decoctum ex cham. et artemisia commendauit. Infusa et decocta cum cereuisia vel vino, nimis calida videntur.

Sed iniectiones in vterum, in eius post partum inflatione, laudes merentur. Nimis calida est essentia, quam vt cum CARTHEVSERO laudare possim in hoc casu. PETRVS LOTICHIVS, in lochiis retentis Obs. 21. praescripsit cum aurantiorum cortice. Non solum lochia pellit, sed auertit quoque damna a retentis lochiis oriunda, maxime putredinem arcet sanguinis in vtero collecti, et laxitati vteri a partu medetur. Ex chamo-



milla et matricaria fiat contra dolores post partum fomentatio, abdomini applicanda, iubente ETTMULLER. Ex Chamomilla cum emollientibus, althaeae radice, decocta et fots laudant multi in variis spasmodicis generibus, cum semine lini et lacte cataplasmata alii :

- 7) *Haemorrhoides.* Non solum tumentibus, et inde ortis symptomatibus medetur, sed etiam nimium fluentibus, ex laxitate scilicet et spasmodicis. In casu priori cataplasma, fomentatio, et olei inunctio laudantur, in posteriori, nimio nempe fluxu FR. HOFMANNVS M. R. S. T. II. p. 92. chamomillam cum millefolio simul in usum vocauit.
- 8) *Spasmus et dolor vesicae.*  
Nostro aevo cognouimus, morbis eiusdem naturae, indolis, ac generis, eadem mederi remedia. Non itaque quoad medendi methodum alia desiderantur auxilia in spasmō vesicae, alia in spasmō vteri, caet. nam consensus lege partium, plurimis affectibus spasmodicis infimi ventris medetur fomentatio, clyisma. Quare vix miror, scripsisse iamiam GALENUM: in vesicae morbis fomenta ex chamomilla prodesse; quae non contemnenda sunt quoque in
- 9) *Hernia incarcerata, et in hoc malo diu iamiam in usu fuerunt.*
- 10) *Otalgia, Odontalgia, potissimum rheumatica, sacculis paregoricis, discutientibus, modo siccis, modo cum vino coctis, saepissime profligata fuit, et sacculi paregorici ex chamomilla vtraque, familiare constituunt remedium domesticum, omnibus notissimum. Camphora interdum additur, vel sacculos irrorare solent spiritu vini camphorato crocato, aut simili. Fots ex floribus chamomillae cum lacte coctis, in otalgia laudat b. HOFMANNVS, M. R. S. Oleum caeruleum chamomillae, cuius aliquot guttulae calide in aurem fuerunt instillatae, surditatem sanasse, ait FR. JOEL. L. 2. Pract. S. 2. Nolo illud in dubium vocare, nam verosimile est, causam surditatis illius fuisse colluuiem feri stagnantis in auris cavitare, siue interiori, siue exteriori meatu.*

11) *Phrenitis, Angina*, occurrunt in numero morborum, in quibus externe potissimum, propter vim emollientem, varia praeparata ex chamomilla laudata invenio. Pertinet huc vsus olei cocti apud ARETAEVM Cap. VIII. in phrenitide, cataplasma illud ex decocto chamomillae et furfure, ab ALEXANDRO L. VI. p. 270, in eodem morbo laudatum; et in angina oleum fuit topicum egregium, in E. N. C. Dec. II. A. I. p. 315.

12) *Icterus* nunc a spasms, nunc ab obstructione hepatis, a flatibus et aliis causis oriri potest, quibus singulis medetur chamomilla, et si verum fateri licet, vis eius in febribus, tot observationibus confirmata, iamiam declarat, chamomillam saepius in ictero praestantissimum fore medicamentum, et quem fugit, corticem peruvianum, immo alia remedia, extracta, varii generis, roborantia, resoluentia, antispasmodica, in febribus intermittentibus non solum, sed etiam in ictero efficacia esse remedia. Flaudinem florum chamomillae in infuso vinoso contra icterum laudat ZORN, *Botanolog.* p. 194, infusum in ictero commendat BOERHAAVE, decoctum HERMANN. Propter vires obstructiones viscerum resoluentes, antispasmodicas, tonicas, non solum in ictero, sed etiam

13) *Hydrope* videtur prodesse.

Ab vsu salis per incinerationem parati, prae caeteris eodem modo paratis, vix peculiarem quandam efficaciam expectandam esse, supra monui. Legi apud PAVLVM L. VII. contra hydropem chamomillam laudari, sed confusa ibi est plantarum descriptio, vt dubitem, vtrum de nostra chamomilla apud PAVLVM sit sermo, quanquam illius efficaciam in hydrope nolim in dubium vocare, quam SIMON PAVLI iamiam ad obstructiones omnium viscerum infimi ventris, lienis, hepatis, mesenterii et hydropem, et LOBEL in morbis splenis, hydrope, (maxime syrupum, flores, infusum vinosum), laudant.

Icterus, febris intermittens, quartana, tantam inter se habent cognationem nonnunquam, vt in iis morbis eadem adesse possit viscerum conditio morbosa, quare

et eadem remedia iuuant. Exstat apud ZORNIVM p. 195. memorabilis locus, ex ADR. ZIEGLER *Pharmacop. spagy.* p. 106.: „*extractum chamomillae doloribus colicis, stomachi, vteri conuenit, menstrua prouocat, vrinam retentam pellit, comminuit calculum vesicae et renum, flatum dissipat, obstructions hepatis et lienis tollit, ictericis confert.*“ In morbis a spasmis et obstructionibus commode extractum chamomillae in pilulis cum extracto millefolii, cardui benedicti, Sagapeno, Galbano, Assa foetida, Myrrha, Castoreo, Croco, pulu. Cascarillae eiusque extracto, oleo Rutae, Caiaputi, Chamomillae, praescribi possunt, ad mentem BOERHAAVII, HOFMANNI, CARTHEUSERI.

## §. IX.

*Vis in variis morbis,*

Quum vela sint contrahenda, necessitate coactus breuiter tantum perlustrare possum, eximiam vim chamomillae in permultis aliis morbis, vbi resoluendo potissimum ac roborando iuuare videtur. Huc pertinet imprimis

- 1) *Podagra.* BOERHAAVIUS in *hist. plant.* HERMANN in *cynof. mat. med.* chamomillae vires in podagra tribuunt, quae omnino continuato vsu in podagra utilis videtur, partim quatenus est resoluens remedium, partim quatenus ceu stomachicum emendat chyli elaborationem. Roborantia selecta stomachica, omnium consensu sere optima sunt eorum, quae mitigant vehementiam doloris podagrici, et corrigunt materiam podagricam. Succus in podagra prodest, ait BOERHAAVE.
- 2) *Scrophulae.* GEOFFROY commendat infusum et decoctum; florum vsus internum et externum PLENK, *mat. med.* p. 128. qui vidit a sacculis siccis chamomillae cum camphora scrophulas resolui. In *Bronchocèle* puluis florum chamomillae cum melle profuit, teste IO. BAVHIN, l. c.

Tumores folia trita cum vino imposta discutiunt BOERHAAVE l. c.

Sanauit decoctum vinosum fluorem album, NENTER *Prax.* pag. 128. certe ob vim aromaticam, roborantem.

Princeps remedium traumaticum est chamomilla, propter vim roborantem et antisepticam. Sanat ulcera inueterata, BOERHAAVE l. c. PLENCK l. c. in gangraena, sphacelo, ulcere putrido, antiseptica. Eandem ob causam infusum in variolis malignis, putridis, laudes meretur. *Parefin* sanasse lego.

Observationes nonnullae, passim occurrentes, ad vim emollientem et discutientem pertinent. Scilicet linimentum BOERHAAVII, in *Chym.* ex oleo chamomillae et hyperici, ana, cum pauxillo spiritus vini camphorati, in rheumatismo; observatio illa, de tumore scroti, illico sublato usu olei ch. illiti, in E. N. C. Dec. III. p. 221.

Supereſt vis *anthelmintica*, chamomillae, quam dubiam vocat III. CARTHEUSER, et cuius iam mentio fit apud AETIVM L. VII. Pulveris florum drachmam vnam ex decocto proprio in verminosa puerorum colluie HERMANNVS in *Cynof. mat. med.* fumi iubet et SCHEFFERS in diff. annotavit in febribus verminosis prodesse.

Summus BOERHAAVIUS in *Chym.* docuit parare pilulas ex mica panis et oleo chamomillae, quae ieiuno ventriculo sumendae, certissimum anthelminticum, nec id a veritate alienum videtur, quum oleum illud sit satis efficax, et augere possit motum peristalticum et destruere viscidum glutinosum, seu nidum vermium.

In lassitudine et musculorum debilitate oleum inungi iubent, quod propter vim eximiam Io. VIGO vocat *oleum benedictum*. Quamquam nonnulla dicenda supersint, prohibet tamen temporis et chartae angustia, dicere plura.

XXI.

DR. IO. THEOD. PHIL. CHRIST. EBELING

DISSERTATIO

DE

QUASSIA ET LICHENE  
ISLANDICO

GLASGUAE,

1779.

THE JOURNAL OF THE

ROYAL SOCIETY OF MEDICINE

Vol. 10

1917

Part I

## DISSERTATIONIS

## PARS PRIMA

## DE

## Q U A S S I A.

QUASSIAM arborem regio Surinamensis alit, quae inter 317<sup>mum</sup> et 323<sup>um</sup> gradum longitudinis, si ab Insula Ferro numerum incipis, atque sub sexto et septimo latitudinis borealis sita est. Usus ejus in Europa inclarescere cepit, quum Linnè, qui racemum florum fructus et folia hujus arboris a protribuno militum Dahlberg in patriam reduce acceperat, dissertationem, quae descriptionem atque enarrationem virtutum ejus continet, in lucem ederet. Primus, qui hoc remedio, ut Dahlberg refert, ad febres fugandas usus est, et in cujus honorem Linnè arborem Quassiam nominavit, servus Nigrita Quassi fuit. Quum summo successu febrium malignarum, quibus ob atmosphaerae calorem atque numerosas paludes regio Surinamensis maxime obnoxia est, medelam ope hujus ligni susciperet, arborem, a qua illud desumebat, omnibus anxie celavit, donec illam Dahlbergio, benevolentia ejus adactus, patefaceret. Sed quum flores Quassiae jam ante quinquaginta \*) annos Surinamensibus ad ventriculi vires restaurandas usui cessisse constet, Hallerque referat, generum suum jam anno 1742 \*\*) illo, quum febre epidemica laboraret, tanquam noto remedio, sanatum esse, suspectam hujus narrationis fidem haberemus, contra quam haud minus militare videtur, quod jam ante sexaginta annos frustum hujus ligni in Sebae museo asservatum, ejusque usum jam tunc Indis, a quibus Quassie vocabatur \*\*\*) notum fuisse, fertur; nisi forsitan Quassi, ut saepe fieri solet, remedium usitatum pro novo ac prorsus incognito venditavit.

\*) Fermin description de Surinam, Amst. 1769. tom. I. p. 212.

\*\*) Bibliotheca botanica, vol. 2. p. 555.

\*\*\*) Schlegel in den Berlinischen Sammlungen, 2. B. 1. St.

Sed haec minus utilia mitto atque ad ipsam arboris descriptionem progredior, quam ex Linnei dissertatione \*) integram immutatamque tradere coactus sum, quum nunquam mihi hancce arborem videre contigerit; illam enim, quam in horto Edinensi pro Quassiae specie habebant, ad novum genus Picraniae nomine referendam esse repere-runt, nec mihi decernere licet, quamnam cum Quassia similitudinem alat, aut quid ejus ab illa discrimen sit, quum adhuc nullos flores ostendit.

**CALIX** Quassiae est periantheum pentaphyllum, brevissimum; foliolis ovatis persistentibus.

**COROLLA** petalis quinque constat lanceolatis, elongatis sessilibus, aequalibus.

**NECTARIUM**, squamis quinque, ovatis villosis, basi filamentorum interiori insertis.

**STAMINA** filamenta decem, filiformia, aequalia, longitudine corollae. **ANTHERAE** oblongae, incumbentes.

**PISTILLUM** receptaculum carnosum, orbiculatum, elevatum, germine latius. **GERMEN** ovatum, ex quinque compositum. **STYLUS** filiformis, longitudine staminum. **STIGMA** simplex.

**PERICARPIA** quinque, lateralia, distantia, receptaculo carnosum, orbiculato inserta, ovata, obtusa, bivalvia. **SEMINA** solitaria, globosa, glabra.

**CAULES** teretes, arborei, cinerei, ramis raris, nec multum subdivisis, ramulis ultimis viridibus, punctis impalpabilibus albis adspersis.

**FOLIA** pinnata, alterna, petiolata, patentia. **PETIOLIS** communibus, spithamaeis, utrinque marginatis, membrana latiuscula, ad ortum foliorum contracta, terminatis in mucronem mollem, subulatum, marcescentem, pubescentem. **PINNAE** five foliola trijuga seu quadrijuga, sessilia, rarius exacte opposita, lanceolato-ovalia, acuminata, integerrima, laevia, glabra, non nihil venosa, patentia, pervigilia, ante explicationem conduplicata, digiti longitudine, duorum pollicum latitudine, membranacea nec rigida, persistentia saepe per totum autumnum, haud tamen perennia, laete viridia.

\*) *Amoenitates academicae*, vol. 6.



FULCRA Stipulae nullae sunt nec arma. RACEMI terminales simplices, BRACTEIS alternis, linearibus reflexis, corollisque magnitudine et fere forma Dictamni albi.

A Zygophyllo igitur, ad quam pertinere Rolander putabat, fructu discrepat, qui in Quassia ad idem receptaculum carnosum pericarpis quinque, distantibus, monospermis gaudet, quum in Zygophyllo capsula quinqueloculari et monosperma constet.

A Linneo olim \*) ad decandriam monogyniam numerata fuit, nomenque specificum \*\*) amarae accepit, in ultima vero systematis vegetabilium editione \*\*\*) video, novas observationes docuisse, eam ad dioeciam decandriam pertinere, classem, quae cum Monoecia et Polygamia exulanda foret, quum fere omnes earum plantae in diversis regionibus utrumque in eodem flore sexum ostenderunt, nisi metuendum esset, ne aliae classes, quae jam nimium plantarum numerum continent, inde adhuc difficiliore redderentur. Bergius †) in materia medica Simarubam, quae antea Burserae gummiferae nomen gerebat, ad idem genus refert, eamque Quassiam dioicam appellat, nostram adhuc sub decandria monogynia locans.

An nux Americana foliis alatis bifidis Commel. hort. I. p. 185. t. 94?

Bois de Coiffi Fermin description de Surinam, tom. I. p. 212. Alia synonyma mihi non occurrerunt, nec illam in Bancrofti descriptione Guianae inveni.

Arbor jam eo tempore, quum Linnè dissertationem de illa scriberet, in horto Upsalensi adfuit, sed, quum nullos flores proferret, species Sapindi habita est, quacum arctam, si faciem externam spectas, similitudinem alit. An postea floruerit asserere haud possum.

Ad usum medicum lignum trunci et radicis recipitur, sed lignum trunci radice albidius illique amaritie ce-

\*) Genera plantarum, p. 212. n. 529.

\*\*) Species plantarum, vol. 2. p. 553.

\*\*\*) Linnè systema vegetabilium cura Murray, Goettingae, 1774. p. 828.

†) Materia medica e regno vegetabili, Holmiae, 1778. tom. I. p. 355.

dit. Ligno betulae albae simillimum, transverse sectum ex punctulis depressis, supra totum discum sparsis, frequentibus notatur. Medulla cum albarno tam arcte cohaeret, ut vix ab illo distingui possit. Aquae lignum supernatat, quamvis adeo durum sit, ut non nisi summo labore in pulverem redigatur. Aeri expositum et exsiccatione cito flavescit. Cortex leviter griseus, rugosus, fragilis, superficie interna splendente, albida, latis maculis nigris distincta. Ligno amariorem reperi. In ramo parvo semipollicis circiter diametro, librum latiusque album illi respondens coloris pulcre ebenini vidi, ita ut ramo transverse secto, circulum nigrum duarum linearum crassitie efficeret. Attamen nec gravitate propria nec amaritiae deficiebat.

Odor corticis et ligni nullus, quamvis in pulverem redactum ferro candenti inspergas. Sapor vero ita amarus, ut Linnè aliique Quassiam omnia alia vegetabilia amaritiae antecellere contendunt. Qua de re ut certior fierem, quum alii hanc praerogativam Colombae, alii vero Gentianae tribuant,

## EXPERIMENTUM I.

Quassiae, Cursutae sive Gentianae luteae sylvestris, Colocynthis, Corticis Peruviani, Lichenis Islandici, Colombae et Gentianae luteae vulgaris drachmam aquae uncii quatuor ad uncias tres coqui curavi. Decocti cujusque grana triginta tria (pondus cochlearis parvi) quatuor aquae purae unciiis miscebantur, quo melius de sapore ejus judicari posset. Lichenem Islandicum experimento ita instituto cortice peruviano amariorem reperi, sed cortex linguam statim, Lichen vero non nisi post aliquot minuta secunda affecit. Quassia Colombam amaritiae multo superavit, statimque saporem suum linguae impressit, quum Colomba illum non nisi post aliquot minuta secunda exferret. Colomba Gentianam vulgarem vicit, Colocynthis vero, cui tamen sapor haud pure amarus, Quassiae palmam praeripuit. Omnium autem amarissima Cursuta fuit, cui sapor satis purus, sed Quassia multo ingrator. Hunc itaque ordinem sequuntur, Cortex peruvianus, Lichen

Islandicus, Gentiana, Colomba, Quassia, Colocynthis, Cursuta; documentum, quantum virtutis plantae saepe cultura perdant, quum Cursuta eandem cum Gentiana vulgari speciem constituat, eo tamen discrimine, quod haec plerumque in hortis colatur, illa vero in regionibus borealibus sponte crescat.

## EXPERIMENTUM II.

Decocti et infusi color addita salis martis solutione nullo modo mutabatur, indicium satis certum, vix ullam vim adstringentem Quassiae inesse, nec caro, quae in illis per aliquot dies asservabatur, manifesta constrictionis signa ostendebat. Aroma nec odor nec sapor prodit.

## EXPERIMENTUM III.

Ad optimam vires Quassiae extrahendi methodum indagandam Quassiae raspatae scrupulum tribus aquae uncis ad uncias duas coqui, deinde scrupulum aquae bullientis, alium vero aquae frigidae uncis duabus infundi, et per viginti quatuor horas seponi; alium aquae bullientis, alium denique aquae frigidae uncis duabus infundi et per horae quadrantem teri curavi. Deinde pulverem Quassiae aqua effusa summa cura collegi, et exsiccavi. Supererant e scrupulo Quassiae aqua frigida tritae—grana 15 et una quarta pars, aqua igitur suspendebantur gr.  $4\frac{3}{4}$  (pulvis fere insipidus)

aqua bulliente tritae grana 16 suspensa gr. 4

coctae gr.  $17\frac{1}{4}$  susp.  $2\frac{3}{4}$

aqua bulliente infusae gr.  $17\frac{1}{8}$  susp.  $2\frac{7}{8}$

aqua frigida infusae gr. 17 susp. 3

Majorem igitur aquam frigidam, praesertim tritu in auxilium vocato in Quassiam vim habere ac aquam calidam aut ipsam coctionem videmus, quod et de cortice Peruviano valere Perceival \*) observavit. Annon igitur praestaret, plurimorum vegetabilium vires affusa frigida, ut jam in non nullis pharmacopoleis consueverunt, extrahere, quam ea vehementi coctioni subicere, quum partem virium destruere, aut non nunquam mutare constet.

\*) Essays, Vol. I.

Spiritum Sachari, vinum Malvaticum, Portugalsense, spiritum vinosum tenuiorem, acetum et inprimis spiritum vinosum rectificatum Quassia insigni amaritiei imbuunt.

Si lignum ipsum exhibere animus est, ruditer tustum leni igne exsiccatum, et in mortario vitreo probe teratur. Uncia ligni hoc modo in pulverem redacta pulveris subtilissimi drachmas sex largiebatur, qui aquae multo maiorem, ac lignum ruditer tustum, amaritiem impertiebat.

Quamvis Quassiae amarities purissima, ideoque plurimis haud ingrata sit, alia tamen quaedam remedia, quae saporem corrigerent, nec scopo, ob quem Quassiam exhibemus, repugnarent, admiscere ratum putavi. Huc praecipue aromatica pertinent. Zingiberis itaque scrupulum cum Quassiae drachma in aquae libra ad uncias duodecim coqui curavi, decoctum vero saporis potius inquinati quam correcti obtinui. Sed scrupulus cinnamomi Zingiberis loco Quassiae additus decocto pergratum odorem et saporem, quamvis amaritiei haud prorsus velata conciliavit. Infuso Quassiae drachmarum duarum in aquae frigidae libra, vini Hispanici albi uncias sex opus erat, ad amaritiem aliquo modo obtegendam, eidem vero scopo aquae Cinnamomi cum vino unciae quatuor sufficiebant. Tincturae e cortice Aurantiorum, quam ipse, quum Edinburgi in officinis haud proffet, ex corticis Aurantiorum uncia et spiritus vini tenuioris uncias octo, paravi, sesquiuncia infuso odorem gratissimum largiebatur, saporemque satis celabat. Quoad saporem vero tincturae Cinnamomi, quae infuso colorem pulchre rubellum conciliabat, uncia illi palmam eripiebat, nec huic eadem aquae moschatae pars impar erat. Tincturae Kino, quam addidi, ut iis satisfacerem, qui vim corticis Peruviani a particulis adstringentibus amaris conjunctis pendere putant, drachmae tres infusum fere omnino insipidum reddebant. Aetheris vitriolici guttae triginta idem fere praestabant.

Ex syrups non nisi eos adhibere volui, qui aliquid aromatici cum Saccharo conjungerent, ne Quassiae vis inde imminueretur. Syrupi Caryophyllorum rubrorum sesquiuncia odorem, colorem et saporem pergratum duodecim infusi uncias conciliabat. Eadem syrupi Zingiberis

quantitas soli saporī emendando sufficiebat, qui tamen haud ita gratus ac praecedentis. Syrupum e cortice Aurantiorum optimum correctorem puto, quum una tantum uncia requiratur, ad saporem pergratum atque odorem gratissimum infuso largiendum; nec minus eam ob causam syrupo Caryophyllorum praeserendum, quod omni anni tempore parari possit. Quae de sapore grato locutus sum, non nisi momenta aliquot post assumptum remedium spectant, quum postea Quassiae amarities, quidquid addas, sese majori minorive gradu semper prodāt, nisi remediū vim penitus destruere in animo habeas.

Infusum drachmae Quassiae raspatae in aquae bullientis libra per horam sepositae Linnè prae caeteris commendat; optimam vero Quassiam propinandi methodum Fermin putat, semunciam corticis in aquae libris sex ad libras tres vase *probe* clauso coquere, modo mihi saltem incognito. Surinami praesertim tincturam unciae ligni duodecim spiritus vini unciis infusae in usum trahunt. Omnium autem mihi gratissimum videtur infusum drachmarum duarum in vini albi Hispanici libra, quod etiam ad roborandas ventriculi vires maxime convenit.

#### EXPERIMENTUM IV.

Quassiae raspatae uncia viginti quatuor horas duabus aquae libris infusa destillationi in balneo maris subiciebatur, donec libra circiter in excipulum transcenderet. Aqua haec destillata coloris subflavi saporem amariuscule, sed nulla olei aetherei vestigia ostendebat. Oleum aethereum quoque Schleger \*) et Paarmann \*\*) Quassiae inesse negant, sed Severi \*\*\*) se illud inde obtinuisse refert.

Ex uncia Quassiae sexies coctae non nisi drachmam extracti sicci, quamvis experimento saepius repetito obtinere potui. Eandem quantitatem Paarmann indicat, sed Schlegero plus quam sextam partem largita est. Bergius †)

\*) L. c.

\*\*) Ligni Quassiae examen. Argentorati 1772. 4.

\*\*\*) Commentarius, in quo medicatae vires Quassiae expenduntur. Patavii 1776. 4.

†) Materia Medica e regno vegetabili. 1778. 8. Vol. I. p. 353.

non nisi decimam quartam partem obtinuit. Color extracti aquosi fusco ferrugineus est. Granum ejus quatuor aquae libris evidentem amaritiam et colorem lutescentem conciliat. Tinctura spirituosae colorem subluteum ostendit et extracti resinosi Paarmanni vigesimam quartam, Schlegero vigesimam, mihi vero vix trigesimam partem dedit.

Alia ad eruendas Quassiae partes constituentes experimenta facere mihi nec tempus nec occasio permisit. Eas igitur, quas Severi invenisse putat, referam. Duodecim patebatur infusiones, antequam cessaret aquam amaritiae sua imbuere. Infusa haec extracti amarissimi magnam largiebantur copiam, sed non nisi duo ultima flammam concipiebant. Post has infusiones adhuc tincturam spirituosam, cui evidenter resina inerat, dedit, et, quamvis lignum jam plane insipidum videretur, vigesies tamen decoctum adhuc amaritiam suam ostendit. Infusum et decoctum charta bibula trajectum terram pinguem in charta reliquit. Post omnes infusiones ferrum in cinere, et alcali aliquid in lixivio remansit. Varia Quassiae recentis decocta extracta dederunt, quae crystallis formatis pinguem lixiviosam et ferro mixtam in charta bibula terram relinquerent. Crystalli hexaedri linguae frigoris sensum excitabant, igne detonabant, et cum acido effervescebant, manifesto signo, nitrum in illis sale alcali mixtum adesse. Aquae destillatae pauxillum olei aetherei innatabat. Destillatio sicca initio aquam puram, tum aquam acidam, spiritum acidum oleumque foetidum largiebatur. Carbo reliquus ferrum, lixivium vero non nihil salis cubici, sapore salis muriatici continebat. Quassiae igitur terram argillaceam, alcalinam, ferream, gummi, resinam et oleum aethereum inesse constat. E salibus nitrum, alcali et sal muriaticum ostendit. Modum experimentorum judicare mihi haud licet, quum Severi dissertationem non nisi ex recensione Halleri novi; hoc vero constat, ab analysi plantarum haud ad virtutes earum medicas concludi posse, quum plurima experimenta a chemicis Gallicis instituta omnibus fere plantis easdem partes constituentes inesse demonstraverunt.

## EXPERIMENTUM V.

Ut experirer, quænam vis Quassiae antiseptica esset, drachmas duas Gentianae, Cursutae, Quassiae, Lichenis Islandici, salicis et corticis Peruviani in aquae frigidae unciis sex infudi et per viginti quatuor horas sepositas filtro trajeci. Uniuscujusque infusi unciis tribus sanguinis semunciam admiscui, normae loco sanguinis semunciam per se, aliamque aquae purae unciis tribus mixtam apponens. Omnia probe conquassabantur. Paucis post horis Lichen Islandicus multis bullis aereis, salix pluribus, cortex plurimis tecti erant, quorum vero nullae in caeteris reperiebantur. Jam a secundâ die sanguis in infuso corticis et salicis fundum petebat, quum aliis infusis probe admixtus remaneret. Bullae aereae in Lichenis infuso plane evanuerant. Per quatuor dies, ad septimum Decembris, per quos thermometrum inter quadragesimum octavum, et quinquagesimum secundum caloris gradum cernebatur, nulla mutatio. *Septimo* Decembris hora octava post meridiem sanguis purus subfoetidus. Therm. gr. 47. *Octavo* hora octava p. m. aqua et sanguis paululum afficiebantur. Th. 46°. *Nono* hora nona a. m. sanguis putridior, Quassiae odor ingratus, Lichenis acidus, Th. 51°. Hora secunda p. m. Quassia valde putrida, ita ut foetorem aquae et sanguinis excederet; Lichen subputridus, Cursuta parum affecta. Th. 52°. *Decimo* sanguis, sanguis et aqua et Quassia ob foetorem seponebantur. Cursuta subfoetida, Lichen putridior. Th. 54°. *Undecimo* hora octava a. m. Cursuta et Lichen ob foetorem seponebantur. Infusi salicis odor acidus, quem a natura possidet, auctus. Th. 54°. Hora septima p. m. Salix putridior. *Duodecimo* hora octava a. m. Cortex et Gentiana, haec tamen magis, male olere incipiebant. Salix putrida. Th. 58°. Hora septima p. m. Gentiana subputrida. Th. 57°. *Decimo tertio* hora octava a. m. Gentiana putrida, Cortex subputridus. Th. 52°. Hora septima p. m. Cortex putridus. Th. 51°.

Ordo igitur, quo putredinem subierunt, hic est: sanguis purus, sanguis et aqua, infusum Quassiae, quod vero brevissimo tempore, ex quo affici ceperat, plane putridum

evafit, Lichenis, Cursutae, Salicis, Gentianae, Corticis; ex quo elucet, vim eorum antifepticam nec ab amaritie, quum Cursuta omnium amariffima fit, et Quaffia Gentianam valde antecellat, nec a vi adstringente pendere, quae in falice maximopere praevalat. An evolutio aeris a caufa mechanica, compreffione fanguinis pendet, quum non nifi in infuso Lichenis, Salicis et Corticis Peruviani bullae aereae cernerentur, qui manifesta vi adstringente praediti funt? Cur vero plus aeris in corticis Peruviani infuso evolvebatur, quam in Salicis, quum haec tamen multo magis adstringens fit? A fingulari fanguinis indole derivari poffe haud videtur, quum idem phaenomenon bis fefe ostenderet.

Idem experimentum poftea repetii atque eundem putredinis ordinem obfervavi, quamvis ob minorem atmosphaerae calorem tardius appareret.

#### EXPERIMENTUM VI.

Infusi Quaffiae, Colombae, Lichenis Iflandici, Corticis Peruviani, et Cursutae eodem modo parati unciiis quatuor immittebatur carnis bovinae femuncia. Salicem omiffi, quum mihi copia ejus deficeret, Gentianae vero Colombam fubftitui, quia non folum ad idem cum Cursuta genus fed ad eandem etiam fpeciem pertinet. Norma fuit carnis femuncia in aquae unciiis quatuor appofita. Poft viginti quatuor horas caro infuso Lichenis, corticis et Cursutae manifesta conffriktionis figna oftendit, quum in illa, quam infusum Colombae et Quaffiae tegebat, vix ulla oculis aut tactu obfervari poffent. Primis tribus diebus nulla fefe oftendit mutatio. Sub finem tertii caro in infuso Quaffiae et aqua pura putrida. Quarto tempore matutino caro Colombae putrida, vefpere etiam Lichenis. Quinto Cursutae putrida. Sub finem feptimi caro in infuso corticis male olere coepit, et feptimo tandem plane putrida evafit.

#### EXPERIMENTUM VII.

Ejusdem infusi unciae lactis recentis vaccini uncia admifcebatur. Normae loco lactis puri uncia inferviebat.



Duobus post diebus nulla adhuc mutatio. Duodecim abhinc horis omnia infusa praeter corticis acidum spirabant halitum, sapor nihil indicabat. Quarto die tempore matutino lac ipsum, infusum Quassiae et Colombae coacta erant, quod et vespere ejusdem diei Lichenis et corticis infuso contigit; Cursutae vero haud ante diem sextum coit.

### EXPERIMENTUM VIII.

Colombae, Cursutae, Quassiae, Corticis Peruviani et Lichenis Islandici drachmae duae duabus bilis bovinæ unciis admiscebantur, et singulae in phialis apertis seponebantur. Normam constituiebant bilis purae unciae duae. Post triginta sex horas bilis subputridum, Quassia vero ingratum, quamvis haud putridum, odorem spirabant. Post quadraginta octo bilis putrida, Quassia subputrida. Post sexaginta Quassia putrida, Colomba odoris acidi. Post septuaginta duas nulla alia mutatio praeter bilis purae et Quassiae odorem putridum diminutum. Quatuor post diebus Lichen Islandicus subputridus, cortex et Cursuta odoris rancidi. Duodecim abhinc horis Lichen putridus. Insequente die omnia ita exaruerant, ut fere nullum amplius odorem percipere posses.

Decocti igitur Lichenis Islandici, corticis Peruviani, Quassiae, Cursutae, et Colombae hoc modo parati, ut pulveris cujusque drachma aquae unciis tribus ad uncias duas coqueretur, unciae duae bilis bovinæ semunciae admiscebantur. Norma erat bilis semuncia duabus aquae purae unciis mixta. Post quadraginta octo horas bilis aquae mixta subputrida, quum thermometer ad quinquagesimum octavum gradum ascendisset, insequente vero die, atmosphaerae calore imminuto melius olebat, et post octoginta quatuor horas demum in perfectam putredinem abiit. Quinto die Quassia putrida. Undecimo Colomba acidum halitum spirabat. Duodecimo Colomba putrida, Lichen subfoetidus, sed cortex foetidior. Decimo tertio Lichen putridus, cortex putridissimus. Cursuta nulla putredinis signa ante diem vigesimum primum ostendit, et vigesimo secundo demum omnino putrida evasit.

## EXPERIMENTUN IX.

Colombae, Quassiae, Cursutae, Lichenis Islandici, et Corticis Peruviani drachma unciae bilis putridae admiscebatur, ut cujusque vires in corrigenda putredine elucescerent. Post horae quadrantem Quassia minus male olebat, Colomba et Cursuta vero subdulces erant. In Lichene Islandico et Cortice nulla apparebat mutatio. Post horam dimidiam Cursuta omnino dulcis, Colomba et Quassia melius olebant, ac antea. Cortex fere foetidior nec sese bili intime misceri patiebatur, ut caeteri pulveres, praesertim pulvis Quassiae, quae omnem bilem probe absorbuerat. Post tres horae quadrantes jam cortex et praesertim Lichen melius olebant, ita ut Quassiam grato odore superarent. Post horam corticis odor melior ac antea. Post horam et quadrantem Lichenis foetor fere nullus, qui post horam et dimidiam denique omnino evanuit. Post septem horae quadrantes Colomba iterum foetere incipiebat. Post quinque horas Cortex aequè dulcis ac Cursuta et Lichen. Post octo horas Colomba et Quassia foetidae, Post octodecim horas Cortex adhuc dulcis, Cursuta et Lichen foetere incipiebant, Colomba vero foetidior, Quassia foetidissima. Post nycthemerum Cursuta et Lichen odorem omnino foetidum exhalabant. Post triginta sex horas cortex subfoetidus, qui sex abhinc horis tandem in perfectam putredinem abiit. Cortex igitur quamvis tardus ad corrigendam bilem illam tamen diutissime correctam servavit, Quassia vero, quamvis initio putredinem satis imminueret, eam tamen haud omnino auferre potuit.

Diversam igitur eadem antiseptica vim in fibram solidam diversosque animalium humores exserere haec experimenta probant. In sanguine enim et carne a putredine tuendis cortex primum obtinuit locum, lac vero et bilem Cursuta omnium optime servavit. Virtutem bilem putridam corrigendi ab amaritie pendere ultimum demonstrat experimentum, quum Cursuta Colombam, haec Lichenem, ille vero corticem superaret. Quassia omnium quidem, quum caeteros pulveres levitate excedat, bilem optime absorbit, odoremque initio satis correxit, quod vero

postea sese minus efficacem ostenderit, ei forsitan tribuendum, quod ob majus volumen majorem ac caeteri aeri superficie praebuerit, quum hocce experimentum poculo, quo ab bibendum infusum theae utuntur, institueretur. In caeteris vero vim ejus antisepticam amaritiei, qua pollet, minime respondere, haec experimenta aequae ac illa, quae Paarimann et Severi instituerant, probaverunt. Vim adstringentem cum principio acido haud ita arcte conjunctam esse, ac non nulli putant, ex experimento septimo elucet, quum lac, cui infusum Quassiae et Colombae admixtum erat, citius illo coiret, quod cum infuso Lichenis et Corticis miscueram, qui tamen evidente adstringentia praediti sunt. Acida vero lac facillime cogere res notissima est. Quod in conservanda bile cortex a Lichene et imprimis a Cursuta tanto gradu superatus sit, inde forsitan derivandum, quod coctione magna virium ejus pars pereat, nisi illud insigni Cursutae virtuti, aut sicciori atmosphaerae, quum primis experimento diebus nubilo, postremis vero sereno coelo frueremur, tribuere velis. A corticis mala indole pendere haud potuit, quum in illius et Colombae selectione summam curam adhiberem.

Quassia praecipue in febribus valet, ad quarum sanationem primus in Europa Linnè eam, nimis forsitan laudibus commendavit, quem multi postea, vel auctoritate ejus vel novitatis studio seducti sequuti sunt, quum alii vero cortici nimium faventes eam prorsus rejicerent. Cortex quidem diu primum inter febrifuga, ut vocant, locum merito obtinuit, atque omnes adhuc, qui aequae efficax remedium pro illo substituere conati sunt, spe sua exciderunt. Saepe tamen votis minus respondet, aegro eum ob ingratum odorem et saporem omnino recusante, quem nec lacte nec glycyrrhiza, optimis quidem vehiculis, haud ita velare poteris, ut sese non aliquo saltem modo prodatur. Alii eum ob singularem idiosyncrasiam averfantur. Homini cuiusdam mentionem Cullen facit, qui ab assumpto cortice convulsionibus corripiebatur, ipseque aliquem novi, cui vel odor solus nauseam excitaret. Praeterea in febre remittente quae saepe tempore autumnali late vagatur et ob magnam bilis copiam, quam aegri evomunt, haud

inepte biliosae nomine venit, ea est ventriculi irritabilitas, ut, qualicumque modo eum exhibeas, protinus vomitu ejiciatur. Nec minus hoc in febribus vernalibus tertianis atque quotidianis prostratis aegri viribus accidere solet \*). Non negandum quidem, eum rebus ita jubentibus per anum haud sine fructu injectum fuisse, sed, quum tonus ventriculi ad vincendum in corporis superficie spasmodum plurimum valeat, haec methodus multo minus idonea est, et plerumque tardius, ac morbi violentia fert, effectus suos edit. Nec desunt observationes, corticem nimia copia ingestum pertinaci alvi obstructioni ansam praebuisse, aut diarrheas maxime noxias excitasse. His adhuc adjiciam, quod saepe, praesertim apud pharmacopolas belgas, qui viliori pretio omnem quem Angli recusant, avidè emere dicuntur, inquinatus aut corruptus prodest, eamque ob causam ingenti copia exhibendus sit, aut prorsus inutilis inveniatur. Corticem igitur, quaequae sint ejus vires, saepe alii remedio secundum esse videmus. An Quassia ejus loco in usum trahi mereatur, aliorum, quas referam, observationes docebunt. Non dubito, fore quosdam, qui credant, eosdem effectus aliud quodvis remedium insigni amaritiae praeditum edere potuisse, quum aliis, quae sensus feriunt, virtutibus carere videatur. Nec id prorsus denego, sed Cursutam, cui amaritiae et vi antiseptica cedit, ut et Gentianam grato sapore, et eo, quod sanguinis impetum haud augeat, antecellit. Colomba quidem nuper magnam sibi famam acquisivit, et vi calefaciente, ut Perceivalis experimentum probat, destituta est, atque vi antiseptica magis eminet, sed quum septies majori pretio veniat, et plerumque a vermibus corrosa reperiatur, eam haud aequa in laude esse arbitror. Nec Cursutam, quamvis e propinqua Norvegiae regione accersatur, minus mucori obnoxiam inveni, quum Quassia e contrario ob insignem ligni duritiem plurimos annos incorrupta remanserit. Chamomillae flores, quos ad fugandas febres jam antiqui laudarunt, in eo peccant, quod plerumque diarrheam excitent, et majori copia, quam quae aegro saepe convenit, ad finem propositum obtinendum exhiberi de-

\*) Monro's diseases of the British military hospitals, p. 167, 186.

beant. Alvum movere plerisque amarum commune vitium, quo vero mendo Quassiam haud laborare aliorum meaque ipsius me docuit experientia. Caeteroquin, ubi febrem sustulit, tam parva dosi illud effecit, ut nullam aegro molestiam exhibere posset.

Quod observationes ipsas attinet, Linnè \*) aegrum octogenarium qui semitertiana laborabat, cuique emeticum ob vires debiles, cortex vero ob averfionem dari non poterant, infuso Quassiae, cujus uncia quavis hora exhibebatur, intra duos dies sanavit.

In diversi generis febribus illam emetico aut purgante praemisso nunquam sefellisse asserit Fermin \*\*).

In febribus intermittentibus, Schwenke, cui le Clerc \*\*\*) assentit, repetito adductus tentamine eam cortici praefert, totamque medelam duabus infusi methodo Linnaeana parati libris, aut ad summum quatuor perfici posse contendit.

In quartana, quam summa spirandi difficultas, corporisque tumescencia comitabantur, hominem quadraginta annorum, multis aliis remediis incassum adhibitis sanavit, testante Schlegero †), qui summas ejus virtutes in diarrheis et febribus biliaribus celebrat. Eodem auctore in sudoribus foetidis tabidi foetor sudorque brevi tempore ab ejus usu remisit, quum tamen febris nullo modo augeretur, aut expectoratio diminueretur; nec minus effluvium salivae nimium et diabeten senis, ut et diabeten post gravem dysenteriam sanavit.

In tertianis et catarrhalibus illam laudant auctores anonymi versionis Germanicae systematis Linnaeani ††).

De aegro quodam, qui diu febre remittente afflictus corticem quoquo modo exhibitum vomitu ejecit, quem Quassia subito stitit, febremque ipsam brevi tempore sustulit, loquitur Fairley †††). Eodem auctore novimus, ter

\*) *Amoenitates academicae*, vol. 6.

\*\*) *Description de Surinam*, vol. I. p. 212.

\*\*\*) *Histoire naturelle de l'homme*, vol. 2.

†) *Berlinische Sammlungen*, 2. Theil. S. 160.

††) *Linnè pflanzensystem*, Nürnberg, 1777. 2. Theil. S. 464.

†††) *Philos. trans.* vol. 58. p. 81.

ubi propensio in putrefactionem aderat, et corticem ventriculus haud ferret, drachmam Quassiae suffecisse ad morbum tollendum, eamque in hoc corticem excelluisse, quod aeger ab eius usu haud incalesceret. Nec minus in febribus addita serpentaria, aut solam, summos effectus edidisse. Duobus aegris, quorum alter jam ante octo septimanas correptus vehementi, alter vero sat levi tertiana laborabat, Simson chirurgus Dalkeithiensis a me rogatus eam exhibuit, eo cum successu, ut ambo duabus infusi libris, methodo Linneana parati, omnino a febre liberarentur.

E contrario vero Tissot \*) in febribus intermittentibus corticem praefert Quassiae, quae et Bergium \*\*) saepe in his sefellit. Nec Spielmann experimentis Argentorati institutis eam votis respondere vidit. De virtute ejus febrifuga dubitat etiam Bourgeois \*\*\*), sed an propria observatione edoctus, haud addit. Severi †) vult, intermittentes haud sanare, nisi vernales, alias satis leves. In sexdecim quidem aegris febris vim fregit, sed cortice tamen opus erat, ad paroxysmi reditum impediendum. Unciae quinque ligni per se febres sanare haud potuerunt, et ad drachmas sex in die datum, febrem auxit. Sed novi febres, quas etiam quinque corticis uncis haud omnino tolleres, et corticem febrem augere constat, si intempestive adhibeas. Praeterea sex Quassiae drachmas, inprimis forma pulveris, nimiam dosin arbitrarer, quum tam insigni amaritiae praedita sit. Denique illam Home in nosocomio Edineni nuper in tertiana vix ullo cum fructu exhibuit. Initio quidem febrem imminuere videbatur, sed quum postea paroxysmus vehementior et ante solitum tempus recurreret, cortici cessit, quo febris paucis post diebus sublata est.

Ex hisce igitur observationibus comparatis, Quassiam, quamvis cortici haud aequiparandam, haud omni tamen

\*) Sur la santé des gens de lettres, p. 224.

\*\*) Materia medica, p. 225.

\*\*\*) Valmont de Bomare dictionnaire d'histoire naturelle, article Quassia.

†) Diss. supra citata.

virtute febrifuga destitui videtur, et satis inde auxilii peti posse credo, si febrem solummodo imminuat, viamque cortici paret. In febre biliosa maxima ejus laus, sed in infuso frigido exhibendam suaderem, quum vereor, ne pulvis ventriculo molestus sit. Praeterea infusum citius per ventriculum et duodenum diffunditur, eamque ob causam bilem putridam, vomitus causam breviori tempore corrigere potest. Nec minus forsitan in nimio vomitu gravidarum, aut in vomitu, qui febrem puerperarum comitari solet, laudari meretur. Iis porro infusum Quassiae in vino Hispanico albo aut Lusitanico rubro aqua dilutum commendarem, qui febre autumali remittente laborarunt, quum saepe, antequam integram sanitatem recuperent, summa vertigine et oculorum caligine afficiantur, at quas tollendas tonica plurimum valent. In febre hectica cortex plerumque ob nimiam virtutem tonicam nocere solet, in his igitur si febrem sistere res suadet, Quassiam praeferrem, quum testante Bergio et Fairley haud calefaciat, quibus mea ipsius experientia assentit, nam nec infuso nec decocto Quassiae, quamvis saepe sat magna copia biberem, pulsum aut celeriores aut fortiores inveni.

Medelam podagrae atonicae et regressae \*) a remediis, quae ventriculi tonum restituunt petendam esse ratio et experientia docuerunt, ad quem scopum jam antiquos praecipue amara adhibuisse novimus. Nec hic desunt Quassiae laudatores. Podagrici enim sexaginta annorum Linnè mentionem facit, qui a materia podagrica ad abdomen et pectus retrograda, suffocante adeo asthma metastatico afficiebatur, ut sese jam in mortis limine crederet. Sed assumpto infuso Quassiae post aliquot horas non asthma solum penitus sublatum est, sed cruciatus etiam, quos in abdomine passus erat, brevi tempore cessaverunt. Infusum vinosum ad podagram commendat Bourgeois \*\*), et podagricum illius cochlearia duo quotidie ante coenam assumpsisse refert, eo cum effectu, ut dolores, quibus fere continuo excruciabatur, magnopere di-

\*) Cullen's practice of physic, vol. I. p. 368.

\*\*) L. c.

minuerentur. Caeterum Bergius \*) Koelpin, Sandifort \*\*), et Wahlbom \*\*\*) illam in podagra magni faciunt. Calculosos etiam et hypochondriacos magnum inde levamen percepisse asserit Wahlbom. Usus ejus per integros annos continuandum, ut non nulli voluerunt, haud suaderem, quum a nimis diuturno amarorum in podagra usu saepe tristissima mala sequuta sunt. Nam de pulvere, qui apud recentiores ducis Mirandolae aut Portland nomine venit, et Gentiana centauryo minori aliisque amaris, atque Aristolochia constat, jam Coelius Aurelianus †) refert, usum ejus diuturnum apoplexiae, pleuritidis, asthmatis et hydropis causam exstitisse, quod recenti experientia Cullen ††) confirmat. Non eadem quidem est Quassiae ratio, quum Gentiana et praesertim Aristolochia illa multo calidiores sint, sed in re tanti discriminis periculum facere boni medici sane non est. In podagra inflammatoria aut erratica (misplaced) Quassiam haud adhibendam esse, res ipsa suadet.

Ad roborandum ventriculum Tissot †††) illam cortici praefert, eamque inprimis litteris deditis commendat. Nec minus Haller \*) in summa intestinorum post dysenteriam debilitate virtutes ejus in se ipso expertus est. In colica periodica, quae hypochondriacos et haemorrhoidibus affectos infestare solet, atque emollientibus et laxantibus strenue resistit, optimos effectus edidit \*\*). In vertigine diuturna cum spasmodis nuchae et doloribus capitis obtusis auxilium attulit, quod frustra a variis aquis mineralibus petebatur \*\*\*). In dysphagia quam dyspepsia a nimio salium usu orta antecessit, grandiusculis cibi massis viam dolor praecludebat. Graves e ventriculo eructationes nullum omnino levamen afferebant. Cibi appetentia

\*) *Materia medica*, l. c.

\*\*) *Konigl. Wetensk. acad. Handl.* vol. I. p. 168.

\*\*\*) *Medicinal werk tillstand for ar*, 1769. p. 105.

†) *Morb. chron.* l. v. c. 2.

††) *Pract. of physic*, vol. I. p. 401.

†††) *Sur la santé des gens de lettres*, p. 224.

\*) In praef. ad *pharm. Helveticam*, p. 10.

\*\*) *Linne syst. naturae versio Germanica*.

\*\*\*) *Schlegel in den Berlinischen Abhandlungen*.



parum laesa, febris nulla, lingua ac alvus naturalis. Nul-  
lum vitii topici signum. Spasmus oesophagi igitur ventri-  
culi atoniam, quae aequilibrium tolleret, indicabat. Ca-  
storeum, elixir viscerale, liquor anodynus, essentia Gen-  
tianae, aqua menthae piperitidis incassum adhibebantur,  
infusum rasurae Quassiae vero aegrum intra triduum peni-  
tus sanavit \*).

Iis qui corticem in dyspepsia in usum trahere cu-  
piunt, auctor essem, drachmas ejus tres et Quassiae drach-  
mam vini Hispanici libris duabus infundere, et per aliquot  
septimanas seponere, quum ejusmodi infusum non solum  
tincturam Corticis grato sapore excellit, sed ventriculo  
etiam multo minorem, si ullam, molestiam exhibet.

Vermes apud non nullos Quassiae ope profligatos esse  
Tissot et Fermin asserunt, quod vero potius tono intestino-  
rum restituto, quam vi ejus propriae in vermes tribuen-  
dum. Fortioribus igitur anthelminticis merito cedit, sed  
infantibus aut debilioribus, quibus haec minus conveniunt,  
vino Hispanico aut spiritu frumenti infusa exhiberi potest,  
quem solum vermes expellere memini.

Haemorrhagias, nisi eas excipias, quae a vi externa  
oriuntur, a plethora provenire, hanc vero non nunquam  
ab imminuto vasorum tono pendere, scimus; quod praeser-  
tim accidere solet, inprimis iis, qui aetate provectiori gau-  
dent, quando haemorrhagiae repetitis vicibus et certo  
quasi temporis stadio recurrentes in malum chronicum  
abierunt. Quod si igitur ita res se habet, nec ulla inflam-  
mationis signa obstant, remedia tonica haud inepte adhi-  
bemus. Quassiae etiam hoc in morbo solitas virtutes tri-  
bui posse, variae observationes docent. Haematuriam re-  
bellem, qua matrona nobilis affligebatur, ejus ope mature  
stetit Bergius \*\*). Haemorrhagiam uterinam mulieris  
quingenta duo annorum, multis aliis remediis incassum  
adhibitis, illa sanavit Schleger \*\*\*), qui haud minori cum  
fructu alii mulieri, quae per novem septimanas doloribus  
colicis continuis, a vehementi cistorrhoea oriundis afflicta,

\*) Tode in collect. Haefnienfibus. 1774. p. 205.

\*\*) L. c.

\*\*\*) L. c.

febri hefticae fere succumbebat, Quaffiam in fero lactis propinavit, eamque brevi tempore ad priftinam fanitatem reftituit.

Saepe haemorrhoides, quae primam cauffae totum corpus afficienti originem debent, aut quae mora nimis altas radices egerunt, quando, quaequae fit cauffa, subito fiftuntur, vertiginem, cephalalgiam, anhelitum, aliaque haud minoris momenti fymptomata excitant, fed praeertim ventriculi vires inde patiuntur. Hirudines et vapores tepidi ano adhibiti fanguini exitum parant, faepe vero etiam remedia tonica votis respondent. Frater Levinus Ebeling \*), qui Luneburgi medicinam profitetur, quum doloribus capitis ab haemorrhoidibus interceptis vehementiffimis afficeretur, quinquaginta guttis extracti Quaffiae drachmae unius in liquoris terrae foliatae tartari uncia folutae bis die ufus eft, eo effectû, ut haemorrhoides inter quatrimum fluere inciperent, iisque folutis cephalgia prorfus evanefceret. Alium quendam folius Quaffiae fcrupulis duabus in die exhibitis brevi tempore fanavit, idemque remedium poftea haud minori cum fructu non nullis, qui eodem morbo laborabant, obtulit.

Leucorrhœa plerumque a laxitate ultimorum vaforum uteri oritur, diuque protracta totius corporis fed inprimis ventriculi vires magnopere imminuit. Saepe igitur tonica multum ad eam tollendam valent. Infufi Quaffiae vinofi ope Schleger fluorem album benignum, qui aegram valde exhauriebat, octo feptimanis fuftulit, nec minus Frater Levinus Ebeling, virgini leucorrhœa pertinaci, quae remediis evacuantibus ab alio medico adhibitis, quotidie incrementum ceperat, laboranti, pillulis ex extracti Quaffiae drachmis tribus, faponis veneti et gummiatis ammoniaci cujusque drachmis duabus confectis, quarum fcrupulum mane et vefpere quotidie affumpfît, fex feptimanis medellam attulit. Amenorrhœam vero, a partu fuperfitem, a qua tres tumores mammae, ovi gallinaei magnitudine ortum trahebant, femicupiis tepidis, purgantibus et diutur-

\*) In Litteris ad me datis.

no usu Quassiae sustulit Alix \*), quo facto tumores mammae absque ullo remedio externe adhibito evanuerunt.

In gangrena profuturam credit Linnè, sed nulla mihi occurrit observatio, quae efficaciam ejus in hoc atroci morbo testaretur. Externe adhibitam ob tenuem vim antisepticam inutilem fore arbitror, quum cortex ipse ita adhibitus vix ullius efficaciae sit. Effectus quoque, qui usum ejus internum sequuntur, potius vi tonicae, quae inflammationis gradum ad separandam partem gangraena correptam necessarium excitat, quam antisepticae tribuendos esse, autumo. Sed an Quassiam aequo jure in usum trahere possimus, ideo dubitamus, quod sanguinis impetum vix augeat. Quum vero ventriculi irritabilitas saepe gangraena ita increseat, ut corticem omnino respuat, Quassiam exhibendam suaderem, donec haec irritabilitas adeo imminuta sit, *ut cortex tuto in usum* trahi queat.

\*) Observata chirurgica, Altenburgi 1774. 8.

## DISSERTATIONIS

## PARS ALTERA

DE

## LICHENE ISLANDICO.

**I**NTER gravissimos corporis humani, eosque in nostra globi parte frequentissimos, phthisis pulmonalis numeranda est, cui fere nullam adhuc ars medica medelam afferre potuit. Haud inutilem igitur laborem suscepisse spero, pauca de remedio novo disserendo, quod multum, si a virtute plantarum insita ad vires earum medicas concludere licet, in hoc morbo profuturum esse videtur. Nec sola tantum ratio, sed etiam experientia non nullorum gravissimae in re medica auctoritatis virorum LICHENIS ISLANDICI virtutes praedicat. Nomen planta ab insula Islandia accepit, ubi omnes fere montes rupesque tegit. Haud vero soli huic insulae propria, sed per omnem quasi Europam occurrit. In Suecia illam Linne \*), in Dania et Norvegia Borrich \*\*\*) et Oeder \*\*\*), in Prussia Breyn †), in Germania in Hercyniae montibus Schneck ††) et Weis †††), in Saxonia Rupp \*), in Austriae Alpibus Scopoli \*\*), in Helvetia Haller \*\*\*), in Italia Michel †), in Gal-

\*) Flora Suec. 959. 1085 Lap. 445 Suecis hede-massa.

\*\*) Muscus catharticus Aët. Dan. 1671. Obs. 66.

\*\*\*) Oeder flora Danica Fasc. 3. Tab. 155. Islands mosse. Figura omnium optima.

†) Muscus pulmonarius terrestris sanguineus. Aët. nat. curios. 3. p. 439. c. f.

††) In Litteris ad me datis.

†††) Cryptogamia Goettingensis.

\*) Lichen terrestris pictorum, rigidus, foliorum eryngii aemulus, basi purpurascente, substantia ad fuscum vergente. Flora Jennis I. pag. 341, et 2. 297.

\*\*) Annus secundus historiae naturalis.

\*\*\*) Historia stirp. indig. Helvet. tom. 3. p. 82. ad Lichenes cerniculatos refert.

†) Lichen pulmonarius, minor, angustifolius, spinis tenuissimis ad margines ornatus, receptaculis florum transverse oblongis.

lia Tournefort \*), Vaillant \*\*) et Gerard \*\*\*), in Anglia Ray †) Morison ††) et Hudson †††), in Scotia Lightfoot \*), in Thracia denique et Asia Minori Buxbaum \*\*) invenerunt.

Habitat praecipue in ericetis et pinetis atque in summo montium cacumine. Semper e terra aut saxis provenit, nec unquam in arboribus crescere visus est. Ad classem naturalem Algarum pertinet, inter Lichenes vero ad foliaceos secundum Linnei divisionem numeratur. Ostendit folia propemodum erecta, a duobus ad quatuor pollices alta, sicca rigida et coriacea, recentia vero mollia et flexibilia, varie absque ordine divisa in lacinias late distantes extremitate bifida vel trifida. Superior aut interior superficies concava, glabra, coloris spadicei. Superficies inferior aut exterior glabra, albida, foveolis et verrucis parvulis nigris hinc inde notata. Basis foliorum coloris minei, qui sese etiam aliquando partibus superioribus immiscet. Margo foliorum ubique spinulis coloris badii, inflexis ciliatus. Scuta rara extremitati laciniarum adhaerentia, margine libero, in adultioribus fimbriato in junioribus integro.

Duas alias hujus Lichenis varietates enumerat Linne \*\*\*) primam.

Lichenoidem Eryngii folia referentem, tenuioribus et crispioribus foliis. Dillenii hist. musc. 212. tab. 28. f. 112. secundam vero,

rubris vel ex rubro ferrugineis. Nova pl. genera, p. 85. n. 7. T. 44. f. 4.

\*) Coralloides cornua damae referens. Hist. des plantes autour de Paris 423.

\*\*) Botanicon Parisiense.

\*\*\*) Flora Gallo Provincialis.

†) Synopsis pl. generalis p. 77.

††) Musco fungus terrestris superne cinereus. Hist. pl. univ. tom, 2. p. 632.

†††) Flora Anglicana, p. 449. Eryngo leaved Liverwort.

\*) Flora Scotica, vol. 2. p. 829.

\*\*) Lichen terrestris foliis Eryngii. Centuriae pl. minus cognitarum cent. 3. p. II.

\*\*\*) Species plant. p. 1611.

Coralloidem tenuissimum nigricantem mundi muliebris instar textum Dillen. musc. 113. tab. 17. f. 33.

Primam varietatem Lightfoot ad Lichenes fruticulosos nomine *LICHENIS HISPIDI*, fruticulosi, solidi, ramosissimi, ramis divaricatis subcompressis glabris, spinulosis, angulis obtusis refert, secundam autem comparato Dillenii specimine cum figura speciem omnino diversam, *Lichenem pubescentem* Linnei exhibere arbitratur. Mihi de hac re judicare haud licet, quum non nisi primam speciem, quam uberius descripsi, recentem vidi, hanc igitur solam experimenta omnesque, quae sequuntur, observationes spectant.

Odor hujus *Lichenis* nullus, nisi ferro candenti inspergas, quum subacidum edit, quod vero plerisque aliis vegetabilibus etiam contingit. Saporem intense amarum appellarem, quamvis alii illum non nisi leniter amaricantem praedicent, adeoque tenacem reperi, ut decoctum vigesimum adhuc manifesta amaritiei signa ostenderet. Quem inter amara, cum quibusdam aliis comparatus, locum obtineat, prima hujus dissertationis pars docet.

Decoctum *Lichenis Islandici* colorem luteum ostendit, qui vero affusa salis martis solutione in rubrum mutatur.

### EXPERIMENTUM I.

Ut de gradu adstringentiae, quem cum non nullis aliis plantis hac virtute praeditis comparatus obtinet, certior fierem, drachmam pulveris corticis Peruviani, corticis salicis, *Lichenis Islandici*, radicis *Gei rivalis*, quam Indi in colonia Eboracensi \*) ad fugandas febres intermittentes adhibent, theae boheae et foliorum rosae *Eglanteriae*, quae non nulli in Germania loco theae utuntur, tribus aquae frigidae unciis infudi. Post viginti quatuor horas infusum *Gei*, filtro trajectum colorem badium, theae luteum, rosae subluteum, corticis flavum, salicis subflavum et *Lichenis* ex violaceo flavescentem ostendit. Cujusque infusi unciae drachmae duae solutionis salis martis affusae, *Geo atramentarium*, rosae ex rubro atrum theae ex viridi

\*) Kalms Reise nach Nordamerika.

atrum, cortici gramineum, salici luridum, et Licheni ex violaceo rubrum colorem conciliaverunt.

Duabus reliquis cujusque infusi unciiis drachma carnis bovinæ immittebatur. Post quadraginta octo horas, caro ex infuso theae primum, ex rosae secundum, ex Gei tertium, ex salicis quartum, ex corticis quintum, ex Licheni infuso denique ultimum constrictionis gradum ostendit. Eandem igitur adstringentiae rationem cum carne observarunt, quam quoad nigrum colorem cum sale martis exseruerant, excepta rosa, cujus infusum limpidius theae infuso majorem tamen addito sale martis nigredinem ostendit, quum vero in constringenda carne a thea magnopere superaretur; ex quo elucet unam hanc alteramve vim adstringentem dijudicandi methodum in magno adhuc discrimine versari.

## EXPERIMENTUM II.

Lichenis Islandici uncia in aquae libra per quadrantem horae cocta preloque subjecta septem mucilaginis uncias largiebatur, amarae, rubicundae atque in ore solubilis, ejusdemque fere consistentiae, quam gummi Arabicum tribus aquae partibus solutum possidere solet. Cum Vitriolo martis profunde rubrum colorem exhibebat, chartaeque illinita leviter illam conglutinabat.

Hujus mucilaginis semuncia pari quantitate olei amygdalarum leviter terendo conjuncta illam in sex aquae unciiis sensim affusis optime suspendebat. Nec minus oleum Ricini et oleum therebinthinae eodem modo arte aquae conjungit, quae alias difficillime aquae miscentur. Olea haecce quidem post aliquot horas aquae innatabant, sed phialam leviter concutiendo iterum aqua subigebantur. Ad camphorae scrupulum aquae unciiis sex intime miscendum drachmae duae hujus mucilaginis requirebantur, quae camphorae nec non olei therebinthinae saporem urentem aliquatenus velabat. Oleo Ricini quoque amarities ejus gratum et fere amygdalinum saporem conciliat.

Mercurium haud probe subigit, nec ceram aquae miscet, quum nimio tritu dissolvatur.

## EXPERIMENTUM III.

Ad Lichenem Islandicum in pulverem redigendum requiritur, ut prope ignem amplius exsicccetur, quum alias ita tenax sit, ut nullo modo contundi queat.

Uncia hujus pulveris aquae libra per nycthemerum infusa in balneo arenae destillationi subijciebatur, donec circiter unciae octo in excipulum transfirent. Aqua destillata odoris et saporis aciduli, nullam a solutione salis maris coloris mutationem patebatur. Metuens ne forsitan vis adstringens exsiccatione Lichenis periret, Lichenem haud in pulverem redactum eodem modo, sed eodem quoque eventu destillationi subjeci. Nullum olei aetherei vestigium reperi.

## EXPERIMENTUM IV.

Uncia Lichenis sexies fortiter coquebatur. Decocta invicem mixta et ad siccitatem evaporata extracti drachmas quinque scrupulosque duos largiebantur. Extractum hocce coloris subnigri et substantiae coriaceae, aqua calida solutum mucilaginem spissam, omnis fere amaritiei expertem exhibebat. Igni admotum flammam concipiebat.

Lichen a coctione superstes et probe exsiccatus per quadraginta octo horas spiritu vini rectificato infusus extracti resinosi granum et quinque octavas partes dedit. Lichenis vero haud cocti uncia quinque spiritus vini rectificati per horas quadraginta octo infusus, extracti grana tredecim largiebatur. Lichen ab infusione superstes, probe exsiccatus et sexies coctus, extracti gummosi drachmas quatuor, scrupulos duos et grana sex dedit.

Experimenta, quae docent, Lichenem vi antiseptica haud destitui, prima dissertationis pars continet.

Experimenta jamjam relata ostendunt, Licheni amaritiam, adstringentiam, parvam resinae et permagnam gummi copiam inesse. Mucilago ejus ad olea aquae miscenda aliis forsitan praeferenda est, quum non solum saporem oleorum corrigat et acrimoniam obtegit, sed etiam per longum temporis spatium impediatur, quo minus rancida evadant; mixturas oleosas enim, de quibus supra locutus



sum, per quatuordecim hebdomades, quamvis tempore hiberno in hypocausto calido sepositas, a putredine immunes servavit. Praesertim in colica utilis erit, quum oleum therebinthinae ita arcte aquae misceat, ut clysmate adhiberi possit, absque metu, ne intestina nimis irritet, aut rejiciatur, antequam superiores coli partes attigerit, quod alias plerumque accidere solet. Nec minorem laudem meretur, quando oleum ricini in ileo aut aliis colicae speciebus adhibere animus est, quum illi saporem pergratum conciliet, quem quidem ab admixto spiritu frumenti aut sacchari etiam obtinet, sed haud absque aliquo periculo inflammationis auctae.

Ad usum medicum vel dieteticum Lichenem hoc modo exhibendum commendarem. Uncia Lichenis aqua bulliente infundatur et per semihoram seponatur, tunc hac aqua effusa in aquae bullientis libris quinque ad duas coquatur. Infusione praevia a rebus heterogeneis et a magna amaritiei et adstringentiae parte liberatur. Coctione repetita decoctum priori amarius sed multo minori mucilaginis copia imbutum reperies. Primum igitur decoctum solum adhibeatur. Quum vero et hoc non omni omnino amaritiei destituatur, pari lactis copia; aut sexta mellis vel syrupi limonum parte, aut, si in febribus exhibeas solo nutriendi scopo, quarta vini Hispanici albi parte, aut pari jusculi bovini copia satis gratum illi saporem concilies. Lacte coctus minus convenit, quum illi nimiam amaritiam impertiat. Ad linctus mel et syrupus limonum decocto Lichenis prius hunc in finem ad majorem spissitudinem evaporato sumantur.

In Islandia, ubi Fiaella-grafs vocatur, hicce Lichen incolis jamdiu alimentum aequae ac medicina existit. Olaus Borrich \*) refert, Islandos primo vere illo ad ducendam alvum uti, aestate vero in farinam comminuere et pulmentis admiscere. Vim purgantem illi denegat Scopoli, nec ego ipse illam in me expertus sum, sed forsitan non nisi de herba recenti valet, quum mihi vero cum exsiccata tantum experimentum facere licuit. Sed Borrichio

\*) L. c.

haud magis assentit Olafsen \*), qui potius quotidiana Islandorum experientia evinci contendit, eum, si unquam, alvum non nisi lenissime solvere, et mulieris cujusdam exemplo probat, eum ad cohibendam pertinacem diarrheam profuisse. Vim ejus nutrientem vero tantam esse asserit, ut operarii tenuem alias victum recusantes, illo omnino contenti sint, nec minus ita facilem digestu reperiri, ut debili ventriculo languentibus et phthisi correptis maxime conveniat. Lichenem huncce plerumque in pulvem coctum comedunt, sed antea aqua frigida per diem extrahendae amaritiei causa macerandus, deinde in sero lactis elixandus in gelatinam, quam denique lacte mixtam in cibum recipiunt. (Experimento vero a me instituto aqua frigida vix ullam amaritiem extraxit, nec Lichenem de illa aliquid perdidisse insequens coctio ostendit.) Alii eum modo jam dicto maceratum igne vel ardore solis exsiccant, atque in pulverem reductum in lacte puro elixant. Panem inde haud saepe coquunt, qui tamen adjuncta frumenti farina satis bonus est. (Ego quoque ex pulvere Lichenis admixta farina et praevia maceratione panem conficere tentavi, sed absque coctione Lichenis, antequam in pulverem redigeretur facta, vix ob ingentem amaritiem edulis erat. Lichen quater coctus addita parva farinae triticeae quantitate panem haud ingratum largiebatur, sed magna ejus copia requiritur, quum coctione quater repetita ultra dimidium ponderis perdat.) Horrebow \*\*) etiam refert, se Lichenem modo solito apparatus libenter esitasse, tanquam cibum salubrem sapidumque, additque, Islandorum complures nulla omnino frumenti farina uti, quando satis magna Lichenis copia illis datur. Nec est, cur mireris, quum testante Olafsen cadum Lichenis probe emundati et compressi eandem ac duo frumenti cadi nutrimenti copiam continere putent. Solent Islandi ante foenificium catervatim aspera saxeta petere ad hunc Lichenem colligendum, qui, quo vegetior fuerit, eo magis ipsis placet; istae autem excursions potissimum instituuntur coelo pluvio ne folia arida manus laedant, neque vero crebrius eadem loca

\*) Reise igiennem Island. tom. I. p. 159.

\*\*) Zuverlaessige Nachrichten von Island, p. 104. vers. Germ.

revisitantur, quam interjecto triennii spatio, quum planta haec tres annos ad sui incrementum requirat. Peracta demum collectione, suam quisque penum ignis ope arefactam in farinam conterit et in doliola immittit. Pretio admodum vili venit, quum mensura, quam Angli bushel vocant, uno circiter shillingo comparari possit. Summa hujus Lichenis vis nutriens eo quoque probatur, quod in Carniola, parte circuli Austriaci, boves equosque macros ad ea loca mittere soleant, ubi copiose crescit, qui sic brevi tempore pinguescunt, atque amissas vires recuperant. Nec minus ibi ad saginandas fues adhibetur.

Extra patriam, a qua Lichen Islandicus nomen suum accepit, jam sub finem seculi praeteriti eum in usum medicum adhibuit, et quibusdam experimentis chemicis subjecit Hiaerne \*) medicus Suecus, qui praesertim magnas ejus laudes in phthisi et scorbuto facit. Digestu facillimum esse, perspirationem leviter augere atque respirationem laesam liberiores reddere asserit. Nostis vero temporibus praecipue Scopoli eum phthisi pulmonali laborantibus commendavit, nec immerito, si ex pluribus, quas addit, observationibus, et virtutibus huic plantae infitis concludere licet. Vana forsitan spes esset, nos ope hujus plantae dirum huncce morbum omnino tollere posse, sed mihi remedium haud omni laude carere videtur, si in morbo tanti discriminis aliquod saltem levamen affert. Sed non hoc solum de Lichene praedicare, sed eum etiam fere omnibus, absit invidia verbo, quae adhuc contra hunc morbum adhibita fuerunt, remediis antepone audeo. Sperma ceti enim ventriculum saepe offendit, et facillime, praesertim in australioribus Europae regionibus rancescit. Olea eodem mendo laborant, atque sicut et mucilagine atque sacharina magna copia ingesta ventriculum laedunt. Lichen vero corruptioni nullo modo obnoxius, nisi loco humido asservetur, et, ut omnes testantur observationes, digestu facillimus est, quum forsitan laxitas, quam magna mucilaginis, qua scatet, copia ventriculo inducere posset, vi ejus adstringente et amaritiae corrigatur. Nec minus ob

\*) Abhandl. der schwed. Acad. der Wissensch. 6 B. S. 163.

virtutem antisepticam, quam insigni gradu possidet, laudari meretur. Apud exercitus tempore aestivo, praesertim quando bellum per plagas calidiores vagatur, aut in navibus, quae diuturna versus austrum itinera suscipiunt, summa cura vix impedire poteris, quominus oleosa rancida evadant; eorum igitur loco Lichenem nostrum commendarem, cujus magnum volumen obstaculo haud erit, quum loco paleae ad firmandas lagenas vitreas adhiberi possit. Balsama plerumque corporis calorem nimium augere, ubi obstructions in pulmonibus adsunt, tradit Monro \*), quum tamen in tussi a relaxatis pulmonum vesiculis haud absque emolumento exhibeantur. Sed et huic Lichenem mederi posse verisimile est, quum haud exigua vi adstringente praeditus sit. Praecipue admixto syrupo limonum profuturum spero. In diarrhoea vero, quae sub finem phthiæ occurere solet, mucilagines et adstringentia laudantur; quis igitur remedium inutile praedicare poterit, quod utramque virtutem in tanto gradu possidet, ac de Lichene Islandico constat? Nonne etiam amaritiei ejus vi tonica ad hoc funestum symptoma tollendum valebit, quum tamen tonica validiora ob metum, ne calorem augeant, in usum trahere haud queas? Hic igitur decoctum absque infusione praevia, qua magna pars adstringentiae perit, paratum, in clysmate, aut cum syrupo limonum ore assumptum commendarem. Quodsi res ita jubet, quartam circiter partem solutionis gummi Kino aquosae, cujus exigua pars amarum Lichenis saporem omnino velat, admisceri poterit, quod etiam remedium ad sistendos sudores hecticos laude sua haud destituetur. Morbo vero haud ita altas radices agente, praesertim quando puris excretio minus bene sit, mel admixtum praeserrem, quod insigni vi, ut vocant, detergente gaudet. Tussi urgente decoctum ad majorem spissitudinem evaporatum cum melle aut forsitan parva syrapi papaveris quantitate forma linctus magis idoneum censeo; quum vix sperare possis, tam parvam ejus copiam effectus suos in pulmones edituram. Scopo nutriendi cum lacte adhibeatur.

\*) Diseases of military hospitals, pag. 9.

Sed missa ratiocinatione ad ea, quae experientia edocuit, procedo. Juvenem macie correptum, tussientem, difficulter respirantem, foetida expuentem, ac lenta exhaustum febre, postquam a medicis derelictus fuisset, Lichene Islandico lacte, et quum lac ventriculus ferre recusaret, aqua cocto omnino sanatum refert Scopoli, qui sequentes quoque nobis observationes tradidit.

Clericus haemoptysi repente correptus emaciatur, sputa purulenta ejicit, noctu sudat, ac lenta febre consumitur. Variis remediis incassum adhibitis, Lichene solo pristinam recuperat sanitatem.

Fossori post febrem intermittentem tussi, sputo sanguine mixto, respiratione ardua, sudoribus nocturnis et macie affecto, Lichenis usu omnibus hisce symptomatibus sublatis, vires amissae omnino redduntur.

Femina quaedam gracilis, tussiculosa et debilis, quum infantes haud absque magna utilitate lactaret, Lichene utitur lacte cocto per integrum annum. Sic nutritio felicior succedit, vires augentur, raro tussit et lactationem faulste absolvit.

Concionator capucinus pallidus, tussiens et macer jam per plures annos Lichene utitur, sed a secundo ab ejus usu anno bona omnino valetudine gaudet. Nec minus in pluribus aliis ejusdem generis morbis votis respondisse idem Scopoli testatur.

Bergius \*) quoque refert, se multos vidisse, phthisi pulmonali obnoxios, ex usu pulmenti e lacte et Lichene parati in integrum restitutos et obesos factos; atque ita facilis digestionis hoc pulmentum invenit, ut etiam vomitu frequenti chronico afflicti, quique alia esculenta rejicerent, illud retinere potuerint. Praeterea novi, Lichenem a non nullis medicis Germanis summo cum fructu adhibitum fuisse.

\*) *Mat. medica*, p. 858.

In catarrho etiam fauces et laryngem a muco acri optime tuetur, ut in me ipso expertus sum, et muci excretionem, glandulas mucosas jam relaxatas vi adstringente roborando, promovere videtur. Nec minus in peripneumonia ad tussim sedandam optime valet, qua impeditur, quominus mucus majorem spissitudinem acquirere et mitior fieri possit. In initio phthiſeos ab hoc morbo ortae, Lichenem summo cum effectu adhibuit Quarin \*), qui eum etiam in tussi a morbillis cum puris excreatione et nephritide magni facit. Nec minori cum fructu in morbillis epidemicis Hafniae grassantibus eo usus est Schoenheyder \*\*), quam tussis purulenta septimanas aliquot post morbillorum decessum aegros invaderet. Ex quatuordecim infantibus non nullis oxymel scilliticum, aliis quibus, excreatio difficilis, kermes mineralis exhibebantur, quibusdam ad praecordia applicabantur vesicatoria, aliis linimenta oleosa et Theriaca Andromachi, sed absque ullo fructu. Corticem jam antea spei haud parem invenerat, ideoque Lichenis Islandici unciam aquae libra ad uncias duodecim coquendam, addita syrupi scillitici semuncia praescripsit, hujusque decocti unciam omni bihorio aegris propinavit. Initio nullum praeter doloris imminutionem effectum edidit, post unam vero alteramve hebdomadam res in melius mutatae aegrique omnes quinque hebdomadam spatio ad integram sanitatem restituti fuerunt. Quibusdam sub ejus usu diarrhoea accidit, frequens in morbillis symptoma, quae tamen usu mucilaginis Arabicae sistebatur.

Forſitan etiam in febre maligna, ubi tussis et respiratio difficilis aegrum afficiunt, spermatis ceti, quod Monro \*\*\*) cum spiritu mindereri adhibuit, praeferri meretur, quum hoc putredini nimium faveat, cui Lichen admodum resistit. Summos saltem in hoc symptomate ab ejus usu fructus percepit Quarin †). Saepe etiam in ejus-

\*) Meth. med. inflamm.

\*\*) Collect. Soc. med. Hafniensis, vol. I. p. 128.

\*\*\*)) Diseases of military hospitals, p. 19.

†) Meth. medendarum febrium.

modi febre, praesertim si jam sublata revertitur haemorrhagiae narium et sanguinis ex alvo profluvium aegri vires prosternt, quibus cortex, potus acidus, vinum, victusque nutriens et digestu facilis medentur. Nonne hic Lichen cum acido vitrioli, aut syrupo limonum aut vino in usum trahi meretur, quum tanta virtute nutriente gaudeat, visque ejus adstringens aliquantum saltem ad haemorrhagiam alvinam sistendam conferre possit? Nec minus in ingente post febrem urinae atque salivae profluvio, ut et in sudoribus colliquativis cibi loco assumptus proderit, quum in his, praesertim diabete, victus nutriens, mucilagines ad urinae vias ab acrimonia tuendas, et adstringentia requirantur. Sed absit, ut credas, Lichene solo hos morbos tolli posse, quem non nisi alius cibi minus nutrientis et digestu difficilioris loco adhibitum, medelam promoturum censeo.

In rachitide victus nutriens et acidum, quod plerumque nimia copia in ventriculo adest, corrigens, inter optima remedia merito numeratur. Lichenis igitur, quum utramque virtutem possideat, decoctum spissius cum jusculo carnis, vel vini generosioris aut aquae cujusdam aromaticae parva quantitate, saporis corrigendi causa, haud sua laude carebit. Ii vero, qui vinum aut aquam aromaticam ob magnum pretium adhibere nequeunt, uncias duas Lichenis cum drachma seminum foeniculi aquae libris quinque ad duas coquant. Decoctum hocce satis spissum et saporis haud ingrati reperietur, sed frigide propinandum, quum omnis potus victusque calidus, quem ventriculi vires imminuere novimus, in hoc morbo evitandus sit. Nec ante coctionem aqua calida infundatur, quia infusione magna pars vis adstringentis perit, quae in rachitide, cui remedia tonica praecipue conveniunt, magnae utilitatis esse potest.

Saepe in dysenteria tanta materiei acris copia intestina obsidet, ut, qualiacunque evacuantia adhibeas, impedire haud possis, quominus aeger tenesimum et atrocissimos dolores inde patiatur. Anodyna narcotica dolores

vix minuendo morbi impetum plerumque vehementer augere videntur. Aliud igitur remedium haud datur, quam intestina magna liquoris demulcentis copia ab acrimonia tueri, quum dolor; nisi inflammatio adest, a sola materie acri intestina convellente, et mucii naturalis defectu oritur. Non nulli olea laudant, quia alvum solvunt, sed metuendum, ne calore corporis justo majori et bilis putridae admixtione rancecant. Lac vomitum movet, alvum stipat, languorem auget, atque artuum dolores excitat. Lichen vero putredini resistit, bilem putridam brevi tempore corrigit, nullamque ventriculo molestiam creat. Adstringente vi tanta non gaudet, ut commodum, quod a vi ejus correctrice expectandum est, superare possit; praeterea decoctum cum melle, quod insigni vi laxante et antiseptica praeditum est, exhiberi poterit. In dysenteria putrida syrupi limonum aut sachari et vini rhenani vel gravenensis aut succi prunorum vel vaccinii admixtio potius eligenda. Quod si faeces nimium aquosae et ingenti copia excretae fuerint, absque praevia infusione per anum injiciatur, addita, si res postulat, parva solutionis gummi Kino quantitate. Praeterea, quum in dysenteria maligna aegri vires subito exhauriantur, victu nutriente sustentandae sunt, cui caro, quae nimium in putredinem prona est, haud convenit, spissiore Lichenis mucilaginem cum pauxillo vini instar nutrimenti adhibendam suaderem. Nec minoris in dysenteria chronica usus erit, quum et in hac caro noxia visa sit. Quando dolores ad os sacrum percipiuntur, signum rectum inprimis affici, decoctum clysmate injiciatur, nisi a scybalis durioribus proveniant, quae salium ope eliminanda sunt.

Nonne etiam decoctum aliquantum spissius in vomitu cruento et morbo nigro ad sanguinem cohibendum aliquo modo conferre poterit, quum fere nulla omnino alia remedia adhiberi queant, quam mucilagines, quibus vero virtus adstringens deest. Non nulli forsitan ab hac Lichenis virtute ventriculum irritari posse arbitrantur; sed quum testante Bergio in vomitu chronico ventriculus, qui omnes alios cibos rejiciebat, eum optime



ferret, haec, mihi haud iusta timoris causa esse videntur.

In haemorrhoidibus, si validiora adstringentia in usum trahere res vetant, Lichenis Islandici decoctum absque praevia infusione per anum cum fructu injici poterit, quum vis ejus adstringens ad sanguinis profusum sistendum aliquantum saltem facere; et mucilago, quam continet, alvum ab excoriationibus, quibus in hoc morbo saepe obnoxia est, optime tueri queat.

In gonorrhea plerumque mucilagine gummi arabici utuntur ad urethram ab urinae acrimonia tuendam, quae deficiente naturali suo muco graves plerumque dolores inde pati solet. Sed mihi parva hujus mucilaginis copia, quae raro uncias duas vel tres excedit, haud magni momenti esse videtur. Forsitan, si Lichen Islandicus cum lacte aut melle victus loco exhiberetur, majoris utilitatis foret. Eodem vero tempore decoctum ejus tenue syringis ope in urethram injiciatur, quum mucilagine urinae ardorem mitiget, et vi sua adstringente ad tonum amissum glandulis mucosis sensim sensimque reddendum, a quarum laxitate gonorrhoeam oriri non nulli putant, conferre possit. Nec metuendum, ne subito muci effluxum, virusque, si quid adest, exitum cohibendo graviora symptomata exsurgant, quae fortiorum adstringentium usum saepe sequuntur, quum vis ejus adstringens tanta non sit, ut glandulas et urethram nimium constringendo atque irritando, inflammationi ansam praebere possit.

Quomodo ad fracta consolidanda, ut Breyn \*) vult, conferre, aut Hydatides ex utero expellere potuerit, ut observatio Spoeringi \*\*) docet, haud video.

In fissuris mammarum, quibus feminae lactantes saepe obnoxiae esse solent, spissa Lichenis mucilago externe

\*) Acta nat. curios. Art. 3. D. I.

\*\*) Wetenskaps Acad. Handlingar 1743. p. 106.

adhibita profutura esse videtur, quum partem excoriatam ab aere et humore acri, si quis exsudaverit, tueri, et fissurae labia vi adstringente sibi invicem propiora reddere atque ea re fissurae coalitionem promovere possit.



XXII.

DR. FRIDER. DEGENHARD KERCKSIG

DISSERTATIO

SISTENS

OBSERVATIONES ET EXPERIMENTA

CIRCA

USUM MEDICUM CALCIS ZINCI  
ET BISMUTHI.

H A L L E,

1 7 9 2.



In medicina facienda, antispasmodica in usum frequenter veniunt, quorum nonnulla aegre et raro agunt, quaedam dum his profunt, illis nocent, et denique alia nullam propriam facultatem ostendunt. Anceps aliorum effectus, abdita ratio operandi, medicos alliciunt, ut nova remedia antispasmodica invehant, aut proponant. Inter haec antispasmodica sua virtute flores Zinci, et magisterium Bismuthi valde inclaruerunt. Sed non ubivis medentium iudicio probata sunt, nec vituperatione omni caruerunt, dum vel eadem non satis efficacia, vel non satis tuto adhibenda iudicant. Haec inter medicos dissensio ulteriorem illorum indaginem requirere visa est, ad quam equidem tanto alacrius accessi, quum Excell. REILII, Praeceptoris summe venerandi consilium annueret, incitaretque me, ut quum mihi pro capeffendo Doctoris gradu jam aliquid exarandum esset, hanc potissimum scriptionem prosequerer. Spem cetera Lectioribus facere licet operis Illustri REILII, medici summi, hanc materiem ex asse complexuri stabilibusque rationibus ac experimentis rem omnem roboraturi, illustraturi. Quod dum prodeat, haec nostra ut aequus candidusque Lector boni consulat, verecundius rogamus. Igitur ne longior iusto sim praefando, dicam primum de Zinco, tum de Bismutho.

## SECTIO I.

### DE ZINCO.

#### §. I.

Veteribus Zincum ignotum fuisse, nemo inficiatur. Primum quidam Germanus, nempe ALBERTUS MAGNUS, in Libro mineralium, libr. V. cap. 5. ejus mentionem fecit. Hic *marcafitam auream* illud appellat. Deinde Metallurgi et Alchymistae varia nomina illi dederunt. Sic vocatur Speltzum, Marcant, Calaem, Cadmia metallica, sol philosophicus, Chalybs philosophorum, Lunaria, Magnesia, herba saturnina, Salamandra, Phoenix, Lucifer, Venus, Spuma maris, metallum masculum, s. anonymum,

Alcali minerale, Demogorgon, Aurum polatile, Draco ignem evomens, Cinabaris sapientium, Aes immaturum Paracelsi etc. — PARACELSUS primum tritum nunc ejus nomen variis locis scriptorum suorum inseruit. Opiniones Veterum de essentia Zinci vere tam variae fuerunt, quam nomina. Albertus Magnus e. g. dicit, *illud esse naturae martialis*: Paracelsus \*) *Zincum marcasitum cupri*, et in Philosoph. p. 56. *filium spurium cupri nominat*: LIBAVIUS mercurialis attribuit: *Glauber* illud habet pro specie plumbi: *Barbette* pro specie jovis, cui aliquid mercurii insit. *Rulandus* \*\*) statuit; Zincum esse metallicam marcasitam, et mixturam quandam naturalem ex quatuor metallis immaturis, cupream vero potissimum apparere. LEMERY pro specie marcasitae vendit: HELMONTIO \*\*\*) videtur, Arsenicum esse magis fixatum ab intertexto sulphure rubeo: *Homborg* †) habet pro hermaphrodito ex stanno et ferro conflato: alii contendunt, in Zinco arsenicum et sulphur contineri etc. Hinc etiam artificia ista, Zincum artificiale componendi, ortum trahunt.

## §. II.

Historiam naturalem primo LAEHNEIS ††) satis exactam publici juris fecit: deinde STAHL †††). Praeparationem ejus ex mineribus jam descripserunt LOEHNEIS \*), STAHLIUS \*\*), KELNER \*\*\*), SCHWEDENBORG †), SCHLÜTER ††) et CRAMER †††) ex quo praecipue GEOFROY, HELLOT, MALOUIN, POTT, MARGGRAF, GEHLER et alii quam plurimi, quorum opera in plerorumque

\*) In Archidox. de separat. Element. p. 793.

\*\*) In Lexico Alchem. p. 471.

\*\*\*) In paradox. Disc. p. 108.

†) In Act. Acad. Scient. Ann. 1710 p. 313.

††) In libro suo metallico p. 79. 80 — 83.

†††) In diss. de metallurgia.

\*) L. c.

\*\*) In opuscul. chym. p. 791.

\*\*\*) Praxis metallica curiosa, p. 281.

†) In opere philosoph. libr. IV. p. 382.

††) In opere. de fusione metallorum p. 224. 230. 234.

†††) In element. artis Docimas. P. I. p. 237.

manibus versantur, historiam naturalem, affectiones chemicas, et praeparationem florum tam prolixè tradiderunt, ut eis recensendis superfidere possimus. Id tantum mihi adducere liceat.

1) Medicus, floribus Zinci interne usus, eos semper a Pharmacopaeo, de cuius fide et dexteritate constat, praeparari curet, quod jam cel. GAUBIUS monuit. Neglecta enim hac cautione, nihilum album saepius prodit, merga mixtum, vel Zincum tantummodo acidis destructum, nec satis edulcoratum. Zincum hoc modo praeparatum aegris valde officisse, testatur DUGUD \*) et PERCIVAL. \*\*).

## 2) Flores Zinci praeparaturus:

- a. Zincum orientale seu regulum purum ad calcinationem fumat: Zincum enim Goslariense saepissime plumbo conjunctum est, et flores ex eo parati non sunt albi, sed rubri \*\*\*).
- b. Zincum in calcem perfectam convertat, nullamque partem metallicam commisceat cum illis.

## §. III.

Flores Zinci (*lana philosophica* quondam dicti) bene praeparati, sunt tactu molles, valde albi, inodori, insipidi, nec aqua solubiles, nec igne volatiles, etsi eo, quod Zincum deflagratum eos facile largiatur, quis crederet, eos esse volatiles. Hoc autem a vehementia, qua Zincum deflagrat, pendet, qua in modum albidum fumi, qui in leves albosque flosculos concrevit, mechanice attolluntur. In acidis facile solvuntur. Et flores nostri ab aliis corporibus terreis citissime dignoscuntur et discernuntur, si carbonibus candentibus eos imponas: inde enim, mox saturati flavum colorem recipiunt, quod in aliis terreis corporibus non observatur. Refrigerati demum albedinem pristinam recipiunt, idque optimum atque ad fraudem detegendam maxime securum est argumentum.

\*) Edinburg. med. Comment. 5 Th. I St. p. 93.

\*\*) Ibid. II Th. 3 St. p. 318.

\*\*\*) Hagen Lehrbuch der Apothekerkunst, 2 ed. p. 801.

## §. IV.

Jam per longum tempus flores Zinci ut exsicicans leniterque constringens remedium externe adhibiti sunt. Laudantur in ophthalmiis praecipue in chronicis humidis seu glandulosis. Ill. VAN SWIETEN observavit, fumum ardentis Zinci, rubentibus exceptum oculis, iis promptissime mederi. Sic etiam studiosus Leidensis, qui ophthalmia laborabat, subitum sensit levamen, dum sublimationi florum Zinci in laboratorio chemico Ill. Gaubii adestet \*). Cel. DE HAEN \*\*) dicit florum Zinci drachmam unam, quinque unciiis aquae rosarum, vel euphrasiae admixtam, incipienti ac repetenti inflammationi tunicae conjunctivae efficacissimo esse remedio. BARBETTE et POTT \*\*\*) etiam jam illos in hunc usum commendaverunt: WOOLHOUSE in forma unguenti eos adhibuit. Calx Zinci nostra aetate ingreditur multa unguenta ophthalmica, quae exsiccandi scopo ad vulnera, et ulcera oculorum, ut et discutiendi ad ophthalmias adhibentur. In intertrigine, excoriationibus praecipue inguinum infantum, in papillarum fissuris †) et exulcerationibus ex diuturno in morbis decubitu ††) laudatur. In profundis ulceribus herpeticis flores Zinci commendat CULLEN. Cl. BROWN †††) testatur, eos vulneribus sclopetariis, aliisque inspersos efficax auxilium ferre.

## §. V.

Internus usus florum Zinci apud veteres medicos non invaluit, sed illos cum arsenico albo comparaverunt, et hujus malignum prae se ferre ingenium, crediderunt \*). GLAUBERUS quidem jam ad 4 — 12 grana pro excitandis sudore, vomitu et sedibus eos commendavit. S. Fr.

\*) *Tode medicinisch. chirurg. Biblioth. B. III. St. I. p. 181.*

\*\*) *Ejus Heilungsmethode a. d. Latein. üb. v. Flamer. IV. B. IX. Th. p. 322.*

\*\*\*) — *Observ. et animadvers. Coll. Hda. p. 45.*

†) *Barbette in CRANTZ mat. med. T. II. p. 63.*

††) *Rosenstein in Berlin. Samml. IV B. IV Th. p. 386.*

†††) *Edinburg. medic. Comment. IV Th. II St. p. 237.*

\*) *v. Pott. obs. et animad. coll. II. p. 11 et 48. quo loco illam opinionem praejudicatam fusius refutat.*



GEOFFROY \*) initio hujus seculi jam docuit, flores Zinci esse diaphoreticum, et ad grana 4—12 propinatos vel vomitum, vel alvum ciere. Id autem artis peritus nemo imitatus est, nec interne prius adhibiti sunt, quam ill. GAUBIUS detegeret, flores Zinci constituere *arcanum Ludemanni*. De hoc medicastro GAUBIUS \*\*) refert: caput heteroclitum, quem! perhibent ecclesiastem, olim in Germania degisse, sed ob heterodoxiam e communione sua expulsum, Amstellodamum petiisse. Ibi primo futrinam exorcuivit, deinde mentitus est medicum, chemicum et astrologum, denique medicinam saepe optimo, mirandoque cum successu fecit. Praedixit adhaec dato personae pronomine, annoque et die natali, velut mantes praeterita, praesentia et futura ad usque vitae terminum. Qua re tantam sibi famam comparavit, ut Delphici oraculi instar magno undequaque hominum numero quotidie frequentaretur, et Praxi medica magnas opes conquereret. Remedia sibi domi ipse paravit, quorum praecipua inter, pulvisculum venditavit, *lunae fixatae* nomine, quo saepissime, eoque nonnumquam cum successu usus est, ut pene miracula praestare videretur, nemine interim naturam ejus cognoscente. Admirationem vero illud maxime movebat, quod uno tantum pulvere quotidie sumpto, sine ulla corporis functionumve conturbatione, aut manifesta quadam evacuatione tam felices medicationes efficeret. GAUBIUS ipse testatur, hoc arcanum Ludemanni interdum in morbis spasmodicis, in quibus omnia alia remedia incassum adhibita essent, sanationem effecisse, et casum profert, quo infans diris convulsionibus decumbens atque a medico ordinario depositus, minima dosi hujus pulveris liber evaserit. Hoc et rogatio Ephori, utrum hoc pulvisculo tuto et absque metu alicujus detrimenti uti queat, Cl. GAUBIUM incitaverunt, ut illud examini subjiceret. Quo facto ex solubilitate ejus in acidis et eo, quod tantillum hujus pulveris in scrobiculo carbonis positum, afflata per tubum lampadis flamma, momentaneo fulgore viridescente arde-

\*) Ejus mat. med. üb. v. *Ludwig* T. II. p. 356.

\*\*) In *Adversar. varii Argumenti* Libr. I. Lugd. Batav. 1771 p. 121.

ret, agnovit *Arcanum Ludemanni* praeter flores Zinci nil continere; atque inde aegrotis suis eos in morbis spasticis et convulsivis, periculi faciendi causa, optimo cum effectu dedit, observationesque de iis in allegato libro descripsit. Flores itaque Zinci eo ex tempore a multis medicis practicis in hisce morbis fuere adhibiti, magnaue encomia tulere.

## §. VI.

Antequam vero florum Zinci in morbis effectus expendantur, quaedam experimenta in medium proferam, quibus hujusce remedii in corpore humano effectus unice queant declarari.

### EXPERIMENTUM PRIMUM.

Die XXVIto Januarii 1792. catello adulto scrupulum unum florum Zinci cum pane, lacte macerato, dedi, quoniam nullum effectum pharmaci prodeuntem viderem.

D. XXVIImo Dosi duplicata nihil prorsum in functionibus mutatum: Alvus tamen isto die solito laxior.

D. XXVIIIvo circa horam quartam eidem catello drachmas duas et dimidiam cum lacte infudi: secutus est vomitus ac tremor cum tristitia immoto decubitu et magna cordis palpitatione: praeterea neque allicienti mihi caput erigebat, alias licet valde alacer, neque ante horam VI. trepidare humi jacens desinit. Circa horam VIIIvam jam pristina alacritate recuperata, nulla amplius functionum alienatio: alvus ceterum laxa. Iterum datis decem granis, catulus aliquantulum trepidare quidem caepit, at alacer.

D. XXIXno hora II da pomeridiana scrupulos duos et dimidium sumtos cum cibo, trepidatio rursus, tristitia, ructusque sed sine vomitu sequebantur: decubuit animal immotum integra hora, octava vero cessantibus symptomatibus omnibus, sueta alacritate redeunte. Alvus laxior deprehendebatur eo die, quam antecedenti.

D. XXXmo infusis hora IVta pomeridiana catello drachmis duabus cum lacte mox visus est vomitus perpetuusque ructus, tremor cum insigni tristitia, cordisque

palpitatione, quae symptomata catellum usque ad horam septimam immotum in suo cubili detinuere. Post illud vero tempus alacriter discurrit, alvusque multo laxior cernebatur, qua sensim tamen ad aliquam rediit consistentiam. Diebus XXXImo, Imo Februarii secundo ac tertio nihil catello exhibui medicaminis, IVto autem drachmas tres illi infudi, cujus parum evomuit, licet crebri essent vomendi conatus: nulla trepidatio et exigua admodum tristitia apparebat, cor vero vehementer celeriterque palpitare sentiebatur. Die Vto excretio alvina fluida. Sequentibus diebus omnia naturalia.

### EXPERIMENTUM SECVNDVM.

D. XXVto Januarii 1792. catellus quatuor hebdomadam decem grana florum Zinci sine ullo sensibili effectu absumsit. Continuavi, per sequentes dies singulos 10—15 grana cum lacte et pane animali dare, demumque die XXIXno pilos horrere, catulumque tristiores fieri animadverti, at excrementa a naturalibus nondum differentia. Tristitia die XXXmo et XXXImo aucta, bestiola pedes posteriores paralyti jam correptos tantum trahebat. Musculi abdominales tensi ipsumque abdomen durum, quo contracto catellus incedebat vel potius repebat, ita ut dorsum valde gibbosum cerneretur. Ob appetitum cibi prostratum, pauca tantum comedebat, et prono cursu marcescebat: excrementa, eo usque naturalia, fiebant nunc dura nigricantia, instarque excrementorum caprinorum globosa.

Augebantur illa symptomata diebus Imo et IIto Febr. attamen quotidie devoravit singulis prandis X grana florum Zinci, donec d. IIto Febr. cubile suum non amplius relinqueret catellus. Inde tractum pedibusque stare impulsus ad minimum contactum collabi, suumque stratum repetere saepius vidi. Cibos omnes aversabatur, praeter tantillum lactis, quo in ipso cubili suo sumto contractus dorso recubuit.

Die quarto, etsi non surgeret, coepit tamen solitam panis lactisque portionem pro prandio; pro coena vero parum admodum. Alvus a die IIto Febr. haud soluta.

Die Vto, eadem conditio, omnisque cibi abstinentia: erectus enim concidit statim et hora undecima convulsionibus correptus perpetuoque ejulans obiit circa horam IV.

Secto cadavere vidi:

Integumenta abdominis valde tenuia, et sine omni adipe, quibus dissectis et remotis intestina detexi in situ naturali: omenta naturalia nihilque adipis continentia, et ventriculum parvum coloreque album, semicoctis partim crudis cibis impletum, ejus vero membranae admodum crassae ac tenaces erant, tunica villosa admodum rugosa, et plicae tam stabiles, ut pressioni non cederent: id quod mihi a fortiori contractione et inductione reliquarum ventriculi membranarum esse videbatur. Dimidium stomachi pyloro vicinum obductum erat bili vitellina, adeo arcte adhaerente, ut cultro vix abraderetur. In quibusdam locis *intestinorum tenuium* maculae flavae, a materie flavescente in membranis contenta, ortae, apparebant, membranae illorum magis adhuc crassae durioresque, quam illae ipsius ventriculi, et, si in quibusdam locis obvias leviores contractiones exceperis, aequae constrictae, earumque lumen adeo imminutum, ut vix sondae iter pateret. Duodenum bile, membranas ventriculi obducentis simillima, plenissimum; reliqua autem intestina tenuia replebat spissa, flavescent, tenax et pulti ex fructibus solani tuberosi coctae non absimilis materia.

*Intestina crassa* in statu naturali, nisi quod a coeco ad rectum usque replerentur sicca, dura, nigricante globosaeque faece, quam dicunt, caprilla. Vasa mesenterii distensa, arcusque tam distincte, quamsi felicissime injecti essent, adparebant. Vesica fellea admodum quoque turgida, qua dissecta prodiit materia tenax et flavescent, oleum perverstum et amurcosum referens. Reliqua intestina abdominis naturaliter sese habebant.

Aperto thorace pulmones vidi molles, maxime naturales, et cavitates cordis sanguine vacabant, elutarum instar.

### EXPERIMENTUM TERTIUM.

Puellae sanae, annorum viginti duorum, robustae constitutionis ab aliquo tempore cibo tantum farinaceo,

ut ptisana avenae vel hordei, pane, aliisque id genus nutritae praescripti d. XXVto Januarii 1792, octo grana florum Zinci, quae jejuna sumeret. Secutae sunt vomitiones, et ructus frequens, donec post duas horas ptisanam hordei assumeret.

Die XXVIto tempore matutino eandem dosin eadem symptomata insecuta sunt, et praeterea una vice sedes solitas alvus excrevit, pulsu haud mutato. Vesperis ejusdem diei, ptisana in coenam sumpta, XV grana florum Zinci cum scrupulo uno radicis liquiritiae ingessit; ac nec nausea, nec ructus sequebantur, somnusque erat quietus, multum sudoris, et sensus urens cutis.

D. XXVIImo tempore matutino iterum sumsit jejuna, octo grana, quo facto nausea, ructus, ac tormina quaedam accesserunt, quae meridie primum cessabant, dum ptisanam biberet. Sedes eo die solito fluidiores. Vespere ejusdem diei hausit sedecim grana a coena sine ullo nauseae sensu, multumque de noctu sudoris fudit.

D. XXVIIIvo medicamine vacavit. Alvus hoc tempore solito laxior.

D. XXIX. Puellae jejunae iterum praebui octo grana sine omni effectu sensibili.

D. XXX. XII. grana sine nausea comedit, et vespere ejusdem diei XX grana absque ullo effectu, praeter sudorem nocturnum, sensumque urentem cutis: sedes erant solito fluidiores.

D. XXXI. Jejunae data fuere XX grana, quae eadem ac die XXVII symptomata excipiebant. D. 1 — 2. Febr. nihil sumsit.

D. III. Febr. exhibitus fuit puellae scrupulus unus et D. IVto Drachma semis sine omni sensu molestiore, praeterquam quod pulsus aliquantulum esset celerior, et multus noctu sudor fluere.

D. Vto scrupulos a jejuna comestos duos secutus est vomitus, frequens ructus, cum nonnullis torminibus: pulsus naturali celerior, sedesque fluxae. Ceterum omni fero tempore appetitus ciborum bonus, nec insequiebantur alia postmodum incommoda.

## EXPERIMENTUM QVARTVM.

In novem pueris 10—14. annorum farinaceis, crudisque cibis victitantibus, ac lana ducenda se sustentantibus apparebant quaedam symptomata verminosa e. g. pruritus narium, confluxus aquae in ore, somnus inquietus, bulimus, tormina intestinorum, orificium intestini recti pruriens, tenesmus et obstructiones alvinae; attamen nulli adhuc vermes prodierant. Ut igitur aliquod periculum facerem, jussi puerorum quemque jejunum d. VI. Febr. absumere VIII grana florum Zinci cum scrupulo dimidio sacchari. Unus eorum grandior quam aetas dare videretur, puer vividae irritabilisque magis constitutionis, quam reliqui, tres vomitus, totidemque sedes reddidit; duo reliquorum nauseam ructusque et duas tresve sedes passi sunt: quatuor bis terve alvus soluta est sine ulla nausea: duo vero nullum medicaminis sensum habuerunt.

D. VII. eadem, quae antecedenti, dosis ingesta est. Unus eorum vomuit, non ille, qui praegresso die pulvisculum vomitu ejecerat: sed ex illis unus, qui tantum ructus, passi fuerant. Reliquorum plures tormina quaedam, nulla vero praeterea incommoda senserunt: sedes solitis similes.

D. VIII. eadem sumta dosi, nullus puerorum vomuit, neque nauseam vel ructum senserunt: septem bis terve alvum solverunt: excrementa solitis magis tenuia, duorum autem plane naturalia: duo magnam ascaridum copiam reddiderunt. Omnibus secuta nocte vehemens sudor.

D. IX. no nullus eadem dosi data vomitus, plures eorum quaedam tormina fuere passi, singuli duas tresve habuere sedes, singulisque magnus ascaridum numerus decessit: in pluribus de nocte multus sudor.

Perrexi per sequentes quinque dies, jejunis eandem dare dosin, qua sumta nihil incommodi sentiebant praeter rariora quaedam abdominis tormina. Cetera pueri alacres, appetitu valentes, sine ullo caloris sitisve augmento: pulsus naturalis, sedes de die duae, tresve, noctu vero plurimis sudor, et postea omnium verminosorum symptomatum finis.

## EXPERIMENTVM QVINTVM.

Puella constitutionis debilioris et coloris chlorotici, annos circiter XVII. nata, tantumque intra tres quatuorve menses menstruari solita, ab aliquo jam tempore querebatur de sapore amaro, ructibus acidulis et doloribus in regione abdominali. Malis his accidebant ventris inflationes, murmura, globuli ad fauces ascendentis sensus, cum caloris frigorisque vicissitudine. Tempore matutino multum salivae in ore confluebat, linguaque muco flavo obducta cernebatur, et tantum singulis tribus diebus sedes. Emetico sumto aliquantulum bilis viridis reddidit, quo facto sapor amarus et ructus acidi cessarunt, ceteris symptomatibus haud quaquam mutatis. Vocatus die VIII. Martii praescripti florum Zinci tria grana cum scrupulo dimidio sacchari, quater de die sumenda.

D. IX. no invisi aegram, quae nullam omnino nauseam neque alia incommoda ex assumpto pulvere senserat, perque noctem bene sudaverat. Dolores ventriculi valde quidem imminuti; reliquus vero status idem. Pulveres hoc die datos sequutae sunt duae sedes.

D. X. mo dolor ventriculi fere omnis discefferat, reliquis symptomatibus imminutis: de nocte aegra multum sudaverat, semelque alvo soluta est. Florum Zinci dictam dosin perrexit sumere.

D. XI. cardialgia prorsus cessavit et aegrotata conquerebatur tantum de ructu molesto et dolore abdominalis leviori.

## EXPERIMENTVM SEXTVM.

Femina triginta fere annorum laborabat carie ossium humida, magnam tibiae partem afficiente. Huic cariei juncta erant ulcera, pessimum ichorem, foetoremque insupportabilem spargentia, et cum excrescentiis spongiosis cyathi majoris altitudinem et ambitum aequantibus, osque affectum operientibus, circumsepta. His excrescentiis fungosis flores Zinci mane vespertique inspersi sunt, quo facto postridie jam contractae satis apparebant, et continuata inspersione eadem ita fuere imminutae, ut post quinque dies peripheriam monetae Imperialis et dua-

rum linearum altitudinem aequarent: foetor. itidem valde minutus. Idem remedium tentavi postea saepius semperque effectu simili.

#### EXPERIMENTVM SEPTIMVM.

Magno vulnere inspersi flores Zinci, quin aegrotus ullum inde sentiret dolorem, aut ullum aliud incommodum. Sex horis post inspecto vulnere nil mutatum animadverti, praeterquam quod ipsius rubor auctus videretur. Continuavi idem, et quidem eodem effectu.

#### EXPERIMENTVM OCTAVVM.

Ulcus quoddam herpeticum, thalerum magnitudine aequans, a quinque jam septimanis ortum unguento ex drachmis duabus florum Zinci et drachmis sex axungiae suillae recentis intra octiduum perfecte sanavi.

#### EXPERIMENTVM NONVM.

Die XVI. Febr. 1792 catello, cui jam ante (Exper. Imo) doses flor. Zinci majores exhibueram, quotidie ad X gr. dare perrexi. Nullam quidem mutationem visibilem animadverti, praeter semper fluentem alvum, et crescentem indies maciem. Circa finem Martii minorem observavimus paralyseos gradum in pedibus posterioribus, et excrementa paullatim duriora. Duplicabam igitur medicaminis dosin. D. VII. Aprilis cibos respuit, multumque latravit valdeque tristis erat: alacritas altero die rediit.

A die XV. ad XX. quotidie exhibui drachmam unam: die XVII. pejus sese habuit quam VII, tamen redeunte diarrhoea, alacritas multo major, quam antea exitit.

Eundem canem Clar. Reil tradidi, qui in sectione animadversa in libro promisso indicabit.

Ex allegatis, quae ipse institui, experimentis, colligendum esse existimo:

*Primo.* Florum Zinci majores, quam hucusque medicis visum est, a dimidio usque ad duo grana praescribentibus, doses absque magno periculo posse exhiberi, id quod, ut opinor, Exper. I. et II. satis evincunt, confirmatque idem DE LA ROCHE \*) qui eosdem repetitis vicibus

\*) Frankfurter med. Wochenblatt fürs Jahr 1780. p. 299.



ad 20 — 30 grana de die dare non dubitabat. Etiam WITHERS \*) augere coepit dosin ad viginti grana. Ceterum prudenter ab initio periculi faciendi duo tantum vel quatuor praebebimus grana, numerumque eorum provehemus sensim, prouti major minorve perceptus fuerit effectus, idque imprimis in subjectis debilioris teneraeque constitutionis, in quibusque acrimoniae in primis viis suspicio subest. Quum enim, ut notum, calx Zinci in quovis acido solvatur, indeque nauseam vomitumque moventia salia formet, si ergo multum acidi in ventriculo reperiunt, illis irritantem, aerem, contrahentem ac vitriolo albo similem qualitatem impertiunt, qua in personis debilioribus effectus vehementiores interdum excitantur.

*Secundo.* Flores Zinci vi 1) acrimoniam acidam infringendi, 2) adstringendi, 3) nauseam et emesin ciendi 4) leniter aperiendi, 5) vi demum diaphoretica, 6) anthelminthica, 7) et antispasmodica esse praeditos; iis quoque diuturniori usu adhibitis eundem, quem calci saturni effectum adscribo.

Jam vero medicamentis nostri vires ex ordine et propius describere liceat.

1) Nemo fere dubitat, quin acrimoniam acidam infringere valeat, cum instar terrarum absorbentium acidis facile solvatur. Idem jam GAUBIUS sensit, atque, idcirco primum flores infantibus dedit ex acido primarum viarum convulsis, successu admodum fortunato.

2) Vim adstringentem sextum experimentum satis jam probat, qua de causa in morbis supra (§. IV.) allegatis exitu sperato, ut opinor, adhibebuntur, quod et octavum experimentum aequae ac observationes Clarissimorum medicorum confirmant. Etenim quum experientia doceat, externe inspersos detergere, exsiccare et adstringere, verosimile erat, pari modo internas quoque partes iis affici. Hancce conjecturam satis probavit experimentum secundum: Medici quidam ob hanc vim adstringentem conjectaverant, flores Zinci interne administratos valide roborare et adstringere, et in hunc finem eos proposuerunt.

\*) *Thomas Wither* Abhandl. von der Engbrüstigkeit und Heilkräften der Zinkblumen, a. d. Engl. v. Fr. Michaelis, 1787.

Ceterum interne ad adstringendum, ad roborandum et ad acidum primarum viarum absorbendum, corrigendumve aliis remediis longe cedunt, et numquam sunt adhibendi, quoniam id tutius et melius praestant alia remedia.

3) Gaudere eos virtute, nauseam vomitumque movendi; patet ex primo, tertio et quarto experimento nemoque id negavit praeter *CARMINATUM*, qui flores Zinci toties ad nauseam et vomitum concitandum pares esse contendit \*), quoties in calcem non satis essent converfi: tunc enim eos emeticam, qua secus idem Zincum pollet, facultatem non amittere, asserit, qua plane privarentur calcinatione perfecta. Ad probandum adsertum allegat, duas mulieres sine omni molestia duo grana Zinci bene calcinati deglutisse; at sumtis granis duobus medicaminis imperfecte calcinati, alteram nausea, cardialgiaque correptam esse, alteram vero pulvisculum vomitu reddidisse. Sed Viro summo non solum mea experimenta, primum et tertium, verum et observata magnorum medicorum repugnant. Et quare, (si is effectus ab imperfecta calcinatione pendet) prima dosi tum saepe vomitus movet, reliquis otiosis? Si quispiam autem quaerat, cur flores Zinci, minima dosi absumpti, interdum vomitum, alias vero, copiosius adhibiti, numquam nauseam et vomitionem concitarint, respondebo, me prorsus ignorare, num vi quadam nervos musculosque irritante, qua initio stomacho insolita, aut in subjectis mobilissimo fibrarum genere, et stomacho valde sensibili praeditis, producant, quam deinde ventriculo huic remedio adsuescente, aut in hominibus non tam sensibili stomacho donatis; an theoria *GOLDWITZII* infra alleganda majori gaudeat verisimilitudine.

4) Adscribendam floribus nostris esse vim leniter aperienti, commonstrat quartum et quintum experimentum, idque jam *GLAUBERO* observatum est, ut et *GEOFFROYO*, *HUFELANDO* aliisque. Multi e. g. *GAUBIUS* hanc virtutem non animadverterunt, cum Zincum iusto minori dosi darent.

5) Vis diaphoretica florum nostrorum tertio, quarto,

\*) *Carminari opuscula therapeutica*. Vol. I. 1788. p. 90.

et quinto experimento evincitur, eamque testantur RO-BOL. \*) et HUFELAND \*\*).

Licet vero nemo facile flores Zinci adhibere velit pro emetico, laxante vel diaphoretico, (quem in finem meliora magisque secura adsunt remedia): tamen et hasce virtutes hic allegasse non erit superfluum, cum omnes florum Zinci effectus in corpus humanum enarrare animus sit, tum quoque, ut qui eis ceu anthelminthicis, vel antispasmodicis uti velit, ad dictas virtutes respiciat, quo melius casus, quibus sint adhibendi, determinet.

6) Flores Zinci etiam esse efficacia anthelminthica et quidem praecipue ascarides iis pelli, docet quartum experimentum. Plures de hac re observationes reperiuntur in *Frankf. med. Wochenblatt*, f. Jahr 1787. p. 184. et HUFELANDO l. c. Celeb. MOENCH \*\*\*) praeceptor omni pietatis cultu prosequendus, flores Zinci ut anthelmintica et praecipue contra ascarides praedicat. Reliquis anthelminthicis praestare videntur, eo quod

- a. Omni sapore et odore carent, ideoque omnibus etiam delicatissimis infantibus facile ingeruntur:
- b. Quod ad convulsiones et spasmos a vermibus ortos, eos adhibere possumus, dum causam remouent et effectum tollunt.

7. Virtuti eorum antispasmodicae id referunt, quod locus ipsis inter medicamina sit concessus. Eam virtutem vix aliquis, tot tantisque testimoniis Celeberrimorum medicorum exstantibus, vocaverit in dubium. Verum quidem est, nostros flores non ubique vim illam exserere, ideoque nomen specifici infallibilisque remedii jure haud ferre, neque desunt observata, eos ad spasmodicos et convulsivos morbos vincendos aut leniendos impares fuisse, nullamque salutarem mutationem effecisse, immo interdum et nocuisse. CARMINATI innixus experimentis institutis omnem fere ipsis efficaciam negat.

Vis quidem florum antispasmodica indubia, at tamen

\*) In Sammlung auserl. Abhandlungen f. pract. Aerzte, 7 B. 3 St. p. 447.

\*\*) Bemerkungen über die Blattern, 1789. p. 124.

\*\*\*) Ejus systematische Arzneymittellehre, 1789. p. 237.

difficillima est explicatu. Ex partibus constituentibus eorum eadem non poterit determinari, ideo ex phaenomenis certis erit deducenda. Quare et NICOLAI \*) et GREN \*\*) ex vi emetica florum efficiunt, eos etiam tunc, cum nulum moveant vomitum, irritando tamen agere, et hinc ortam irritationem aliam, spasmos cientem, tollere, Flores DUNKANO videntur in nervis mutationem eam efficere, ut causa irritans convulsiones non amplius cieat. HIRSCHHEL \*\*\*) quocum explicatio cl. HERZII convenit †) affirmat, flores Zinci nervis commutationem impertire, qua paulo post spasmos et convulsiones tollant seu leniant, nervisque hujus mutationis et quidem mox adsuets, nullam amplius salutarem commotionem producant.

GOLDWITZ ††) ex eo, quod ipse sumtis Zinci floribus post cibos acidos cardialgiam, vomituritiones etc. passus sit, quod vero ejusmodi dolores etc. dum ab his cibis per aliquot dies abstineret, non secuti fuerint, concludit: eos interne administratos toties esse efficaces, quoties acidi quid reperiant; cui irritantem, contrahentem, vitriolo albo similem valdeque nauseosam addant qualitatem, qua praesentem in ventriculo acrimoniam, interdum spasmos moventem, immutent, et ratione a NICOLAI et DUNKAN descripta operentur. An vero hoc vel alio specifico modo flores nostri efficaces sint, discernere non audeo.

Flores, ut remedia antispasmodica considerati, ab aliis ejus generis praecipue differunt, quod

- a. Omni gustu odoreque vacant
- b. turgescunt sanguinis haud augment, nec pulsus celeriores, validiores (justa dosi admodum propinata) reddunt,
- c. diaphoresin promovent
- d. vermes pellunt,
- e. excretionem canalis intestinalis non ut alia remedia antispasmodica sistunt, sed adjuvant.

\*) Ejus Recepte und Kurarten I. B. Jena 1788 p. 856.

\*\*) — Handbuch der Pharmacologie Th. II. p. 310.

\*\*\*) Ejus Nebenstunden S. 190.

†) Briefe an Aerzte I S. p. 136.

††) Frankfurt. med. Wochenbl. fürs Jahr 1780 p. 536.

Ob istam virtutem antispasmodicam in sequentibus praecipue morbis laudantur,

a. in *Convulsionibus ac spasmis*, praecipue iis, quorum causa in nervis simpliciter haeret \*) aut quae acido primarum viarum \*\*) vermibus \*\*\*) et retro-pulsis capitis exanthematibus †) proditur, inque omnibus convulsionibus, certe infantum ††), cum primis illis, quae variolas aliaque exanthemata praecedunt †††).

b. In *epilepsia*, a causis ad convulsiones indicatis orta \*).

\*) *Gaubius* l. c. *Hart. diss. de Zinco*, ejus florum usu med. observ. confirmatis *Lugd. Batav. 1772. De la Roche* im *Frankfurter med. Wochenblatt* fürs Jahr 1780 p. 285. 312. 326. *Nebel. ibid.* p. 350. *Hoffmann* *ibid.* p. 419. *Veling* *ibid.* fürs Jahr 1781 p. 283. In *Hurlebusch diss. Zincum med. inquirens*, *Helmstaedt 1776. Martini praef. Crell diss. de Zinco med. recent. observ. sistens, Helmst. 1780. Morin* im *Journal de med. chir. et Phar. T. LIX. Herz Briefe an Aerzte, I S. p. 116. Baldinger*, praeceptor pie venerandus. Im neuen *Magazin für Aerzte, I. B. 3 St. p. 43. Odier. in Edinburg. med. Comment. 3 T. 2 St. p. 204.*

\*\*) *Martini, Gaubius* et alii jam allegati. Item *Mellin* *Kinderarzt, Kempten 1782. Et ejus mat. med. p. 356.* qui etiam efficaciam florum adversus diarrhoeam et vomitum ab acido primarum viarum ortum expertus est. *Frankf. med. Wochenbl. 1780 p. 510.*

\*\*\*) *Moench Arzneymittel-Lehre p. 276.*

†) *Robols* *auserlesene Abh. für prakt. Aerzte, VII B. 3 St. p. 450.* flores Zinci eo cum effectu dedit, ut aegroti aliquorum dierum spatio sub usu hujus remedii a convulsionibus immunes essent, et tinea capitis retro-pulsa prodiret.

††) *De la Roche. Mellin, l. c. Beaume, in Journal de med. et Chir. T. LIX. p. 523. Hufeland l. c.*

†††) *De la Roche* et *III. Hufeland l. c.* praecipue eos valdopere laudat in stadio eruptionis variolarum, si symptomata maligna, e. g. sopores, deliria, subfultus tendinum, Convulsiones, diarrhoea aquosa, symptomata verminosa ad eruptionem cunctatam, et interruptam accedunt, virtutesque supra laudatas propria experientia edoctus, vir summus affirmat et stadio suppurationis eos opio, cortice chinae etc. pro conditione rei, fortunato adhibuit successu.

\*) *Observ. v. in Hart. et Hurlebusch etc. l. c. in Edinburg. med. comment. I. Th. 2 St. p. 229. et 4 St. p. 468. II. Th. 3 St. p. 316. III. Th. 1 St. p. 105. IV. Th. 3 St. p. 330. V. Th. 1 St. p. 89. In Act. Societ. med. Hafniens. V. l. p. 451. In Jour-*

c. In *chorea sancti viti*, quem morbum egregie sanant a vermibus praesertim oriri solitum \*).

d. In *tussi convulsiva*. Hic vero in secundo tantum stadio, ubi morbus a sola impressione nervosa procedit, indicantur \*\*).

e. In Asthmate convulsivo \*\*\*).

f. In *malo hysterico* †), in insultibus hystericis optimum saepe celerrimumque praestant effectum, qui tamen in hoc morbo non solet persistere diu. Si autem malum a sola consuetudine sustentetur, et pertinax sit, flores Zinci certe, cum eruptionem quorundam paroxysmorum impendant, perfectam sanationem praestare poterunt.

g. DE LA ROCHE ad tollendam maniam a febre residuam ††) itemque in ischuria spastica †††) ac colica spasmodica fausto successu floribus usus est.

8) Diuturnum continuatumque usum medicaminis nostri fere eandem, quam calx saturni, praestare effectum meo jure ex Experimento secundo deducere posse videor. Credo quidem, ab iis phaenomenis, quae in animalibus brutis ex quibusdam remediis ingestis eveniunt, non omnino licere ad homines concludere; attamen, ad agendi rationem medicaminum nondum satis perspectam, eam erui, vel cognitam ulterius illustrare. Quum autem flores Zinci in cane, ratione structurae internae corporis homini non absimili; quique ut homo victu vegetabili et animali nutrirī solet, diu adhibiti, eosdem, ut calx saturni, effectus

nal de med. Chir. Pharm. T. LX. In *Tode* med. chirurg. Biblioth. VI. B. 1 St. p. 113.

\*) *De la Roche, Hart, Herz* l. c. Edinb. med. Comm. 2 Th. 3 St. p. 317.

\*\*) In *Hart, Hurlebusch, Mellin* l. c. Frankf. med. Wochenb. I. c. et 509 p. 669. *Percival*, in Edinb. comment. V. Th. p. 175. Edinburg. med. comm. VI. Th. p. 365. *Tode* med. chir. Biblioth. VII. B. 3 St. p. 471.

\*\*\*) *Thomas Withers* l. c.

†) Obs. v. in libr. saepe jam cit.

††) L. c. observationes duas quoque profert, quibus testatur usum florum hilaritate fuisse exceptum.

†††) Abh. der Königl. Schwed. Acad. der Wissenschaften, V. XX XVIII.

edunt e. g. horrentes pilos, paralyfin obstructionem alvi, faecem caprillam, contractionem intestinorum, convulsiones, aliaque quae fere omnia calx saturni in homine etiam producit, quumque praeterea Zincum cum Saturno multum habeat similitudinis chymicae, itemque externe adhibitum eosdem, ac calx saturni, prodāt effectus, conclusio haec nostra suo talo stare videtur, eoque magis cum theoria medica nostram sententiam adjuvet: plumbum enim praecipue gaudet vi exsiccante, adstringente et certo modo sedativa: his qualitatibus producit contractionem intestinorum et vasorum, hincque excretiones impediuntur, et faeces in canali intestinali contentae retinentur ac corumpuntur. Hinc viscidus ille mucus, qui vigente isto a plumbo orto morbo per vomitum rejicitur; hinc illa foetens acida acrimonia, magna bilis copia, quae partim vomitu ejicitur, partim in cadaveribus hominum, colica saturnina defunctorum, reperitur; hinc denique obstructio alvina et contractio ventris intelligitur. Et quando partes plumbi adstringentes, fibrasque irritabiles paralyfi afficientes in sanguinem transeunt, producunt paralyfin, insensibilitatem, asthma, athrophiam, infarctum, obstructiones viscerum aliaque mala. Spasmo ac ventriculi viscerumque constrictione, eadem vi adstringente plumbi producta, sanguis in cerebrum ac alia loca congeritur. Quibus ex rationibus considerata hac qualitate consensuque primarum viarum cum reliquo corpore omnia fere symptomata colicae saturninae explicari, illustrarique poterunt. Ceterum lubens fateor, in doctrina hujus morbi multas superesse difficultates, quas ulterius excutere, hujus loci non est. Cum vero flores Zinci eadem \*) vi adstringente exsiccante et sedativa gaudeant, ut patet ex Ildo, Vto, VIto et VIII. experimento, cur iisdem causis eidem effectus summo jure non adscribantur? Objici quidem posset, ex interno florum

\*) Attamen dubito, an particulae adstringentes calcis Zinci ad sanguinem transeant: ex observationibus id certo non patet, mihiq̃ue interdum visum est, Zinci particulas faeci catellorum inesse, quin succo gastrico solvantur: id quod et *Spallanzani* testatur: quare et verosimilius est, maciem etc. a nimia contractione intestinorum, oriri.

Zinci usu numquam ejusmodi effectus apparuisse: verum id inde est, quod justo minori dosi semper sint dati, quodque eorum usus per nimis breve tempus fuerit continuatus: et pauca illa exempla satis diuturni usus contra nostram sententiam haud militant, cum et ipse saturnus interdum sine sensibili malo effectus sit adhibitus. Ea certe exempla solummodo evincent, flores Zinci serius, quam calcem saturni, malos prodere effectus.

Haec qui rite perpenderit, humani ac probi medici esse statuet, ob ea, quae institui experimenta, paucissima (plura enim instituere temporis brevitatis et occasio deficiens vetabat) in interno hujus medicaminis usu omni cautione uti, usumque ipsum justo diutius non protrahere: ac si quidem darentur casus longum medicaminis istius usum postulantes, suaderem per intervalla saltim relaxantia, involventia, et reliqua a medicis pro antisaturninis laudata pharmaca dare: si enim utrumque metallum, chymice consideratum, magnam habet similitudinem eosque effectus in corpore humano prodit, morbis ab iis ortis sine dubio eadem remedia occurrent: qua de causa haec et tunc in usum vocanda forent, quando illa jam nocere coeperint.

## SECTIO II.

### DE BISMUTHO.

#### §. I.

Bismuthum, quod et stannum glaciale, Contrefeyn, Plumbum cinereum, Saturnus gryseus s. philosophorum, Antimonium album, marcasita, Pyrites cinereus, minera Saturni, magnesia saturnina, Electrum immaturum, tellus argenti etc. nuncupatur, veteribus plane ignotum erat, nec ulli Romanorum, Graecorumve scriptorum vel nomine dictum, nec AVICENNAE adpellatione marcasitae videtur indicatum. Probabile igitur est, minerale istud a Germanis metallurgis ac Alchymistis detectum, vel siquidem jam fuerit Arabibus cognitum, certe evolutum praecipue et excultum. Ejus enim expressa primum fit mentio apud ALBERTUM MAGNUM \*) / qui illi marcasitae no-

\*) In libr. mineralium libr. V. cap. 15.



men tribuit, itemque apud BASILIUM \*) sub titulo Bismuthi vel magnesia. Extra Germaniam illud diu incognitum exteri scriptores, vel plane non vel rarissime indiguitantes, cum plumbo confundunt. e. g. FALLOPIUS \*\*) ALDROVANDUS \*\*\*). Interim et Germani ab hac confusione non raro sibi non caverunt, maximeque de essentia dissenserunt. Sic RULANDUS †) existimat, pallidissimum et vilissimum plumbum esse, BALISIUS et PARACELSUS, Bismuthum esse sobolem spuriam stanni. Alii autumant, esse istud argentum immaturum, aequo maturius e venis erutum, ideoque in sui progressu ad argentum impeditum, idque ideo, quod tantum in mineris Cobalti, vel cobalti et argenti reperiatur.

Sunt et alii, ut LEMERY ††) qui asserant, esse regulum stanni, ab Anglis artificialiter praeparatum, quique ex stanno, tartaro, nitroque, cui quidam arsenici quid admisceant, facile possit confici: sicque aliae compositionis ejusmodi artificialis methodi commendantur. Sed in executientis veterum sententiis non morabor, cum jam constet inter omnes, Bismuthum ex suo specifico desumi minero.

## §. II.

Historiam Bismuthi naturalem, rationem illud eruendi ejusque chemicas qualitates ob chartae angustiam hic transeo, pauca tantum de ejusdem calcinatione moniturus. Haec quidem fieri poterit vel sicca vel humida via. Bismuthum enim in aperto vase liquefactum, uti plumbum, flavescente terreaque cuticula obducitur, qua saepius sublata, tantem in calcem abit, quae calx, vel cinis Bismuthi appellatur: si autem igni fortiori fusorio ita exponitur, ut simul aër externus illud contingat, omnis superficies ejus parvâ flammâ ceruleâ emicat, spissoque fumo flavo, corporibus frigidis tenera forma adhaerente, obtegatur.

\*) In libr. de mineralibus p. 53.

\*\*) — de Fossilibus p. 322.

\*\*\*) In museo metallico p. 161.

†) In Lex. alchim. p. 102.

††) In Lex. materialium p. 266. et in Cursu chemico e. versione Zimmermanni p. 155.

Illa quidem calx flos Bismuthi dicitur. At qui in pharmacopaeis laborant, calcem nostram via humida conficere solent, et quidem ita: acido Nitri in Alembicum fuso, Bismuthum minutissimis particulis districtum injicitur. Bismuthum Acido statim vehementer corroditur ac per calorem effervescentiamque validissimam solvitur. Quum vero inter hanc operationem magna aëris nitrosi copia evolvatur, Bismuthum, minutius divisum, acido satis diluto indendum, quin solutio externo igne adjuvetur, ne secus tota massa facile effluat. Solutione perfecte saturata, interdum pulvis gryseo-nigrescens praecipitatur, quo secreto, solutio clare refusa coletur, majorique copiae aquae purae destillatae affundatur eoque modo ita diluatur, ut Bismuthum solutum retinere nequeat, quod tum inde forma pulveris candidissimi dejicietur, ac satis edulcoratum siccatumque servabitur. Haec calx dicitur magisterium Bismuthi, et a calcibus supra dictis tantum pulcherrimo candore differt.

### §. III.

Omnes istae calces igne amplius volatiles non sunt; facile vero liquefcunt, et in lebetе fusorio ope ignis fortioris consistentiam vitream nanciscuntur, atque ita per se oritur vitrum flavum pellucidum; quod verò non adeo cito, ut vitrum saturninum, lebetes penetrat at terras ut et calces metallicas ignobiliore vitrescere facit. Facillima calx nostra ope phlogisti reducitur, ab omnibusque acidis magis minusque solvitur: utut vero acidum aëreum promte suscipiat; aqua tamen, ejusmodi acido impraegnata, eandem non solvit: olea autem ferventia calcem nostram solvunt, sicque conjunctiones unguentis similes efficiuntur.

### §. IV.

Ob egregium splendidumque candorem teneritudinemque magisterium Bismuthi jam dudum pro cosmetico valde communi adhibitum fuit, qua de causa *nobis candidum cosmeticum*, (Gallis Blanc d'espagne, Blanc des perles, Blanc de plomb) appellatur. Praeter hunc vero usum calx Bismuthi jam ab antiquioribus medicis externe et interne

est commendata: ita enim commendatur \*), ad vitia cutis, Scabiem, Lentiginem, Ephelides, guttam rosaceam, atque ab Aliis ad faciem pruriginosam. Usus calcis praecedere jubent quidam laxantia. IACORI \*\*) flores Bismuthi cum dimidia vel tertia parte salis ammoniaci sublimati in ulceribus septicis fistulosis, in ulcere miliari ex erysipelate orto, in fissuris papillarum et labiorum vel per se vel cum melle, et emplastri forma in durissimo et summo dolorifico splene externe valdopere commendat. Sic etiam alii laudarunt ad Tumores, obstructions Lienis, inflammationes, et ulcera exedentia, fistulas siccando et extergendo et LEMERY unam drachmam calcis hujus cum quatuor uncis aquae vel una unguenti pomati, scabiei asserit egregie mederi: eadem calx emplastrum Dippelii ad cancerum ingreditur; LANGIUS et BARKHYSEN eandem ut egregie refrigerans ac adstringens in gonorrhoea praecipue virulenta internis partibus jam inflammatis ac erosis praedicant. RIVINUS quoque calcem cum saccharo saturni vel vitriolo martis junctam saepe adversus fluorem album adhibuit.

### §. V.

Interne datam calcem vehementer laudat METZGER †) qui eandem specificum alexipharmacum minerale appellat in morbis acutis, contractura, arthritide, itemque (p. 106.) in affectibus ventriculi, cardialgia, Bulimo, pica, Soda, cephalalgia, Hemicrania, Asthmate, peripneumonia, obstructione Hepatis, ac cachexia. Commendat quoque eam in febribus intermittentibus, ac quartana, praegressis scilicet evacuantibus ut egregium, at ut certissimum remedium in febribus continuis, acutis, benignis et malignis, peste, purpura, variolis et morbillis ad 6 — 12 grana bis de die sumenda. KOENIG ††) calcem nostram esse ait praecipuum quoddam Bezoardicum minerale: antimonio

\*) In Pharmacopoea Bateana p. 107. in Rolfine chimia p. 345. aliisque.

\*\*) In Diss. de Bismutho.

\*\*\*) In cursu chymico p. 160.

†) In tractatu de duobus specificis p. 13.

††) In regno minerali.

diaphoretico aequiparandum vel certe anteferendum. CRAMER \*) magnas ei vires tribuit in morbis epidemicis, et IACOBI \*\*) in contractura manuum et pedum Arthriticorum, multum profluente urina: in acutis aestu nimio fervente laudat ut diaphnoicum et alterans egregium pro calore imminuendo ad gr. III—X. En ejus verba! „pulvis flavus, ex Wismutho solo igne paratus vim habet in deliriis, affectibus uterinis, splenicis, cerebri apoplexia, epilepsia, calculo, obstructionibus viscerum ad I. 2 grana.“ Itemque alio loco asserit, vitrum Bismuthi, caeruleum, per se praeparatum esse diaphoreticum et hydragogum instar omnium ad 2 — 3 grana. Celebratur \*\*\*) etiam calx Wismuthi in peste, contractura, quartana. In hydropse KIRCHER, CNOEFFEL et alii solutionem Bismuthi in acidis commendant.

### §. VI.

Attamen ingenti multorum commendationi, utpote falsa hypothese de concentrato in ipso spiritu mundi nixae, parum fidei adhibebatur eaque oblivione fere deleta fuit, donec Clar. ODIERUS, bismuthum ad curandos morbos nervosos inveharet †). Quum enim iste cum Cel. DE LA ROCHE de effectu metallicarum quarundam rerum e. g. mercurii, cupri ammoniacalis et florum Zinci conferret, spem illi cel. medici conceperunt, Bismuthum ejus generis remedium futurum, quod vires metallis illis tributas possideret, eorumque simul qualitatibus noxiis destituere-tur. Hinc calcem Bismuthi primo ad decimam sextam unius grani partem cum saccharo subinde exhibuerunt, diversis subiectis diverso successu. In nonnullis decima sexta pars grani nauseam, vertiginem etc. movit, in quibusdam grana duo nullum sensibilem effectum excitarunt. Nonnullis aegris quidem insigniter profuit; sed tam arduum visum est, ejus dosin constituere, ut viri cel. illud solummodo summa cum cautione, ut remedium ambiguum sive periculosum, et per plures deinde annos plane

\*) In medicina castrensi p. 114.

\*\*) L. c.

\*\*\*)) In Taeda trifida chemica p. 261.

†) Sammlung auserl. Abhandl. für pract. Aerzte 12. B. p. 326.

non adhiberent. Cardialgia spasmodica, multis aliis remediis resistens, Cel. ODIERUM ad experiendum rursus compulit, et dum calx Wismuthi, initio ad octavam partem grani, deinde ad granum unum quater die sumptum, morbum sine molestiis solveret; hoc feliciter susceptum experimentum illum movit, ut vires calcis nostrae rursus in morbis nervosis et spasticis exploraret. Ex ejusmodi vero quam plurimis periculis observationibusque, dum aegris ad 2 — 12 grana quater de die sumenda, daret, collegit, calcem Bismuthi nullam noxam inferre ac vomitum, alvi fluxum, vertiginem etc. quae ex usu ejus interdum acciderent, a peculiari potius aegrorum natura atque a prima et stomacho insolita remedii actione, quam ab ejusdem nocua qualitate pendere, parvasque doses initio interdum majores molestias efficere, quam multo majores protractione usu. Addit demum, calcem nostram nullam internis aliisque partibus labem afferre, et denique morbos a sensorii communis passione ortos, ut e. g. epilepsiam, hystericam perraro sanare; contra vero spasmis et doloribus ventriculi ab eo proxime affecto excitatis fere semper mederi. Etsi autem calx nostra interne a Cel. ODIERO non omnium primo data est, ut vulgo traditur, sed vires et effectus hujusce remedii jam alii (v. §. V.) detexerunt, eidem nihilominus et nomen et fiduciam apud artis cultores, ne quidem exiguam conciliavit. Deinde BEAUME \*) CARMINATI \*\*) et alii illud adhibuerunt, laudibusque cumularunt. E re igitur judicatum est, in aegris, cardialgia et malo hysterico laborantibus calcem Wismuthi experiri, quoties eam adhibendi occasio praesto esset, et in Schola clinica aestate praeterita multa pericula hujus rei institui-mus. Aegrorum quosdam perfecte sanabat, pluribus levamen addebat, paucissimis nihil proderat. Exemplorum loco sequentes historiae tres sunt.

## §. VII.

### I. HISTORIA CARDIALGIAE SPASMODICAE.

Mulier XL annorum, quae quarta vice jam cardial-

\*) Sammlung auserl. Abhandl. für pract. Aerzte 12. B. p. 568.

\*\*) Opuscul. therapeutica p. 96.

giam spasmodicam patiebatur, ceteroquin sana, XV Augusti, quo scholam clinicam adiit, interrogata hoc edixit: ante nonnullos ab hinc annos hancce cardialgiam per duos integros menses se passam esse vehementissimam, assiduoque se affligentem. Quum vero hunc morbum ante annum postremo sufferret, is quoad durationem multo mitior erat. Jam a duabus septimanis denuo illa tentabatur, uti affirmabat, graviter. Ista vero affectio ita se habebat, ut per totam regionem epigastricam, imprimis sub hypochondrio sinistro, nec non circa vertebrae istae regioni respondentes, dolorem sentiret tensivum. Haec sensatio constrictoria saepius quoque omnem oesophagum percurrerat, et emesin excitabat, praecipue post assumptum, utut perpaucum cibum. Ceterum omnia erant naturalia, nisi quod haberet saporem depravatum, appetitum ciborum diminutum, sitim magnam, alvumque segniorem. Praescribebantur XV Augusti florum Bismuthi gr. jii. sacchari albi scrupulus dimidius, m. f. pulv. disp. d. IV. f. Singulis quatuor horis unus sumendus.

D. XVI. Post assumptam unam istius medicinae dosin per duas integras horas sensationem ventriculi urentem, et unam emesin materiae pituitosae acidae habuit, et post assumptum reliquum medicamenti illius fere omnis dolor spasticus evanuit. Praeterea ructus, alias assidui, nunc multo rariores fuerunt acidioresque ac antea. Flor. Bismuthi ad continuationem praescribebantur.

D. XVII. Heri hora pomeridiana tertia dolor ille urens sponte recruduit. Ructus tamen non ut antea frequentes, et nulla omnino, licet cibum solito largiorem assumisset, emesis, neque sapor rerum alienarum. Hodie aegrota affirmabat, dolorem circa vesperam semper exacerbari. Pulsus erat tardus, lingua albida, sitis non ita magna ac heri et nulla alvi sedes. Flores Bismuthi sumere continuavit.

D. XVIII. Dolor ventriculi spasticus fere nullus, neque sensatio, de qua antea conquesta erat, urens major, sed dolor pressorius per dorsum, ructus frequentes, lingua mucosa; una emesis materiae mucosae allevans, pulsus tardus et assumpto emetico pomeridie ejusdem diei una

emesis, unaque alvi sedes. Remissio dolorum. Floribus Bismuthi, uti heri, usa est.

D. XX. Dolor nullibi restans, si excipias levem sensationem, prementem in scrobiculo cordis. Hinc non nisi duo jam pulveres florum Bismuthi ex duobus granis cum sacchar. alb. dati: perfecte sanata D. XXII. dimissa est.

## II. HISTORIA MALI HYSTERICI.

Mulier XXXV annorum, constitutionis corporis debilioris, quae ante dimidium anni partum ediderat sanum, vehementer aegrotaverat ex anni quadrante doloribus hystericis spasticis, qui utrumque hypochondrium nec non scrobiculi cordis regionem occupabant, omneque dorsum percurrabant. Incipiebat plerumque talis paroxysmus in hypochondrio dextro et diu vehementerque, imprimis ventriculo vexato desinebat, ut plurimum cum sensatione strangulatoria in gutture vomiturationeque pauculae aquae limpidae vel muci. Redibat plerumque tribus quatuorve vicibus per nycthemeron, quorum singuli tres quatuorve horas continuabantur. Lingua erat pura, sapor oris ac si ova putrida comedisset, appetitus ciborum nullus, alvus segnis. D. XXII Augusti praescribebantur pulveres ex granis  $\text{ʒi}$ . Flor. Bismuthi ac scrupulo dimidio sacchar. alb. quorum omni IVta hora unus sumendus.

D. XXII. Circa vesperam paroxysmus brevior solito, nempe per duas horas continuatus, sed nocte pertinacior: Ceterum nulla omnino sensatio singularis post assumptam medicinam.

D. XXIII. Ab hora vespertina septima, qua paulo prius pulverem assumerat, aegrota assiduam sensationem urentem per istas corporis partes, quas antehac dolor tensivus et compressorius tentaverat, experta est. Durabat hic dolor urens ad quartam usque horam matutinam, tamen absque dolore pungente. Sapor oris adhuc acidonauseosus: emeticum praescribebatur et flor. Bismuth. ad continuationem.

D. XXV. Post assumptum emeticum aegrota per magnam bilis atque muci copiam evacuavit. Hora vespertina decima iterum, et quidem post tres ab assumptione

florum illorum horas vexata est, non quidem a fuetis suis doloribus, nec sensatione urente, sed fornicatione quadam intollerabili. Praeterlapsa una hora quievit ad quartam usque horam matutinam suavi et recreante somno, quod ex pluribus, uti affirmabat, septimanis factum non erat. Hora VI<sup>ta</sup> assumsit alium pulverem et hora octava sensatio supra descripta per unam horam recrudit, sed non ita vehementer. Jam lingua eius erat pura et rubra, pulsus major, quam heri, totus habitus vegetior.

D. XXVI. Aegrotā pulverem gr. IV. flor. Bismuth. hora VI<sup>ta</sup>, qua mediocritet bene se habebat, adsumsit. Quo facto hora VI<sup>ta</sup> repente ab intolerabili fornicatione in iisdem partibus corporis, quae alias a dolore premente pertentatae sunt, excruciatā est, ita, ut per omnem noctem vix oculos clauderet. Hora sexta matutina, qua iterum pulverem granorum duorum assumsit, ab ista sensatione erat libera; sed hora octava iterum, licet levior, apparuit, per unam horam continuans. Qua durante sensit quidem dolorem, jam simul pressorium, sed perlevem. Lingua ejus erat pura et rubra: pulsus debilis.

D. XXVII. Dolor ventriculi spasticus aliquoties recurrens, sed horae quadrātem non excedens: At fornicatio ferme perpetua, imprimis per noctem.

D. XXVIII. Aegrotā non ita molestata est, interim fornicatio, sed tolerabilior, ac antea.

D. XXIX. Omnia ut heri, sed ineunte nocte per quatuor horas ab atroci dolore spastico, qui sequentibus diebus saepe recrudit, vexata est, floribus Bismuthi solis incassum adhibitis: Paroxysmus hic hystericus, et fornicatio illa floribus nostris, opio et extracto gentianae conjunctis, tollebantur.

### III. HISTORIA MALI HYSTERICI.

Mulier L annos nata, constitutionis corporis debilioris, jam ex XIV. annis malum hystericum passa fuerat. A. d. III. Junii denuo ab illo tentabatur. De clavo hystérico, vertigine, tinnitu aurium, repentina suffocatione cum tumore per modum strumae protrusae, quem globum hystericum appellant, de subita pectoris oppressione,



appetitu ciborum diminuto, ructibus acidissimis, flatibus, borborygmis, torminibus et obstructione alvina querebatur. Aliis antihystericis sine utilitate adhibitis, jubebatur Die XXVII flor. Bismuth gr. II. cum sem. foenic. scrupulo dimidio mane et vesperi fumere.

D. XXVIII. post assumptam medicinam nullam molestiam habuit. Hodie omnia symptomata multo leviora, dolores spastici, tormina, inflationes ventriculi etc. remiserant. Medicina, eadem dosi sequentibus diebus continuata, non nisi de flatibus conquerebatur. D. Imo Julii autem spasmi non quidem tam vehementer quam alias recrudescentes, granis III. flor. Bismuthi assumptis statim cessarunt. Eandem dosin florum quotidie mane et vesperi assumere continuavit, quo omnibus affectibus hystericis, si leviores inflationes ventris et ructus excipias, libera fuit. Hae, die Vto Julii cessabant, affectiones hystericæ non amplius revertebantur, et dum per aliquod tempus floribus Bismuthi uti perrexerat aegrotæ, sana dimissa est.

#### §. VIII.

Modo transeo ad ea pericula, quæ ope calcis Bismuthi in hominibus et animalibus brutis ad proprios eruendos effectus ejus institui.

#### EXPERIMENTUM PRIMUM.

Catello jam seniori d. XXIVto Januarii tempore matutino et pomeridiano unam pro dosi drachmam florum Wismuthi dedi, sed sine omni maligni effectus signo.

D. XXVto post meridiem hora secunda drachmas tres itemque hora tertia drachmas duas, et postero die drachmas sex simul cani per longum tempus impranso cum lacte infudi; verum neque alium tunc effectum vidi, nisi quod alvus his diebus flueret.

#### EXPERIMENTUM SECVNDVM.

Puellæ sanæ annorum viginti duorum fortioris vividaeque constitutionis, victu crudo et imprimis farinaceo vivere solitæ, die XXImo Januarii 1792 jejunæ exhibui pulvisculum granorum octo florum Wismuthi et scrupuli dimidii sacchari, sine ullo sensibili effectu.

D. XXII<sup>do</sup> pulverem sumsit item jejuna XVI granorum et

D. XXIII<sup>to</sup> alium XXIV granorum: nullus incommodi sensus, sudor vero de nocte largior: puella ceterum sudori haud sueta erat, omnique, quo magisterium Bismuthi sumsit, tempore, tenui tegumento tegebatur. Sedes naturales.

D. XXV<sup>to</sup> XXX grana secutae sedes tres; sudor de nocte fortior cum peculiari sensu urente cutis, nulla praeterea incommoda.

D. XXVI<sup>to</sup> more solito scrupulos duos sumsit, quos exceperunt nauseae, confluentes in ore salivae, ructus, calor auctus et pulsus celerior. Eodem die vesperi, comesta ptisanâ hordei, scrupulos duos pro dosi assumpsit. Nulla ab initio incommoditas vel nausea; sed sudor consueto largior de nocte, urensque per cutem calor, quem ipsa nequibat describere, vehementes nauseae et vomituriones. Cessarunt quidem mox symptomata praeter sudorem et calorem in cute, qui et postridie, cum eam hora X inviserem, jam dudum cubitu egressam et tenui solitoque vestitu indutam in cameraque temperato calefacta sedentem adhuc persistere et usque ad meridiem duravere. Tunc nulla incommoda amplius sensit, praeter quaedam tormina rariora. Sedes utroque die fluidae.

De die XXVII<sup>mo</sup> floribus Bismuthi abstinens perfecte sana fuit.

Die II. Feb. sumta drachma dimidia florum accessit quaedam nausea et per noctem sudor vehemens cum calore. Sedes pulsusque naturales.

D. III. Febr. mane sumsit eandem dosin sine omni nausea cetera symptomata hesternis paria: sedes naturales.

D. IV<sup>to</sup> Drachmam unam comedit, quam excepere nausea, ructus vehementiores et quidam vomitus cum pulsu celeriori. At omnia cessavere symptomata post ptisanam avenae assumptam. Vesperi ejus diei drachmam sumptam eadem, quae d. XXVI Jan. symptomata sunt insecuta, tandemque postridie circa meridiem prorsus quieverunt. Ceterum puellae toto tempore, quo medicamen su-

mebat, appetitu valuit, neque ullum maligni ejus effectus vestigium sensit.

### EXPERIMENTUM TERTIUM.

Septem pueris annorum 10 — 13 constitutionis robustae, crudis digestuque difficilioribus alimentis, ut pane atro, fructibus solani tuberosi aliisque id genus se nutrientibus, cetera sanis, nisi quod nonnulla symptomata verminosa apparerent.

Die XIIIto Martii 1792 grana VIII calcis Bismuthi cum scrupulo dimidio pulveris rad. liquir. sumenda exhibui, eo quidem fine, ut periculum facerem, num et haec calx seu flores, ut Zinci flores, vim anthelminthicam haberent. Puerorum duo nullum prorsus sensere effectum, duo alii lenia quaedam tormina, tres aliquoties alvum solverunt, horumque duo sine torminibus, unus cum iisdem. De nocte sudavere quinque, alias sudare haud soliti.

D. XIVto. eadem dosis data. Tres leniter alvum posuere, quorum duobus multum ascaridum abiit; quatuor reliquis nullus medicaminis effectus. In omnibus pulsus naturalis, neque calor auctus, neque functiones immutatae.

D. XVIto nihil datum. Quatuor pueri, qui praeterito die nihil senserant, et hoc die optime valebant: duo per sedes fluidiores magnam ascaridum copiam dejiciebant. — Unus autem illorum constitutionis non admodum firmae, irritabiliorisque, quam reliqui, hoc mane de dolore ardente, lancinante; diversas plagas abdominis invadente, calore urente, temulentiaque querebatur. Aliquoties copiose alvum dejecit, et videbatur aliquid levaminis inde habere. Pomeridie aegrum vertiginosum, temulentum solitoque morosiores deprehendi. Aspectus ejus erat meditabundus, moerens, abdomen molle, manu contrectante dolor non augebatur, praecordia tamen attactum averfabantur. Lingua pura, ructus amari et acido austeri. Ceterum conquerebatur aeger de dolore capitis et abdominis, sapore amaro, siti magna. Pulsus erat durus, plenus et frequens. Hodie praescripti ol. amygdalar. et opium cum infuso et extr. flór. chamomill.

D. XVII<sup>mo</sup>. Per noctem bonus somnus, interdum tamen pavores, terriculamenta, borborygmi, et circa auroram una sedes, et vomitus crebri biliosi. Mane, cum spectarem, dolor abdominis quidem levior, sed nunc lumbagine et difficili per vices respiratione conjunctus. Pulsus durus, plenus, sed minus frequens ac heri. Reliqua ut heri. Praescripsi laxans e manna. Opium cum inf. flor. cham. ad continuationem.

D. XVIII<sup>vo</sup>. Heri pomeridiano tempore dolores colici et Lumbago aliquid remiserant. Per noctem habuit sudores, bonusque somnus sine pavoribus, terriculamentisque, aliquoties alvi sedes et mane vomitus crebri biliosi. Hodie aegrotus a Borborygmis et lumbagine liberatus fuit. Dolores colici valde remiserunt. De vertigine, temulentia, cephalalgia, sapore amaro, ruſtibus amaris acido-austeris demum conquerebatur. Lingua erat albido et flavo muco obducta, respiratio bona, et plane libera, Pulsus adhuc durus, calor naturalis. E re judicavi emeticum et continuationem illius medicinae.

D. XIX<sup>no</sup>. Post assumptum emeticum tres vomitus aeger habuit, et eô a magna copia bilis viridis liberatus est, et duae alvi sedes infecutae. Hodie secundum aegroti assertum dolores colici, et illi, quasi rheumatici fere plane cesserunt. Sed cephalalgia, temulentia et vertigo adhuc restabat. Pulsus minus durus ac heri, calor naturalis, appetitus ciborum nullus, sitis naturalis. Medicinam pristinam ad continuationem praescripsi.

D. XX<sup>mo</sup>. Omnia meliora, et nil molestiarum restabat, nisi levior cephalalgia et temulentia, Pulsus fere naturalis, appetitus ciborum nullus, Medicina continuata.

D. XXI<sup>mo</sup>. Nullus amplius dolor, nox quieta, lingua pura, pulsus naturalis et nil morboſi, nisi debilitas et levior temulentia restabat.

D. XXII<sup>do</sup>. Omnia naturalia, temulentia etiam plane cessit.

#### EXPERIMENTUM QVARTVM.

Sartor, scabie hūmida jam per longum tempus detentus et sub exitu Februarii in Nosocomium illatus mihi

occasionem praebuit, experiundi, quid calx Bismuthi in scabie externe adhibita praestaret. Pustulae ejus, acrem ichorem plorantes, universum fere corpus affecerant, imo in extremitate inferiore dextra confertissimae, et suram praecipue ulceribus superficialibus latis et pruritu valde molestis foedaverant. Praescripsi unguentum ex drachmis duabus Calcis Wismuthi et drachmis sex axungiae suillae recentis, quo eum jussi ulcera lata in sura inungere, quois mox oboriebatur crusta, atque ulcera intra biduum sanata sunt. Bono successu laetus aeger omnem fere extremitatem inferiorem hocce unguento bis terve de die illivit, intraque quatuor dies omnes pustulae ulceraque lata primum aruerunt, et deinde crustis delapsis sanata sunt; ea vero, quibus unguentum non fuerat adhibitum, quamvis reliquis proxima, persistere ut antea. Quum autem scabies jam inveterata per totumque corpus diffusa esset, ne quid incommodi majoris accideret, experimentum Bismuthi non continuavi, sed sueta interna et externa remedia exhibui.

#### EXPERIMENTVM QVINTVM ET SEXTVM.

Magisterium nostrum vulneri recenti ac excrefcentiis fungosis supra (exper. VII. de Zinco) descriptis sparsum eosdem, ac flores Zinci, produxit effectus.

#### EXPERIMENTVM SEPTIMVM.

A Die XXVto Januarii catello adulto quotidie X grana florum Bismuthi exhibebam, quae vero sensibilis mutatio haud excepit, praeter alvum laxam: diebus XXX et seq. excrementa naturalibus duriora. Jam ineunte Febr. parum cibi appetebat: medio Februarii pedes posteriores paralyfin passi cernebantur, quos rigidiores trahebat; capilli horrentes, ipsumque animal sensim marcescens.

Die XX. Febr. animal omni cibo abstinuit, toto die latrans, seque in strato volutans: excrementa lapsis diebus jam duriora.

Die XXI. catellus alacris erat, cibumque fumebat: major autem paralyfis pedum posteriorum. Dosi florum Wismuthi duplicata nullus effectus sensibilis.

Quia vero tempus mihi non permittebat, experimentum continuare, catellum ILL. REILIO tradidi, qui ubi per sufficiens tempus doses Bismuthi continuaverit, sectionem in libro suo describet.

### §. IX.

Haftenus experimenta et observata, quae ad veras calcis Wismuthi facultates eruendas suscepi, et singulatim enarravi, circumstantia ne minima quidem omissa, cum artis gnaris satis constet, quod levis interdum visa res, de qua nemo cogitavit, viam ad penitiorem rei alicujus cognitionem sternat, qua vero neglecta et insuper habita, in suspenso haec vel illa relinquuntur.

Quid vero ex iisdem liceat statuere, tam perspicue ostendunt, ut illud ipsum modo persequi superfluum videri quibusdam facile possit. Praecipua, quae inde consequuntur, tamen obiter attingam.

Primo itaque evincitur, calcem Wismuthi nullam molestiam (si exceperis leviora ventris tormina et ardorem urentem) nullamque functionum perturbationem, nec vomitum generatim attulisse, etiam si largius quam quisquam consueverit, adhiberetur. Diaphoresin autem plerumque et alvi fluxum interdum, majori dosi adsumtam promovere.

An conjectura mea, flores Bismuthi anthelminthicâ virtute gaudere, vera sit, ex experimento tertio certo concludere non licet, dum solummodo in duobus pueris, in quibus alvi fluxum produxit, ascarides evacuaverunt.

Admitti autem debet, calcem Wismuthi, in parva dosi etiam adhibitam in cardialgia, et iis in morbis, ubi princeps sedes et caussa aut in stomacho haeret aut in eo malum praesertim se exserit, fere semper perfecte sanare aut saltem eam insigniter, inter exiguum temporis spatium mitigare, tum in aliis spasmodicis morbis, qui a primaria cerebri nervorumque passione orti sunt, nihil aut parum sane prodesse. Cel. CARMINATI experimentis innixus quoque putat, remedium hoc, non in eo modo dyspepsiae specie, quae a causis ventriculum proxime afficientibus, proficiscitur, apprimè convenire, sed et aliis symptomatibus, in quibus ventriculus simul aut primario afficitur,

salutare esse. Quonam modo autem effectus exserat, determinare nequeo, interim auguror, irritabilitatem et sensibilitatem nervearum carnearumque fibrarum ventriculi subito obtundi et spasmos hoc modo solvi, ac denique ob vim suam adstringentem (quam exper. V. probat) in dyspepsia CULLENII non mediocrem utilitatem afferre, ut CARMINATI affirmat: nam hac vi, distensas et relaxatas fibras ventriculi constringit, stratumque illarum robor restituit; etsi ad hunc usum aliis remediis cedat. Credo autem, ob eandem virtutem adstringentem et exsiccantem illud in iisdem morbis externis, in quibus Zincum laudatur, bono eventu adhiberi, usum vero ejus cosmeticum esse nocuum: quum nimio usu partes has exsiccet et in senio multo deteriores post se relinquat.

## §. X.

Calx Bismuthi ob egregias celeresque virtutes antispasmodicas, utique inter utilissima quaevis remedia merito referretur, si quidem noxiis sequelis omnino libera esset. ODIER, BEAUME, CARMINATI (qui a paucis granis ad scrupulum integrum exhibuit) affirmant, nullam manifestam mutationem nullamque noxam generatim attulisse, et symptomata post remedii hujus usum in quibusdam aegris a Cel. ODIERO observata, neutiquam noxae ejus indoli, sed idiosyncrasiae aegrorum adscribenda esse, id quod etiam I. et II. dum experimentum videtur comprobare. Verum enim vero jam HOFFMANNUS et LA MORT propter vim emeticam deleteriam et adstringentem incertis pharmacis eam adnumerat. STHALIUS eandem rejecit, quod anxietates praecordiorum ejus usum sequi viderat. Juvat et addere POTTII verba \*). „*Applicatio reguli ad mangonia vini propter exortas exinde colicas spasmodicas et pareses jam dudum suspecta fuit.*“ Provocat ad Ephem. Natur. Curios. Dec. I. An. II. obs. 39. *Wepferum* de apoplexia et *Zeller* de vino lithargyriato. At Illustris GRENIUS \*\*) suo jure observat, his testimoniis fidem haud largam haberi oportere, cum olim de caracteribus

\*) V. Observ. et animadvers. Coll. I. S. 174.

\*\*) Handbuch der Pharmacologie, II. Th. p. 308.

oryctognosticis parum fuerint solliciti, et plumbum pro marcasito seu Bismutho habuerint. Hanc enim confusio-  
nem sat olim crebram fuisse, supra notavimus, ex eoque  
demum magis confirmatur, quod tunc opinarentur, Bis-  
muthum acidis vegetabilibus saporem dulcem saturninum  
addere, quem errorem jam **POTT** pluribus locis refellit.  
Cel. **GREN**, ut arbitror, ex recentioribus fere solus est,  
qui omni cautione ad usum hujus remedii accedere jubeat.  
Quamvis enim ipse malignos ejus effectus haud vidisset, ex  
sola tamen analogia illius cum plumbo chymica deducit,  
liberum alias phaenomenis malignis visibilibus, similes  
plumbi sequelas noxias post se trahere. Experimentum  
**III**tium et **VII**limum mihi satis evincit, suspensionem Cel.  
**GRENII** veram esse: haec experimenta enim tam perspi-  
cua sunt, ut mihi hanc suspensionem quasi certam reddere  
videantur. Unde enim illa colica saturninae simillima in  
puero cetera sano? Ingens copia bilis non erat colicae  
caussa sed consequens, uti saturninae. Cum enim calx  
Bismuthi vim irritabilitatis fibrarum carnearum et nervea-  
rum primum nimio intendit et deinde destruit, continua  
laceffitione systematis gastrici humores inquilini et praeci-  
pue bilis copiosissime secernuntur: Hinc omnis colica sa-  
turnina etiam symptomata biliosa exhibet. Si quis vero  
quaerat, cur puella (Exp. II.) quae majorem calcis quanti-  
tatem sumserat, et reliqui puelli pravas illas sequelas passi  
prorsus non fuerint, respondebo, me causam illius prorsus  
ignorare: interim tamen jam dudum patet, multos homi-  
nes per plures annos plumbata tractantes, noxas plumbi  
haud sentire, cum alii idem facientes pessimis plumbi se-  
quelis affecti fuerint. Idem certe experimentum **III**tium  
me movit, ut desisterem a periculis, remedio nostro, ulte-  
rius in hominibus instituendis.

#### ADDITAMENTVM.

Quae sequuntur experimenta, **III**. **RELL**, Praeceptor  
Humanissimus mecum communicavit. Pro coronide ea  
liceat adjicere, quo doctrina de floribus Zinci et Wismu-  
thi magis magisque stabiliatur.

Cuniculorum trium ejusdem partus Vto Augusti in-  
ciusorum unus matutino tempore scrupulum unum florum



Wismuthi, reliqui duo scrupulum unum florum Zinci hauserunt. Praeter aliquam lassitudinem nihil in iis animadversum nullusque vomitus insecutus est. (Dubito vero, inquit RELL, an haec animalia vomant, cum illis sit fortis annulus musculosus ad cardiam, et fortior ad Pylorum.) Tantum alvum aliquanto laxiorem, et defectum appetitus cernebamus.

D. VI. eadem portio: imminutus appetitus, et defectus alacritatis.

D. VII. Repetita eadem portio. Unus ob sumtum Bismuthum valde debilitatus: omnes vero cibos fugiebant.

D. VIII. Dosis haud data. Circa vesperum, qui flores Zinci sumferant, ceciderunt. Alter ante mortem diarrhoeam vehementissimam fuerat passus. Intestina materiem viridescentem siccam continebant: in ventriculi altero latere parva hinc inde loca inflammata, cumprimis in pyloro. Ipse ventriculus aliquid ciborum aquosis humiditatibus dilutorum habebat. Atrium Cordis et ventriculus dexter plenus erat sanguine. In arteriam asperam aliquid florum Zinci intraverat. Fauces sanae.

Alterius vero vasa sanguinea abdominis valde plena, nulla praegressa diarrhoea; intestina naturali dura faece repleta: ventriculus distentus digesta brassica, licet intra duos dies nihil comedisset. Unde vero ista ventriculi distensio fuerit, si quaeratur, a paralyysi derivetur. In contentis flores Zinci visibiles: in interno ventriculi margine eschara magnitudinem sextantis assis aequans, cui flores Zinci adhaerebant, omnes ceterum tunicae praeter externam ventriculi peresae. Inter cardiam et pylorum ad curvaturam minorem simile, at minus eschara: asperam quoque arteriam aliquid flor. Zinci intraverat, ubi et interna cutis aliquanto inflammata: atrium et ventriculus cordis dexter sanguine turgens.

Tertio dati fuere flores Wismuthi, sed parum admodum ventriculo illatum videtur, cum sanus maneret, Forma namque pillulari pharmacum infartum est ei, quod continuo regerebat. Praeterlapsis quinque diebus quindecim grana una dosi eidem exhibita, quae dosis postero mane repetita vehiculo pabuli. Subito prostratus appetitus cibi,

pili horrentes, obstructions alvinae, et multa urina effluens. Altero die post primam dosin omnem cibum negligebat, incedere amplius nequibat, omnis alacritas amissa, dyspnoea, fluxus sanguinis e naribus. Tertio die circa meridiem mortuus est. Secto cadavere *intestina crassa* excrementis plena, *tenuia* vero vacua et aëre tensa: ventriculus pabulo plenus, minores inflammationes his, quam iis, qui flores Zinci absumpserant. Inflammatio maxima in Cardia.

Hepar sanguine plenissimum, nulla tamen inflammatio, abcessus hinc inde minores, qui inveterati videbantur. Sinus et ventriculus dexter cordis sanguine repletus: pulmo dexter valde inflammatus profunde rubens, et admodum tumens, durus etiam post ablutum sanguinem scattensque materies albida (sine dubio fibra sanguinis.)

Pulmo sinister parum inflammatus; cerebrum naturale.

Die Xmo Martii 1792 cuniculorum quatuor inclusorum, duo quotidie V gr. flor. Wismuthi, duo autem V gr. singulis diebus flor. Zinci absumpserunt.

Unus, qui Bismuthum hauserat, post tres hebdomades obiit: sectione instituta animalis summa macies, nullum adipis vestigium. Abdominis quaedam intestina solito in his animalibus constrictiora: in quibusdam intestinorum partibus loca punctis distincta instar cutis suillae nigrae, ex qua setae extractae sunt: sine dubio hoc phaenomenon erat a glandulis obstructis. In mesenterio repertae quaedam glandulae, magnitudinem capitulorum acus aequantes, quas alias in hisce animalibus numquam animadvertis. Ventriculus inter Cardiam et pylorum vehementer contractus, ut vix pennam transmitteret, membranae solito crassiores, et quasi cartilaginosa: *Fundus* valde expansus cibos continens. Flores Bismuthi in excrementis adhuc integri. Vesica urinaria dimidia urinam, dimidia fluidum farinaceum, lacteum monstrabat. Hepar sanguine scattens; vesica fellea praeter modum magna et plena: Magna hydatidum copia circa intestina et in mesenterio. In thorace nihil praeternaturale.

XXIII.

DR. CAROL. JOSEPHI WIRTENSOHN

DISSERTATIO

DEMONSTRANS

OPIUM VIRES FIBRARUM CORDIS  
DEBILITARE, ET MOTUM TA-  
MEN SANGUINIS AUGERE.

SECUNDUM EDITIONEM ALTERAM:

MONASTERII WESTPHAL:

1775.



## P R A E F A T I O.

**F**rigus naturale, agens in corpus humanum, pro diverso, quem excitat, effectu, in quatuor gradus dividi potest.

Frigus, si tantummodo calorem corporis humani imminuit, id quod saepe aestate fieri deprehendimus, si aëre frigidiusculo refocillamur; aut si tempore hiemali non nisi frigoris sensus procreatur, tale frigus primi gradus dici potest.

Quod si autem frigus naturale, non solum frigoris sensum excitat; sed praeterea fibrarum muscularium vitalem vim, et partis frigefactae sensibilitatem imminuit: frigus secundi gradus appellari potest. Tale tempore hiemali deprehendimus, si digitos frigore rigidos, motu difficiles et ad varias res, tactu explorandas, ineptiores habemus.

Interdum frigus naturale, hiemali tempore, vires fibrarum muscularium, et partis frigefactae sensibilitatem aufert: hocque tertium frigoris gradum sistere potest. Hujus generis frigus illud erat, quo affectus homo quidam, quem ipse vidi, algidissimos pedes fornaci adpositos, gravissime adusserat, nullum inde dolorem, nisi recalescente iterum corpore, sentiens; quo tempore autem, de gravissimo adustorum pedum dolore, conquerebatur.

li, qui frigore interimuntur, omnem sensibilitatem perdunt, et deinde in soporem incidentes moriuntur. Frigus, quod non solum stuporem partium, sed etiam soporem, vitam auferentem, inducere valet, quartum ejusdem gradum constituit.

Si veterum scripta volvuntur, facile colligitur, hos non alio, quam hic enarrato, modo, frigoris diversos gradus determinasse; Thermometro enim, recentiorum temporum invento, destituebantur. Divisionem itaque, quam circa frigus naturale fecerant, ad medicamenta refrigerantia applicabant, haecque similiter in quatuor classes, nempe in refrigerantia primi, secundi, tertii et quarti gradus redigebant. Refrigerantia primi gradus volebant esse ea,

quae non nisi calorem corporis humani debilitare; secundi, quae praeterea vim fibrarum moventium et sensibilitatem partis imminuere; tertii, quae has penitus auferre; et quarti denique, quae insuper soporem, quem mors subsequitur, inducere valebant.

His sibi formatis ideis non dubitabant, opium quarto gradu esse frigidum. Opio enim Turci, Chineses, alique populi orientales, adhuc hodie ad aestum et sitim refruenda, optimo cum successu utuntur: ita, ut nullum sit medicamen quod calorem apud illos tantopere arceat, et refrigerium tam suave inducat, quam hoc opium. Inde est tam ingens his gentibus in opio delectamentum. Hic igitur eundem effectum, quem frigus naturale primi gradus producit, observari credebant. Paulo autem majori dosi alhibitum opium, ut frigus naturale secundi gradus, vim fibrarum muscularium et sensibilitatem imminuit, aucta iterum quantitate, vires motrices fibrarum suffocat et sensibilitatem ita destruit: ut membra sine omni sensu rescindi possint, id quod frigus naturale tertii gradus etiam efficere solet, uti exemplo allegato combustorum pedum patuit. Opium autem iterum aucta dosi, quemadmodum frigus naturale quarti gradus, soporem infert, quem mors sequitur. En cur pristinorum temporum medici opium quarto gradu frigidum constituerunt.

Sententiae, opium refrigerantibus medicamentis esse adnumerandum, e recentioribus summi in arte viri: SYDENHAMIIUS, BAGLIVIIUS, G. W. WEDELIUS, ETTMULLERUS, WILLISIUS, GEOFFROI, FRID. HOFFM. etc. calculum adjicere non dubitaverunt.

Tanta tot tantorumque virorum auctoritate firmata res satis certa rata et explorata videtur, et haberetur, nisi magnorum virorum aliter sentientium testimoniis certitudo haec mirum quantum infringeretur. BOERHAVIUS enim, STAHLIUS, DE HALLER, HAMBERGERUS, TRALLES, alique viri gravissimi, idem hoc opium, quod graeci et veteres quicunque medici, quarto gradu frigidum statuerant, et plurimi hodiernorum refrigerantium catalogo inscribendum esse judicant, calefaciens imo calefacientissimum esse volunt, suamque ut roborent sententiam,

ad observationes saepe reiteratas, ad experientiam provocant, strenue affirmantes, se invenisse, nostris in terris, opium fere semper intensum calorem et sitim excitare; in febribus ardentibus, praecipue in earum principio, pulsus et aestus febrilem augere; nec non sudoriferum esse summum. Vera haec esse, nemo facile rerum gnarus inficias ire conabitur; at verum simul, gentes orientales eodem hoc opio quotidie ad aestum et sudorem refroenanda uti; accedit, unum eundemque BOERHAVIUM, sua materia medica opium esse calefacientissimum, asserentem, aphorismis 610 et 691. de cognoscendis et curandis morbis tamen docere: si omnia in febribus ardentibus, ad motum febrilem et aestum moderandum in cassum sint adhibita, denique ad opium, quo hic scopus obtineatur, esse confugiendum; quibus addatur, idem opium, apud nostrates sanos ut plurimum sudorem egregie pellens, sudores colliquativos hecticorum tamen valde imminuere solere.

Quid igitur jam statuendum, opium augetne sanguinis motum, et calefacit, an vero imminuit eundem et refrigerat? Si observationes non invertere, sed ita proponere volumus, uti ipsa natura illas offert; fateri debemus, opium pro diversitate circumstantiarum, jam sanguinis motum augere, jam infringere, jam calefacere, jam refrigerare.

Quamvis autem haec ita sese habeant, medico non sufficit scire, opium pro diversitate circumstantiarum jam hoc, jam illud agere; sed operam etiam navare debet: ut intelligat, quae sint circumstantiae, sub quibus hoc illudve facit; hoc enim nisi exploratum habeat, effectus opii exhibiti saepe non respondebit intentioni, et nonnunquam eo loco, ubi prodesse cupit, obesse potest. Verum cum, experientia teste, omnia medicamenta, quae sanguinis motum augment, calefaciant; e contrario, quae motum istum imminuunt, refrigerent; sufficiet inquirere, an opium vires fibrarum sanguinem moventium augeat vel imminuat; et determinare, quibus sub circumstantiis tam hoc quam illud agat: En Lector Benevole hujus dissertationis scopum, quem autem, si minus obtinuerim, ut tamen conatibus meis favere velis, enixe rogo.

## §. I.

**P**haenomena, opio producta tam varia sunt, tamque multiplicitia, ut unius dissertatiunculæ libellive angustis comprehendere nequeant. Voluminibus opus foret, si singula rite persequi oporteret. Hacce igitur dissertatione tantum examinare constitui, quid opium circa vires fibrarum motricium cordis et arteriarum valeat; nondum enim liquet, an mediocri opii dosi augeantur vel imminuantur.

Etenim Illustriss. DE HALLER, et cum hoc plurimi medici contendunt, opium vires fibrarum cordis augere, quamvis omnibus aliis fibris motricibus noceat; cum e contrario plurimi alii medicorum, inter quos ROBERTUS WHYTTE eminet, persuasum habeant, vires cordis aequè opio debilitari, quam fibras musculares reliquarum partium. Quae Celeb. hic vir hac de re publicavit, succinctè narrabo, eos, qui uberiori tractatu delectantur, ad ipsum auctorem relegans.

## §. II.

Clarissimus hic Anglus ranae exciderat cor, et nihilominus haec, praeterlapsa hora, ranarum more saltabat, vitamque ultra unam sesqui alteram horam conservabat.

## §. III.

Opii solutione ventriculus ranae alius implebatur, et praeterlapsa hora dimidia omnis hujus animalis membra movendi potentia extincta erat, nullaque irritatione resuscitari poterat.

## §. IV.

Apparet hinc, quam infensum sit opium viribus vitalibus fibrarum muscularium. Haec enim vires, quamvis ranae cor erat excisum, vix post dimidiam debilitatae videbantur (§. 2.); cum e contrario eodem tempore, opio ita destruerentur, ut nequidem irritatione resuscitari potuerint (§. 3).

## §. V.

Ranae huic, (cui opium membra movendi potentiam abstulerat (§. 3)), aperiebatur pectus, ita ut cor in conspectum



veniret, et non nisi 17. pulsationes minuto contingebant, quo tamen tempore in ranis sanis 60. ad 70. fieri solent.

### §. VI.

Fortior jam parabatur opii essentia: una opii et octo aquae partibus constans. Haec solutio vel essentia, in ranæ ventriculum ope siphonis injiciebatur; et post horam aperto pectore non nisi septem cordis palpitationes minuto videbantur. Irritabatur jam idem hoc cor apice forficis, quo factò, una alterave quidem pulsatio accelerabatur, brevi post autem lentus et debilis ut ante cordis motus, pergebat.

### §. VII.

Opio igitur vires fibrarum cordis moventes valde imminuuntur (§. 6.)

### §. VIII.

Plurima adhuc praeter haec enarrata experimenta (§. 3. et seq.) cum publico communicavit cel. Anglus; tot autem, eum in finem cumulavit; ut suam contra Illust. DE HALLER sententiam, opio nempe vires fibrarum cordis debilitari. Haec qui legere cupit, volvat *sammlungen auferlesener Wahrnehmungen aus der Arzneiwissenschaft, wundarznei- und Apoteker kunst 9ter Band s. 5. und f.*

### §. IX.

Nullus jam dubitabam, quin opium vires cordis moventes debilitaret, at cum hanc meam sententiam amico medico exposuissem, dissentiente quidem illo, nec tamen quidquam, quod contra C. WHYTII experimenta deductasque inde conclusiones faceret afferente, placuit utrique nostrum, ut postero mane, meo in hypocausto, conveniremus, sumturi uterque granum opii eo fine, ut pulsum in nobismet ipsis exploraremus, sicque veritatem investigaremus.

### §. X.

Stabat amicus promissis, meque postridie circa nonam matutinam conveniebat. Ne ambulatio pulsum mutaret,

ambo fellae affixi quiescebamus. Post quadrantem explorabamus pulsus, et mihi erant minuto 76, ipsi autem 71 pulsationes. Jam capiebamus ventriculo adhuc vacuo opii granum. Nono minuto pulsus fiebat major, plenior, frequentior; et praeterita hora dimidia, in me 86. et in amico 84. pulsus fortiores numerabantur.

### §. XI.

Quamvis autem jam convictus eram, in nobis pulsus post opium captum esse auctum; experimenta tamen Cel. WHYTT, clarissime demonstrantia, vires fibrarum cordis opio imminui, opinionem in me fuscitabant, quod in me et amico forsan animi quoddam pathema, aut expectatio, quid opio futurum, pulsus excitaverit auctum, minime opio productum. Flagrabam ideo cupiditate, reiterandi experimentum. Abstiniui, quia sequentibus temporibus, praxin medicam exercens, et plurimis aegrotantibus opium exhibens, multiplicem occasionem perscrutandi nanciscerbar. Observabam autem fere semper, post opium exhibitum pulsus plenior, fortior et frequentior.

### §. XII.

Jam igitur, quid de opio existimarem, an fibris cordis robur adderet, an has debilitaret, ipse nesciebam. Mihi multum ambiguo in mentem veniebat, quod forsan opii tam parva quantitas, quam aegrotis praescribere consuevimus, vires cordis augeat (§. II.); cum e contrario major, quam Cel. Anglus adhibuerat, has suffocet et deprimat (§. 5. et 6.) In hanc rem inquirere jam erat animus. En methodum, qua inquisitionem hanc instituendam putavi. Cognitum est vires vitales fibrarum cordis, in genere esse eo durabiliores, quo animalia nativitati sunt proximiora. Ne igitur diversa ranarum aetas experimenta redderet fallacia, duodecim, quantum potui, ejusdem magnitudinis elegi. Decem ranis, unicuique pilulas duas, grano opii confectas, in ventriculum ope bacilli lignei urgebam, duae autem ranae nullum accipiebant opium. Post quinque minuta exsecabam corda duarum ranarum opio non infectarum; corda duo, quae indicio habere constitueram.

Eodem tempore duo alia corda ranarum a numero decimali, quae opium acceperant, exsecabam, et quatuor haec corda, juxta se, mensae mundae lignae imponebam. Palpitabant egregie, et vix differentia motus apud quatuor haec corda, nec ratione celeritatis, nec durabilitatis observare licebat. Opii pilulas in fibras cordis nondum egisse, igitur constabat. Post decem minuta e numero decimali ranarum opio pastarum denuo duo corda exsecabantur, et mensae juxta quatuor antecedentia imponebantur, haecce non dabant minuto quam 25. ad 35. pulsationes; cum antecedentia e contrario hoc tempore adhuc ultra sexagesies ictitabant; moriebantur corda, in quae opium egerat, 64. et 70. minutis, quo tamen tempore corda quatuor antecedentia Systolen et Diastolen adhuc optime absolvebant. Quinque minutis serius iterum corda duarum ranarum excindebantur, absolvebant minuto 22. ad 24. pulsationes, et praeterlapsis 50 et 58. minutis sese movere desinebant. Quid multa? ranarum opio non vexatarum corda omnium optime ictitabant, et motum longius quam reliqua sustinebant, cetera autem eo longius, quo minus opium in ea egerat, i. e. quo citius post opium exhibitum erant excisa.

### §. XIII.

Pilulae opio factae non eo momento, quo capiuntur, agunt, sed harum actio deinde incipit, et postea sensim sensimque increfcit, donec sit tanta, quanta opio exhibito fieri potest. Cum igitur experimentis antecedentibus ranarum corda a quinque minutis ad quinque minuta excinderentur, et in nullis motus auctus, e contrario autem eo magis imminutus deprehenderetur, quo tardius post opium exhibitum exsecabantur (§. praec.); clarissime apparet, opium minima quantitate agens, jam cordis vires debilitare, et deinde eo magis, quo majori quantitate fibras cordis aggreditur.

### §. XIV.

Convictus jam me mea opinione deceptum esse, et opium minima quantitate agens, vires cordis debilitare,

assequi non poteram, qui fieret, quod hoc opium fibris moventibus cordium ranarum adeo inimicum (§. 6.), sanguinis tamen motum in me, amico meo (§. 10.) et plurimis aegris (§. 11.) auxerit. In duplicem et sibi oppositum hunc opii effectum de novo inquirens, conjecturam faciebam, forsitan quod opium parva dosi exhibitum in hominibus alium, aliumque in ranis producat effectum. Non deerant, quae huic suspicioni favere videbantur. Nonne Tabaci pulvis, quem homines quotidie innoxie naribus trahunt, ranis est venenum praesentissimum, ita ut paucorum minutorum intervallo moriantur, si hoc insperguntur? Nonne nux vomica aliter in hominibus, aliterque in canibus agit? Forsitan igitur quod est, cogitabam, ut opium parva dosi exhibitum, in hominibus fibras cordis agentes augeat, in ranis autem imminuat. Verum hanc suspicionem etiam omni carere fundamento postea intellexi, et intelliget quicumque, qui binas sequentes paragraphos mente attenta legerit.

#### §. XV.

In experimentis a me institutis et haecenus adductis tantum phaenomena narravimus, quae post opium datum in ranarum cordibus e corpore evulsis apparebant (§. 12.); supererat igitur videre, quid post opium exhibitum accideret, si cor in corpore ranarum illaesis suis nervis et vasis sanguiferis remaneret. Non nego, me haec experimenta vix non superflua habuisse, existimans, eventum nullatenus diversum esse futurum, et cordis motum magis magisque opio agente imminutum iri (§. 13.) Quod minime existimabam, contingebat, uti jam narrabo.

#### §. XVI.

Eodem modo, ut antea (§. 12.) dictum est, trium ranarum ventriculos pilulis opiatibus onerabam; harum pectora, praeteritis viginti minutis, aperiebam; corda, quantum poteram, illaesis vasis sanguiferis denudabam, ac videbam, quis hoc expectasset! videbam inquam, corda haec non solum celerius, sed etiam vehementius systolen et diastolen absolvere, sanguinemque vehementius propellere, quam in aliis ranis, opio non passis, contingebat.

## §. XVII.

Ne deciperer, reiteravi experimentum, mihiq̃ue ideo iterum erant sex ranae ejusdem fere magnitudinis, quas pilulis opiatīs satiaveram, et effectus erat idem.

## §. XVIII.

Hinc concludebam, opii ergo actione debilitantur vires fibrarum cordum ranae e corpore excisorum, augentur vero hae vires mediocri dosi, si cor adhuc cum suis vasis nervisque cohaeret.

## §. XIX.

Sic concludebam inquam, haecque conclusio nil videtur continere, quam quod in antecedentibus experimentis (§. 16. et 17.) latuit. Experimenta vera sunt, et tamen sequela ex his deducta est falsa et erronea. Benevolus Lector ut hic ulterius legere desinat et inquirat, an errorem detegere valeat, enixe rogo; quod, si non potest, ut convincatur, necesse est, *nos interdum erroneis auctorum conclusionibus sat facile decipi, artemque experimentis, observationibus et experientia rite et jussu concludendi longe esse difficiliorē, quam vulgo creditur.*

## §. XX.

Conclusionem hanc (§. 18.) interim indubitatae certitudinis habens, recedebam a sententia Cl. WHYTT, (§. 8.) et arripiebam denuo illam, Ill. HALLERI, docentis opium mediocri dosi datum equidem fibras musculares totius corporis (§. 1.) non autem cordis, integris nempe ejusdem vasis et nervis debilitare; hoc enim clarissime experimenta et in me, et in amico meo (§. 10.), et in variis aegrotis (§. 11.), et nunc in ranis capta (§. 16. et 17.) demonstrare videbantur.

## §. XXI.

Jam etiam STAHLIO, BOERHAVIO, HALLERO, HAMBERGERO, et aliis magnis in arte viris, qui opium ad Classē medicamentorum calefacientium relegaverant (præfat.), calculum adjiciebam; quamvis antea contra

hanc sententiam, Clar. WHYTT experimentis motus, steteram (§. 8. et 9.) Opium enim aegris propinatum agit in cor, quod integra adhuc vasa, illaefosque nervos habet; non autem in cor, cujus nervi et vasa sanguifera sunt abscissa.

### §. XXII.

Quamvis haec ita esse non dubitarem, errorem tamen cognoscebam meum, legens, idem opium, quod apud nostrates motum sanguinis auctum, calorem majorem et sitim inferre solet, apud Turcas, Chinenfes, aliasque gentes orientales optimo cum successu quotidie ad sitim, aestum et motum sanguinis majorem compescendum adhiberi, legens idem hoc opium, quod BOERHAVIO Calefacientissimum audit, ad aestum, et motum febrilem compescenda, aphorismo 610. et 691., si omnia alia medicamenta ad hunc scopum adhibita nil effecerint commendari; legens inquam idem hoc opium, quod hodie summum habetur sudoriferum, sudores tamen hecticorum colliquativos interdum, uti plus semel ipse expertus sum, compescere; omnibus enim hisce in casibus egerat in cor, cujus vasa et nervi non erant abscissa.

### §. XXIII.

Accedebat ad has difficultates, alia non minor. Jam dudum cognoveram, facillime nos concludendo ex experimentis decipi, nisi antea phaenomenorum genuinas causas detexerimus. Causa autem, cur opii mediocri dosi exhibita, cordis motus, abscissis nervis et vasis, debilitatus; e contrario autem integris adhuc nervis vasisque sanguiferis auctus erat (§. 16, 17, 18.), me plane fugiebat. Quo diutius in causam hujus tam contrarii effectus eodem opio producti inquirebam, eo minus hunc nodum solvere poteram; unum errorem relinquens, alium denuo amplectens sicque vitans Charybdim incidens in Scyllam, cognoscebam, me opii actionem in fibras cordis nondum intelligere. Pedem sistere me oportebat, ulterius progredi cum non possem.

## §. XXIV.

Jam igitur quid de opii actione statuerem nesciens volvi, quos habui auctores, volvi incassum. Adibam igitur Eminentissimi Electoris Colonienſis Archiatrum, et Collegii noſtri medici Directorem Celeber. HOFFMAN-  
NUM, quem plurimis in caſibus tam theoreticis quam practicis ducem amicum me habuiſſe laetus et gratus recordor, ipſum enixe rogans, ut ſuam hac de re ſententiam mecum communicaret, id, quod mihi non denegavit. Demonſtratio ipſius omnes haecenus relatas difficultates auferens, mihi ita arridebat, ut eandem, diſſertatione hac inaugurali, orbi literarum offerre animo conſtituerem, pulchrius nil habens, quod ipſi tradere poſſem. Quis enim crederet, haec phaenomena explicari non poſſe, niſi mechanices regulae hic applicetur, quae docet: vires moventes augeri, ſi quidem vis agens, reſiſtentia autem ſimul magis imminuitur. Hoc itaque, ut clariffime ob oculos ponam, de regulis docentibus, quotuplici modo motus excitari, et excitatus augeri poſſit, inchoabo, haſque deinde applicabo.

## §. XXV.

*Quadruplici autem modo, motus poteſt excitari, et praefens augeri; quod ut eo melius intelligatur, mox in principio indicare conveniet, non ſolum ad vires agentes, ſed ſimul ad reſiſtentias his viribus oppoſitas eſſe reſpiciendum. Si enim vires agentes non ſuperant reſiſtentias, nunquam excitabitur motus, quia ſub hac conditione reſiſtentiae vires agentes abſorbent. Sit E. G. vis agens = 100 unciis, et reſiſtentia etiam = 100 unciis, nulla motum excitandi ratio adeſt, hincque nullus motus eſt futurus, ſi vero vis agens ſuperat reſiſtentiam, motus exiſtit, et quantitas motus invenitur, ſi vis agens a minori reſiſtentia detrahatur, E. G. ſit vis agens = 100 unciis, reſiſtentia autem = 60 unciis. Tunc ſi detrahatur reſiſtentia = 60 unciis a vi agente = 100, remanent 40 unciae pro vi movente vel viva. Nam ſi hae 40 unciae adduntur iterum reſiſtentiae, oritur aequilibrium inter vim agentem et reſiſtentiam.*

*I. Poſita igitur eadem reſiſtentia, motus corporum mo-*

*torum fit eo major quo magis vis agens increscit.* E. G. sit resistētia = 100 unciis et vis agens = 110 unciis, vis movens erit = 10 unciis. Si porro eadem manente resistētia vis agens est = 120 unciis, vis movens vel viva erit = 20 unciis, et sic porro.

2. *Si vis agens manet eadem, resistētia autem decrescit, motus eo fit major, quo resistētia magis imminuitur.* E. G. sit vis agens = 100 unciis, resistētia autem = 90 unciis, vis movens erit = 10 unciis. Si vero eadem hac vi agente resistētia est aequalis 80 unciis, vis movens erit = 20 unciis, et si resistētia est = 70 unciis, vis movens erit = 30 unciis, et sic porro.

3. *Si vero et vis agens augetur, et resistētia imminuitur, ut motus corporum in motu constitutorum augeatur ex iis, quae jam n<sup>o</sup>. 1. et 2. diximus, tam perspicuum est, ut ulteriorem demonstrationem et adductionem exemplorum, supervacaneam existimem.*

4. *Si vero tam vis agens quam resistētia decrescunt, resistētia autem magis imminuitur, quam vis agens, motus fieri debet major, et eo major, quo magis resistētia relative ad vim agentem imminuitur.* E. G. decrescat vis agens 100 unciarum, 10 unciis et erit = 90 unciis, minor igitur quam antea. Resistētia autem 100 unciarum, quae totam vim agentem 100 unciarum absorbebat, decrescat 20 unciis, et erit aequalis 80 unciis et nascetur vis movens 10 unciarum. Haec enim resistētia 80 unciarum, si detrahatur a vi agente 90 unciarum, restant 10 unciae pro vi viva, decrescat porro illa vis agens 100 unciarum, 40 unciis; et erit tantum = 60 unciis, resistētia autem = 100 unciis decrescat 80 unciis, et supererunt 20 unciae, quae detractae a 60 unciis adhuc relinquent 30 uncias pro vi viva vel movente.

## §. XXVI.

Exempla adjecta re ipsa demonstrationis locum implere possunt, quia loco numerorum et ponderum adjectorum quicumque alter numerus salva demonstratione substitui potest.



## §. XXVII.

Ego itaque in me, et amico (§. 10.), et plurimis in aegris (§. 11.), et in ranis suis cordibus adhuc praeditis (§. 16, 17.), motum sanguinis auctum, post opium exhibitum observans, hincque concludens: ergo manentibus vasis cordis integris, opium vires fibrarum cordis auget (§. 18, 19.), graviter in regulas logices impegeram. Hic enim motus sanguinis auctus, mere resistentia imminuta sine augmento virium agentium cordis. (§. 25. n°. 2.) imo his viribus imminutis (§. 25. n°. 4.) contingere poterat.

## §. XXVIII.

Cum circa determinationem vis vivae vel moventis, non solum ad vim agentem, sed etiam ad resistentiam respiciendum sit (§. 25.): quaeritur, quomodo jam inquisitio sit instituenda, si detegere volumus, num opium vires cordis debilitet, nec ne? Optimum erit, omnem amovere resistentiam, fibris cordis datam; sic enim nobis tantum, cum solis viribus fibrarum cordis, mercandum est. Ejusmodi autem sub conditione experimenta erant instituta, cum vasa sanguifera cordis erant resecta (§. 13.) quo casu observator nil videbat, quam solam mutationem virium, a fibris muscularibus cordis pendentem. Cum vero hac sub conditione post opium datum cordis motus imminutus deprehendatur (§. 12. et 13.), sequitur, opio vires cordis agentes imminui.

## §. XXIX.

Viget igitur jam iterum sententia Celeb. WHYTT, opio nempe vires cordis moventes debilitari (§. 8. et praec.)

## §. XXX.

Si vero opio vires cordis debilitantur (§. praec.) quaeritur, quo contingeret modo, ut opium in me, et in amico meo (§. 10.), et in plurimis aegris (§. 11.), et in ranis, in quibus vasa sanguifera et nervi manferant integra (§. 16, 17.), motum sanguinis auxisset. Regulas jam jam (§. 25.) allatas ad hoc problema applicemus. Prima regula (§. 25. n°. 1.) nos convicit, motum fieri posse majorem, si vires

moventes augentur; haec autem hic loci non quadrat, quia jam certo certius est, vires moventes fibrarum cordis opio imminui (§. 28.) Secunda regula (§. 25. n<sup>o</sup>. 2.) docuit, motum augeri posse, si vis agens manet eadem, resistentia vero decrescit; haec autem hic loci etiam ideo applicari non potest, quia vires agentes fibrarum cordis non manent eadem, sed opio debilitantur (§. 29.) Tertia regula (§. 25. n<sup>o</sup>. 3.) quae docet motum augeri, si et vires agentes increscunt, et resistentiae imminuuntur, non est applicabilis; quia vires agentes opio non augentur (§. 28. et 29.) Quarta denique regula (§. 25. n<sup>o</sup>. 4.) quae nos convicit, motum augeri debere, si vires moventes simul cum resistentia decrescunt, resistentia autem magis imminuitur, hic applicari potest imo debet, quia vires fibrarum cordis opio certo certius debilitantur (§. 28. et 29.), et debilitatis his viribus, nulla alia sub conditione, nisi resistentia adhuc magis imminuta, sanguinis motus auctus contingere potest (§. 25. n<sup>o</sup>. 4.)

#### §. XXXI.

Cum sanguinis motus saepe post opium datum auctus observetur (§. 10, 11, 16, 17.), et cum opium nunquam sanguinis motum auctum excitare possit, nisi resistentiam, movendo sanguini datam, magis quam vires cordis debilitet (§. praec.): quaeritur, quo opium modo resistentiam a sanguine movendo datam imminuere possit? Id, quod nunc explicare adnitar.

#### §. XXXII.

Post opium datum sanguinis quantitas non mutatur. Si vero manente una eademque quantitate, resistentia imminuitur, nil licet cogitare, nisi quod vel sanguinis visciditas, qua cum lateribus vasorum et inter se cohaeret, vel actio vasorum contractilis, quae in sanguinem movendum agit, et hujus motui resistit, decrescat: opium ergo, si resistentiam a sanguine datam imminuit (§. 30. et 31.) agere debet vel

1. Sanguinem resolvendo vel
2. Imminuendo actionem vasorum sanguiferorum contractilem vel

## 3. Utrumque expediendo.

## §. XXXIII.

Si opium sanguinis motum auget, quatenus hunc resolvit, perinde esset, an opium, an aliud medicamen aequè potenter resolvens ad hunc obtinendum scopum exhiberetur. Jam vero ullo sine dubio integra uncia tartari solubilis, aliaque medicamenta sanguinem potenter resolvant, majorem possidet resolvendi vim, quam unum granum opii, et tamen sanguinis motum augere non solet, a vi resolvente opii, ejus vis, motum sanguinis augendi, neutiquam deduci potest.

## §. XXXIV.

Nil igitur jam superest, quam ut opium, quoties cordis et sanguinis motum auget, hoc praecipue agat, quatenus resistantiam a contractilitate vasorum sanguiferorum pendentem imminuit (§. 32.), quod, quomodo contingit, jam explorandum est.

## §. XXXV.

III. DE HALLER vasa sanguifera magna vario modo in animalibus viventibus irritavit, et invenit: haec sese, non nisi stimulo spirituum acidorum generosorum contrahere; tunc autem eo deduci, ut sanguinem antrorsum retroque repellant, et se ita constringant, ut ne sanguinis guttulam quidem transire permittant, repetii experimentum et idem inveni.

## §. XXXVI.

Quamvis autem irritabilitas vasorum sanguiferorum magnorum tam sit exigua, ut sese non nisi adhibitis peracribus spiritibus acidis, constringant, longe tamen alia lex circa vasa minora valet. Nostro C. L. HOFFMANNO convicti sumus, vasorum sanguiferorum irritabilitatem, cum horum imminutione increscere; ita ut minima, quae sanguinem ex arteriarum extremitatibus acceptum venis tradunt majoribus, valde sint irritabilia, et sese levissimo adhibito irritamento contrahant. Sufficiat hoc loco veri-

tatem hanc quibusdam illustrare exemplis. Virgo perterrita palpitante corde pallecebat et sane hoc cor palpitans majorem exercebat nixum sanguinem movendi. Cum autem malae nihilominus rubicundum amitterent colorem, sequitur, harum vasa sanguifera minima constricta nequidem particulas sanguinis rubicundas admisisse, quamvis cor palpitans sanguinem aucta vi adversus illa urfisset. Forsan autem quod vasa genarum tantum sint tam irritabilia? Minime. Si enim ejusmodi terror menstruantibus supervenit, haecce purgatio subito cohiberi solet. Idem contingere, observationes docent, si frigida abdomini admoveatur. Ductuli cutanei insensibilem perspirationem vehementes, hae extremitates arteriarum sese contrahunt, et insensibilem perspirationem prohibent, cutis si modo aëre frigido tangitur; hocque contingit, quamvis vasa sanguifera magna, quorum haec sunt propagines, sese, ut dictum est, nonnisi adhibitis generosis spiritibus acidis constringant.

## §. XXXVII.

Vasa sanguifera minima valde sunt irritabilia, hincque acutissimis viribus vitalibus instructa (§. 36.) Quae cum ita sint, non potest non, quin perpetuum sese constringendi nixum exercentia, in sanguinem contentum agant, et hujus motui resistent. Facile enim patet, haec vasa minima sanguifera, si se plane constringerent, nullum sanguinem per arteriarum extremitates in venas transire posse, hincque sanguinis motum subsistere debere, et ideo vascula sanguifera minima, sanguini ex arteriis in venas movendo, eo majorem dare resistantiam, quo magis hae extremitates sese contrahere conantur; eo minorem autem, quo minor est horum actio in sanguinem movendum. Cum imminutione enim luminum increscere, et cum augmento eorundem decrescere, resistantias fluidis per haec movendis datas hydraulicae necessitatis est.

## §. XXXVIII.

Opium pro diversa quantitate exhibita debilitare et auferre actionem vitalem omnium fibrarum moventium, indubia res est (§. 2, 3, 4, 8.) Opium ergo, pro minori

et majori quantitate exhibita, vires vitales fibrarum vasorum minimorum imminuere et auferre debet, quod vero si fit, ut sanguini movendo eo minor detur resistentia; quo magis irritabilitas et contractilitas horum vasorum est imminuta, necesse est (§. 37.) Patet igitur jam, quomodo contingat, ut opium resistentiam sanguini movendo datam imminuat.

### §. XXXIX.

Qui videre cupit, opium vires vitales et irritabilitatem fibrarum canales coarctantium imminuere, vel plane tollere, nil agendum habet, quam ut hunc in finem duas ranas experimento consecret; uni nil, alteri autem debitam opii dosin exhibeat. Si enim unamquamque post dimidiam aperit; inveniet; non solum in rana opio pasta motum intestinorum vermicularem valde imminutum, sed etiam hunc irritatione longe difficilius augeri posse (§. 8.); et suis praeterea videbit oculis, intestina hujus ranae sese loco irritato vix vel ne vix quidem coarctare, quod tamen in altera rana, opium non experta, facillime contingit; ita, ut si irritatio fuit sufficiens, haec plane sese claudant, et ne guttulam quidem pergrederi sinant.

### §. XL.

Jam indicato, quomodo contingat, ut opium resistentiam, cordi a sanguine movendo datam imminuat (§. 38, 39): reliquum est, ut ostendatur, cur hoc remedium saepe saepius vires vitales cordis minus, quam fibras vasorum minimorum debilitet, (§. 30.) Verum vires vitales fibrarum cordis constantia et durabilitate longe superant omnes alias fibras irritabiles, vitalitate donatas; ita ut cor ranae mensae impositum longe ultra 24 horas palpitare possit, quo tempore autem omnes aliae fibrae musculares suam vitalitatem et movendi potentiam amittunt (§. 3.) opium ergo, quamvis vitalitati et irritabilitati omnium fibrarum admodum sit inimicum (§. 2. et seq.), his tamen cordis constantioribus, durabilioribus et fortioribus tam facile et tam cito nocere non potest, quam aliarum partium. Hoc re ipsa inveniens Ill. HALLERUS dubitavit, an opium viribus vitalibus cordis obesset, quamvis hoc ratione omnium

aliarum fibrarum muscularium ratum habuerit et exploratum. (§. 8.)

### §. XLI.

Jam etiam intelligitur conditio generalis, sub qua opium cordis et sanguinis motum non augere, sed imminuere debet. Si enim vasa sanguifera minima jam multum virium vitalium amifere: horumque cavitates jam sunt ampliatae (§. 38, 39), tunc opium multum harum virium coarctantium destruere et auferre non valet, vel has minus, quam cordis debilitat, quo casu autem, ut cordis et sanguinis motus opio imminuatur, necesse est.

### §. XLII.

Nunc in aprico esse autumo, cur opium mortifera dosi exhibitum, quamvis in principiis motum sanguinis augere soleat, deinde tamen hunc plenarie tollat, mortemque inducat. Actio enim opii, hac rerum conditione sensim incipit, sensimque increfcit, hincque opium in principio vitalitatem vasculorum sanguiferorum magis quam cordis debilitare (§. 40.), ficque sanguinis motum augere debet (§. 38.) Si vero actione opii sensim magis magisque aucta, fibrae vasorum minimorum ita sunt relaxatae, ut ulterius relaxari vix possint, hoc opium praecipue et tantum vires vitales fibrarum cordis debilitare et denique destruere potest (§. 5, 6, 40.), tuncque motum sanguinis eo magis imminuere debet, quo magis vires cordis debilitat (§. 25.) Quamvis igitur hoc casu opium in principio motum cordis et sanguinis augeat, postea tamen eundem magis magisque debilitare debet, et denique si vires fibrarum cordis tantopere decrefcunt, ut sanguinis resistantiam superare ulterius nequeant, cordis motus subsistere, cessare (§. 25.) morsque subsequi debet.

### §. XLIII.

Vasa cutanea insensibilem perspirationem ducentia, tactu aëris frigidi sese contrahere, et sic saepe perspirationis insensibilis et sudoris materiam retinere, nemo artis gnarus nescit. Orificia igitur horum vasorum viribus vitae gaudent exquisitissimis. Verum haec vascula, haec

suas vires vitales facillime exuunt, suamque contrahendi potentiam magna ex parte deponunt, tuncque sudor prorumpit sua sponte, quamvis vires cordis admodum sint debiles, et sanguinis motus valde sit imminutus. Ejusmodi sudores observamus in perterritis, in iis, qui animi deliquio corripiuntur, in moribundis quibuscunque, quos medici unanimi consensu relaxatis cutaneis vasculis tribuunt. Cum itaque mera haec vasculorum cutaneorum relaxatio, ad sudoris excretionem, imo praesente pulsu debili sufficiat, quid futurum, si medicamentum exhibetur, quod non solum vitalitatem et contractilitatem vasculorum cutaneorum valde imminuit, sed simul sanguinis motum auget? Sane hoc egregium debito sub regimine esse debet sudoriferum, opium igitur, quoties vasculâ cutanea relaxat, et motum sanguinis auget (§. 38.), quod nostris in terris ut plurimum contingit, debito sub regimine potenter sudorem pellere debet, id quod quotidiana observatione corroboratur.

#### §. XLIV.

Si vasa cutanea sese constringunt, et insensibilem perspirationem retinent, saepe oriuntur morbi, retenta materia insensibilis perspirationis producti. Cum vero opium vires horum vasorum sese coarctantes debilitet (§. 36. seq.), facile patet, cur opium praecipue cubitum eundo sumtum, insensibilem perspirationem restituendo, paucis horis hos morbos profligat. Plebs his morborum generibus affecta hic locorum dicere solet: *ich bin krank, habe Kopfsweh und Durst, es ist aber nur die Rose, ich will diesen Abend Theriac zum Schwitzen nehmen, und dann bin ich morgen wieder gesund.* Vidi admodum tyro ancillam hoc morbo laborantem, inveni pulsum durum, frequentem, febrilem, suasi venae sectionem, dissuasi optima intentione theriacam, cum ipsa mihi respondebat, se reiteratis experimentis scire, hoc medicamento una nocte morbum profligatum iri, quod etiam contingebat: theriacam autem opio contento praecipue agere, quis est, qui nesciat, idem postea saepe observare, in plebeis mihi contigit.

## §. XLV.

Veteres opium habuisse valde frigidum, et ut corrigerent, huic plurima stimulantia, aromatica, calefacientia admiscuisse, uti e compositione theriacae aliisque apparet, notum est. Quaeritur jam, an ejusmodi opii correctio cum plurimis medicis hodiernis sit spernenda et rejicienda, vel laudanda et imitanda. Verum omnibus illis in casibus, in quibus vasa minima et cutanea opio relaxare (§. 43.) simul autem vires cordis agentes factas tectasque conservare animus est, aroma opio adjectum, re ipsa vim opii fibras cordis debilitantem (§. 28, 29.) corrigit, morbis igitur, quibus constrictionem vasorum cutaneorum imminuere, cordis fibras autem simul stimulare, sicque sudorem fortiter pellere animus est, opium aromate armatum opio puro est praefendum.

## §. XLVI.

Jam determinavimus, quo casu opium insensibilem perspirationem aut sudorem moveat, nempe si vim vasculorum cutaneorum constringentem vitalem imminuit: Quid vero futurum, si haec vascula ita sint constituta, ut opium eorum vim ulterius debilitare hincque eorundem lumina augere non valeat? Tunc sane sudorem movere non potest, e contrario, quia hac sub conditione tantum vires cordis agentes debilitat (§. 41.) sudoris secretionem imminuere debet.

## §. XLVII.

Patet jam, cur opium a Turcis, Chinesibus aliisque populis orientalibus ad sitim, aestum et sudores compescenda, optimo cum successu quotidie adhibeatur, quamvis hisce in regionibus sitim, aestum et sudorem excitare soleat. Istis enim in regionibus calidis, vasa cutanea, et minima sanguifera, multum virium vitalium perdidit: et ita, ut plurimum, sunt relaxata, ut opio vix ulterius debilitari possint, quo autem casu vires cordis solummodo opio praecipue decrescere, motus sanguinis compesci (§. 41.) et causa occasionalis sudoris et aestus imminui debent.



## §. XLVIII.

Nec minus jam constat, cur BOERHAVIUS in principio ardentium, quamdiu vascula sanguifera suas vires vitales integras adhuc possident, opium angue et cane pejus fugiat, his viribus autem jam partim ipso morbo, partim evacuantibus et aliis medicamentis sufficienter fractis usum opii experientia fretus, commendet. Si enim in principio harum, quo vires vitales adhuc sunt integrae, opium adhibetur, hoc relaxans vascula sanguifera, resistentiam sanguini movendo datam, magis quam vires agentes cordis imminuere, sicque sanguinis motum et aestum febrilem augere debet (§. 38. et seq.) Si vero vires vitales vasorum sanguiferorum vel ipso morbo vel alio modo sufficienter sunt debilitatae, opium vires cordis, nondum tantopere debilitatas (§. 40.) magis quam resistentiam imminuere sicque motum et aestum febrilem compescere debet (§. 41.)

## §. XLIX.

Nunc etiam dictu est facile, cur opium tempore vespertino sumtum, quamvis in sanis pulsus reddat majorem; et sudoris excretionem juvet, sudores tamen colliquativos et febrim hecticorum moderari soleat, id quod in praxi medica mecum unusquisque observabit. Hocce in casu enim vasa cutanea et sanguifera minima longitudine morbi sunt debilitata, hincque opio motum sanguinis (§. 41.) et sudoris excretionem imminui (§. 46. seq.) necesse est.

## §. L.

Demonstratis jam, tunc tantum opium excretionem sudoris promovere, si vasa cutanea nifum exercent, sese contrahendi et angustandi, sicque materiam sudoris retinent, et haecce constrictio opio vel debilitatur vel auferitur (§. 43. seq.); e contrario idem hoc opium sudores prohibere debere, si nulla constringens potentia vasorum cutaneorum eodem auferri potest (§. 46. sqq.): facile explicatur, cur opium in sanis ut plurimum omnes alias secretiones praeter cutaneas impedire soleat. Quamvis enim ductuli excretorii cutanei admodum sint sensibiles, errabit tamen, qui sibi imaginatur, ductulos excretorios aliorum

organorum fecernentium aequae sensibiles esse. Ureteres nequidem spiritibus acidis adhibitis eo deduci possunt, ut sese constringant, et ductuli excretorii reliquorum organorum fecernentium, quamvis sint ureteribus irritabiliore, cedunt tamen longe vasis cutaneis. Quae cum ita sint, vasa cutanea insensibilis perspirationis et sudoris materiam vehementia si exceperis, reliqui ductuli excretorii organorum fecernentium rarissime sunt in eo statu, ut, sese constringendo, secretionem liquoris imminuant vel suffocent, hincque rarissime tantum opium secretionem et excretionem earundem augere potest (§. 43.), e contrario easdem aequae imminuere debet, sicuti hoc circa secretionem cutaneas facit, si haec vasa nullatenus sunt constricta (§. 46, 49.)

## §. LI.

Quamvis autem opium, si cutaneas exceperis secretionem, ceteras ut plurimum ideo imminuat, quia horum organorum ductuli excretorii ut plurimum non sunt constricti (§. praec.), idem hoc opium tamen, si hi ductuli forsitan sunt constricti, et eorum spasmus, causa interceptae secretionis existit, toties interceptam secretionem restituere et augere debet, quoties constrictionem spasmodicam ductulorum excernentium vel imminuit vel aufert (§. 39, 43). Unum alterumve hujus veritatis exemplum in medium proferre non inconsultum iudico.

## §. LII.

Juvenis 27. annorum ischiaticis vexabatur doloribus, insequabatur urinae difficultas et brevi post ischuria, tempore 36. horarum ne guttulam quidem minxerat; quamvis selectissima medicamina e diureticorum catalogo hoc tempore essent adhibita, frustra inquam ideo adhibita, quia dolorem et hoc dolore inductam constrictionem vasorum spasmodicam mitigare non poterant: Opium autem hoc efficiens (§. 39, 40, 51.) ischuriae brevi tempore medebatur, aegrumque servabat.

## §. LIII.

Juvenis 22. annorum colicis doloribus iisque saevissimis correptus alvi obstructione pertinacissima laborabat.

Clysmatibus plurimis, fumo herbae nicotianae in anum immisso, variaeque indolis purgantibus nil efficiebatur; omnia sensim sensimque in pejus ruebant; ita ut cardialgia, anxietates et singultus accederent, nullaque spes salutis superesse videretur. Eo cum res deducta esset, experientissimus accedebat medicus, optime saevissimis doloribus intelligens spasmodicam quandam intestini constrictionem constipationis esse causam (§. 39.) quae quibuscunque irritantibus et stimulantibus purgantibus augeri (§. eod.) opio autem vel mitigari vel tolli debebat (§. eod.) Quo igitur omnis stimulus clysmatibus acribus et purgantibus productus auferretur, clyσμα mere oleosum, et quo constrictione spasmodica tolleretur, opium sat magna dosi interne capiendum praecipiebat. Prima vice aegro grana duo laudani propinabantur, et quacunque hora insequente unum praecipiebatur granum, donec dolores cessarent. Nemo huic consilio contradicebat, cum nemini aliquid spei superesse crederetur. Cessabant sumtis tribus laudani granis dolores, somnus insequabatur, et vix praeterlabebatur hora, cum alvus redderetur. Sic opium spasmodicam intestinorum constrictionem auferens hoc casu alvum solvebat, quamvis aliis sub circumstantiis alvum adstringat (§. 50.)

#### §. LIV.

Scimus irritationem solam sufficere ad inducendam partis cujuscunque inflammationem, quacunque sub sanguinis conditione. Omnia sufficienter irritantia, cuti admota, siue sanguinem resolvant, siue coagulent, siue ipsum immutatum relinquant, hunc morbum inducunt: Sic spina infixā, sanguinem non mutans aequē inflammationem partis affectae infert, quam resolvens sal volatilis, vel coagulans acidus spiritus. Cum igitur Causa inflammationis generalis, in qualibet inflammatione quacunque Causa producta praesens esse debeat, et cum hi enumerati casus nil commune habeant quam irritationem, quae tam spina infixā, quam acribus adhibitis medicamentis inducebatur: sequitur Causam inflammationis generalem esse irritationem. Quae cum ita sint, quaeritur, quomodo irritatio

inflammationem inducat. Verum hoc facile intelligitur. Si enim pars quaecunque irritatur, irritantur vasa sanguifera minima in eadem, hinc haec sese fortiter contrahere conantur, sanguis autem arteriosus a tergo urgens hoc non permittit, et ea aperta servat, sanguis igitur arteriosus per haec vasa movendus, majorem inveniens resistantiam (§. 37.) urgetur vi cordis et arteriarum in subtilissima et debilissimis parietibus constructa vascula serosa, et eadem, tantam vim non sustinentia expandit. In inflammatione oculorum, qua sanguis plurima vascula statu naturali globulos sanguinis rubicundos non admittentia, implevit et extendit, dicti veritas omnium pulcherrime apparet. Rubet itaque pars quaecunque inflammata, quia sanguis plurima vasa serosa implevit; tumet, quia haec vasa sunt expansa; dolet ob partium tensionem; et pulsatio in eadem saepe percipitur, quia sanguis arteriosus cum sanguine in parte inflammata incarcerato, communicat, huncque alterne premit.

## §. LV.

Exposita jam inflammationis theoria, facile patet: cur opium in inflammationibus, nisi harum causam debilitare vel auferre possit, admodum noxium esse debeat. Hoc enim *tanta dosi dari nequit, ut constrictionem vasorum fortissime irritatorum in parte inflammata auferat*, et hoc non agens, relaxat tamen omnia totius corporis vascula minima (§. 38.), per quae jam sanguis liberrime movetur (§. 37.) Hic igitur sanguis liberrime motus propter immutatum in valis minimis totius corporis resistantiam, minus, uti mechanicis patet, agit in sanguinem partis inflammatae; hic igitur minori vi premitur et propellitur, facile subsistit (§. 56), putrescit, et gangraenam et sphacelum inducit. Opii igitur usus, in inflammatione forti nondum debilitata, et febribus inflammatoriis inde ortis, admodum perniciosus esse debet, nisi inflammationis causam vel tollat, vel debilitet.

## §. LVI.

Practici tot referunt exempla, opio in morbis inflammatoriis sinistre adhibito, producta, haecque tam sunt vulgaria, ut jure eorum nullam mentionem faciam.

## §. LVII.

Si vero dixi, opium nihilominus in morbis inflammatoriis esse proficuum, imo necessarium, si causam inflammationis debilitare vel destruere potest (§. 55.), hoc ulterius declarare non superfluum esse duco. Duos hic juvat adducere casus, quibus opium valde convenit, in primo evacuationem materiae inflammationem inducentis evacuat, secundo autem motus partis inflammationem augens opio imminuetur vel sistetur.

## §. LVIII.

Quod ad primum casum attinet; Fingatur materiam insensibilis perspirationis retentam inflammationem inferre, hancque materiam opio evacuari posse; tunc vero ut opium ipsam inflammationem auferat necesse est. Sublata enim causa tollitur effectus. Exemplum huc pertinens vidimus in antecedentibus (§. 44.) Opium ergo in febribus a retenta insensibili perspiratione, quam egregie movet (§. 43.), summae est utilitatis (§. 44.) quamvis in aliis inflammatoriis ut plurimum noceat (§. 55.)

## §. LIX.

Quod ad alterum casum attinet. Scimus non solum inflammationem esse irritatione productam (§. 54.) Sed etiam omnes fibras motrices irritatas majorem conatum exercere sese movendi. In inflammatione ergo intestinorum, ut motus vermicularis valde auctus sit, necesse est. Jam vero omnis medicus ratum et exploratum habere debet, inflammationem actione fibrarum partis augeri, E. G. fit digitus inflammatus, hicque saepe adducatur et extendatur, nil sane certius futurum, quam doloris et inflammationis augmentum (§. 54.) Cum e contrario quies digiti verum sit remedium, quo incrementum inflammationis avertitur. Ipsa igitur aucta fibrarum actione, inflammatio intestinorum increfcere, et debilitato motu eorundem vermiculari haec decrefcere debet. Jam vero opio motum intestinorum vermicularem imminui, indubitata docent experimenta (§. 38, 39.) In inflammationibus intestinorum igitur opium causam inflammationis auctae de-

bilitare potest, imo ut debilitetur, saepe saepius princeps est medicamen, hincque ad hunc morbum debellandum, si circumstantiae exigunt, a prudentibus medicis toties et quidem recte adhibetur.

### §. LX.

Placet paragraphum praecedentem adhuc exemplo illustrare. Vir 42. annorum laborabat hernia, haecque commisso in Diaeta errore et nixu ponderis auferendi incarcerationata inflammabatur. Quicquid ab arte pro reponenda hernia excogitatum est, incassum adhibebatur. Celebris Chirurgus non alio modo, quam cultro adhibito herniam reponi posse, strenue affirmabat, nec erat quispiam, qui aliud remedium superesse credebatur. Omnia igitur ad operationem parabantur et ad manus erant. Interim Chirurgus dubium eventum, propter inflammationis progressum praedicenti, placebat, medicum quendam celeberrimum et praeclarum rogare, ut praesentia ipsum et auctoritate tueretur, si quidpiam sinistri sine ulla culpa, vel durante operatione, vel post illam accideret. Adibat igitur Chirurgus medici domum, et cum hic loci interrogaretur, quatenus medicamenta hactenus essent adhibita hic referebat, opium nondum esse tentatum. Consulebat itaque Chirurgus hic, ut methodo antea indicata (§. 53.) id adhiberet, et tentaret, an eodem inflammatio et tumor, continuatis simul externis, imminui et postea hernia reponi posset. Felicissimus erat consilii successus, hernia sat facile reponebatur, aegerque sine operatione conservabatur.

### §. LXI.

Primarius hujus dissertationis scopus fuit exemplo ob oculos ponere, solas observationes formando bono medico non sufficere, sed hunc simul logicis, mathematicis, mechanicis aliisque veritatibus, ad medicinam facientibus instructum esse debere; huncque scopum jam obtentum esse, mihi persuadeo. Logices enim necessitatem unusquisque concedet, in memoriam revocans, quoties ego ex indubitatis observationibus, experimentis et experientiis concludens, regulas autem logices negligens, erraverim. (§. 19,

20 et 29.) Quis medicus, solus observator logicis praeceptis non imbutus concludet me melius? Mechanicarum autem veritatum in re medica egregiam utilitatem unusquisque sentiet, perspicuens, me harum tantum ope actionem opii ob oculos ponere potuisse, et neminem his destitutum opii actionem intelligere posse (§. 25. seqq.) Elegi autem, ut scopo meo satisfacerem, ex plurimis aliis, hoc de opio exemplum, quia opium est medicamentum valde heroicum, quo medicus non facile carere potest, et quo tamen jure meritoque ut plurimum careat, nisi ejus actionem perspectam habeat et exploratam. Jam igitur huic dissertationi colophonem imponerem, nisi, quo certius voti mei fiam compos, unum adhuc alterumve adferre exemplum, quod hac in paragrapho contentas veritates ulterius confirmare valet, consultum ducerem.

#### §. LXII.

Serenissima Princeps uxor Comitis de Schaumburg Lippe corripiebatur noctu hora undecima paroxismo febrili. Hoc die uti et sequenti nauscabunda perpetuo, vix aliquid ciborum assumerat; et paucos assuntos vomitu reiteratis vicibus rejecerat. Praecipiebatur ideo leve vomitorium, quod medicamenta nauseae et vomendi conatui abigendis accommodatissima excipiebant. Tertia jam nocte, hora undecima, redibat paroxismus febrilis, et vix optima Princeps conquesta erat, cum omnem loquendi et percipiendi facultatem amitteret. Advocabatur noster HOFFMANNUS, qui forte fortuna tum temporis ibi commorabatur; hicque ad lectum accedens inveniebat Serenissimam Principem sine loquela, aphonam, oculis apertis fixis comatosam, membris quibuscunque, uti in catalepsi fere rigidis, pulsu parvo intermittente, respiratione laboriosa stertente, paucis, inveniebat illam febre intermittente soporosa affectam. Expergesfactus Illustrissimus Comes, hicque cum virgine aulica nobili stirpe nata, et cubicularia coram lecto tremantes et ejulantes nil aliud quam praesentissimam mortem expectabant. Quid quaeso egisset lector hoc rerum statu? forsitan vomitorium praecepisset, forsitan clysmata acria praescripisset, forsitan salia vola-

tilia naribus admovenda, forsan cantharides, forsan alia stimulantia adhibuisset. Sic enim magni in arte viri agendum hoc casu statuunt; Verum his consiliis non obtemperabat medicus, optime gnarus, haec medicamina, simili in casu, saepe et fere semper incassum esse adhibita, aegros nihilominus vitam cum morte commutasse, hincque his non fidendum esse; nedum quod periculum erat in mora et medicamentis praescribendis et parandis tempus non concedebatur, opiumne igitur forsan erat tentandum, quod medicus propter alium morbum praescripserat et ad manus habebat? Quis hoc opium soporiferum in morbo soporoso praescriberet, interrogant viri medici graves et re ipsa primo intuitu nil absurdius esse videtur. Quid igitur hoc casu, ut mors averteretur, fuscipiendum erat? verbo ut dicam, noster archiater, qui jam aliquoties simili in casu opium optimo cum successu adhibuerat, laudani opii bene parati gutt. 45. in os aegrotae infundebat, et animadvertibat, has post unum alterumve minutum deglutiri. Aliquot minutis praeterlapsis pulsus fiebat major, respiratio liberior, et intra horae dimidium totus paroxysmus soporosus erat victus, pulsus factus erat plenus, rigiditas membrorum evanuerat, mens sibi constabat, loquebatur Princeps, insequiebatur aestus febrilis et sudor post aliquot horas prorumpens paroxismo finem imponebat. Altero mane, ut sequens averteretur paroxysmus, liberali manu corticem peruvianum exhibere decretum erat, qui autem nausea antecedentium dierum continuante, quoties sumtus erat, toties vomitu rejiciebatur. Conficiebatur igitur e vino burgundico infusum, quod vero stomacho gratius non erat, cortice in substantia porrecto. Non feliciore successu tentabatur corticis extractum. Clysteres cortice divites injiciebantur, paroxysmum autem insequentem non praevertabant, qui tempore nocturno, hora circiter undecima, tertio die aeque terribilis redibat, eademque methodo et medicina opio confecta, felicissime superabatur. Nausea et vomendi conatus postridie pergebant, quibus corticis usus internus impossibilis reddebatur, nihilque reliquum erat, quam continuatio clysmatum, cortice aromatorum; hi autem cum antecedentem paroxysmum non



praescidissent, novus timendus erat. Comes maritus, qui laudani effectum hoc morbo jam bis suis viderat oculis, proponebat, num fieri posset, ut hoc medicamen exhiberetur hora decima ante instantem paroxysmum eo fine, ut forte eodem recurrente prava et terribilia symptomata averterentur. Cum enim istae guttulae, ajebat, ipsum debellare valent soporem praesentem, videntur etiam futurum avertere posse. Re ipsa sic contingebat, insequebatur quidem post opium exhibitum febrilis paroxysmus sed nullo sopore junctus. Hoc paroxysmo finito infusum corticis vino paratum melius ferebatur, febris exinguebatur, Princepsque paucis diebus pristinae restituebatur sanitati.

### §. LXIII.

Casus hic, docens, quomodo medicus aegro, paroxysmo soporoso jam praesente succurrere possit, eximiae esset utilitatis, nisi temerarium esse videretur, opium soporiferum exhibere in affectu soporoso; verum vanus hic timor, perspecta febris soporosae causa et actione opii, sua sponte cadit, et ideo non inutile esse duco, hac de re adhuc verba facere; Videamus igitur febre intermittente laborantem; materia febrilis in fine uniuscujusque paroxysmi maxima ex parte evacuatur, sudorem foetentem reddit, et haec est causa, cur paroxysmus finiatur. Hancce evacuationem ut crisin considero, qua febris tollitur. Verum materia febrilis post sublatum paroxysmum restans et sese perpetuo iterum augens, si denique sufficiente quantitate est genita, iterum paroxysmum novum excitat. HIPPOCRATES jam dixit, quae relinquuntur post crises, recidivas facere solent, et si unumquemque paroxysmum febrilem uti recidivam paroxysmi antecedentis considero, causam paroxysmorum perspicio. Non licet hac de re hoc loco ulterius agere.

Jam vero observet quicumque medicorum aegrum febre intermittente laborantem mente attenta ante paroxysmum instantem, et mecum inveniet, pallefcere in principio nares, malas et extremitates digitorum, unguesque livido indui colore; haec inquam antequam frigus febrile incipit, observabit.

Cur vero nares, malae et extremitates digitorum pallescunt? Non pallescerent sane, si sanguis rubicundus omnia illa vascula impleret, quae antea ingressus erat. Nares, malae et extremitates igitur pallescunt, quia plurima vascula, quae antea globulos sanguinis rubicundos admittebant, hoc jam non permittunt, i. e. quia horum diameter est imminutus, et ipsa vascula sunt contracta. (§. 36.)

Cur vero haec vascula sese contrahunt? Frigus febrile hic loci accusari nequit, quia vascula sunt contracta, antequam hoc frigus ingruit. Quae igitur hujus rei causa? Haec vascula non contraherentur, nisi homo febre intermittente laboraret; materia igitur febris intermittens constrictionem causari debet. Quomodo vero hoc contingit? Vasa sanguifera minima maxime esse irritabilia, in antecedentibus demonstravi (§. 36.) addo nunc ipso corde esse irritabiliora, fere tam irritabilia quam vascula cutanea insensibilem perspirationem et sudoris materiam vehentia. Si igitur materia febris intermittens acris sensim sensimque majori copia generatur, et sanguini admiscetur, haec vascula sanguifera minima valde irritabilia cogere debet, ut sese contrahant, et plurima eorum sanguinis globulos rubros non admittant (§. 35. et 36.) Jam igitur intelligitur, cur ante instantem paroxysmum febrilem facies et extremitates pallescere solent.

Verum si hoc tempore adhuc materia febrilis augeatur, ut ejus irritandi vis increseat, et vasa sanguifera minima sese adhuc magis contrahant, necesse est, tuncque pallor increscit et denique frigus febrile excitatur, quod ut fiat, ideo necesse est, quia vascula sanguifera minima contracta sanguinis transgressum ex arteriis in venas eo magis impediunt, quo magis angustantur (§. 37.) Inde est, quod lividus unguium color, sanguinis fere subsistentis indicium tempore frigoris fere in quibusque febricitantibus observetur.

Non omnia corpora humana eodem modo sunt constituta; alia aliis sunt sensibilia. Quid igitur futurum, si homo, quia vascula minima sanguifera irritabiliora habet, febre intermittente corripitur; praecipue uti in senibus saepe contingit, si cordis vires sunt debilitatae? Tunc

materia febrilis, tempore frigoris vasa minima tantopere irritare potest, ut sese valde contrahant, et sanguis ex arteriis in venas transgredi nequeat. Quis vero non intelligit, tunc hominem, omnium rerum inscium fieri, membra movendi potentiam amittere, symptomata febris soporosa induci, et mortem ipsam denique subsequi debere.

Quid igitur prudenti medico, si hoc casu opem vult ferre, est agendum? Hic omnem debet ullo sine dubio navare operam, ut constrictionem vasorum sanguiferorum, causam inducti soporis, tollat, sicque liberum sanguinis circulum restituat. Hoccine forsan clysteribus acerbis, salibus volatilibus naribus admotis, frictionibus, cantharidibus externe applicatis obtinebitur? minime. Haec enim stimulantia constrictionem vasorum minimorum auferre, et liberum sanguinis circulum restituere nequeunt, et inde est, quod tam raro hac methode quispiam, paroxismo soporoso afflictus, servatus sit. Opium e contrario, quod non solum constrictionem intestinorum, irritatione inductam (§. 39.), sed etiam vasorum minimorum imminuit et aufert (§. 38, 40.), hic loci indicatur; Sane, si quopiam hocce in casu opio circulus sanguinis restitui, morsque averti potest, id quod non solum exemplo Celsissimae Principis sed et quibusdam aliis confirmatur. Verum, qui opio quid efficere vult, hic ut illud tanta exhibeat dosi, quo constrictionem spasmodicam auferre possit, necesse est; ad quod obtinendum magna saepe hujus medicamenti requiritur dosis.

#### §. LXIV.

Casum, quem hic narravi, meis quidem non vidi oculis, verba autem de ipso facere non nolui, partim quia me praesente, Serenissimae Principis S. R. I. Comes maritus, ejusdem saepe saepius mentionem fecit; partim quia notatu est dignissimus. Et re ipsa hic Monasterii aliquoties utilitatem opii praedicto in casu egomet ipse observavi. Illustrissima Comes de Merveld corripiebatur affectu soporoso, materia febris intermittens inducto, quotquot aderant, mortem ejulabant praesentissimam; ex orci autem

faucibus eripiebatur eodem laudano liquido quibusdam guttulis olei vini armato. Ipsemet ego hoc medicamen praesentibus Directore HOFFMANNO, et Consiliario Aulico nec non Archiatro FORCKENBECK in guttur Comitissae soporosae infundebam. Canonicus Capitularis hujus Ecclesiae Cathedralis L. B. de Bourscheit corripiebatur catoche, tantaque erat morbi saevities, ut nemo adstantium crederet, ipsum adhuc unum alterumve minutum superstitem esse posse, et simili artificio in admirationem totius urbis hodieque optima gaudens valetudine conservabatur.

En Lector Benevole! quamvis futilis falsaue theoria in mille errores ducat, quanti tamen ponderis sit vera, tanti utique, ut aegri, de quibus diximus, huic soli salutem debeant. Nisi enim medentis theoria tenebras discussisset, hic sane opium soporiferum, ad soporem debellandum non adhibuisset; quod vero agere perspecta soporis causa et opii actione sine metu nullus dubitavit.



XXIV,

DR. JOANNIS BRICKENDEN

DISSERTATIO

DE

RADICE SCILLAE.

EDINBURGI,

1759.



## DISSERTATIO MEDICA.

DE

## RADICE SCILLAE.

**I**NTER medicamenta quae nobis regnum vegetabile sup-  
peditat, perpauca sunt quorum usus est frequentior vel  
antiquior radice Scillae; hanc ideo pro argumento hujus  
dissertationis selegi.

PRIMA ejus mentio quae nobis occurrit, e schola Py-  
thagorica derivata est; et Pythagoram ipsum de ea condi-  
disse volumen, vires ejus medicas colligentem, auctor est  
Plinius \*).

IN compluribus \*\*) Hippocratis scriptis, cum in spu-  
riis, tum etiam in illis quae pro veris habentur, Scillae  
internum atque externum usum frequenter celebratum in-  
venimus.

THEOPHRASTUS \*\*\*) hujus plantae descriptionem  
adeo accuratam nobis exhibet, tempora, peculiaremque  
florendi rationem, et locum natalem ostendens, ut nullus  
dubitandi locus sit, quin nostra eadem sit Scilla qua anti-  
qui utebantur.

DIOSCORIDES †) diversas illo tempore Scillae pa-  
randae methodos tradit, sed omnino ejus descriptionem  
omittit: attamen cum de pancratio loquitur, quod accu-  
rate describit, cum id aliquos Scillam pusillam appellare,  
Scillaeque virtutes praeparationesque similes habere dixe-  
rit, nos certiores facit ipsum de eadem radice, de qua ve-  
teres reliqui, locutum fuisse.

GALENUS ††), Oribasius †††), Aetius \*), Paulus Ae-

\*) Hist. nat. I. 19. c. 5.

\*\*) Edit. Foef. lib. de superfoet. p. 265; I. de ratione vict. in  
morb. acut. p. 407. et alibi.

\*\*\*) Hist. plant. lib. 7. c. 12.

†) Lib. 2. c. 202. et c. 203.

††) Charter. tom. 13. p. 126. 127. 229. et alibi.

†††) Col. med. I. 10. et 12. de virtute simp. I. 2.

\*) Tetrab. 4. serm. 1. c. 51. et 81.

gineta \*), et alii Graeci medici, praeparationes ejus describunt, et de ejus virtutibus in scriptis adeo copiose loquuntur, ut nobis fatis constet, etiam per id tempus eam in magno pretio haberi.

APUD Latinos usus Scillae aequè frequens occurrit, uti testantur Celsus \*\*), Caelius Aurelianus \*\*\*), et Plinius †), qui praecipue virtutes ejus enumerat, et omnia quae in antiquorum operibus disperse latuerunt, sedulo collegit.

GRAECE σκίλλα vocatur, a σκελλω, *exsicco*, quia in locis aridis crescit; vel a σκυλλω, *molestiam exhibeo*, ab acrimonia sua; vel quod inter hujus, et marini testacei, ejusdem nominis, piscis, squamas magna est similitudo.

LATINE et Italice *Scilla* vel *Squilla*, Hispanice *Cebolla albaranna*, Gallicè *Squille*, vel *Oignon marine*; Anglice, *the Squill. or Sea-onion*, ob locum natalem, et cepaceo generi similitudinem.

PLANTA quae ab hac radice nascitur, ad Hexandriam monogyniam a Linnaeo refertur, inter plantas flore liliaceo a Tournefortio recensetur, et inter herbas radice bulbosa praedita a Raio enumeratur.

Hujus duae sunt species, alba et rubra: *altera* Scilla vulgaris radice rubra, C. B. p. 73.; Scilla magna rubra vulgaris, J. B. 2. 615. Raii hist. 1164.; Ornithogalum maritimum, Tournef. Inst. 381.; Scilla radice tunicata, Linnaei Hort. Clift. 123. Upf. 89. Mat. med. 162.; Scilla foemina, Plin. *Altera est* Scilla radice alba, C. B. p. 72. Raii hist. 1164.; Scilla magna alba, J. B. 618.; Scilla mascula Plinii. Hae duae colore tantum inter se differunt, et una pro altera sine discrimine sumi potest.

SCILLAE radix est bulbosa, magna, et pyriformis, aliquando etiam ad capitis infantis magnitudinem crescit, ex tunicis succosis squamis concentricis composita, multis crassis fibris ab infima parte exeuntibus. E media radice caulis rotundus, aequalis, et rectus ad altitudinem unius

\*) De re med. lib. 7.

\*\*) Lib. 4. c. 4. et lib. 3. c. 21.

\*\*\*) De morb. chron. lib. 3. c. 8.

†) L. 19. c. 5. lib. 20. c. 9. lib. 21. c. 17.



aut duorum pedum oritur, e quo flores tenues, albi, sex petalis constantes, absque calicibus emergunt. His succedunt fructus in orbem vergentes, sed parum triangulati, et in tres cellulas divisi, quae parvula nigra semina continent. Marcescentibus flore et caule, folia demum oriuntur.

SPONTE et copiosissime in siccis arenosisque littoribus Hispaniae, Siciliae, et ubique fere ad maris Mediterranei littora crescit, unde quotannis ad nostras regiones delata est.

Hujus plantae radix est pars quae sola hodie in medicina recipitur; hanc tumidam, modicae magnitudinis, a putredine cui maxime obnoxia est, liberam seligere oportet.

ODOR ejus est debilis, crudus, qui radicibus recentibus communis, sed minime acris, nec qui lacrymas acrimonia sua excitat, ut aliqui volunt \*).

SUCCUS viscidus est et mucosus.

SAPOR acris, amarus, palato ingratus et pungens.

Ex Scillae radice, retortae vitreae commissa, adhibito igne, primum leni, postea gradatim aucto, quicquid ei inerat volatile per destillationem elicatum fuit. Sub hanc exstillavit primum liquoris aquosi multum, qui in initio insipidus penitus, et inodorus fuit, tandem vero empyreumatici quid redolebat: prout calor adhibitus augebatur, exstillavit liquor flavescens, acris, qui procedente destillatione, continuo magis fuscus, densus, et acris evadebat, et tandem hujusmodi materies fere nigra, omnino crassa in collum tantum retortae evecta est; dum in fundo restitit massa prorsus carbonaria.

LIQUORES in vase excipiente collecti, cum sale alkalino adjecto effervescentes, aliquid acidi in iis inesse ostendebant.

MASSA in fundo retortae restitans, igne aperto calcinata, et aqua elixata, praebuit salem omni nota alkalinum, qui tamen a Cartheusero \*\*), alias satis accurato, non inventus fuisse videtur.

\*) Cartheuser. mat. med. vol. 1. p. 393.

\*\*) Mat. med. vol. 2. p. 423.

IN aqua infusa Scilla liquorem flavescentem exhibet, acrem, valde amarum, et consistentiae parum mucosae; qui cutem instar saponis detergit, et inspissatione ad *extractum* redactus, dotes easdem fere possidet.

IN aqua itidem, parvulo salis alkalini fixi addito, infusa, liquorem fuscum sine ulla acrimonia, et cum haud multo amaritudinis, exhibet.

ACETO infusa, acrimonia augetur, sed amaritudo aliquantulum diminuitur.

SPIRITUS vini rectificatus affusus, parum omnino, vel nihil de Scillae radice extrahere videtur.

AB hac Scillae analysi satis apparet, quod virtutes ejus in mucilagine residunt, quae menstruis aquosis et vinosis, atque etiam acido vegetabili extrahuntur, et quod nullae vel saltem paucae siccando avolant, aut in destillatione cum aqua, vel cum alkohole, assurgunt.

PROPTER Scillae recentis acrimoniam, methodos ad hanc corrigendam antiqui multas excogitarunt, quarum tres sequentes ab \*) Dioscoride describuntur. Primo, farina subactam lutove oblitam, donec satis intosta fuerit, in clibano imponi jussit, et ex hac trochisci formandi erant. Secundo, in aqua coqui donec mollis evaderet, et tam saepe mutari aquam quam aliquid acrimoniae vel amaritudinis in Scilla percipitur; ita praeparatam adhiberi ab \*\*) Hippocrate legimus, eandem etiam saepe a \*\*\*) Galeno. Tertio, in taleolas dissecari, et has funiculo trajecto, et intervallis commodis, ne sese invicem contingere possint, sejunctas, suspendi ad siccandum, et siccatas vino vel aceto infundi jubet.

ALII vero in vino coqui, et decoctum aegrotis adhiberi jubent.

SED praeparatio quae omni tempore caeteris aliis honore praestabat, erat Acetum Scilliticum; cujus componendi methodus a †) Galeno describitur: secundum ejus testimonium, pro panacea fere habebatur, utpote

\*) L. 2. c. 202.

\*\*) Foef. de rat. vict. in morb. p. 407.

\*\*\*) Charter. tom. 13. de simp. med. facult. 1. §. c. 18. §. 23.

†) De medicament. facile parand. l. 3. c. 205.

hominem ad omnia munia vegetum reddens, corpus sanum praestans, vitamque ad extremam senectutis metam producat.

**HODIE** Scilla adhibetur recens in forma pilularum vel boli, aromaticis quibusdam additis, ne fastidium ventriculo creet.

**SCILLA** cocta tantum pro trochiscis ad theriacam usurpatur, etsi ad eandem magis commoda et aequae apta foret Scilla ipsa, leniter siccata.

**MINUTIM** concisa, et leniter siccata, aceto infunditur, unde acetum scilliticum Pharm. Lond. Celeberrimi medici Edinenses, putantes Scillam volatilis esse naturae, ejusque virtutes quodammodo siccando amissas fore, nuper Pharmacopoeiae suae editione, eandem quam Londinenses copiam scillarum recentium adhibuerunt, quo acetum suum scilliticum multo debilius reddiderunt; nam tres unciae siccatae prope aequales sunt librae pondo recentis Scillae; uti \*) auctor Pharmacopoeiae novae bene observavit. Acetum scilliticum Pharm. Lond. ab illo Galeni nulla alia re distat, quam quod majorem Scillae copiam habeat.

Ex aceto scillitico denique cum melle cocto, fit Oxy-mel Scilliticum.

## VIRTUTES MEDICAE.

**SCILLA** recenti cutis perfrieta, inflammatur et exulceratur. Contrita, et externe applicata, eundem, quem sinapismus, producit effectum, ut notat Oribasius \*\*). Capitis scabiosis, tumoribus strumosis, et pernionibus, optime convenire putabant veteres.

**DIOSCORIDES** aceto incoqui, et parti a vipera morsae Scillam applicari jubet. Siccata, in pulverem redacta, et naribus hausta, sternutamentum invitat.

**IN** ore et faucibus, acrimonia ejus, majorem salivae copiam prorit, in ventriculum recepta nauseam, et in majori dosi vomitum excitat.

**CUM** tenerae hujus organi tunicae etiam parva Scil-

\*) p. 401.

\*\*) Col. med. 69.

lae dosi stimulantur, per hanc tum viscidam pituitam, vel cruditates ibi depositas ejicere, et tum coctionem languidam promovere, utcunque adjuvatur ventriculus. A dosi largiori ingesta, iidem a Scilla producuntur effectus, ac ab ullo alio emetico, tum in ventriculum ipsum, tum in alias quascunque corporis partes: agit forsan velocius, sed certe majore nausea et molestia quam ipecacuanha.

IN intestina deducta, excretoria quaeque in his hiantia stimulat, secretionesque per ea auget; et dum simul intestina ipsa irritat, pro ratione doses plus minusve cathartica fit. Inde prodest, cum tubus intestinalis mucro tenaci et viscido oppletur: nidum variarum vermium, quae intestina infestant, destruendo, eas forsan inde movere, et prorsus expellere potest.

UTILIS etiam est in ictero, a mucro ductus biliares obstruente, orto; necnon in ventris inflationibus, motui peristaltico debiliori originem suam debentibus.

A RADICE recenti ingesta, primae viae, ut in praxi observatur, promptissime afficiuntur; cum vero modice ficcata fuerit, virtutes ejus adeo involvuntur, partesque ejus maxime volatiles, quae ventriculum praesertim irritant, remonentur, adeo ut facilius in sanguinem transire possit.

AD usum igitur medicum praefertur Scilla modice ficcata, quod ita facilius in vasa sanguinea transiens, vires suas per totum corpus melius exercere, et excretoria quaeque certius irritare potest.

UTCUNQUE absorpta venis lacteis, et fluidis demum circulantibus commixta, vasa forsan stimulat, et sanguinis circuitum accelerat; sed certius adhuc, in excretoriis tandem collecta, omnes secretiones auget.

Ex antedictis de Scillae viribus facile apparet, quam ob causam haec radix pro aperiente, attenuante, diaphoretico, diuretico, et pectorali medicamento tam saepe habita sit, et in quibus porro malis prodesse possit; in iis, viz. ubi, propter inertiam solidorum, circulatio languescit, ubi fluida sunt tenacia, excretiones supprimuntur, et totum corpus pituita aggravatur. Quoties quidem stimulo opus est, ad fibras torpidas excitandas egregie con-

fert Scilla; ut in lethargo, apoplexia serosa, epilepsia, paralyfi, catarrho, asthmate, tussi convulsiva, febribus intermittentibus, anasarca, mensium suppressione, cachexia, etc.

Hodie vero usus ejus maxime celebratur, quando bronchia muco tenaci opprimuntur; ut in catarrho, peripneumonia notha \*), et asthmate pituitoso \*\*), in quibus morbis oxymel scilliticum, ab optimis auctoribus, nec immerito, commendatur. Opium, medicamentum efficacissimum in catarrhis inveteratis, sed, propter vim ejus calefacientem et astringentem, caute adhibendum, tutius et utilius redditur admista Scilla. Hoc nobis tradit D. Pringle \*\*\*), secum communicatum a. D. Joanne Clerk, medico Edinensi quondam celeberrimo. Illustrissimus tamen Huxham †) non videtur fuisse ignarus Scillam opio commiscendi, praecipue in variolis, salivatione viscida et difficili, et respiratione brevi et laboriosa.

Nec minus prodest in astmatibus convulsivis, vel spasmodicis; cujus celeberrimum exemplum ab Hoffmanno ††) memoratur, qui qualitatem anodynam ei attribuit, eamque passim in operibus magnopere laudat. Vid. etiam Dissertationem inauguralem Hen. Schultze, de aegroto Scilla sublevato.

Pro diuretico etiam feliciter adhibetur. Clarissimus Mead †††), de incerto effectu hujus classis remediorum loquens, subjungit. „Ut plurimum vero ex radice Scillae „parata omnium sunt efficacissima.“ Et hic etiam felicem Scillae cum opio conjunctionem medici experiuntur, dum opium, spasmos meatuum urinariorum tollendo, Scillae operationi favet; et haec invicem excretionum suppressionem illam, quam nimis saepe ab opio fieri solitam novimus, prohibere optime conducit. De virtute ejus pectorali et diuretica, satis constat ex D. Wagneri observationibus clinicis. Formula praescribendi, ex Hoffmanno extracta, sequitur.

\*) Huxham on fevers, p. 149.

\*\*) Mead. mon. med. cap. de asthmate.

\*\*\*.) Diseases of the army, p. 163.

†) Huxham on fevers, p. 149.

††) Med. rat. tom. 4. p. 3. §. 2. c. 8. et §. 2. obs. 3.

†††) Mon. med. cap. de hydrope.

℞. Scillae ficcatae, et in pulverem redaetae, gr. iv.;  
 Nitri crystal. gr. viii.; his exacte tritis, adde radicis vincetoxici pulverisatae scrup. i. Misce.

SAEPE haec dosis augetur, pro habitu aegri, vel quo diutius in usu fuit medicamentum. Plerumque operatur vomendo et purgando; sed num hi effectus sequantur, nec ne, semper fere certissimum diureticum et expectorans existerat. Et quamvis ante turbidus et inquietus esset aeger, post tamen hocce medicamentum exhibitum, placidus plerumque et tranquillus somnus per multas horas secutus est.

HAEC Scillae virtutes praeterea confirmantur dissertatione, nuper edita a Gottwaldo Schuster, in appendice qui adjungitur novis actis academiae naturae curiosorum 1757, sub hoc titulo, *De differenda hydropicorum morte per efficacissimam Scillae virtutem*. In eandem sententiam consulere licet actorum naturae curiosorum vol. 8. obs. 16. ubi agitur de radicis Scillae insigni efficacia in oppletionem pectoris pituitosa; necnon eorundem actorum vol. 10. obs. 84. ubi de pulveris scillitici compositi effectibus singularibus differit Joan. Seb. Albrecht.

---

XXV.

DR. JOANN. ANTON. ADAMI

DISSERTATIO

DE

O L E O   C A J E P U T.

GOETTINGÆ,

1783.





## §. I.

Secundo nostri saeculi decennio, Oleum Cajeput, alias Kajuput, Cajeputi, Cajaputi, Cayo-puet, itemque Oleum Wittnebianum ab inventore, Ducis Brunsvicensis Rudolphi Augusti, verbi diuini interprete, qui postea discessit Bataviam philosophandi causa, appellatum, innotescere incepit. Primus qui eius facit mentionem, est LOCHNERVS \*), deinde centurio Anglus SALMON \*\*\*) tandem in numerum auctorum grauissimorum, qui in primis inuenti huius olei temporibus, contractam quasi iniecerunt mentionem referimus Collectores commercii litterarii norimbergensis \*\*\*), LINKIVM †) pharmacopoeum Lipsiensem, BAYERVM ††) physicum Calensem, Schendum VAN DER BECK †††), TREWIVM \*) et IOERDENS \*\*). Quorum virorum cura atque opera, postquam mox in Germania magnam celebritatem adeptum hoc oleum esset, praeclaram sibi conciliauit laudem in debellandis variis nostri corporis affectibus. Sed cum remediis fere eadem quae vestibis fors contingere soleat, in quibus nempe recipiendis, iterumque reiiciendis magis plerumque opinio et mos valet, quam propria earum indoles, etiam medicamentum hoc, obliuione quasi tectum, rarius quam praestantissimae eius vires merentur, a recentioribus medicis in auxilium vocatur. An vero remediorum nouorum despectus, vel timor ambiguum tentandi remedium causa sit, cur de eo pauca exstent relata, certe definire nequeo: imprimis nullum fere vestigium tum in Anglorum, tum in Gallorum libris inuenies, quoniam forsan illi medici iterata experientia probatis maluerint vti medicamentis, quam dubio et incerto, vt eis videbatur, experimento aegrotorum vitae nocere. Cui opinioni qualicun-

\*) in append. ad Ephém. Nat. Cur. Cent. V. VI. p. 157.

\*\*) Der gegenwärtige Staat der orientalischen Inseln S. 99. Altona 1723.

\*\*\*) Anno 1731. p. 3. 1732. p. 10. 1735. p. 68. 1737. p. 129.

†) Breslauer Sammlung 1719. Vers. 9. S. 257. Breslau 1721. 4.

††) l. c. Vers. 27. p. 558.

†††) Vol. I. in app. ad Act. acad. N. C. p. 123.

\*) Commerc. litter. Norimberg. 1732. p. 10.

\*\*) ibidem 1734. p. 33. 1735. p. 68.

que dissensus saltem auctorum; de origine, colore et signis quibus genuinum cognoscitur oleum ansam praebere videri debet. Ideo me non superfluum suscepturum esse credo laborem, si quantum iuueniles permittant vires, accuratius in naturam huius olei inquiram et quae ad liquidum perducere possunt afferam.

## §. II.

In diuersas auctores abeunt partes in materia illa definienda, ex qua oleum Caieput elicatur. Nonnulli enim et forsan plurimi id ex Cardamomi specie aliqua parari, sibi persuaferunt. Primo hanc amplexus est sententiam ABRAH. VATER in litteris ad TREW datis \*) scribens, se semen olei Caieput ab ALBERTO SEBA Amstelodamo accepisse, quod congruat cum semine Cardamomi longi quod alio tempore inclusum capsulis suis sub nomine Melagettæ acceperit, descriptionem vero et delineationem exhibitam esse a Dominico CHABRAEO \*\*). Nominato huic Sebae accuratiorem Cardamomi descriptionem in lucem edere in animo erat, sed praematura eius morte hoc suum propositum irritum factum est. Hoc negotium Cel. TREW in se suscipiens, magnum opinioni SEBAE et VATERI addit pondus dicens: vt autem citra omne dubium cuius constet ex his granis verum parari oleum Caieput addo praestantissimum apud nos pharmacopoeum DIETERICVM ex his ipsis granis elicuisse oleum omnibus notis cum illo ex Indiis allato conueniens. Cumque eo consentiunt Ill. MARTINI \*\*\*), SPIELMANN †), LOESEKE ††), CRANZ †††), GESNER \*), VOGEL \*\*), CARTHEYSER \*\*\*), ZIMMERMANN †), TRILLER ††), et alii.

\*) *Commerc. litter. Norimberg.* 1731. p. 366.

\*\*) *Stirp. sciagraph. Class.* 15. p. 18.

\*\*\*) *Diff. epistolaris de Oleo Wittnebianum siue Caieput.* 1751.

†) *Diff. Cardamomi historia.* Strasb. 1762. p. 34.

††) *Mat. medic. ed. ZVKEET* p. 324. Berol. 1773.

†††) *Mater. med. Tom. I.* p. 188.

\*) *Mat. med. Sturgard.* 1771. p. 156.

\*\*) *histor. mat. med.* 1758. p. 248.

\*\*\*) *Pharmacolog.* Berol. 1770. p. 217.

†) *Grundsätze der theoretischen und practischen Chemie.* Dresden, 1755. I. Th. S. 572.

††) *Thesaurus,* p. 307.

Quam tamen sententiam, quamvis eam gravissimi et fide dignissimi scriptores tueantur, sequi nequeo. Nam hi viri qui illud Cardamomis adscribunt, non eandem nominant speciem. TREWIVS id ex singulari et hactenus parum nota, Cardamomi maioris specie destillari statuens, figuram fructus nec rotundam nec exacte triquetram dici posse, cum triangulari tamen seu potius oblonga, et ex rotunda compressa convenire expressis docet verbis. Ut melius autem diiudicemus quemnam fructum ille intellexerit, ipsius verbis uti mihi sit licitum. „Capsulae tegmen crassa constituit membrana fusca, fibris longitudinalibus undique scabra, densaque, quae ipsa grauem nec tamen molestum spirat odorem aromaticum, saporem autem exhibet minus acutum, ablata capsula congeries deprehenditur granulorum plurimorum, quae triplices continet ordines, ita ut quilibet membrana tenui albidula excipiat. Ipsa grana angulosa ad latera plana, superius vero magis convexa ubique glabra sunt, et ex griseo seu plumbeo colore argenti in modum splendent, sub tenero cortice alba latet pulpa, quae masticata illico acutum gratum tamen excitat saporem Cardamomi genuini saporis proxime accedentem, cum aliqua tamen dulcedine simul iunctum, seu verbo olei Caipeput statim manifestantem.“ Inter cardamoma maiora retulit.

III. MARTINI quidem, ut ipse ait, amplexus est TREWII sententiam, sed aliam appellat speciem, Cardamomum medium siue longum appellatum et a maiori diversum. A BONTIO \*), C. BAVHINO \*\*), SCHROEDERO \*\*\*), VAN DALE †), quidem haec species Cardamomum maius appellatur, alii vero, ut IONSTON ††), POMET †††), LEMERY \*), GEOFFROY \*\*), nomine Cardamomi minoris insigniunt. WEINMAN \*\*\*) Cardamo-

\*) Histor. L. VI. Cap. 32.

\*\*) Pinac. Libr. XI. Sect. 3. tit. 10.

\*\*\*) Pharmacop. L. IV. Cap. I.

†) Pharmacolog. L. II. Sect. 34.

††) Dendrolog. L. 3. Cap. 2.

†††) Histor. des Drogues. L. I.

\*) Traité des Drogues. p. 152.

\*\*) Abhandlung von der Mat. medic. Leipg. 1761. 2 Th. S. 546.

\*\*\*) Phytanthoza-iconographia. T. II. p. 42. Ratisb. 1739.

mum longum siue medium vocat. Sed magna sane est differentia inter hasce species. Haec enim habet folliculos longitudine vnciae, quater aut quinquies latitudinem superante, acutis angulis, planisque lateribus non raro incuruis, extremitas inferior est rotunda, superior oblonga, color corticis externi vel fuscus vel cinereus est; tria continet loculamenta, quorum vnumquodque duplici feminum serie impletum est, quae badia, rugosa, duriuscula, angulata, complanatis lateribus sibi invicem incumbentibus, nullo prorsus sapore et odore camphorato, sed debiliori saltem aromatico gaudent.

A Cardamomo rotundo siue iauanico illud a TREWIO descriptum plane etiam abhorret. Magnitudine enim est auellanae rotundae tribusque angulis obtusis, striisque crassioribus distantibus distinguitur. Colore mox ad cinereum, mox ad sordide album, mox ad flauum vel fuscum vergente gaudet. Occluditur vndique nec vllum hiatus vestigium apparet. Semina in tres ordines posita, in globum, quod ciceris semen quodammodo refert, contorta, folliculo nullibi inhaerent, septi intermedii, tenuis, candidi, pellucis tres alae in mediam quamvis valvulam inferuntur. Semina ipsa sunt inaequalia, angulata, depressa superficie externa, protuberante margine, eminentiis cuiuslibet seminis in sinus vicinorum exacte receptis. Color est diuersus, in aliis cinereus, in aliis fuscus, in aliis nigricans, interna medulla alba. Quamvis haec grana oleum Caieput sapore et odore ita aemulentur, ut CARTHEUSER haec oleum Caieput reddere suspicaretur, et adhuc nonnulli inveniantur auctores, qui hanc habeant sententiam, nihilominus instituta hoc cum semine destillatione, oleum quidem aromatico camphoratum, sed minime illi simile praebet, qua re non solum CARTHEUSERI sed etiam aliorum opinionem esse refutatam puto.

Cardamomum minus vulgo dictum, cuius folliculi semiuncia haud maiores, teneriores, albicantes, aut subflavi, tenuissime striati, tribus obtusis praediti angulis, lateribus hinc inde gibbis, valvulae mox arte clausae, apex papilla perforata mox longiori mox minori, coronata, cuius cavitatem tres tenuissimo distincti septo loculi, sin-

guli quinque ad sex semina sibi inuicem incumbentia excipiunt, quae sunt angulosa, rugosa, subrufa, per senium cinerea, et odori suaui aromatico, sapore amariusculo, paululum ad illum, qui Camphorae inest accedente instructa, quae illo latere quo siue septum, siue semina contingunt membranula obuoluuntur. Hoc, inquam, contra sententiam Cl. PIDERIT \*) aliud, ab oleo Caiieput valde diuersum oleum largitur \*\*).

En igitur dissensum auctorum! TREWIVS affirmat semina larga copia ad manus suas peruenisse, sed unde venerint, et an oleum saepe egregio cum successu ab eo adhibitum ex India allatum sit, an vero ex semine, quod vocat Caiupoet elicitedum haud proponit. GOEZIVS †), vidit illud semen ex officina suppeditatum, non omni sapore quidem destitutum ad olei saporem accedente, at debilius ei visus est, ut inde oleum odoris sensum tam acute feriens elici potuisset. Merito quaeri potest, an semen a GOEZIO degustatum recens fuerit! etiamsi hoc probare nequeam, attamen iam GOEZIVM quandam cepisse dubitationem per se liquet. Sed fac hoc semen non fuisse recens, fac oleum, quod TREWIVS accepit, quocum illud ex semine elicitedum conueniebat, fuisse genuinum non adulteratum, semina quae ad olei distillationem sunt adhibita ab his doctissimis viris, esse ab eadem Cardamomi specie desumpta, fac denique haec olea sapore, odore, virtutibusque ad amissim respondere oleo Caiieput, quae tamen, ut iam antea probaui, non extra omne dubitationis punctum iacent, attamen non valet conclusio oleum Caiieput parari ex Cardamomi specie. Quis enim est, qui eat inficias aut iure negare possit, nos variis gaudere medicaminibus, quae ex diuersissimis plantarum generibus parantur! sic, ut exemplum aliegem, varia plantarum genera nobis praebent Camphoram, et tamen vno ore medicamentum hoc salutare Lauro Camphorae L. tribuimus. Ex quonam subiecto igitur praecipue et primitus oleum extrahatur, inquirendum est.

\*) Pharmac. rational p. 234.

\*\*) SPIELMAN Diff. cit. p. 75.

†) Commenc. litter, Norimb. 1731. p. 3.

## §. III.

Fuerunt itaque alii sonum vocis sequentes, qui crederent, Taxum nuciferam vulgo Kaiu dictum, quam КАЕМ-  
ПЕРУС \*) descripsit, et van GOCH \*\*) repetiit, dare  
oleum Caieput. Hi omnino refutationem mereri non  
videntur, verborum enim similitudinem sequentes, per-  
facile a recto aberramus tramite, et tantum verba capta-  
mus, studio veritatis omisso.

Vidimus ergo, horum allegatorum scriptorum opinio-  
nes veritati non congruere, quodnam vero plantarum ge-  
nus hoc famosum oleum largiatur, de hoc nunc sermo  
erit. Iam olim verbi diuini concionator apud Amboinen-  
ses FRANCISCUS VALENTYN \*\*\*) mentionem fecit ar-  
boris Caiepoetch, quae ab incolis vocatur Leithum, in  
lingua belgica Witt-hout-Boom et duas distinguit species,  
nempe maiorem et minorem arborem, a maiori iterum  
duae diversae inveniuntur arbores. Prolixam insuper  
loco hoc litteris demandavit arborum, foliorum fructuum-  
que descriptionem, quae, cum omni modo illi quam  
RVMPHIVS †) profert respondeat, silentio praeterire pos-  
sumus. Immortalis et sagacissimus hic Vir non solum  
descriptionem sed etiam delineationem arboris nobis reli-  
quit. Tres observavit arbores albas siue Caiu-Puti, myr-  
to affines. Maior est arbor perfecta, simplici non admo-  
dum erecto at arcuato gaudens trunco, qui plerumque  
hominis crassitudinem refert, quidam etiam hominum  
duorum et ultra crassitiem habent. Raros gerit ramos  
eosdem incuruos, qui comam raram et incomptam ha-  
bent. Folia peculiarem dant formam, quae a caetero-  
rum arborum foliis facile distingui possunt, per longitudi-  
nem nervos habentia, novem decemue, quorum qua-

\*) Amoenit. exotic. politico - physico - medicar. fasc. V. pag. 814.  
Leng. 1712.

\*\*) Der gegenwärtige Staat aller Nationen T. I. P. 2. p. 136.  
Altona 1733.

\*\*\*) Beschryving van Oud en nieuw Ostindien 3. Theil p. 192.  
Amsterdam 1724.

†) Herbarium Amboinense ed. Burman Amstelodam. 1741. P. 2.  
p. 75. seq.

tuor quinqueue prae reliquis eminent. Plurima ad finem sunt incuruata fere instar acinacis. Sex, septem octoue pollicum et ultra longitudine, pollicis latitudine, firma, glabra, coloris pallide viridis fere glauci, sique conterantur, sicca apparent, et fragilia, odoris fortis quodammodo aromatici, sed et simul aciduli. Illorum sapor resinofus est cum parua adstrictione ad Myrti folia accedens. In ramulorum extremitatibus, atque ex proximorum foliorum alis lignosi progerminant petioli, semi-pedis longitudine, qui obfessi sunt oblongis viridibusque capitulis, seseque aperientibus in flosculos albos, ex quinque angustis petalis constantes, repletis plurimis longis, flaccidis et albicantibus staminibus villosis, antheras albicantes gerentibus: stamina haec in medio seu centro pistillum viride recondunt, quod post flores delapsos, in paruo concavo persistit quasi cyatho vel caliculo. Tenuè est semen ac si palea esset, vel quod formam habet abruptorum spinæ acuminum parum incuruum ac pallide fuscum, quod demum decidit, si baccae diu in arbore haeserint. Truncus molli obducitur cortice, digiti circiter crassitudine, innumeris tenuissimis ac tenerrimis pelliculis constructo. Inferior huius trunci pars semper nigricans apparet, ac si combusta esset, in qua omnia etiam exustionis signa conspiciuntur, quodque mirabile est nemo vnquam hanc arborem conspexit ardentem. Forasan ardentibus diebus aestiuus hic siccus et tener cortex, qui ignis fomitem tantam refert, ardenti solis feruore incenditur non tamen eo vsque vt flammam concipiat, sed ita exurit, vt combusta quasi videatur. Ex albo seu cinereo colore hae arbores e longinquo facile dignosci possunt ac plerumque solo occurrunt rubro, pingui et argilloso, alba mixto terra atque lapillis, quod haud facile alias producit plantas. Baccae maturae seu fructus resinofum dant saporem ad Myrtum accedentem, cum notabili adstrictione, sine villo colore, vetustae vero baccae admodum sunt siccae, fragiles ac fere fatuae et insipidae. Folia quoque adeo sicca sunt, vt ex contritis vix vllus elici possit succus. Lignum satis durum est ac graue, oblongis constans fibris, nec elegantem dat colorem, ex cinereo enim albicat fusco mixtum,

per longitudinem facile finditur, immo fere sponte, si soli fuerit expositum, eius medulla est mollior, fungiosior ac plurimum rimas agit. Aedificiis hinc erigendis nullo modo inferuit, quum non bene poliri possit, facile findatur ac cito cariosum fiat, in aqua maritima satis durabile est, sed tum non prolapsae sed recens caesae eligantur arbores, ex quibus costae nauium vel asseres formantur, si secetur hoc lignum gratum at debilem praebet odorem fere instar sandali. Arbor ipsa quum solitarie sit locata haud profundas admodum ac raras agens radices fortioribus facile disicatur ventis ac imbribus. Flores dat mense Februario ac mense Martio, fructus maturescunt ab Augusto vsque ad Nouembrem nec facile progerminant ita, vt raro ex his arbusculae pullulent, quae neque transplantari neque ab hominibus coli possunt. In omnibus fere occurrit insulis Archipelagi huius Moluccensis, a Celebes parte orientali per Moluccas, Ceramam et Amboinam, plurimum vero per insulas ad Eurum sitas, ac forte vsque ad nouam Guineam, in Boero et Cerama totos occupat montes et vix vllum in ea, quam sibi vindicauit regione, admittit arborem, raro vero prope littus occurrit, sed in montibus intra teli iactum a littore sese offert, in altissimis ac frigidis montibus non laete progerminat, sed locis ipsis vicinis ac radiis solaribus melius expositis. Cortex plurimum in vsu est saltim Amboinensibus ad obturanda nauigia, quippe qui iuncturis interponitur, si asser asseri adnectendus atque adunandus sit. In aqua marina intumescit, vnde nauigia optime obsolidat. Licet hic cortex decorticetur, arbor eodem in loco nouum iterum producit corticem. Fructus vel Baccae Amboinensibus nullo sunt in vsu, quod magis ipforum ignorantiae est adscribendum, quam quod minoribus valeant virtutibus quam Iauanenses, in Amboinensibus enim maior vis aromatica percipitur vel saltim sapor penetrantior est, quam in iis, qui in Iauanorum cistis aromaticis transferuntur.

Arbor alba maior, communi malaicensi nomine Cayoputi vocatur. Quidam Kilang arbores vocant, alii Brant-Boomen, seu exustas nominant arbores, quum incendii signa in trunco appareant. Verum nomen est Kaiu-Gelam,



ac fructus Gelam. In Iaua et Balega fructus vocantur Ballong et Bobolong. Ternatensibus dicitur Hate-Kelang et Badiule. In lingua Amboinensi varias habet denominationes, iuxta varia, in quibus crescit loca. Vulgo vocatur Ayputi, sed proprie Kilan, Ilam et Elan. In Cerama vocatur Sakelan, in Banda Kelan, quae omnia nomina sine dubio ortum habent a Malaicensi Gelam.

## §. IV.

Kaiu-Kelam altera arbor in occidentalibus crescens insulis, vti in Iaua, Borneo et Malacca, graciliorem habet truncum, folia sunt pinguiora et latiora, et lignum quoque durum est et graue, crescit non in montibus, sed in planis campis et iuxta fluminum ripas.

## §. V.

Tertia denique arbor, Caiu-Puti, Daun-Kitfiil, Caiu-Kilan vel arbor alba minor vocata, maiori quoad externam faciem in omnibus similis est, excepto quod omnes eius partes sint minores, nec adulta nec perfecta sit arbor, et aliquando pluribus exsurgat stipitibus, ita vt fruticem referat. Stipites hi raro vltra pedis ac rarissime cruris sunt crassitiem, tenui, giluo ac multiplici obducti cortice, vti in praecedente, sed multo tenuior est, rugosior, magisque laciniatus, ita vt ineptus sit fissuris obsolidandis. Folia prioris foliis sunt similia, sed dimidio minora, tres quatuorue pollices longa, vix minorem digitum lata, paruaeque salicis foliis similia, ac parum reflexa, trineruia, quae paruas quasdam atque incuruas transversales gerunt venulas, coloris praecedenti similis; sed non ita pallidi ac magis herbacei, suntque firma, sicca atque fragilia, odoris grati aromatici ad Cardamomi odorem accedentis. Fructus seu baccae sunt quoque multo magis aromaticae, et saporis calidioris, quam baccae praecedentis, sed cum parua adstrictione. In Amboina crescit, sed non aequè frequenter ac praecedens, terramque amat ficiorem ac scopulosiorem, cui ingentes et acuti mixti sunt lapides, aerem etiam marinum plus amat quam praecedens. Haec omnia memoriae tradidit eruditus Vir et adiecit duarum

arborum delineationem \*), RVMPHII interpres vero Cl. BURMAN in obseruatione ad nominatum caput, descriptionem rami a D. GARCIN sub nomine Myrti-Leucodendron incolis Caiuputi dicti nobiscum communicat, qui tantum abest vt ab arbore a RVMPHIO alba maior appellata discedat, vt potius omnibus notis ei sit similis. Conueniunt igitur sibi VALENTYN, RVMPHIUS, GARCIN et BURMANNS, vt sit arbor quae Caiuputi siue arbor alba; (Caiu enim arborem, et puti albam significat) nuncupetur at ab aliis speciebus differat. Nemo vero est qui his Viris fidem denegare audeat, vt equidem credo. Enimvero vt ne vllum quidem dubium remaneat lectu adhuc digna sunt, quae Cl. HOVTTVYN allegat \*\*). Accepit a Cl. ANDREA BONN accuratam et elegantem totius plantae delineationem, quae vt ibidem obseruas, et accurate cum illa a RVMPHIO depicta conuenit, et a certo RICHTERO a solo natali apportata est. Nunc pro mea quidem sententia nullo modo dubitare nostrum est, an RVMPHIUS et alii veritatem attigerint nec ne. Vt vero vno quasi intuitu totius plantae descriptionem perspicias LINNAEI vtar verbis.

Polyadelphia polyandria

MELALEVCA LEVCADENDRON.

**Cat.**—Perianthium superum quinque partitum: laciniis rotundatis, evanescentibus persistentibus.

**Cor.** Petala quinque subrotunda minuta.

**Stam.** Filamenta vltra viginti, sebacea erecta, longissima, connata in corpora quinque e 6 siue 7 singula. Antherae oblongae, incumbentes.

**Per.** Capsula colorata, subrotunda, vestita, calyce baccato vrceolata integerrimo, praeputii instar, trilocularis, triualuis.

**Sem.** Numerosa, decumbentia, oblonga introrsum acuminata, extrorsum truncata.

Arbor, trunco nigro, ramis albis, folia alterna lanceolata, versus alterum latus falcata, petiolata, integerrima.

\*) l. c. Tab. 16 et 17.

\*\*) Natuurlyke Historie der Dieren, Planten, en Mineralien. Amsterdam, 1774, 8. 2. Th. 3. St. p. 212.

na, sub auenia fructificationes sessiles, adglutinatae, sparsae infra folia, fructus ante maturitatem.

Melaleuca Leucadendra. *Mantissa* p. 105.

Myrtus Leucadendron. *Spec. Plant.* 2. p. 676.

Arbor alba Caieputi. RUMPH. *herb. amb.* 2. p. 72.

Lepto spermum Leucodendron. FORSTER. *Nov. Gen.* p. 48.

Weis Baum. Linne *Pflanz. System.* 2 *Th.* p. 23. *Tom.* 158.

Schwarz weis Dieterichs *Pflanzenreich* 2 *Th.* pag. 907,

Wit-hout Boom. VALENTYN *l. c.* p. 193.

*Icones plantar. medicinal. Cent. IV. T.* 307.

## §. VI.

At vero num ex hac arbore oleum illud eliciatur alia est quaestio. Nomen quod arbor gerit suspicionem adhuc mouet, an nimirum oleum, quod eodem modo est insignitum, etiam ex ea esse possit. Scriptorum vero libris accuratius excussis satis superque nobis persuademus de veritate huius rei. VALENTYN \*) oleum Caieput ex hac elici arbore ea contendit fiducia, ut qui ei fidem deneget neminem fore arbitrer. RUMPHIUS \*\*) quamquam non singulari designat nomine, unusquisque tamen descriptione ab illo exhibita perfecta, illum intelligi voluisse nostrum oleum fatebitur. Immortalis LINNAEVS adhuc in ambiguo versari videtur an Melaleuca Leucadendron oleum praebeat, quod contra Cl. eius filius †) certe affirmat, grauissimis haud dubie conuictus argumentis, quae ex dictis laudati HORTIVYUS ††) animo facile se insinuare videri possunt. Per destillationem ille ex arbore Caiaputi ex India missa oleum accepit genuinum: Eo igitur rem deductam esse credo, ut certum habeamus oleum nostrum venire a Melaleuca leucadendron, ad quamnam vero speciem referendum sit, nunc inquiramus. VALENTYN,

\*) *l. c.* p. 193.

\*\*) *l. c.* p. 77.

†) *Supplementum plantarum* p. 342. *Brunsvig.* 1781.

††) *l. c.* p. 212.

RVMPHIVS et HOVTTVYN a parua Caiapoeti arbore venire vno ore contententes, nos perfacile assentientes habent.

Quaenam vero arboris pars ad oleum exprimendum adhibeatur, iterum hac de re auctores non sunt conuenientes. GOETZIVS †) narrat se ex ore hominis fide digni, litterati, atque aliquot annos, in India commorati, audiuisse ligno exprimi oleum. CL. DEHNE ††) se ex seminibus, nomine Cajeput acceptis, ait, licet paruam quantitatem attamen genuinum elicuisse oleum. Fructus ex quo oleum elicuit ouato-rotundi, acuminati magnitudine Cardamomi minoris, petiolo praediti sunt. Capsulae colore subrubro, rugosae, crassiusculae pulposae, duo nigra splendentia, altera parte convexa, altera plana superficie praedita semina abscondunt. Superficies amborum granorum lentis magnitudine quadrantium, se inuicem attingentes globulum quasi formant. Membranula filo aradnoideo similis, vnum ab altero dispescit.

Idem nos docent Celeb. dispensatorii Brunsvicensis auctores †††). Attamen fateamur oportet, quamquam minime haec omnia in dubium vocamus, ad eorum tamen opiniones nobis vertendum esse, qui RVMPHII sententiam, quam mox adducemus pro vera agnoscunt. Hoc semen enim, quod obtinuit CL. DEHNE, nullo modo idem est, quod ex arbore Caiapoet obtinetur, et fac etiam semen quod Clarissimi hi Viri acceperint esse fructum arboris nostrae, et oleum conuenire ei quod Cajeput dicitur, tunc idem adhuc valet quod de illo ex semine Cardamomi parato supra monuimus. VALENTYN \*) et RVMPHIO testibus multos annos commoratis in India orientali adeoque omni fere exceptione maioribus ex foliis destillatur oleum. „Huius arboris nempe minoris folia calidiori die collecta, „sunt RVMPHII verba \*\*), licet penitus sicca imponantur sacco, ita sponte incalescunt ac humida sunt, ac si „in aqua forent macerata. Si haec dissecentur, et aquae

†) l. c. p. 5.

††) *Crellisches Journal. Lemgo 1778. I. Th. p. III.*

†††) *Dispensator. pharmaceutic. Brunsvic. 1777. p. IIo.*

\*) l. c. p. 193.

\*\*) l. c. p. 77.

„infundantur, vt per noctem fermentent, sique deinde  
 „destillantur oleum extrahitur ex his tenue, pellucidum,  
 „ac subtile, sed parua tantum quantitate, ita vt ex duo-  
 „bus faccis, his foliis impletis, vix tres olei istius drachi-  
 „mae eliciantur, quod fortissimum Cardamomi spirat odo-  
 „rem, sensim autem iucundius est, sed facillime auolat.“  
 Haec ille. His itaque testibus in medium productis atque  
 excussis, quomodo et quam ex parte oleum exprimatur  
 compertum habemus. Cl. HOVTVYN †) eo magis nos  
 persuadet, affirmans Amstelodami genuinum et verum  
 oleum Caieput esse ex foliis arboris Caiepoeti, ex India a  
 RICHTERO apportatis, elicatum, methodumque oleum  
 parandi aequae ac eius vsum descripsisse ††).

## §. VI.

Iam vero expositis iis quae ad eius originem spectare  
 videri possunt, mihi graue ac difficile exsequendum est  
 officium, olei ipsius nempe descriptio: Limpidum, tenue,  
 aliquantulum flavescebat secundum GOEZII †††), viride  
 vero secundum III. THVNBORG \*) sententiam, hoc oleum  
 odore aromatico, forti, fragrante, initio grato, pede-  
 tentim subtere bintinato, sabinae digitis contritae simili,  
 quam diutissime durante, est praeditum. Sapor aromati-  
 cus sensum aliquem refrigerii linguae imprimens cum te-  
 nuissimae acrimoniae perceptione, ad rosmarini oleum  
 siue Camphoram proxime accedit. Genuinum oleum illud  
 esse a cuius guttula vnica temporibus illinita, morficatio  
 in oculi cantho interiori lacrumarumque prouentus produ-  
 catur, narrabatur GOEZIO \*\*).

Plerumque oleum, quod in pharmacopola prostat,  
 colore gaudet viridi, artificiose, vt fere vno ore auctores  
 contendunt, facto. Solertissimi nostri temporis chemici,  
 experimentis eruere atque ad liquidum perducere, quibus  
 additamentis hic color sit productus, non omisere. Cl.

†) l. c. p. 212.

††) in libro *nieuwe Vaderlandsche Letter Oeffeningen*. Derde  
 Deel Nomm. 3. Mengelwerk. Bladz. 104. cuius tamen inspi-  
 ciendi copia participem me reddere non potui.

†††) l. c. p. 4.

\*) Kongl. Vetenskaps Academiens nya Handlingar. 1782. p. 223.

\*\*) l. c. p. 5.

DEHNE †) succum Rhamni cathartici L. cum oleo vnguinoso mixtum, vel aliam baccam accusat. Cl. HEYER ††) accurate instituens examen, suum oleum cum parte resinosa Achilleae millefolii L. adulteratum inuenit. Ob saporem hoc fieri credit Anonymus ††) Cl. denique BINDHEIM \*), amicus suauissimus, ea qua semper solet examinare corpora diligentia, perscrutatus oleum, partes cupreas obseruauit. An haec nefanda fraudatio venditoribus consciis sit suscepta, an potius destillatio super alembicum cupreum instituta, vel transportatio in vasis aeneis suscepta, oleum his partibus foedauerit, certe definire nequimus. Transportationem fieri in vasis aeneis contendit Anonymus \*\*) Ill. THYNNBERG \*\*\*) magna copia in Banda destillari et vasis vitreis Batauiam transportari asserit. Prius vero adulterationis genus sine dubio magis insons est, quam posterius: eamque ob causam publico nomine amico meo exoptatissimo sum obstrictus, quod nostram huic rei induxit attentionem. Quo magis color viridis nostrum ornat oleum, eo magis id suspectum habeamus necesse est, resina enim colorem magis viridiorem, cuprum vero ex coeruleo viridescentem oleo conciliat †), adeoque bene aegris nostris consulimus, si antea, quam id in vsum vocamus, chemica analysi inquiramus, an sit adulteratum nec ne.

#### §. VIII.

Oleum aqua instillatum ei innatat, et non vt alia ex India allata submergitur. Per omnem eius superficiem adeo diffunditur, vt nisi accurate attenderis, tibi credendum sit, id in auras abiisse. In spiritu vini integerimo facili negotio soluitur, nec colorem albidum seu lacteum ei conciliat. Si duae Olei Vitrioli partes cum vna nostri olei parte coniunxeris, materies quaedam resinosa fundum petit ††). Spiritus Nitri fumans ei admotus, flammam qui-

†) Cress Journal. I. Th. p. 113.

††) eodem libro 3 Th. p. 101.

†††) eodem libro 4 Th. p. 251.

\*) Neueste Entdeckungen von Cress, Leipz. 1781. 3 Th. p. 80.

\*\*) eodem libro 3 Th. p. 83.

\*\*\*) loc. citat. p. 223.

†) Neueste Entdeckungen von Cress. 3. Th. p. 84.

††) MARTINI l. c. p. 15.

dem non excitat, at fumum tamen qui oleum consumit \*). Oleum accensum sine strepitu et sono in flammam sub flauo-rubescens, quae fumum atrum spargit, erumpit, qua finita exigua materia tenax, resinosa, quae strias et maculas quasdam subfusco flauas format, et amarum dat saporem in cochleari remanet \*\*). Nulla singularia obseruantur phoenomena sub euaporatione. Mox enim admoto molli carbonum igne cochleare in auras abit, ita ut nullum residuum resinum suspiceris, nisi tactu paucillum materiae pinguis viscidioris, quae fundum obducit animadverteris \*\*\*). Odorem aequae ac saporem in vitreis occlusis diu seruat, liberi autem aeris accessus utroque privat. Ut certior fierem, an haec phoenomena in oleo, quod possidebam sese demonstrarent, omni qua potui diligentia institui experimenta, et quae ab illis a laudatis viris recedunt, paucis enarrabo verbis. Oleum cum partibus anaticis liquoris salis essentialis Tartari mixtum, paululum albidior nanciscebatur colorem, sed satis clare viride mansit, nec effluuiescebat nec sedimentum praebebat. Cum Acido Vitrioli albi concentratissimo mox accipiebat colorem rubicundum, vitrum calefiebat, et cum aqua destillata mixta eundem conseruabat colorem, quamuis aqua turbida et alba fieret, attamen nec vestigium quidem partis resinosae fundum petentis detexi. Ab acido nitri fumante guttatim instillato nullam patiebatur mutationem, vitro vero clauso statim magno cum impetu vitrum confregit et in flammam erupit. Cum acido salis vel aceto concentratissimo mixtum nullam obseruaui mutationem, quamuis paululum turbidius et non tam aperte viride obseruabatur. Purissimum immittebam Zincum aequae ac ferrum cylindricum, sed nec haec ullam cupri suspensionem mouebant. Alkali minerale, vegetabile ac animale statim unionem saponaceam cum eo ineunt, albidumque reddunt, sed ita ut maiorem ab Alkali minerali accipiat albedinem. Hisce coniunctionibus iterum solutis, mox pristinum accepit colorem, excepto hoc, quod Alkali volatile illud rubicundum fecisset.

\*) MARTINI l. c. p. 15.

\*\*) CARTHEUSER l. c. §. 4.

\*\*\*) CARTHEUSER l. c. §. 4.

Oleo accenso nullum materiei resinosae vestigium aparuit. Plura adhuc instituire experimenta animus erat, sed temporis breuitas, et varia incommoda, quae ex defectu laboratorii et idoneorum instrumentorum oriuntur, me cogebant hisce acquiescere et reliqua in aliqd tempus transferre. His allatis vero diiudicare potes, me oleum ab omni sorditie liberum obtinuisse, quod verisimile etiam est genuinum. §. IX.

Vires, quas oleum Caieput in corpus nostrum edit, cum iis quas omnibus oleis aromaticis inesse compertum habemus, conueniunt. Sed haud minori gradu omnes praecellit, vim enim exserit valde calefacientem, sanguinis auget circulationem, corporis calorem intendit, omnes etiam subtilissimos nostros penetrat humores, ab eo solida ad viuidiorem excitantur oscillationem ac contractionem, neruique stimulantur, ita se - et excretiones, praecipue transpiratio cutanea liberiores euadunt, humores attenuantur, dissoluuntur, ideoque haud inepte discutientibus, calefacientibus, resolventibus, sudoriferis, diureticis, nervinis, anodinis, stomachicis, carminatiuis adnumeratur.

Multa experimenta a medicis consultissimis suscepta eius demonstrant efficaciam. Horum vero morborum, in quibus oleum hoc testantibus iteratis obseruationibus certius validiusque praestitit auxilium, mentionem faciam. Inter horrendos et tristissimos conuulsuorum motuum morbos, primo nominabo Choream St. Viti: ad hanc sedandam, cortice peruuiano et oleo animali Dippelii frustra adhibitis, nostrum oleum exoptabilem edit effectum \*): WERLHOFF corticem equidem pro summo habet medicamento, si post diuturniorem vero exhibitionem nihil amplius vtilitatis veniat, spasmis non integre sublatis, ad oleum Caieput confugit et eum etiam sine cordice leuiorem mali gradum in quatuor aegris superasse testatur (\*\*). Non solum motus hi saltantium instar inuoluntarii remedio hoc mitigantur, et hoc modo medicus occasionem obtinet, vt alia, nisi hoc causam tollat, propinet remedia, sed etiam

\*) MARTINI l. c. p. 17.

\*\*) ENGEL Specimina medica, accedit Sylloge epistolar. WERLHOFF. Berolin. 1781.



nonnunquam radicitus malum euellitur. Causa enim horum motuum extraordinariorum, in quadam inimica nervorum impressione collocari videtur. Saepissime vero nimis tenera et imbecillis systematis nervosi structura, animi pathemata, transpiratio suppressa stimulum hunc producunt, hanc impressionem depellere nil oleo nostro praestantius aegro porrigere potes. Sicuti vero alia medicamina, si iusta cautio negligetur, non solum effectum exoptatum denegent, quin immo, ut morbus in peiorem irruat partem, ansam praebent; ita et nostrum medicamentum praesente plethora, saburraque primarum viarum, vrgentibus sanguinis congestionibus versus partem quandam nobilem, non prius quam iusta congruaque methodo haec symptomata evanescent, in usum vocari potest.

Laudibus non est destitutum in morbo convulsivo spasmodico, nonnullos ante annos epidemice grassato, ab immortali LINNAEO non satis recte Raphania denominato, a Cel. TAYBE \*) eximia qua pollet eruditione descripto. Quem nonnulli scriptores nescio qua ratione cum antecedente confundunt. LENTIN \*\*) accuratus observator non omisit intentatum. Vtinam et Cel. TAYBE remedium hoc etiam in tanto, proh dolor! aegrotorum numero tentasset! sperans fore quin eius usum commendaturus esset.

Epilepsiae eximio cum fructu opposuerunt MARTINI \*\*\*), LANGE †). Cardialgiam crudeliter aegros vexantem oleum Caieput sanasse, multa exstant exempla ††). TREWIVS historiam pueri febre intermittente tertiana laborantis, cortice peruiano sanati, impatientia aeris pluuiosi frigidique expositi, atrocissimis Colicae torminibus afflicti, oleo Caieput sanati narrat †††): In eodem morbo ab aliis etiam laudatur \*). In malo hysterico vel quod idem est in hypochondriaco, cum a summis nupero tem-

\*) Geschichte der Kriebelkrankheit. Göttingen, 1782.

\*\*) Beobachtungen einiger Krankheiten. Göttingen, 1774. p. 45.

\*\*\*) l. c. p. 18.

†) Miscellae veritatis fasc. I. Luneburg. 1773. p. 128.

††) Commenc. litter. Norimb. 1732. p. 10. 1734. p. 34. 35. 1735. p. 68. 1739. p. 35. 305. 1742. p. 303. LANGE l. c. p. 128.

†††) Commenc. litterar. Norimb. 1737. p. 187.

\*) LANGE l. c. p. 128. Commenc. litt. N. 1732. p. 10.

pore euictum sit medicis, non quoad naturam et essentiam, sed tantummodo quoad sexum quem torquet, hosce morbos differre prestantissimum est remedium \*).

His morbis adhuc multi ex conuulsuorum vel spasticorum genere, in quibus quidem non experientia constat oleum nostrum prodesse, verum tamen ratiociniis persuasi, boni successus spe propinare possumus, adnumerari merentur. Tetanus, eiusdemque variae species, consimilesque morbi, spasmus cynicus, Tussis conuulsiva, Astma conuulsium, Palpitationes cordis, Tremores artuum procul dubio non raro illis causis originem debent, quae optime nostro cedunt medicamento. Inter alia morborum genera, quibus aut profligandis, aut minuendis oleum Caieput commendatur, etiam pertinent affectus apoplectici et soporosi \*\*). Non raro hi morbi spasticae sunt indolis, ita vt tuto iis oleum nostrum opponere possimus. Maximum vero damnum oriretur, nisi recte corporis aegri conditionem, causam et gradum morbi, et symptomata eum concomitantia perpenderis, quae autem seorsim proferre superfluum esset labor. Contra Catalepsin \*\*), Paralytin †), Melancholiam ††), eximio cum fructu usurpatum est. TREWIVS amaurosin colicam sequentem cum eo curauit †††). Nec defuerunt medici prudentissimi, qui in Hydrope Ascite \*), Anasarca, Leucophlegmatia, nec non tumoribus oedematosis manuum ac pedum \*\*) oleum Caieput tentarent. Humores enim viscerum ac stagnantes attenuantur, et discutiuntur, viscerum obstructions tolluntur et vasorum solidorumque amissus elater et robur restituitur. Quantum vero est auxilium quod in recentiori ascite, a laxitate nimia orto, integris visceribus expectes,

\*) MARTINI l. c. p. 16. III. BALDINGER Magazin vor Aerzte.

II. St. 1778. p. 970. LANGE l. c. p. 128. WERLHOFF opera edit. III. WICHMANNI Hannouerae 1775. 2 Th. p. 711.

\*\*) Breslauer Sammlung 1723. pag. 569. Commenc. Norimb. 1731. pag. 5.

\*\*) Commenc. litt. Norimb. 1731. p. 5.

†) MARTINI l. c. p. 16.

††) Breslauer Sammlung 1723. p. 569.

†††) Commenc. litt. Norimb. 1737. p. 187.

\*) Commenc. litter. N. 1737. p. 5.

\*\*) CARTHEUSER l. c. §. 14.

tantum e contrario est damnum, quod sequitur, si in inveterato, corruptis visceribus, praesente febre hectica experimenta cum eo feceris. Haemorrhoidum, mensium, lochiorumque fluxus, a colluie pituitosa, quae ex atonia vel imminuta viscerum inii ventris actione sese generat, animique pathemate impeditur, et varia interdum lethalia corpori affert incommoda, ad hunc prouocandum adhibitis simul aliis congruis, adaequatisque medicamentis, omni iure oleum Cajeput praescribere possumus et vt efficax remedium hisce in casibus laudatur \*). Quomodo in doloribus rheumaticis ac arthriticis \*\*) opem ferre possit, non mirabimur cogitantes, id accelerare motum acrium tenaciumque humorum in vasis parti affectae proximis stagnantium vel, aperire poros cutaneos, vt alienigena materies eliminari possit, confortari neruos, partesque debiles, vt eo magis nihil materiei morbosae pristinum iterum occupandi locum oppugnent, roborare viscera concoctioni inserui-entia, adeoque morbosae materiei generationi resistere. Hic adducam necesse est ea, quae a Celeb. STROMEYER, praeceptore meo, ob magnam in me collatam beneuolentiam ad cineres vsque colendo, audiui. Narravit igitur mihi historiam aegrotae (cuius parentes iam rheumatismo diu essent vexati) quae ab eadem materia mox doloribus dentium, mox stranguria male habita, tandem illa causa vomitu per annum durante laborans, multa eaque vtilia sumebat remedia, sed frustra omnia erant tentamina, vsque dum oleum Cajeput in medium vocatum integram reduxit valetudinem. Sicuti in omnibus, ita et in his morbis indicationes et contraindicationes, ea qua decet diligentia explorare debet medicus. Necandis quoque ver-  
mibus aptum pronuntiatur \*\*\*), nec in hoc medentium fal-  
let spem medicamentum, quod primas vias roborat, mucum attenuat, verminosae ideo pullitiei et causas et nidum destruit.

Magnus sane morborum catalogus restat, in quibus oleum commendare possem, sed partim cum recensitis sunt analogi, partim facile ex iis possunt deduci, ne ergo lecto-

\*) *Commerc. litter. Norimb. 1739. p. 75. 1731. p. 4.*

\*\*) *Commerc. litter. Norimb. 1735. p. 68. MARTINI l. c. p. 16.*

\*\*\*) *Breslauer Sammlung 1719. p. 258.*

ris patientia nimis defatigetur, silentio praetereo. Sed ne accusari possim nimis fusius pertractasse morborum cohortem mihi verendum esse credo, si olei vsum in acutis adhuc attingo.

## §. X.

VALENTYN \*) oleum ab incolis in intermittentibus febribus vsurpari narrat et eodem modo laudatur \*\*). Omnino requiritur vt ad febris naturam attendamus, causamque materialem, si quae adest remoueamus. Inseruit tantum dum solida stimulet, amissum restituat robur, et characterem nervis impressum exstinguat. Cortex Peruvianus procul dubio in hisce febribus optimum est remedium, ita vt diuino huic febrium intermittantium domitori antepone oleum nostrum, valde a me sit remotum. Interdum secundum medicorum obseruationes sublata etiam causa materiali, adhibita larga corticis Peruviani copia, nihilominus tamen paroxysmus reuertit. Tunc alia vel seorsim, vel hoc coniuncto data remedia paroxysmi inuasionem impediunt. Optimis hoc in casu iquantibus remediis non male accenseo oleum Caieput. Ill. MARTINI \*\*\*) profert quaestionem, cui nisi fallor adhuc ab nullo medico responsum est, dicens: „An vero illud oleum simul cum „cortice Peruviano coniunctum vel eius vsum interpolatum efficaciam praestitutum sit haud contemnendam, in „febribus huius generis soporosis, imprimis cum periculi „ingentis velocitate tanta copulatis, ad eorum proximam „accessionem praepedire, vel saltem eius vehementiam „quodammodo imminuere, tam salutare quam necessum „sit, nec non ad febrium istarum reuersionem auertendam, „aliasque febrium reliquias rheumaticas, colicas, arthriticas, paralyticas, aurium tinnitum, surditatem ac capitis temulentiam, variaque eiusmodi incommoda, post „febres magnas et vehementes saepius restantia, quippe „in quibus materia illa febrilis, saepenumero sanguini „eiusque liquidis vltius secretis altius impacta adeoque „firmiter infixata est, vt a cortice protinus attingi ac domari „nequeat, sit aptius, quaeri potest.“

\*) l. c. p. 139.

\*\*) Breslauer Sammlung 1719. p. 258.

\*\*\*) l. c. p. 25.

Verisimillimum est nos ex connubio olei cum cortice Peruiano multos aegros ab imminente ex eiusmodi malignis febribus certissimo interitu vindicare, vel tristes sequelas, quas non raro in consortio habent remouere posse, imprimis absente statu sanguineo, deficiente primarum viarum saburra, regnante systematis neruosi perturbatione potius causa frigida quam calida orta. Operae ergo praetium esset vt medici vtrum experientia ratiociniis hisce adaequaret nec ne, tentarent.

## §. XI.

Progredior ad febres continuas, quibus ob vim eius diaphoreticam opposuere \*). Constat inter omnes nos melioribus et naturae indolique febrium accommodatioribus instructos esse auxiliis, ideo generatim olei vsum potius dissuadeo quam commendo, sed in febribus exanthematicis aequae ac in febre lenta neruosa reiicere non conor, quum in prioribus ab aliis laudetur \*\*), in posteriori vero maxima cum ratione adhiberi possit. Variolarum ac Morbillo-  
rum eruptio saepe retardatur, et ad hanc facilitandam crederes, aptum esse oleum quod sanguinis circuitum auget porosque cutaneos patulos reddit: quis vero est quem fugit diathesin sanguinis inflammatoriam sueta concomitantem symptomata, humores biliosos vel putridos, primas obidentes vias, vel solidorum rigiditatem, spasticamque stricturem exanthematum obstar eruptioni, et an eius vsus tunc admittatur an vetetur, per se liquet: languente vero vi vitae, praesente vera debilitate systematis neruosi, postulante quasi natura a cardiacis vigorem, ad eruptionem perficiendam non inutile erit oleum Cajeput, quamuis lubenter fateor nonnulla alia remedia ei palmam praeripere, quod prudens medicus facile iudicabit. Eaedem causae, quas exanthematum eruptionem retardant, eorum retrogressionem etiam conciliare valent, ex allatis vero clare elucet quibus sub conditionibus oleum votis nostris respondere possit. Arthritis si fixo alicui minus nobili inhaeret parti nonnunquam vel ob vis vitalis languorem, vel ob vitia partis quam occupare solebat; vel ob prauam mede-

\*) Breslauer Sammlung 1719. p. 258.

\*\*) Commere litt. N. 1731. p. 5. Bresl. Sammlung 1723. p. 569.

lam, vel denique ob peruersam aegritutis rationem a consueto demigrat loco, et per saepe nobile torquet viscus. Tristissima huius anomaliae sequela non raro est mors, omnem igitur medici adhibent curam, ut materiam peccantem iterum ad pristinam detrudant partem, huic scopo inferuire oleum Caieput memoriae est traditum \*), WERLHOFF cardialgiam a podagra retrogressa ortam, plus quam vna vice cum oleo Caieput sanauit \*\*). Iniustum esset, in periculoso hoc morbo solam spem in oleo callocare, cum potius ad partem minus periculosam materiam reuocandam, inflammationem instantem praecauendam aut iam praesentem tollendam adhuc alia et efficacissima requirantur medicamina.

### §. XII.

Vtile et efficax, ut clare liquet, hoc remedium, aut per se aut cum aliis nuptum ab aegris sumitur. Solito sacchari frustulo instillatum deglutiant aegri, sed etiam cum Vino. Liq. anod. m. Hoffm. Spiritu Nitri dulci. Liqueore Cornu Cerui succinato et aliis spiritibus, antispasmodicis, neruinis, carminatiuis coniungere potes, sicuti diuersitas morbi mox hanc mox illam miscelam admittit. Corporibus siccis etiam vnire potest e. g. cum Cortice Peruuiano, radice Valerianae, cordice Aurantiorum, Moscho, Castoreo aliisque idoneis medicamentis, tunc vero cauendum est, ne nimia quantitas praescribatur, quandoquidem illud, ut iam antea dictum est, facile avolat. Cum pilulis, electuariis, bolis conubium mihi non placet, partim quia quantitatem non accurate determinare potes, partim ob olei obnubilationem, quam in hac forma patitur, et deinde etiam aegris commodior est forma liquida aut si saporem amant forma Eleosacchari sumere.

Dosis a diuersis dependet conditionibus, aetas, sexus, corporis conditio, morbus ipse non paucum conferunt pro hac determinanda. Plerumque a guttula vna duabusue usque ad sex praescribitur, immo nonnulli ad duodecim, viginti et ultra ascendunt. Quamuis non probare possim quandoquidem aegros detrimentum nacturos esse,

\*) *Commerc. litt. Norimb.* 1735. p. 68. MARTINI l. c. p. 24.

\*\*) *Oper. edit. Ill. WICHMANN* 1775. p. 2. p. 710.

tantam olei quantitatem haustos, attamen imitationem nemini suadeo, praecipue si iam humorum abundantia, vel sanguinis versus viscus quoddam impetus adest, vel tantum suspicionem invenis.

### §. XIII.

Non solum usu interno oleum hocce sese commendat, et varios haud leues morbos debellat, sed etiam externe adhibitum, non paruae est utilitatis. Otalgiam, surditatem, aurium fusurum profligavit \*), nec minus in paralyti, sphacelo ac sugillationibus commendatur. Doloribus rheumaticis, si malum adhuc recens, et nondum inueteratum vel nimis vehemens erat, optimo cum successu opposuit THYNERG \*\*). Contra odontalgias a quacunque causa etiam a carie dentium ortas, imprimis quando refrigerium vel materies rheumatica morbum hunc molestum produxerat eximiam praebuit opem \*\*\*): a causa arthritica non raro oriuntur inflammationes, quibus dissipandis oleum Cajeput inseruire posse iam suspicari possumus, et sic THYNERG ophthalmiam arthriticam cum eo sustulit †). Inter omnia remedia quae Ill. THYNERG tum in India orientali, tum in Europa maxima cum circumspeditione in Arthritide et Podagra adhibuit, oleum Cajeput primum tenet locum, quo neque quidquam efficacius in doloribus hisce auferendis, nec quidquam materiei retrogressioni minus fauet ††). Nonnulli aegroti vel absque iussu, si dolores euanescerent usum continuabant olei, et semper poro aperiebantur, morbusque sueto prius finiebatur, quamvis Camphora forma sicca in sacculos posita, partis laesae figuram habentes doloribus iam mitigatis oleo antecelleret. Aegra febre mox liberata, iusto citius aeri sese exponens, convulsionibus arrepta, frictione olei in facie pristinam recuperabat valetudinem †††). Inimicus est Herpes et plane hunc morbum depellit \*). Saepissime etiam dolores capitis aufert, vel saltem le-

\*) *Breslauer Cammlung* 1723. p. 569.

\*\*) l. c. p. 224.

\*\*\*) THYNERG. l. c. p. 224.

f) l. c. p. 224.

††) l. c. p. 225.

†††) THYNERG. l. c. p. 226.

\*) THYNERG. l. c. p. 227.

nit\*). Applicandi modus pro partis diuersitate est diuerfus. Praesente othalgia, surditate, auriumque suffuratione gossypium contortum, summitate nonnullis huius olei guttulis imbutum, in meatum auditorium immittitur. Ad Cephalalgiam auferendam, vel temporibus illinitur, vel naso admouetur. Ophthalmia, de qua Ill. THYNERG narrat, olei vaporibus est sanata. In odontalgia, vel per se denti illinitur, vel gossypio instillato applicatur. Membra paralytica vel solo cum hoc oleo etiam mixto cum aliis idoneis congruisque remediis, inunguntur. Partibus sphacelo correptis, praegressa scarificatione latiora spongiae segmenta hoc oleo imbuta, vel oleum simpliciter illinire suadet CARTHESER\*\*); eodemque modo adhiberi potest in sugillationibus. In arthritide et Podagra etiam inunctio locum habet. Superfunt adhuc nonnullae affectiones, in quibus medici externum huius olei usum praedicant, nempe in vulneribus recentibus, vlcerebus venereis, inficosis venarum haemorrhoidalium tumoribus, sed quilibet morbum eiusdemque causam perpenditans inquirensque, olei qualitates cum hisce comparans, mox diiudicabit an salutare sit nec ne: quemadmodum neminem fore spero qui credat, me oleum in hisce morbis sine omni limitatione commendatum iuisse, quandoquidem bene noui vniuersale plane non esse remedium, adesse contra posse conditiones, quae optime huic vel illi remedio cedant, his vero iterum absentibus, antea salutare auxilium nociferum esse posse, medici ergo est secundum therapeutices, et materiae medicae regulas destinare quando in auxilium vocari quandoque reiici debeat oleum. Insecta hoc oleo necantur vel si scatulae tamquam receptaculo horum animalium guttulam instilles mox pereunt †).

#### §. XIV.

Haec sunt, beneuole Lector! quae in medium proferre statui: lubentissime concedo, multa adhuc restare, quae allegari mererentur, multa me adduxisse, quae forsitan lectu non sunt digna, multa adesse, quae melius dici potuissent: Ignoscas haec omnia rogo, atque a Te efflagito.

\*\*) THYNERG. l. c. p. 227.

\*\*\*) Diff. l. c. §. 19.

†) THYNERG. l. c. p. 227.



XXVI.

DR. ET PR. CHRISTIAN. FRIDER. JAEGER

ET RESPOND.

DR. CAROL. ENGELHARD GAUPP

DISSERTATIO

DE

CAMBOGIAE GUTTAE SUCCO  
SIVE GUMMI GUTTAE OFFI-  
CINALI.

TUBINGAE,

1777.

Cc

1911

THE UNIVERSITY OF MICHIGAN

LIBRARY

ANN ARBOR, MICHIGAN

RECEIVED

THE UNIVERSITY OF MICHIGAN

LIBRARY

ANN ARBOR

1911

1911

## §. I.

Quum et lex et consuetudo fini suo quam maxime accommodata, cursum studiorum academicum absoluturis munus imponat, publice quaedam de re ad scientiam, quam sunt amplexi, spectantia differendi, meum in hac meta constituti subiit animum, paucula de succo illo vegetabili, quem *Gummi Guttae* barbara sed usitata voce insigniunt medici, proferre, et quae tum historia naturalis, tum analysis chemica, tum Medicorum experientia suggerit momenta, speciminis loco, collecta hic sistere.

## §. II.

Diu disputatum fuit inter Auctores tum medicos quam botanicos, ex quam aut arbore aut herba, vel vulnerata vel sua sponte, promanet hic succus, suo jam tempore celeberrimo Clusio notus, qui missum ab aliis anno recuperatae Salutis 1603. primum acceperat; alii ad Rhamni Genus referre plantam gestiebant, alii ex Euphorbiae, alii ex Ricini quadam Specie, alii ex Rhabarbaro recenti, aut exprimi aut profluere reputabant, alii alia in re incerta excogitantes, compositum esse succum, ex variarum plantarum liquoribus, v. c. ex Scammonio, Chelidonio et Croco confiatum autumabant.

## §. III.

Qui certiora nos docuit, primus forsan fuit celeberrimus ille VAN RHEEDE, praestantissimi horti Malabarici Autor et editor, totque aliis in rem herbariam orientalem eximiis meritis clarus: Testis hic omni exceptione maior suis ipse oculis in loco soloque natali vidit arborem, quae succum illum stillat, ad naturam ipsam delineari quam accuratissime curavit, et pro suo aliis inserviendi studio et adumbrationem et descriptionem exactam cum erudito Orbe communicavit \*).

\*) V. HORT. MALABARIC I. p. 41. T. 24. alia etiam proflat Icon. in vulgat. Herbario BLACKWELLIANO edit. Norimberg. T. 392.

## §. IV.

Haec Indiae orientalis arbor, Cambayensi praesertim ac Siamensi regno atque insulae ZEYLON \*) indigena, Cambogia Gutta illustri LINNAEO \*\*) suo Idiomate dicta, excelsa satis, et amplo vastoque, ut duo homines amplecti vix possint, trunco sustentata lignum habet albidum, corticemque intus albicantem, subflavum, extus rubescentem, tunica nigricante vestitum, in ramos diffinditur multos, eosque frondosos, quibus oblonga, angusta, neque ullo modo incisa singula suis propriis iisque brevibus petiolis innixa, in medio latiora, crassa, superne obscuro virore nitentia, inferne dilutiora bina, semper ex adverso posita, per totum decursum adsident folia: copiosos flores, quos patrium solum Martio jam mense perfectos subministrat, apici ramorum adhaerentes videas, odoris nullius, saporis acescentis: hi et calicem habent et corollam, illum ex quatuor foliolis, oblongis et concavis, hanc rubicundam, ex totidem similibusque petalis constantem; medium floris occupant numerosa valde stamina, albicantia, erecta, nulli aut cum calice, aut cum corolla connexa, antheras fulvas sustentantia; in centro Circuli, quem stamina haec conficiunt, ponitur germen solitarium, angulis sive striis elevatis octo conspicuum, et nulla intermedia tuba in stigma quadrifidum albidum terminatum: ex hoc germine f. ovario, marcescente sensim flore, fit pomum magnum, initio virens, post flavum, denique albescens, pomum aurantium referens, a petiolo radiali pendens, edule, saporis inter acidum et dulcem medii, octo angulis emicantibus spectabile, in octo intus loculos partitum, qui singuli oblongum pulpaе quasi infixum solitarium dilute caeruleum, et figura sua renis aemulum includunt semen.

## §. V.

Haec igitur arbor ab illustri LINNAEO plantarum polyandriarum classi et monogyniarum ordini ob recensitas jam notas adscripta, quocunque in loco caudicem vul-

\*) RHEEDE l. c.

\*\*) LINNAEI Mat. med. Edit. II, p. 135. et *Amoenitat. Acad.* T. I. p. 402.

neres, aut incidas, succum plorat, qui calore solis inspissatus ab incolis calidarum harum regionum, eum Gummi Jamba, Gutta Gamandra, Gummi Gotta, Caddam-pulli, Gemu, Catta-guuma, et sexcentis aliis vocibus appellantibus, varios in usus adhibetur, et in placentarum vel baculorum teretium formam redactus, vel cucurbitae excavatae immissus, in Europam defertur, ubi nomine receptissimo *Gummi Guttae* tum in officinis Pharmaceuticis medico pro scopo habetur, tum a pictoribus varia ad sua artificia desideratur.

#### §. VI.

Succus ille inspissatus, fragilis, si bonae notae est et in frustra diffringitur, interiore fracturae superficie nitet, et fulvo croci colore resplendet, aliquando tamen ex croci colore in flavescentem declinat: si narium subjicias examini, nil sentis, si in ore tuo volutes, principio resinam quandam inspidam tenacemque, vel Gummi Arabicum mandere putares, sed si diligentius dentibus teras, gustes, linguaeque apici adfrices, subdola se prodit acrimonia, partes oris internas urens, et uberrimum salivae diluentis affluxum excitans. Prunae ardenti si eundem hunc succum inspergas, flamma manifesta, resinofam naturam indicans, exsurgit.

#### §. VII.

Gummi Guttae aquae purae, quae ipsi superfunditur, croceum quidem conciliat colorem, sed nequaquam penitus dissolvitur, certe non ita, ut omne, quod aqua, calore ebullitionis adjuta, dissolvit, dissolutum maneat, et si eidem aquae addas salem aliquem, quem vocant lixiviosum, v. c. cineres clavellatos, omne tuum Gummi Guttae perfectissime solvitur, solutione pellucidissima permanente, absque omni impedimento per filtrum transeunte, et colore sanguineo coruscante. Si affundas tuo Gummi Guttae Spiritum Vini aureo mox fulget colore, et omne fere absorbet, ut vix sexta pars haud dissoluta superfit. Spiritus quoque, quem vocant salis armoniaci vinosum, extemplo fere totum dissolvit Gummi Guttae, et quae

nascitur inde solutio, five aquam adfundas, five spiritum vini, perstat penitus pellucida.

### §. VIII.

Jam diversa haec, quam aqua et Spiritus Vini in succum hunc exserunt, solvendi vis, ex diversis conflatum esse principiis aperte loquitur; alterum, quod facilius in aqua solvitur, gummosum dicunt; alterum, quod in Spiritum Vini potius transit, et super prunas ardentes flammam concipit, (§. VI.) resinofum adpellant. Eadem sole clarius testantur experimenta a celeberrimo et clarissimo quondam Chemico Berolinensi NEUMANNO \*) instituta, qui, quum librae, five sedecim uncii Gummi Guttae Spiritum Vini adfunderet, vix duas superstites habuit uncias, in quas Spiritus ardentis vis erat nulla, quum eidem autem Copiae Gummi Guttae superfunderet aquam, tres superabant unciae, quae aqua intime uniri renuebant.

### §. IX.

Sed eadem pericula facillime persuadere accuratius inquirenti possunt, utriusque hujus principii particulas naturae beneficio tam arcto inter se cohaerere connubio, ut, si chemicis certe artibus, quascunque tibi finxeris, avellere alias ab aliis, resinofas segregare a gummosis, seorsimque utrasque purissimas sistere velis, oleum videaris operamque tuam perdere.

### §. X.

Ex hac utique chemica Gummi Guttae in partes suas resolutione nihil certe ad virtutes medicatas concludi ulla cum fiducia posse, lubens fateor, neque enim me latet, alia atque alia gummata, alias atque alias resinas aliter atque aliter in corpus hominis vivum agere; suo tamen minime destitui usu chemicam hanc analysin, si de adhibendo in finem medicum succo sermo sit, nemo facile negabit.

### §. XI.

Etenim haec ipsa chemica experimenta docuerunt,

\*) *Chymia medico-dogmatica experimentalis* edit. KESELII. Vol. II. §. 2. p. 439. *Zürichan.*

parti resinosae potissimum istud acre stimulans, quod in Gummi Guttae latet, inhaerere, atque inde facile intelligitur, cur infusum spirituosum fortissime purget, aquosum contra multo lenius agat, quin cur NEUMANNUS in suis praelectionibus chemicis ex Gummi Guttae, extracta scilicet antea per spiritum vini parte resinosa, tale medicamentum parare potuerit, quod alvum non amplius movebat, sed urinam tantummodo pellebat, unde simul elucescit, eandem hanc analysin chemicam adminicula subministrare, quibus medicus vim drasticam Gummi Guttae mitigare possit.

### §. XII.

Verum cum, uti jam (§. X.) confessus sum, ex analysi chemica non tuto ad effectus alicujus medicamenti in Corpus humanum concludatur, supersedebo ratiociniis, quibus a priori indoles et virtus Gummi Guttae investigari posset, et ad eas potius transeo observationes, quae sese medicis obtulerunt, dum hoc pharmacum et hominibus et brutis animalibus propinarunt.

### §. XIII.

Violentos esse ejusdem effectus multa certe pericula loquuntur, quos cum dissimulare minus velim, non tædet me quaedam Auctorum testimonia producere. Sic Auctores *Pharmacopaeae Würt.* vehementer per superiora et inferiora hunc succum purgare \*), HERMANNUS \*\*) potiones eo acuatas esse acerrimas, faucesque inflammare, sursum deorsumque purgare; BOECLERUS \*\*\*) vehementissimum esse emeticum et purgans, CHOMELIUS †) inter valentiora purgantia *hydragoga* recenseri GEOFFROY ††) et, ut reliquos sat numerosos taceam, testis omni ex-

\*) Stuttgartiae. 1771. p. 124.

\*\*) Cynofura mat. med. cur. BOECLERO Argent. 1776.

\*\*\*) In notis ad HERMANNI Cynof. mat. med. p. 684.

†) en ipsius verba: C'est un violent emetic, et purgatif, il evacue les serosités et aproche par son acreté de l'Euphorbe, on ne l'ordonne guéres sans preparation etc. Abregé de l'histoire des plantes usuelles Paris T. I. 1731. p. 72.

††) Traët. de mat. med. T. II. Paris 1741. p. 685.

ceptione major FRIDERICUS HOFFMANNUS \*) ad purgantia validiora pertinere, quae vehementer cum spasmodicis et torminibus ventrem moveant, et subito copiosas dejectiones efficiant, et alibi \*\*) vires maxime infringere et robur ventriculo subtrahere, fidem faciunt, atque ideo, delicatulos et infantes ab ejus usu plane esse interdicendos, docent incautosque monent.

#### §. XIV.

Cum effectuum Gummi Guttae observandorum gratia clarissimus HILLEFELD \*\*\*) dignus suo praeceptore perillustri HALLERO discipulus, cui plurima in eruenda venenorum indole debemus, studio experimentum institueret, et cuniculo, qui auripigmenti grana decem impune tulerat, Gummi Guttae grana octodecim in aquae sufficienti copia dissoluta infunderet, vix horae elapsus erat quadrans, quum excrementa liquida coloris straminei aluo exirent; hora ab adsumto inconsumto hoc potu altera urinam claram misit, amatum alias brassicae olus fastidit, et inde ab eo tempore ad alterum mane sopore stertoroso vix unquam interrupto oppressus est, donec tandem mors subsequeretur: ut proximam mortis causam investigaret Celeb. HILLEFELD, incidit cadaver, et invenit ventriculum brassica devorata refertum, ejusque villosam, quam adpellant, tunicam adeo laxè cum ceteris cohaerentem, ut, quum brassicae glomum eximere e ventriculo vellet, divulsa tunica sequeretur: Vidit etiam hinc inde inflammatum ventriculum, intestina chymo e cinereo in flavum colorem vergente plena, tenuem eorum partem interiori latere inflammata, bilem tenuem copiosam, ex fusco in rubicundum colorem declinantem, hepar atro rubore suffusum, pulmones sanos, et cordis denique ventriculos atque auriculas sanguinis fluidi perparum continentes.

#### §. XV.

Sed nec deficiunt exempla funestissimorum effectuum,

\*) Medic. rat. Syst. T. II. Hal. 1729. p. 241.

\*\*) ibid. II. p. 245.

\*\*\*) Experimenta quaedam circa venena Goett. 1766. p. 27.  
28 §. 13. Exp. I.



quos improvidus Gummi Guttae usus in corpore humano exseruit: Memoratu dignum ejusmodi casum refert nobis CHRIST. FRANC. PAULLINI \*). Barbitonsor artem salutarem temere exercens, temeritate vix excusanda, viro cuidam, nescio quem in finem, semel et simul assumendam Gummi Guttae, nullo modo correcti sed in pulverem tantummodo comminuti, praescripsit drachmam; unde ille vomitus experiebatur fere continuos acerbissimos, alvum perpetuo exonerabat summis cum doloribus, et ita tum doloribus tum evacuationibus exhauriebatur, ut in deliquium aspectu horrendum caderet; post sexcenta alia tristissima mala, congruis medicamentis feliciter superata, orci faucibus quidem ereptus, miseram aliquamdiu traxit vitam, sed brevi tamen vivere desiit.

#### §. XVI.

Quae, si omnia attenta mente pervolveras, haesitabis certe, an bono religiosoque medico, cui salus aegrotorum curae cordique est, liceat non dubio tantum et suspecto, sed vere lethali pharmaco hoc uti; obmurmurantes certe audio plures, qui prudentem, non temerarium medicum violenta ejusmodi medicamenta adhibere minus decere asserunt, quin imo veneficii eum, qui saluti hominum invigilare debeat, accusare non dubitant.

#### §. XVII.

Verum, quod vulgo dicunt, abusum non tollere usum, id quoque de Gummi Guttae succo valet. Prudentum certe non temeraria manu eodem usorum medicorum observationes prostant, quae istos timores scrupulosve dispellere possunt. Dantur varia adminicula, quibus violentum pharmacum in salutare converti potest; dantur prudentiae regulae, sub quibus sanctius observatis istud nocendi periculum vel minuitur vel evanescit, quin contumax atque per leniora et consueta remedia interdum non debellanda nonnullorum morborum natura suadet et praecipit potentius medicamentum, atque tritum istud in mentem revocat proverbium, quod durus nodus durum requirat cuneum.

\*) EPHemer. Nat. curios. Dec. I. A. VIII. p. 139.

## §. XVIII.

Non ideo a nefandae temeritatis infamia istum §. XV. allegatum barbitonforem liberabo, neque in aliam causam, quam in istud Gummi Guttae praebium subsecutam istius aegroti mortem transferam. Sed quis quaeso prudens atque suam callens medicus tantam crudi Gummi Guttae copiam semel et simul assumendam permittet, nedum praecipiet! et quis aequus rerum arbiter ideo, quod barbitonfores aliive scientiae medicae expertes in detrimentum ipsiusque vitae iacturam pharmacum aliquod temere propinare ausi fuerent, veri nominis medicis hoc idem interdiceret, quod abusu tantummodo nocet, et in profanis demum insani hominis manibus venenum evadit. Infantes profecto pulveres illi ex meris terreis conflati, magnifico cordialium, alexipharmacorum, antepilepticorum, etc. titulo condecorati, magnas in gente humana ediderunt strages \*) dum his nonnulli male utebantur, et efficaciora, quae genius morbi postulabat, negligebant. Efficacia artis medicae subsidia, cortex v. g. peruvianus, divinum a multis dictum remedium, cortex cascarillae, et alia, quibus nocentem affricare labem nemo certe auferit, intempestive, eo tempore, quo roborandum corpus non erat, sed laxandum potius, adhibita multoties jam nocuerunt.

## §. XIX.

Sed concedam, esse venenum, excitare in vivo animalis corpore turbas violentas, an ideo omnis proscribendus ejus usus? Si multi morbi vel potentissimis eorum remedium, quae ab omni veneni suspicione absolvere liceat, cedere renuunt, vtrum medico dignius et reipublicae magis proficuum, fatiscere aegros, omni auxilio orbos, et morbi atrocitiae succumbere, an, quae unica adhuc spes restituendae salutis superest, anceps experiri remedium, et morbum, qui lenioribus vinci non poterat, aggredi remediis violentioribus?

\*) vid. *Sommer Diss. Venenor. Discrimina summasim excussa* praefide Excellentiss. D. D. SIGWARTO defensa Tub. 1765.

## §. XX.

Ferream hanc necessitatem jamdudum sensere medici, et multa corpora, tum naturalia, tum arte confecta, in usum aegrotorum adhibebant, quae aliàs vel ipsimet venenis accensere nulli dubitabant: Nolo audaces illos plumbearum et arsenicalium remediorum internorum commendatores allegare; sed videas ipsum BOERHAVIUM (solutiones cupri \*) Meadium stannum rasum \*\*) VAN SUI TEN mercurium sublimatum corrosivum spiritu frumenti solutum \*\*\*) STOERKIUM cicutam †) hyosciamum, napellum, stramonium ††) colchici radices †††) alios fide dignos viros alia ejusdem generis laudantes, quibus formidabile veneni nomen denegaverit nemo.

## §. XXI.

Verum enim vero religiosi medici haud inconsulte, non cruda et sine omni correctione temerariorum medicastro- rum ad instar, prae buerunt venena, non propinabant delicatulis, non administrarunt in morbis, quas superare lenioribus remediis poterant, sed aliis atque aliis modis vim virulentam infringere, et quod in perniciem hominis factum esse primo intuitu videbatur, in salutem hominum, ne atrocia et pertinacia morborum occumberent, convertere annitebantur: Multa in his jam veteres, multa illustres, qui Viennae artem salutarem exercent, medici, multa alii \*) tam factis periculis, tam ratiociniis praestitere.

\*) Elem. Chem. II. Lugd. Bat. 1732. p. 476. 478.

\*\*) Monit. praecept. medic. Sect. III. p. 119.

\*\*\* ) Commentar. in Aphorism. BOERHAVII de cognoscendis et curandis morbis. T. V. Lugd. B. 1772. p. 546 — 556.

†) Libellus, quo demonstratur, cicutam non solum usa interno tutissime exhiberi, sed et esse simul remedium valde utile in multis morbis, qui hucusque curatu impossibiles dicebantur Vindob. 1760.

††) Libro de Stramonio, hyosciamo, napello übersetzt durch Schinz Zürich 1763.

†††) Abhandlung von dem sicheren Gebrauch und der Nützbarkeit der Liechtblume übersetzt durch Schinz Zürich 1764.

\*) BLASINKE Diss. de vi venenorum medicata Viennae. 1757. WICHMANN Diss. de insigni venenorum quorundam virtute medicata Goett. 1763. P. F. GMELINI Dissert. de materia toxicorum

## §. XXII.

Primo paucissima sunt venena adeo mortifera, ut vel paucissimis exhibita praebitis veneni adhuc vices agant. Virulentissimi mercurii sublimati corrosivi granulum unicum sexcentis aquae partibus solutum, et per has aequaliter divisum, sexcentesima sua parte, nisi iners, certissime fit innocuum: Opii, cujus grana decem aut pauciora non adueto homini aeternum inducunt somnum, si granum in quatuor dispescas partes, quadrans hic certissime erit insons: Résina scammonei immoderato aliquot drachmarum pondere, lethale provocat alvi profluvium, moderata contra paucorum granorum dosi fit medicata. Ergo hoc primum artis subsidium, ut corpora, de quorum nimis violento effectû metuimus, minuto praebeamus pondere.

## §. XXIII.

Sed restant alia adminicula. Vix ullum nostris certe temporibus novimus venenum, quin summo maximi Creatoris beneficio suum quoque habeat remedium antidotum, quod vim ejus infringere aut imminuere et truculentos ejus effectus certe ex parte averruncare queat. Habent venena salinae indolis suam aquam temperantem, habent venena acria leniens oleum, mite lac, involventem mucilaginem, habent pleraque plantarum venena salubre acetum: Si igitur veneno, quod in usum aegroti adhibere cupis, addas remedium adaequatum, quasi vagina sua recondis ensen, certissime sic non nociturum, si nimium addis remedii antidoti, omnem vim tollis et iners plane reddis tuum venenum, nam vires oppositae aequales sese mutuo destruunt. Sin autem ea copia addis, ut praepon-

*hominis in medicamentum convertenda* Tubing. 1765. HAHN orat. de venenorum usu in medicina Ultrajecti 1773. ZAGONI de inventis hujus seculi in arte salutarî novis Ultraj. 1764. Praeprimis autem conferri meretur MELCHIORIS FRICCIÏ tractatus de virtute venenorum medicâ. Ulmae, 1701. Qui forsitan nonnullis recentioribus medicis, (licet ab iis rarius allegetur) in venenorum usum medicum inquirendi ansam praebuit; atque in quo proprium caput XXIV. habetur, de remediis venenatorum necessitate.

deret quidem venenum, sed ob additum antidotum partem virulentae suae efficaciae amittat, facile tibi erit, exoptatissimo artificio virulentam vini convertere in medicatam.

## §. XXIV.

Aurea hac via jam dudum incessere praestantissimi artis magistri; jam, testante Celebr. SPIELMANNO, Pythagoras \*). Hinc variae methodi excogitatae sunt, quibus de arte medica solliciti viri venena nociva vi vel exuere vel in salutare adeo medicamentum convertere conabantur. Sic Squillae violentiam aceto infringi notum est; sic C. GESNERUS \*\*) Hellebori virus oxymelle deleri, Mercurii sublimati corrosivi spicula frumenti spiritu obtundi, prae-eunte summo BOERHAVIO, VAN SUI TEN; \*\*\*). Vitri-  
antimonii aciem insipida involvi cera magnum illud Scoto-  
rum lumen, Young, Cantharidum acrimoniam emulsio-  
nibus maxime camphoratis mitigari †) vel et aceto tempe-  
rari KRAMER ††) colchici virus aceto et melle cicurari  
STOERK †††) suis aliorumque tam experimentis, quam  
observationibus luculenter comprobant.

## §. XXV.

Aliud porro subsidium venenorum noxiam vim inver-  
tendi haec subministrat observatio, quod ipsa ista virulen-  
ta et infesta indoles non semper insit toti corporum sic  
dictorum venenatorum substantiae, sed interdum nonnul-  
lis tantummodo eorum particulis inhaereat. Sic stupe-  
facientia pleraque suum debere virus particulis volatilibus  
loquuntur observationes, testantur auctores omni excep-  
tione majores \*) sic venenatissima Jathrophae Manihot

\*) In Instit. Mat. Med. argent. 1774. p. 230.

\*\*) Epistolar. ad I. Bauhinum datar. Basil. 1591. p. 9. 12.  
b. 20. b. 19.

\*\*\*) l. c. T. V. p. 546-556.

†) Cl. Duus. KAYSER in Dissert. de Cantharid. pag. 28. sub-  
praesidio Exc. D. Doct. et Prof. JAEGER heic 1769. habita.

††) commercium litterarium Noricum. 1735. pag. 83.

†††) Abhandlung von dem Gebrauche der Lichtblumen.

\*) Ill. ZIMMERMANN Erfahrung in der Arzney-Kunst II. Th.  
p. 221-222 de conio BOERHAVE de morbis nervorum p. 236.

radix non innocua tantum fit, sed per curatiorem expressionem succi separandi et removendi et per aliquoties repetitam desiccationem in farinam convertitur, ex qua Americani panem in quotidianum alimentum cedentem coquunt \*\*).

## §. XXVI.

Ex quibus conjicere jam liceat, levi saepius manu, aut plenaria particularum, in quibus vis noxia sedem suam fixit separatione, aut relicta saltem illa earum copia, quae agere quidem, attamen non nimis violenter possit vel innocuum plane, atque iners, vel edule quin medicatum fieri posse venenum, si quidem, quod de pluribus valet, noverimus, in qua praecise parte violenta vis lateat.

## §. XXVII.

Ideo hanc quoque viam in corrigendis et cicurandis toxicis magna cum laude et exoptatissimo cum successu ingressi sunt celeberrimi, et de vera aegrorum suorum salute solliciti medici: portionem partium volatilium evaporatione expellendo rabiosum Atropae belladonnae vim celeberrimus olim hujus Academiae Professor OETINGER \*\*\*)) atque illustrissimus STOERKIUS somniferam Conii maculati vim †) lethalem Daturae, Strammonii et Hyosciami nigri efficaciam ††) et formidandam Aconiti Napelli potentiam †††) in medicamentosam convertere docuerunt. Separando a gummiosis violentia sua infames resinosas partes, in mitius et securum catharticum convertit dudum suam aloem sapiens antiquitas, dum aut

de fungis Ill. LINNAEUS Amoenit. Acad. Vol. I. p. 451. de STRAMMONIO Cl. SHINZ in praefat. ad Störck's Abhandlung von dem sichern Gebrauch des Wilsam-Krauts p. 20. et de HYOSCIAMO apud Ill. HALLERUM Histor. stirp. Helv. etc. Vol. I. p. 254 de aliis, aliis.

\*) Onomastologia botanica completa V. B. p. 5.

\*\*) Praeunte praeceptore suo Alberti in Diss. de Belladonna tanquam specifico in cancro Halae 1739.

\*\*\*)) Libellus de cicuta ejusque supplementum necessarium.

†) Libell. de Strammonio, Hyosciamo et Napello.

††) L. m. c.

extractum gummosum inde parari, aut variarum plantarum succis aquosis simul solvi, solutionemque per pannum depuratam coctione leni jubebat inspissari \*).

## §. XXVIII;

Quae omnia, si animo tecum volvas, an imprudentiae vel temeritatis accusabis eos, qui exinde concludunt, etiam violentam, sive, si mavis virulentam Gummi Guttae vim, perinde ac aliorum venenorum nocentem efficaciam una alterave via posse emendari, et in salutem hominis adhiberi, sive parcissima exhibendo praeبيا, sive addendo accommodatum antidotum, sive segregando partes violententer agentes.

## §. XXIX.

Sed non sufficit demonstrasse, posse Gummi Guttae prudentis medici manibus commissum in sanitate restituenta utilissime adhiberi, videamus etiam, quid revera factum sit, quid medici fecerint, viderint, et tentando observandoque experti fuerint.

## §. XXX.

Violenter per superiora et inferiora purgare, jam superius annotavi; CLUSIO jam relatam fuerat, ab Indis in solo natali arboris, ex qua incisa Gummi Guttae stillat, degentibus, eundem succum eum in finem adhiberi, ut hydropicorum aquas evacuent, atque eodem effectu celebritatem nacta sunt alia drastica purgantia, radix Bryoniae, Jalappae, etc. sed, quod dura forsitan impune ferunt Indorum Ilia, objicies, id delicatulis Europaeorum visceribus obtrudere nefas esse.

## §. XXXI.

Equidem fateor, me longe abesse ab ea sententia, quae in omni hydropis aut specie aut periodo vehementia ejusmodi remedia prodesse, et omnibus, eo morbo laborantibus, porrigi cum spe optati eventus posse, pronun-

\*) Unde Aloë depurata sive lota, insuccata, violata, rosata. etc. Pharmac. Würt. P. II. p. 3.

ciat: alta mente repositae sunt aureae Sydenhamii \*) regulae, quae illius curationem hydropis, qui febres intermittentes saepius solet excipere, acribus catharticis, perseverante adhuc febre, tentari serio vetant, et SWITENII \*\*) praecepta, quae firmas vires et viscera integra postulare talium remediorum usum, neque medicum post evacuatas per purgantia illa aquas sibi persuadere debere, se simul sustulisse causam morbi, serio inculcant.

## §. XXXII.

Sed in hydropse pertinaci lenioribus mediis non cedente, et longiori mora in deterius abituro, viribus nondum fractis, in hominibus robustis mediae aetatis vel crudum Gummi Guttae ad grana tria, aut pro ratione aegri sex ad octo \*\*\*) vel spiritu Vitrioli †) vel aceto ††) utroque plurimorum venenorum vegetabilium antidoto efficacissimo, vel saccharo, vel ovi vitello vel sale lixivioso quodam fixo †††) temperatum, vel spiritu vini solutum \*)

\*) opera omnia Sect. I. C. V. p. 120,

\*\*) l. c. T. IV. p. 161.

\*\*\*) ultra decem grana non ascendendum esse, SIZLM. l. c. p. 614. non ultra quindecim GEOFFROY l. c. II. p. 685. gr. II. ad IV. absque vomitu grana IV. ad X. copioso liquore diluta blande agere GEOFFROY ibid. docet et duas drachmas aqueo liquore per noctem macerata, mane percolatas uno haustu ab Americanis bibi.

†) Ea methodus fuit HOCHSTAETTERI. observat. medic. Francof. 1674. eo modo correctum propinavit ipsis pueris ad gr. III.

††) more auctorum Pharmacop. Wurtemb. II. p. 99

†††) ad instar HERRENSCHWANDII. qui salem Absynthii crystallinum elegerat, aut Celeb. BALDINGERI in Edit. Pharmacop. Edimb. Brem. 1776. p. 270. in Epilepsia verminosa et hydropse coquitur Gummi Guttae cum aqua, et sensim instillatur oleum Tartari per deliquium, quod mitigat omnino vim drasticam purgantem Gummi Guttae: illud medicamentum ab igne remotum, et refrigeratum guttatim exhibitum, per vias urinae solet aquas hydropicorum evacuare, larga nonnunquam excretionem.

\*) hanc methodum ad incommoda a purgantibus resinosis praecavenda tanquam tutam et jucundam proponit et laudat Cl. CLOISSIUS in Nova variolis medendi Methodo cum specimine observationum miscellarum p. 123, seq.



vel saepius aquâ lotum et depuratum \*) majori etiam dosi \*\*), optime forma potus, boli, aut pilularum exhibitum non modo non nocet, sed testibus Jensenio \*\*\*) LOTTICHIO †) et HOCHSTAETTERO ††) miracula praestat.

## §. XXXIII.

Mirifice porro profunt, quae vomitum †††) et alvum validius movent, in vermibus necandis, et ex corpore expellendis; ad gratiolam provocho, quam celeberrimus BOULDUCE \*) ad scamnoneum et resinam Jalappae, quam Ill. VAN SUIJTEN \*\*) ad spigeliâ anthelminticâ, quam LINNAEUS \*\*\*) ad radicem Jalappae, quam WEPFERUS †) tanta cum potentia in vermes agentes conspexerunt, ut praecipuam spem curandi morbos verminosos in remediis evacuantibus ponendam esse, Illustrissimus nostri aevi medicus ††) pronunciare non dubitet.

## §. XXXIV.

Annon itaque, cum Gummi Guttae cum medicamentis paragrapho priori nominatis conveniat, et virtute per superiora et inferiora evacuandi polleat, suspicari liceat, vale hoc idem Pharmacum quoque ad vermes debellandos maximeque ad pertinacem toties leniora medicamenta elu-

\*) Ea methodus, qua mitior pars gummosa a violentiore resinosa liberatur, fuit Jensenii prodrom. aë. Hafniens. eo modo cicurati principio dedit gr. V. et sic alternis exhibendo diebus ascendit ad grana XV.

\*\*) Grana viginti dedit Clusius, largiori adhuc manu exhibuerunt alii.

\*\*\*) l. c.

†) *de Gummi Guttae seu laxativo Indico* discours. Francof. 1636.

††) l. c.

†††) Vomitoria, dum ventriculû et intestina saburra glutinosaque materia liberant, ad vermes expellendos inservire, pluribus demonstrat WILHELMUS ROHN in diss. *de usu Vomitoriorum ad ejciendos vermes* praelide RUDOLPH. AUG. VOGEL. Goetting. 1765.

\*) Memoire de l'academie royale des sciences a paris 1705. p. 246.

\*\*) l. c. T. IV. p. 737

\*\*\*) Amoenit. academic. vol. V. p. 140.

†) Histor. et not. cicuræ aquaticæ C. XV. p. 224.

††) VAN SUIJTEN l. c. p. 738.

dentem taeniam ejiciendam: verum non opus est suscipione, cum luculenta prostant experimenta rei veritatem evincentia. B. WERLHOFIUS, qui adhuc dum ante hos decem annos summa cum laude inter germanos Praxin medicam exercentes eminebat, pro taenia fuganda, omnem spem in Gummi Guttae posuit, idque testante Cl. WICHMANNO \*) operum WERLHOFIANORUM denuo recusorum editore, exoptato cum effectu ad grana usque viginti pro dosi subinde propinavit, nulla alia adjecta praeparatione, nisi ut cum pauxillo saccharo Gummi Guttae terendum curaret, qua simplicissima methodo resinae facilius cum aqua et ventriculi intestinorumque humoribus misceri posse videntur. Saltim WERLHOFIUS nil mali ex hoc Gummi hac ratione dato timuit, quia postridie a sumto Pharmaco pristinum vigorem vidit recuperare aegrotos, quibus ideo, prima dosi contra pertinaciorem taeniam nil efficiente, eandem dosin secundo tertiove die exhibuit, donec filum taeniae sive mucronem alvo exiisse constabat.

## §. XXXV.

Hoc remedio Ill. WERLHOFFII, qui vivus quidem id scriptis non publicaverat neque tamen celaverat, sed candide Cl. WICHMANNO aliisque aperuerat, multo majorem famam nactum est NOUFFERIANUM et HERRENSCHWANDIANUM contra taenias celebratum arcanum. Utrumque Gummi Guttae ingreditur, sed neutrum aequè ac WERLHOFIANUM simplex est. Illud NOUFFERIANUM nuper regia regis Galliae munificentia cognitum reddebatur, quippe qui istud pretio quodam a domina NOUFFERA redimi et in publicam hominum salutem divulgari curavit \*\*). Nolo totam istam methodum, quam ista foemina in taenia expellenda sequuta est, transcribere, cum nuper demum per publicos rerum novellarum indices satis superque communicata fuerit, id tantummodo annotare liceat, radicem

\*) D. PAUL GOTTLIEB WERLHOFFII *opera medica collegis WICHMANN* p. 735. in Not.

\*\*) *Traitement contre les Tènia ou vers solitaires pratiqué à Morat, Suisse, en examiné et éprouvé à Paris, publié par ordre du Roy. à Paris 1775.*

filicis maris, (cujus caeterum virtus, si quis eam quatuor drachmis ex melicrato ebibat, jam GALENO \*) laudata erat) ad drachmas tres datam et bolum laxantem, quem omnino Gummi Guttae ingreditur, potissimam et principalem hujus curationis partem absolvere.

## §. XXXVI.

Diversa a NOUFFERIANA est curandi methodus, qua HERRENSCHWANDIUS inclaruit, qui suo, quem vocant, specifico pulvere plures in Germanorum, Gallorum et Helvetorum intestinis hospitantes taenias ejecit, multorumque egregium remedii effectum admirantium oculos attentos in se convertit. Praeparabat et tractabat HERRENSCHWANDIUS suos ab infesto hospite liberandos aegros ita, ut ipsis hora a meridie quarta pulverem praeparatorium, (qui sex circiter grana vitrioli Martis continebat), in aqua tepida assumenda daret, levem hora septima coenam concederet, post bihoriumque, antequam cubitum ibant, cochlear unum alterumve olei amygdalarum vel olivarum porrigeret, atque sequenti mane pulverem suum specificum jejuno ventriculo exhiberet, quem plerumque aliquot vomitus aliquotque per alvum evacuationes sequebantur. Si haec evacuationes post bihorium circiter cessabant, jusculum propinabat, et post illud denuo certam quandam specifici pulveris dosin, cui interdum, si taenia forsitan nondum prodibat, tertiam, nunquam quartam ulterioremque addidit.

## §. XXXVII.

Licet hac ratione maxime industria Bonneti \*\*) methodus et remedia praeparatoria HERRENSCHWANDII cognita essent, cardo tamen rei vertebatur in pulvere isto specifico, quippe quo solo etiam absque praeparatoriis remediis taeniam exiisse constabat, hunc vero HERRENSCHWANDIUS diu pro arcano habebat, eumque et amicis celabat; ut certe neque BONNETO neque V. DOEVE-

\*) de Simpl. rer. facult. Lib. VIII.

\*\*) Mem. de Mathem. et Phys. present à l'Acad. roy. T. I. p. 479.

REN \*) cognitus esset, donec nuper, quantum scio, primum b. VOGELIO, sua sponte suum arcanum HERRENSCHWANDIUS patefaceret, et publicare permetteret, quod ex Gummi Guttae quindecim totidemque vel viginti granis salis Absynthii et carbone fraxini compositum est \*\*) unde denuo manifestum est, Gummi Guttae esse ex amplissima HERRENSCHWANDII experientia egregium vermifugum remedium, illudque bene sale alcalino corrigi, ut majori quoque dosi, attamen pro viribus aegri aestimanda et moderanda, repetitis vicibus intra paucas matutinas horas praeberi possit.

### §. XXXVIII.

Grates certe laudesque apud eos, qui quam difficulter taenia expellatur propria edocti experientia didicerunt, promeritus est HERRENSCHWANDIUS, quod suum remedium non perpetuo silentio suppressit, atque tot exoptatis effectibus \*\*\*) utilitatem Gummi Guttae ab aliis medicis saepius reformidati demonstravit et confirmavit, neque de candore dubitandum est clarissimi viri, qui nunc procul a negotiis medicis vitam degere rusticam amat, et in sua fortuna facile acquiescere potest, si forsitan effectus remedii expectationem frustretur, etenim ipse HERRENSCHWANDIUS dudum erga Cl. v. DOEVEREN †) ingenue confessus est, suum remedium non convenire contra eam taeniae speciem, quae portiones cucurbitini-formes ††)

\*) Qui amicitiam cum HERRENSCHWANDIO coluit, et in dissertatione de vermibus intestinalibus ignorantiam hujus pulveris fateretur.

\*\*) Vid. RUDOLPHI AUG. VOGEL praelectiones Academicae de cognoscendis et curandis praecipuis corporis humani affectibus §o 739. pag. 652. conferendo novissimam editionem Libelli ROSENSTEINIANI *Anweisung zur Kenntniß und Cur der Kinder-Krankheiten* a celeb. J. A. MURRAY denuo 1774. revivam et auctam.

\*\*\*) In litteris ad VAN SWIETEN asseritur in ducentis casibus tantum octo vel novem vicibus non successisse remedii effectum vid. comm. ad §. 1372. p. 739.

†) Conf. dissert. *de vermib. intest.* p. 73. et 74.

††) Sub qua denominatione eam potissimum speciem, quam LINNAEUS in *Syst. Nat.* solum nominat. intellexisse viderur,

demittat, eam saltem rarius expellere, verum et NOUFFERIANUM remedium tantummodo contra taeniam vulgarem LINNAEI, multo minus contra eam speciem, quam alii vermem cucurbitinum vocant, valere, ipsa hujus remedii a Gallis nuper communicata descriptio docet.

## §. XXXIX.

In aliis quoque praeter recensitos morbos, morborumque caussis Gummi Guttae ab aliis adhiberi me quidem non latet, neque votis effectus saepius respondere nego, attamen nequaquam ab eorum partibus stare volo, qui quemvis morbum lenioribus facile superandum, mox fortissimis remediis aggredi gestiunt. Non ad solos verminosos morbos Gummi Guttae usum restringo, sed toties, quoties potentiore, quam consueto et ordinario, stimulo opus est, eundem utilem neque contemnendum existimo, atque ideo non adeo miror, in morbis a saburra glutinosa mucoque tenaciore ventriculum et intestina obsidente ipsosque nervos opprimente hoc ipsum remedium mira praestitisse, atque ab eodem paralytin epilepsiamque curatam esse praedicari. Merentur certe hoc respectu ea penitus considerari, quae Celeb. UNZERUS \*) de Epilepsia per purgantia drastica curanda, et ex D. PIETSCHII, et ex propria experientia convictus docet, inter quae et Gummi Guttae ad alia purgantia, (quorum Dosis insolitum in modum auctam audentius contra mucosam primarum viarum saburram propinandam esse tradidit) acuenda laudat.

quae articulos longiores facile dimittit. Habitat praeter vulgarem speciem LINN. etiam taenia lata LINN. in intestinis humanis, sed et contra hanc speciem, remedium HERRENSCHWANDII aliquid efficere videtur, saltem BONNETUS apud HERRENSCHWANDIUM tales portiones ex homine expulsa vidit, quas cel. PALLAS in *dissert. de infestis viventibus intra viventia* pag. 36. ad taeniam latam LINNAEI refert. Taeniam caninam, quae quarta LINNAEI species est, in humanis nidulari intestinis, nullibi lego, hinc non est hujus loci.

\*) Vid. der Arzt, eine medicinische Wochenschrift: 249 Stück. Conferendo eam observationem, quae exstat in 302 Stück.

## §. XL.

Alios extra officinas Pharmaceuticas fucci nostri usus recensere a scopo meo praesente alienum est, sufficiat itaque annotasse, pictoribus Gummi Guttae jam a longo tempore plurimum inservire, et recentiore quoque auctorem \*) illius ope cum lacca et sanguine draconis compositionem egregiae flavae vernicis, qua cuprum obduci possit, docuisse.

\*) Rozier Observations sur la Physique, l'Histoire naturelle etc. 1774. Janv. et Mars.



XXVIII.

DR. LEONH. CHRIS. HELLMUTH

DISSERTATIO

DE

R A D I C E   S E N E G A.

ERLANGAE,

1782.

1928

1928 1. 10. 11

1928 1. 10. 11

1928

1928



## P R O O E M I U M.

**H**omines, quam diu erunt, morbis sunt conflictaturi, quorum causae sunt vel externae vel internae. Illorum quidam sunt leviores, alii vero graviore; quibusdam opponuntur remedia, quae tanquam specifica agunt; ut febris Cortex Peruvianus, Syphilitidi Mercurius, crustae lacteae et aliis, uti videtur, exanthematum speciebus, viola tricolor; alii vero scientiae medicorum peritissimorum illudunt, sudent licet in reperiendis remediis, vix tamen omnibus suis adhibitis viribus obtinent scopum. Hanc ob rem saepius peregrinamur per omnem terrarum orbem, disquirimus plantas et perscrutamur animalia, immo disquisitionibus nostris omnia Naturae Regna percurrimus, ut patefiant occulta, ut inveniamus remedia, quae morbis huc usque nondum compescendis opponi possint, aut, qui solummodo longa via, diuturnoque remediorum usu illorum viribus resistere non valuerunt, citius ac iucundius coerceantur. Licet non semper tam felices fuimus, in expiscandis materiae medicae obiectis, ut medicamenta detegeremus antea dictis specificis agentibus conformia; tamen non minus felici successu remedia invenire saepius contigit scrutatoribus, quibus in exercenda medicina non sine maximo nostro incommodo careremus. Mox animalium instinctus, mox vero casus fortuitus, ad vires rerum ususque manifestandos viam nobis monstrarunt. Plurima autem eadem fere efficacia pollentia, ac e regno minerali desumpta, materiae medicae obiecta tradidit nobis regnum vegetabile. Illorum minima pars ex animali ad usum medicum fuit recepta, quae nostro aevo imminuitur potius, quam augetur. Priusquam vero in rem medicam introducantur recens inventa, bene et provide sunt examinanda, ne inutilibus aut deleteriis adeo nonnunquam locupletetur rebus: si haec ab antiquioribus iam observata fuisset cautela, ubi materialium virtus interna a figura externa atque colore ut plurimum petebatur, minor forsitan, sed efficaciorum, illorum numerus in

penu medico extaret. Plura brevi in temporis spatio huiusmodi scripta, partim apud nos, partim alios prodire, quae simplicia, ad rem medicam spectantia tractant, qualia ut quaedam modo adducam e. g. sunt, de mentha piperita, de haematoxylo, de lichene islandico, de helminthochorto, de viola tricolore, de conio maculato, de pulsatilla nigricante, de caryophyllata, de cortice hippocastani, de gratiola, alia. Etiam ego huic tramiti insistens, non quidem mihi tironi ablandior, me admodum iam bene de orbe medico meritum hoc ipso esse; attamen, cum mihi nunc specimen inaugurale sit exhibendum, medicamentum quoddam sat recens et celebre, nec sane iners elegi, Radicem scilicet Senegam. Prodiit quidem iam Anno MDCCXLIX. de hac radice eximia et concinna dissertatio Ill. LINNAEI \*), nec, me post tantum Virum multa nova dicturum, videri posset; interim tamen, cum ab eo tempore plures recentiores proflent observationes, mihi-que ipsi sub institutione Ill. WENDT, Fautoris ac Praeceptoris nunquam non pie colendi, experiri huius radice vires contigerit, et examini chemico etiam ipse manus ad-moverim; quae edoctus sim, cum Lectore erudito communicare, non intempestivum iudicavi.

\*) *Amoenit. Acad. Vol. II. p. 126. sqq.* quas Perill. DEZLIVS, Fautor ac Praeceptor summo pietatis cultu in aeternum prosequendus, mecum communicavit.

## §. 1.

**Senega**, Seneca, Seneka, Senecka, Sennagar. Vnam eandemque radicem sub hisce vocabulis semper indicant autores, quam exactius describere et examinare suscepit. Nomen quidem unde acceperit, non plane in aprico est; verisimillimum mihi tamen videtur, quod a Natione quadam, Seneker dicta, eamque Americae borealis plagam inhabitante, ubi radix nostra copiose provenit, hocce nomine fuerit insignita. Si vero alii malint, primas fuisse has gentes, hanc radicem contra morsum serpentis crotalophori in usum vocantes, uti LEWIS \*) dicit: radicem nostram adhiberi ab Indis Senegaviensibus contra morsum Crotalophori, quoque non dissentiens ero. Neutiquam vero derivandum erit nomen radice nostrae ab Insula Senegal, vel ut etiam dicitur Senega, haec enim est Insula ad Africam pertinens \*), unde nobis gummi Senegalense adfertur; nostrae vero solum natale est America borealis, et praecipue Pensylvania, Marilandia, et Virginia, nec minus quoque in Canada invenitur. Dudum Indi eius virtutes contra morsum serpentis Crotalophori noverant, unde demum Europaeis innotuit,

## §. 2.

Superflua foret prolixa terribilis huius serpentis descriptio, sufficiat dixisse, hunc serpentem, Caudisonum quoque dictum, secundum CATESBAEI \*\*\*) recentissimi scriptoris delineationem, qui in Carolina serpentem ipse vidit et delineavit, fusco esse capite, oculis rubris, in dorso colore subfusco, ubi etiam striae decurrunt irregulares nigrae: ipsum crepitaculum quoque esse fuscum, multis cellulis inter se connexis conflatum, membrana constantibus, quae ad duritiem cornu fere accedit: cellularum figuram esse pyramidalem et undulatam: harum articulationem, multa abundantem synovia, mobilitatem faciliorem partibus conciliare annulis inferioribus inclusis, ut eo

\*) *Mar. med. p. 469.*

\*\*) VOSGIEN *Dictionaire Geographique p. 627.*

\*\*\*) III. LINN. *Amoen. acad. Vol. II. p. 131.*

melius ad latera eorum allidere possint, sonumque illum producere, qui exauditur, dum serpens caudam agit. Dum mordet hic serpens dentibus suis, qui interdum longitudine sunt digiti unius transversi, nonnisi periculosissima exinde redundare solent symptomata, praesertim si longitudo dentium eius ad nobilissima maximaque penetrat vasa, quod saepius contingit. Qui ab hac Caudifona fauciantur, magnum sentiunt dolorem, cum inflammatione vulneris; respiratio fit difficilis, tussis, sputum cruentum, pulsus durus et inflammatorius; interdum debilis et celer. Vulnus sphacelus exurit, laesus intumescit, et in saniem colliquefcit caro.

## §. 3.

Americani ictu Crotalophori laesi radicem masticant, succum illius deglutunt, masticatam de cetero vulnere imponunt, sed iusto praebeatur tempore, antequam virus per universam humorum massam, sese diffundat. Decoctum illius lacte edulcoratum, quin imo tinctura vinosa idem etiam efficit, cum in hisce praeparatis, omnes radicis particulae iunctis viribus agant.

## §. 4.

IOHANNES TENNENTIVS Medicus Scotus, in regionibus Americae vitam degens, et symptomata morsum serpentis sequentia et effectum radicis senegae observans, quam ab Americanis borealibus adhiberi vidit, magnamque symptomatum similitudinem cum pleuritide et peripneumonia videns \*) eam et in his morbis tentavit felici successu, quem usum medicum postea primo in peculiari libro \*\*) descripsit, atque sic haec planta eiusque vires primum in Europa innotuere.

## §. 5.

Primus, qui plantam nostram ex Marilandia in Europam transferebat, Anglicoque Botanico RATIO eam in historiae suae plantarum tertia parte describendi occasio-

\*) *Dictionnaire de medecine* T. VI. p. 90.

\*\*) *Essay on the Pleurisie. Philadelph An. 1736.* 8.

nem praebebat, erat D. KRIEG, Germanus, qui per aliquot tempus in Marilandia commoratus est.

## §. 6.

Botanici Senegam ad genus Polygalae referunt.

POLYGALA *Senega* floribus imberbibus spicatis, caule erecto herbaceo simplicissimo, foliis lato-lanceolatis. LINN. *Amoen. acad. Vol. II. p. 139. Spec. pl. 2. p. 990. Mat. med. ed. 4. p. 192. n. 468. Syst. veg. p. 532. GRONOV. fl. virg. ed. 2. p. 103. cum descr. brevi ex amoen. acad. b. a. LINNE excerpta.*

Polygala marilandica, caule non ramoso, spica in fastigio singulari gracili e flosculis albis composita. RAI. *app. 670.*

Polygala caule simplici erecto, foliis ovato-lanceolatis integerrimis, racemo terminali erecto. GRONOV. *Virg. 80.*

Seneca officinarum. GEOFFR. *mat. med. 2. p. 131.*  
Senega, Seneca, Seneka Indis Penſylvanis.

## §. 7.

Prima delineatio prodit ab Ill. a LINNE in *amoen. acad. Vol. II. Tab. II. radix vero non satis est contorta, et caulis egrediens nimis horizontalis erectus, quam figuram fortasse rarius caulis obtinet. Flores quoque non satis distincte expressi videntur. Secunda invenitur apud MILLERVM \*)*, radicem et tres caules bene exhibet. PLYKENET figuram in *Phytographia Tab. 439. f. 4. sub nomine: Perficariae similis spicata, herba Mariana, et Tab. 453. aliam, sub titulo: Perficariae folio planta cheusanica, fructu parvo rotundiore, summo caule in spicam disposito, exhibuit, quae utraque figura nostram quodammodo refert polygalam Senegam. Ast certo non dici potest, an sit, nec non, quia partes fructificationis non sat distincte sunt expressae.*

## §. 8.

Illustri SCHREBERO, Fautori ac Praeceptorum ad cineres colendo, cui ante aliquot annos radix recens et ramus

\*) *Gärtner Lex. 3. Th. S. 642. novissimae editionis germanicae.*

polygalae senegae e Pensilvania allata transmittebatur, sequentem mihi delincationem plantae tradere placuit.

**RADIX** crassitie pennae anserinae, cygneae, vel etiam paullo crassior, longitudine circiter digitali, tortuosa, uno latere carina modice elata spirali ductu per totam longitudinem decurrente carinata, ceterum teretiuscula rugisque unius, duarum triumve linearum spatio a se invicem remotis, transverse annulata, vel latere carinae opposito sulcis transversis confertis exarata, vel etiam e regione carinae nodosa: nodis plus minusve protuberantibus, incisuris variae magnitudinis a se invicem separatis; superficie ut plurimum rugis plurimis flexuosis per longitudinem ductis, pro diverso siccitatis (cui originem debere videntur) gradu magis vel minus conspicuis, semper tamen parvis, exarata. Caput radiceis magnum, crassum, difforme, e caulium originibus confluentibus et inaequaliter protuberantibus conflatum. Rami nulli vel pauci, trunco radiceis tenuiores. Radiculae etiam paucae, tenues. Cuticula radiceis tenuis, cinerascens. Cortex satis crassus e luteo rufescens, in aliquot strata dividuus et siccatione haud raro divisus. Lignum in superficie striatum, album, melle, subinde in sectores aliquot se findi patiens.

**CAULES** herbacei, pedales, crassitie pennae columbinae, erecti, aliquantulum flexuosi, teretes, modice striati, villo tenui brevissimo, crispulo, vix notabiliter pubescentes, simplicissimi.

**FOLIA** plurima alterna, sessilia, lanceolata atque e lanceolatis ovata, basi contracta, ut fere in petiolum brevissimum desinere videantur, integerrima, ut tamen margo denticulis minimis cartilagineis exasperetur, obtusiuscula, glabra, supra laete viridia, subtus pallidiora et fere glauca, obscurius venosa, plana, tenuia, ima unciae trientem vix aequantia, superiora fere tripollicaria, magis ad ovatam figuram accedentia, quam inferiora, quae per gradus fere angustiora fiunt.

**PEDUNCULUS** terminalis, subspicatus, striatus, pubescens. *Pedicelli* plurimi, alterni, brevissimi, (trientem lineae longitudine vix aequantes) capillares, cernui; a quorum cuiuscunque basi utrinque stria prominula decur-

rit. Bracteae parvae, sessiles, lanceolatae, integerrimae, acutae, deciduae.

FLORES magnitudine lentis minoris, (longitudine circiter lineae parilinae).

CAL. *Perianthii foliolum summum* minutum, ovatum, obtusum, vix pedicello longius, album medio viride. *Duo infima* paullo minora, similia. *Duo media aliformia* e subrotundis ovata, apice rotundata, longitudine capsulae, albida, medio virescentia venisque viridibus obscurioribus picta.

PERICARPIUM. *Capsula* cordata, apice vix emarginata, leviter pubescens, bilocularis: dissepimento contrario, viridis.

SEM. solitaria reniformi-ovata, fusca, villis albis pubescentia, altero latere *arillo* albido membranam tenuem referente tecta.

Reliquas partes fructificationis describere non potuit ILLUSTR. VIR, utpote quae in caule supra memorato desiderantur. E descriptione tamen satis apparet, Senegam ad Polygalae genus referendam esse, quod etiam testimoniis CLAYTONI, GRONOVII, MILLERI et BERNHARDI a RUSSIEU confirmatur; et quidem, secundum b. a LINNE, ad familiam eius generis, quae corolla imberbi distinguitur. Flores albi sunt, teste MILLERO. Facies plantae fere Perficariae est aut Epilobii aquatici \*).

### §. 9.

Nomina germanica, anglica et belgica radicem serpentariam denotant, (*Schlangenwurz*) sed neutiquam est confundenda Radix Senega cum serpentaria virginiana, quae est species aristolochiae, neque cum alia planta passim serpentaria dicta, quae est species Ari LINN.

### §. 10.

Sola radix hucusque tantum in usum medicum adhibita est, cum huic virtute reliquae non aequiparari possint partes.

Sapor huius radicis primo est farinaceus, mox subaci-

\*) III. a LINNE *Amoen. acad. Vol. II. p. 142.*

cus, denique penetrans, excitans, urens fauces cum tussicula, fere constringens.

Sapor hic acris exurens, simulque acidus singularis adeo sentitur, ut similis in toto regno vegetabili vix reperiatur \*).

Illustr. SPIELMAN saporem acrem inter pimpinellam et pyrethrum medium tenere asserit \*\*).

Odor radices siccae est debilis, subacris parumque acidus.

### §. II.

Cum ob quantitatis sufficientis defectum ab Ill. a LINNE adaequata radices analysis suscipi non potuisset, et praeterea, quantum equidem scio, nulla profectus chemica resolutio, non potui quin illam exactius disquirerem. Hunc in finem in FRISCHMANNI, Pharmacopoei huius artis et Chemiae peritissimi dexterrimique, Laboratorio, illius auxilio suffultus ipse manus admovi.

### §. 12.

Pulveris itaque radicum crassiorum et teneriorum, optimae tamen notae, uncis duabus cum sufficiente aquae destillatae quantitate affusis, digestis et coctis, omnem radices saporem et colorem extrahi, pulso in auras liquido superfluo, sensim sensimque calore leni ita exsiccati extractum, ut in pulverem teri posset. Accepi huius extracti guminosi primi drachmas quinque et grana octodecim. Colore erat subfusco, odore grato balsamico, sapore primum acido, mox acri, pungente, et ad tussim stimulante.

Residuo optime siccato affudi spiritus vini rectificatissimi quantitatem sufficientem, digestionem absolutam et de-

\*) Ill. LINN. *Amoen. acad. Vol. II. p. 143.* EIVSD. *Mat. med. ed. 4. l. c.* ubi radices qualitas acido-acris subaromatica est adscripta.

LEWIS *Mat. med. p. 469.*

BLANCARD *Lexic. Med. ab Illustri ISENFLAMM Fautore ac Praeceptore omni pietatis cultu nunquam non colendo editum. Art. Seneka.*

*Dictionnaire de medecine loc. cit.*

\*\*) *Institut. mat. med. p. 581.*



cantato spiritu reiteravi affusionem, usque dum in spiritu nec color nec sapor amplius observaretur. Extractum resinosum secundum ad eundem siccitatis gradum redactum ac gummosum primum, drachmas duas et sex grana pondere aequabat. Color idem erat ac primi gummosi. Sapor acrior est illius quam huius. Residuum erat pondere uncia et grana sedecim; scrupulum igitur sub laboribus amisi \*).

## §. 13.

Eiusdem ponderis radicum quantitati recenter pulverifatae affudi spiritus vini rectificatissimi sedecim uncias. Colore flavo impraegnato spiritu decantato, de novo reiteravi infusionem, et digerendo et extrahendo continuavi, donec liquor supernatans omnis coloris et saporis esset expers. Inspissati et ad pulveris siccitatem leni calore redacti extracti resinosi primi acquisivi drachmas quinque, scrupulum et grana septem, quod tanti saporis acris est, ut diu post in faucibus sensationem sat urentem relinquat, et vix veratri saporis dissimilem esse statuo.

Residua radicum copia bene siccata coquebatur, et omnis sapor extrahebatur, aquae destillatae sufficiente quantitate, qua evaporata, relicta fuit massa plane exsiccata, pondus drachmae, scrupulorum duorum et granorum trium sistens, sapore urente, utrique tamen resinoso cedente; fortasse quia partes acriores in gummosis extractis magis mucilagine adhuc involvuntur.

## §. 14.

Vnciis binis radice pulverifatae superfudimus spiritus vini rectificatissimi uncias sedecim et digestionem reliquimus. Spiritus destillatus praeter spem nec saporem nec aliud quoddam radice partium sistebat. Nulla observantur vestigia olei destillabilis, nec particularum camphorae referentium, sed plane immutatus inveniebatur spiritus.

\*) Extracti aquosi valde acris  $\frac{3}{8}$ , resinosi mitis  $\frac{1}{8}$  exhibet Cl. BVSCKARD. CARTHEUSER illius  $\frac{1}{2}$  huius  $\frac{1}{4}$  adducit Illustr. SPIELM. *Institut. mat. med.*

## §. 15.

Essentiam radices cum spiritu vini rectificatissimo non de novo praeeparare volui, quia in officina Frischmanniana iam prostat saturatissima. Est saporis valde urentis, uti extractum fere resinofum et stavescente imbuta est colore. Apud nos nunc frequenter in usum vocatur.

## §. 16.

Tincturam vinosam ipse non paravi; propterea ex Ill. a LINNE dissertatione \*) excerpam, quae hic necessaria videntur. Dicit.: Tinctura vinosa, cum vino edentulo parata, colore est subpurpurascens, odore medae et sapore fere radices. Dosis cochlearia tria. Haec TENNENTIO fuit usitatissima. Conficitur hoc modo. R. Rad. feneg. comminut. uncias IV. Vini Canariensis Libr. I. Stent in digestionem per III. dies loco cal. Decant. col. serva usui.

## §. 17.

Decoctum aquosum, quod semper fere in praxi mea adhibui, coloris est albidus, saporis sat acris, paulo tamen mitioris ac in solutione spirituosus. Saporis occultandi gratia ut plurimum cum melle edulcorandum curavi.

## §. 18.

Radices concisae et contusae uncis duabus cum aquae fontanae uncis sedecim in retortam vitream infusis et digestis, ignis destillatorii ope transit in vas excipiens aqua paululum lactescens. Odorem et saporem describere vix audeo, nihil enim mihi fere est notum, quocum aequiparari posset. Nullum verae separationis vestigium huc usque apparuit, etsi iam ante mensem destillatio absoluta fuerit. Si maior radices copia forsitan destillationi submitteretur, olei destillabilis quid prodire posset. Interim iure hoc destillatum in officinis mereri locum, et aliis aquis resolventibus praeferrere posse autumo.

## §. 19.

Quae denique partes fortioris ignis ope in radice

) *Amoen. acad. Vol. II. p. 148.*

Senega detegi queant, experturus, quatuor uncias eius in frustula teneriora concisae in retortam inieci, et destillationem siccam institui. Qui primus transiit liquor aqueus clarus erat, et removebatur excipulum, quam primum guttulae quaedam oleosae apparebant. Nihilominus impediri non poterat, quin una et altera guttula oleosa liquori primo prodeunti immisceretur, quae statim petebat fundum. Commiscendo et agitando, liquori supernatanti colorem atro purpureum conciliabat; liquor ipse primo prodiens aquosus erat. Mutato vase, continuataque destillatione, subsequēbatur liquor acidus, quem denique atro fuscus vaporum densiorum sub forma transiens excepit. Materiae alicuius salinae siccae in collo retortae nihil plane animadvertere potui. Destillatione peracta, filtroque aqua imbuto, spiritum empyrevmaticum ab oleo separare studui, et accepi illius unciam unam drachmas duas et scrupulum, huius autem unciam semis et scrupulos duos. Odor fere idem percipitur, qui oleo empyrevmatico proprius est.

## §. 20.

Carbones in vase destillatorio residui pondere aequabant unciam, drachmas tres cum dimidia, et grana quindecim. Ponderis igitur defectus destillatione olei empyrevmatici sub vaporum formā per rimas in auras avolavit. Illos in cineres conversuri, crucibulum fornaci prunis impleto tradidimus. Illo candefacto, carbonēs immisimus et obiter solummodo crucibulum lateris frustulo teximus, ne aeris liberi accessus impediretur, alia tamen heterogenea a prunis protrusa averterentur. Sic ultra duarum horarum spatium vehemēti ignis gradu saepius massam agitando continuavimus. Ast quia hoc pacto in cineres abire plane recusabant, cineritio massam commissam, ubi aeri minus quam in crucibulo aditus erat praeclusus, igni forti denuo exposuimus, ubi denique facile cessit incinerationis negotium. Supra cinerem albescentem drachmam et grana octo pendentem affudimus aquam destillatam, quam infusionem reiteravimus. In auras pulsas liquidis, salis impuri accepimus grana sex. Soluta aqua destillata

sale filtrato crystallisationi exposito prodibant crystalli tam figuram salis mirabilis GLAUB. aequantes \*) quam paucissimi cubi admodum exigui salis communis. Pondus illarum erat granorum duorum cum dimidio. Altera crystallisatio unam et alteram eiusdem figurae sistebat crystallulam, plurimae vero irregulares erant, et mox hic mox illic vestigia apparebant salis alcali vegetabilis, liquecebat enim una et altera spicula salina. Duo grana haec crystallisatio exhibebat.

### §. 21.

Ad huius salis partes constitutivas expiscandas, solutae fuerunt crystalli primae crystallisationis aqua destillata (quia in forma sicca loco tepido expositae in pulverem deliscere plane recusabant, quae tamen est indoles Salis mirabilis *Glaub.*) et sequentia instituta sunt pericula.

Solutionis huius guttulae quaedam addebantur Lunae solutioni, ex quo enascebatur luna cornua.

Solutio mercurii sublimati aquosa, additione solutionis salinae lactescit. Mercurii solutio in aqua forti purissima instillando liquorem salinum, fit turbida.

Auro infundebatur aqua fortis purissima, additis liquoris salini aliquot guttulis, nulla fiebat mutatio, coquendo vero statim aqua regis proveniebat. Solutione hac quoque in manu linea ducta illum colorem exhibebat badium, qui signum solutionis auri plerumque habetur.

Tinctura spiritiuosa radiceis anchusae addendo liquorem salinum acquirebat colorem caeruleum.

Solutionis secundae crystallisationis parte quadam cum spiritu nitri mixta, exorta fuit effervescencia. Evaporato humido, nitrum cubicum et regeneratum prodibant.

Tinctura anchusae spiritiuosa affusione huius mutabatur in violaceum colorem.

Eadem tinctura magis diluta, combinatione essentiae radicum senegae saturatae, referebat colorem aurantium, non vero coeruleum. Exinde liquet, nullum alcali vestigium in essentia adesse; nonne vero acidi?

\*) DELISLE *Crystallographie. Tab. III. fig. 2. 3.*

## §. 22.

Haec igitur allata pericula sat docent, partes huius salis constitutivas consistere in acido salis et alcali minerali vegetabili iuncto. Mirandum est, acidum vitriolicum nullo modo se manifestasse etsi crystallisatio supra indicata eius praesentiam arguere visa sit.

## §. 23.

Terrae residuae, ex qua sal elutum erat, scrupulus solvebatur spiritu nitri purissimo. Ast grana sex indissolubilia remanebant. Decantatione et acido vitriolico praecipitatione facta, accepimus Selenitidis grana sex.

Liquori decantato denuo instillabantur aliquot olei tartari guttulae. Statim in fundo apparebant striae terreae, in superficie autem fluidi materia terrea floccida. Filtrando separavimus, utrumque calcinationi tradidimus, illa peracta, materiam dissolvere studuimus spiritu nitri; coximus, sed nihil solvebatur, et instillando in fluidum decantatum acidum vitriolicum, nulla fiebat praecipitatio. Terra vitrescibilis grana quatuor pondere aequabat.

Illa sex grana a prima infusione terrae cum spiritu nitri indissolubilia relictæ, etsi coctio cum spiritus nitri drachmis duabus ter suscipiebatur, calcinavimus, et iterum affudimus spiritum nitri, sed plane nulla solutionis aut effervescentiae vestigia apparuere. An haec terra silicea sit pars plantae constitutiva, aut demum generata, cum in incineratione radicum, cineritio usi simus, dubius haereo.

## §. 24.

Experimenta chemica haecenus enarrata abunde testantur, radici Senegae inter medicamenta admodum efficacia locum omnino esse concedendum.

## §. 25.

Virēs autem, quibus haec radix gaudet, sunt resolventes et evacuatoriae \*).

Sialagoga: quivis enim qui vel minimam huius por-

\*) Ill. a LINNÆ *Amoen. acad. Vol. II. p. 144.*

*Eiusdem mar. med. edit. 4. l. c.*

tiunculam degustaverit, satis percipit, quam copiose confluat saliva; movet praeterea in fauce lcreatus copiosos, et diu illic remanet sensatio urens.

Vomitória evadit, dum in ratione subiecti, maiori, quam par est dosi, propinatur. Ipse nonnunquam praebui adultis pulveris illius scrupulum saccharo mixtum, et vomitum subsequi vidi, cum tamen ab Ill. VOGEL \*) ut incidens ad grana triginta quatuor, et ab Ill. a LINNE \*\*) ad grana triginta quinque praescribatur. Sensibilitatis gradus hic igitur vehementiorem effectum produxisse videtur.

Purgans observatur, licet non adeo specificè, interdum enim leviter alvum subducit, quem effectum quam saepissime in exhibito remedio observavi, interdum vero usque ad catharsin, interdum in has vias ne minimum quidem operatur. Diversitas huius effectus a varia petenda erit subiectorum temperie.

Diuretica vis radici fere adnata adiudicatur, qua efficaciam suam singularem extra omnem ponit dubitationis aleam, et omni iure inter praestantissima medicamenta diuretica sibi vindicat locum.

Diaphoretica non adeo est conspicua, cum potissimum alvo et diuresi agat; aucta enim una excretionè, semper diminuitur altera. Vna et altera vice solummodo, crisin post largum decocti senegae usum per sudorem largum subsecutam esse vidi.

Incidens est praestantissimum, tam in calidis quam frigidis morbis; mirum enim in modum tenacem humorum compagem ac gelatinosam dividit, et antiphlogisticam eorum diathesin solvit.

Expectorans denique egregium iudicatur, dum levi quodam stimulo pulmones ad concussiones stimulat.

### §. 26.

Partes radices praecipue agentes latere mihi videntur in extracto tam resinoso quam gummoso, plurimum vero in illo, quia sapor magis est urens. Hoc non, obstante

\*) *Histor. nat. med.* p. 227.

\*\*) *Amoen. acad.* Vol. II. p. 148.

tamen in mea praxi lubentius decoctum aquosum adhibui, nihil perdidit quoque, maxima enim pars resinosi in aqueo menstruo coquendo solvitur. Pro re nata essentiam etiam dedi, et extractum.

## §. 27.

Modus propinandi pro ratione morbi, subiecti et finis varius est, mox enim in pulvere, mox in infuso, nunc in decocto aquoso, nunc vinoso, hic in essentia, illic in tinctura aquosa et vinosa, modo in extracto aquoso, modo spiritioso exhibetur. En igitur varia radicis praeparata, quae medicus pro scopo suo optime eligere poterit.

## §. 28.

Brevi postquam radix innotuisset per scriptum TENNENTII, Cl. PAUL medicus Massiliensis celebris experimenta repetit felici successu, eadem quoque probarunt, GRONOVII, LEMERY, IUSSIEU et BOUVART experientiae. Sed eandem radicem etiam alias humorum spissitudines praeter phlogisticam attenuare, BOUVARTII observationibus patet, qui inde anasarcas curatas vidit, valide quoque urinam ducere expertus est. GRONOVIVS praeterea eius vires ad rheumatismos, arthritides et febres intermittentes aequae ac lentas celebrat \*), inde successive plures hac radice vti sunt, eamque in variis morbis salutarem invenerunt et commendant in peripnevmonia \*\*), in pleuritide \*\*\*), in hydrope pulmonum †) ad resolvendos et per varias excretionem evacuandos humores ††) in pleuritide spuria et vera, peripnevmonia et asthma †††). Etiam in nephritide sabuloso-pituitosa et cataracta recentiori commendatur \*). Hanc radicem in ulteriori morbo

\*) Ill. SPIELM. *instir. mat. med.* p. 581.

\*\*) Ill. a LINNE *mat. med.* ed. 4. l. c.

Cl. MACERIDE in *Methodical. Introduction etc.* Vol. II. p. 428. Ill. VOGEL *Histor. mat. med.* p. 227.

\*\*\*) Cl. BYCHAN in *medicina domestica* Pars. I. Cap. IV.

†) Cl. PERCIVAL *Dissert. et experiment.* Vol. II. p. 172.

††) Ill. MURRAY *Apparat. medicam.* Vol. II. p. 436.

†††) Ill. TISSOT *Anleit. für den gemeinen Mann, in Absicht auf seine Gesundb.* p. 301.

\*) Ill. CARTHEUSERI *Fundam. mat. med.* edit. nov. T. I. p. 576.

eximios edidisse effectus, testis sum, in instituto enim nostro Clinico bis mihi contigit videre, cataractam purulentam praecipue usu radicis senegae resolutam fuisse. Sunt tamen alii, qui de virtute resolvente et evacuante nondum aliquid certi statuere audent \*).

§. 29.

Nunc vero mihi afferenda erunt, quae me propriae observationes in instituto nostro Clinico docuerint.

Infans unius anni et sex mensium, pessime nutritus habitus atrophici, ante semestrem purpura detinebatur scarlatina, quae sine notabili crisi, ut referunt parentes, evanescebat.

Neque enim desquamatio cutis, neque sudores copiosiores, nec urina hypostatica, nec alia crisis signa, observabantur. Praeterlapso aliquo temporis spatio, puer magis magisque infirmior factus, pedibus non amplius insistere valebat. Corpus totum emaciatum marasmo senili laborantem hominem aequabat, omnes se et excretiones erant turbatae, pulsus matutino iam tempore celerrimus et sat frequens, corpus fere diffuere videbatur sudoribus, abdomen durum, elevatum, tensum, ac glandularum mesentericarum infarctus tactu iam cognoscendus erat, appetitus mox plane deiectus, mox nimius erat, puer quoque vix manum corpori admoveri, ob sensationem delorificam permisit. Alvus mox lubrica, mox obstipata, et varias corporis partes obsidebant tumores. In hisce angustiis advocatus, vix laetam formare poteram prognosin, morti enim proximus esse mihi videbatur aeger, et oleum et operam perditam esse credidi; nihilominus auxilium efflagitabant parentes, illorumque desideriiis satisfactorius, praescripsi potionem ex Tinctura rhei, sapone veneto, Tartaro solubili et syr. de cich. c. rh. constantem, nec non species pro potu resolventes, quarum basin rubia tinctorum sistebat. Hancce medicinam assumptam nullum subsequerebatur levamen, aegerque illam ulterius assumere recusabat. Aliam itaque formulam ut componerem necesse erat. Confugi consentiente Ill. WENDT ad radicem

\* ) Cl. HVLME de febre puerperarum. Sect. IV.



senegam, cuius drachmas duas in aquae fontanae unciiis quatuor ad trium unciarum remanentiam decoquendas curavi, gustus et roborandi gratia syrupo cortic. peruv. edulcoravi, omnique bi vel trihorio cochlear dimidium propinandum iussi. Dietam simul inculcavi strictissimam. Hoc decocto per aliquot dies exhibito, mutationem tumorum observavi. Omnes enim tumores ubique dispersi in duos colligebantur, qui superiorem et inferiorem femoris partem obsidebant. Haec subitanea mutatio animum addidit, ut omnia experirer, quae vitam servare possent. Tumor superior inferiori multo erat maior, propterea illi emollientia cataplasmata imponi suasi. Post biduum fluctuatio materiae presso digito offendebatur, et dolores imminuebantur. Urina decocti usu paulo copiosior exercebatur. Alvus iusto erat liquidior, sudores cessabant. Reiterando medicamento totidem corticis peruviani addidi et cum supradicta senegae quantitate decoquere iussi, veritus, ut puer ob virium defectum tumoris apertionem sustineat, simul quoque, ut materiae resorptae obex opponeretur, quo minus febrem augere posset. Hoc medicamento adhibito altero die maiorem vigorem in pulsu observavi. Aperuit igitur chirurgus advocatus tumorem superiorem, ex quo ad mensuram pene puris maligni sanguine mixti effluebat, ac quaelibet deligatio, bis de die suscepta, ichoris copia scatebat. Tumor inferior plane disparuit, quia materia ad superiorem aperturam sibi viam aperuit. Febris interea, longe remissior facta est. Medicamento antea dicto continuato successu temporis pus laudabile generabatur, et tandem plane coaluit ulcus. Abdomen decrevit, dolores cessarunt, excretiones alvinae factae sunt naturales. Aliquamdiu adhuc continuatis roborantibus balneisque frigidis corpori robur reddebatur; ita ut omnes partes nunc fungantur suo munere. Viribus igitur resolventibus Senegae roborantibus iunctis, bonum huius morbi eventum adscribendum esse persuasum habeo. Me quoque in pluribus atrophicis hanc adhibuisse radicem, non vero eodem semper insigni cum effectu, uti in historia relata, sincere et ingenue confiteor.

Vir XL. annos natus, habitus siccioris, temperamenti

cholericis, venaesectionibus alias bis de anno adsuetus, illas nunc per triennium neglexerat. Sine causa praecedente manifesta uno impetu in brachio dextro diris infestabatur rhevmaticis doloribus, ita ut illud ne movere quidem posset. Accersitus pulsus inveni plenum, spasticum, iusto frequentiore, linguam puram, appetitum vigentem, alvumque liberam. Oppositis frictionibus cum panno laneo aspero et speciebus e radicibus resolventibus pro potu ordinario non cessit malum. Pulverem igitur ex Antimonii crudi alcoholisati  $\mathfrak{z}\text{j}$  et sacchari lactis  $\mathfrak{z}\beta$  compositum, comparandum, inque XVIII. partes aequales dividendum, signandumque curavi, ut omni bihorio una dosis assumeretur; nec minus decoctum resolvens continuandum et diaetam strictissime servandam iniunxi. Decem dosibus assumtis post diarrhaea accessit, cui quoque pressio pede levamen subsecutum est. Non in totum vero cessarunt dolores. Ad illos subito plane debellandos, me inscio, suasoribus amicis spiritum lumbricorum cum sapone mixtum inunxit. Quo facto dolores et pulsus tam aucti fuere, ut fieri non posset, quin vena in pede secaretur, et larga sanguinis copia detraheretur, simulque cucurbitulas parti dolenti imponendas curavi. Hoc non obstante dolores duravere, ut diu noctuque somno frui non posset. Non potui igitur quin ad radicem senegam properarem. Praescripsi illius  $\mathfrak{z}\beta$ . in aquae fontanae.  $\mathfrak{z}\text{iv}$ . decoquendam, quam gustus gratia syrupo edulcoravi, omnique bihorio cochlearia duo exhibui. Hoc decocto assumpto disparuere fere omnes dolores, et reiterata medicina plane sunt discussi, ita, ut nunc aeger omnes suos labores perficere possit, et ne minimum amplius sentiat dolorem.

Iuvenis XVII. annos natus, habitus gracilis, ficcioris, de vehementi conquestus est cephalalgia, appetitu plane prostrato, amaritiae dira in ore, lingua tecta erat corio, languorem totius corporis sentiebat insignem, alvus iusto erat segnior, ictus dolorifici utrumque circumvagabantur thoracis latus. Pulsus tactu erat plenus, durus magnus et fortis. Comperi quoque eum ante quatrimum initio morbi pulverem emeticum a chirurgo quodam exhibitum assumis-  
 se, qui crebriores vomitus et sedes produxit,

eundem die post venam secasse, et ei pulveres temperantes exhibuisse, quorum compositio autem me fugit. Cum ob amaritiam et linguam squalidam evacuantia adhuc necessaria videbantur, et tamen ob drasticum effectum medicamenti emetici antea assumti non auderem evacuantia praeberere, solummodo ad tantum aestum moderandum et resolutionem promovendam, exhibui potionem ex nitro, sale polychrest. TR. papav. rh. Aq. destill. et syrupo acidulo constantem, cuius usus vero plane nullum afferbat levamen. Altero die igitur me coactum vidi mutare medicamenta, et senegam elegi, cuius  $\frac{3}{4}$  in Aqv. font.  $\frac{3}{4}$  vj. ad reman.  $\frac{3}{4}$  iv. decoquendam curavi, et saporis causa syrupum addidi omnique bihorio duo cochlearia assumere suasi, simul quoque pediluvia ex mera aqua tepida praeparanda curavi, et regimen appropriatum commendavi. Altero die matutino tempore accedens magnam iam sensi mutationem, somnus quidem suavis nondum fuerat, dolores autem antea diri imminuti, alvus liquidior facta, et continuatio huius medicamenti semper plus levaminis afferrebat. Decoctum, reiterari mandavi, dolores continuato usu penitus evanescere, amarities squalidaque lingua cessabant, urinae copiosius excretae flammeus color mutabatur in citrinum, vires rediere sensim, et sic sine ullo alio medicamento, ac sine repetita sanguinis missione peripneumonia, solummodo usu decocti radicum senegae, resolvebatur, et aeger intra XIV. dierum spatium restituebatur. Comprobatur igitur experientia Cel. Tennentii aliorumque Senegam efficacissimum esse remedium in peripneumonia et pleuritide, asserentium, hacce et sequentibus historiis.

Mater eiusdem iuvenis XLVI. annos nata, habitus macilenti, adhuc menstruata, filio cum sanitate in gratiam redeunte, eodem morbo, in quem ex dissidiis obversantibus incidit, gravissime decubuit, et eodem medicamento longiori tamen temporis spatio restituta est. Roborans solummodo ob plenariam virium prostrationem in fine morbi substitui.

Foemina LI. annos gerens, habitus ficcioris, venae-sectionibus a vigesimo aetatis anno ad quadragesimum se-

cundum, in quo aetatis termino menstruorum fluxus cessavit, bis de anno adsueta, semper fruebatur sanitate firma et valida, usquedum in pago quodam vicino encaenia celebrando rixae et dissidia orirentur, quae eo pervenerunt, ut rustici sibi manus inferrent inimicas, et in hanc foeminam improvidi irruerent. Quo facto in lipothymiam incidens exanimis fere domum portabatur. Redeunte mente horrorem per aliquot horas durantem et subsequenter aestum percepit, qui sine intermissione quotidie incrementum cepit, cum dolore sat diro omnium partium. Alvus iusto erat seguior, et solummodo per trium dierum spatium semel multo cum dolore exonerabatur. Appetitus plane deiectus erat, sitis nulla, amaritiem vero insignem accusabat in ore. Haec symptomata incresecebant usque ad decimum morbi diem, ubi in plenarium incidit soporem. Maritus nullum hucusque sibi expetiit auxilium, ex inopia fortasse et curta supellectile. Necessitate igitur urgente advocatus relata audiui, eamque delirantem, difficilemque animam trahentem, inveni, vix reiteratis excitationibus nonnunquam mentis compos fiebat, ubi summos dolores punctorios in latere dextro in quacunque inspiratione auctos, nec minus palpitationem cordis vehementem, manu admota perspicue observandam, accusabat. Pulsus parvus frequentem celerem et intermittentem deprehendi, respiratio ipsa iusto celerior et brevior erat, lingua obducta erat muco. Hisce periculis motus consilium cepi resolutionem promovendi, et affluxum sanguinis versus superiores partes derivandi. Praescripti itaque, annuente Ill. WENDT, potionem resolventem ex salibus mediis compositam, quam large assumendam esse suasi. Pro potu ordinario decoctum hordei aceto et melle ad gratum saporem redactum, nec non pediluvia tepida adhibenda curavi. Nox sub continuo delirio evanuit, et sequenti die illud non erat mitius, accessit praeterea tussicula sine sputis, pulsus parvus et frequens tangebatur, alvum vero per noctem deposuerat. Ad radicem senegam nunc confugi, et huius radicis  $\mathfrak{z}\mathfrak{ss}$  in Aqv. font.  $\mathfrak{z}\mathfrak{iv}$  decoquendam praescripti, decocti syrupo cort. peruvian. edulcorati, omni bihorio cochlearia duo exhibui simul

quoque sinapismum pedum plantis bene cum aceto fricatis applicavi, loco decocti hordeacei prunorum decoctum foliis fennae paratum potavit. Clysmata enim ab adstantibus, qui vitae periculum inde augurabantur, non admissa sunt. Sequentis matutino tempore diei accedens laetus vidi et audiui, delirium imminutum, pulsum elatiorem esse, alvum quoque subsecutam esse, invita quidem aegra. Sudores nulli provenire, dolores in latere mitiores fuerunt, urina copiosius excreta nubeculam in fundo fissebat. Medicamentum continuabatur. Praeter expectationem pomeridiano tempore advocatus, aegram difficilius, ac unquam aegrotantem, inveni, omnia symptomata ad summum gradum aucta, respiratio erat difficilis, laboriosa, pulsus parvus, debilis, frequens, inaequalis, delirium summum. De novo igitur renovandos curavi sinapismos, et loco cochlearium duorum decocti senegae omni bihorio, nunc omni hora illam dosin praebui, nec malo effectum, etsi non statim inde redundaret levamen. Altero die enim summo mane accedens, alvum liberiores involuntarie tamen, deposuisse percepi, sudor quoque partialis in capite prorupit, nihilominus sopor durabat, et reliqua symptomata paululum solummodo erant leviora. Continuavi decoctum et sinapismos. Vesperis iam magis suae mentis erat compos facta et omnia symptomata leviora. Die subsequenti non sine gaudio illam extra lectum deprehendi, summam quidem debilitatem visusque hebetudinem et surditatem accusantem. Addidi nunc senegae corticem peruvianum, et dietam strictissimam observare iussi. Hoc decocto per aliquot dies assumpto, vires sensim sensimque rediere omniaque symptomata quotidie immuta sunt.

Ad robur tamen plenarium, gravi morbo plane sublatum, corpori reddendum, loco corticis pretiosi decoctum haematoxyli per aliquot dies adhuc praebui. Quo assumpto valedixit medicamentis, et solummodo dietam exquisitam adhuc servandam esse mandavi, et aliquot septimanis post fuetis laboribus praefuit, optimaque ex eo tempore gaudet sanitate.

Puella quinque annos nata, vegeta, sanissima, praeter

variolas et purpuram scarlatinam, quae tenera iam in aetate eam corripiebant, nullum passus est morbum, infestabatur motibus febrilibus, qui vero sine medicamentorum usu, ut referunt parentes, sponte cessarunt. Quatuor septimanis post intumescere coepit puella. Quotidie increvit tumor, ita ut quarto die accersitus, eam deprehenderim tam tumidam, ut neque stare, neque ambulare posset. Tumor per totum corpus erat tensus et aequalis. Oculi vix conspiciendi erant. Post pressionem digito susceptam nulla remansit fovea, appetitus erat nimius, lingua pura, alvus respondebat, pulsus vero, ob tumorem insignem, vix tangi poterat. Lumbricos iam nonnullis vicibus excrevit aegra. Existimans igitur, leucophlegmatiam hancce, a sordibus primarum viarum, praecipue vero a visciditate humorum ortum ducere, praescripsi rad. seneg. pulverisatam, quam additione syrupi rad. 5. aperient. in electuarii formam redegi, a quo medicamento ter de die cochlearia duo minora scilicet pro potu Caffaeae destinata sumere iussi. Altero die audiui, puellam lumbricum eximiae magnitudinis excrevisse, copiosius quoque urinam mittere, tumorem etiam imminutum vidi. Continuabatur electuarium, etsi valde ingratum et nauseosum erat medicamentum. Quotidie tumorem insigniter decrescere, et urinam larga in copia excerni, observavi. Vermis vero nullus amplius in conspectum venit, sic intra octiduum puella a tumore leucophlegmatico plane est liberata, et pristina nunc fruitur valetudine.

Foemina LXIII. annos nata, habitus ficcioris, corporisque macilenti, variis agitata calamitatibus, incidit in pleuro peripnevmoniam. Auxilio Ill. WENDT efflagitato, hic mihi occasionem praebuit, symptomata observandi, morbumque tractandi. Audiui igitur, cum accederem, eam die praecedente mane frigore et aestu subsequente correptam fuisse, alvumque per biduum esse obstipatam. Suasoribus amicis Electuar. Mithridat. in spiritu vini solutum ad motum febrilem cito debellandum assumsit. Hausto medicamento expectatione celerius ictus punctorii in latere dextro accesserunt, qui qualibet inspiratione aucti fuerunt. Pulsus erat inflammatorius, lingua purif-

suma, nihilominus vehementes conatus vomendi adfuere. His indicantibus ductus praescripti potionem resolventem, ex salibus mediis compositam, suasque linteamina lacti calido immissa et a superfluo humido iterum liberata parti dolenti applicare, quae vero non adhibita fuerunt. Dum altero die advenirem, aegram alvum deposuisse audiui, paululum mitior quoque erat febris, ictus vero in latere dextro ne minimum quidem remittebant, urina excernebatur flammea. Nox inquieta transiit, praeterea tussis accedebat, et spuma albicans exscrebatur. Quia iusto parcius assumsit medicamentum, pars quaedam restabat, quam sumendam curavi, nulla vero ratione eo perducere potui, ut linteamenta lacte tepido impraegnata adhibuisset. Die subsequente eadem symptomata aegram maiori vehementia vexabant, nox inquietissima, ictus aucti, vires maxime suppressae, pulsus quoque mane iam multo erat frequentior et parvus ac die praecedente, vespere autem recursuum frequentia matutinam multo superabat, et tam debilis erat, ut mihi laeta non annunciret. Confugi itaque ad senegam, et ab illius decocto supra iam descripto, omni bihorio ad cochlearia duo praebui. Etsi altero die saporem maxime ingratum huius medicamenti accusaret, laetus tamen audiui, eam noctem quietiorem transegisse, dolores in latere mitiores fieri, et pectus non amplius tanta anxietate torqueri, uti antea, pulsus quoque multo elatiorem tetigi, alvique excretio successit. Afferuit quoque, se post quamcunque decocti assumptionem levamen sentire. Sputa flavum induebant colorem, urina copiosior prodibat et hypostatica. Ob egregium effectum continuandi suasi decocti usum. Quotidie huius medicinae usu mitescebant symptomata, dolor ascendebat versus scapulam, vires redibant. Consumpto decocto, id reiterandum curavi, et sic sine venae sectione in initio administranda, totum morbum debellavi. Sudores nunc redeunte sanitate copiosi prorupere. Morbo ut plurimum superato reborantia exhibui, ut eo citius vires redirent. Nunc optima fruitur valetudine.

Vir XXXVI, annorum, habitus macilenti incidit in peripnevmoniam. Ob alvum per aliquot dies iam obsti-

patam pulveres ex sale aperitivo Fridericiano et Magnesia alba praebui, qui effectum optatum quidem, produxere, ratione alvi obstructae, dolores vero sat diri punctorii in latere remanebant. Decoctum itaque radicis senegae praescripsi, quod syrupo de erysimo Lob. edulcoravi. Quia sanguinis sputa nimis copiosa erant, venam quoque secavi in lateris affecti brachio. Venaesectione administrata pulsus quietior est factus, et dolores paululum imminuebantur. Decoctum itaque senegae continuavit aeger, nec hic haec radix vires suas resolventes denegavit. Alvus semper usu huius medicinae aperta servabatur, nonnunquam quoque diarrhoea mitior accessit. Urina ab initio decocti vius copiosior prodiit, continuato vero illo sudores subsecuti sunt. Vncia solummodo huius radicis in forma decocti requirebatur, ad hunc morbum plane profligandum. Superato morbo roborantia exhibui. His per aliquot dies exhibitis, de novo incidit in morbum primarium. Removi igitur roborantia, et decoctum radicis senegae reiteravi. Elapso biduo evanescere quoque dolores in latere. Quia hic aeger sano iam in statu phthisicum referebat habitum, diu roborantia adhibui, ita, ut nunc firma valetudine praeditum laboribus suis praeesse laetus videam.

Iuvenis XXI. annorum, habitus macilenti, corpore aestuante et sudante frigori se exposuit, simulque frigidum potum ingurgitavit. Statim post hoc vitium dietae commissum infestabatur doloribus rhevmaticis vagis sat diris, qui tamen praecipue latus thoracis sinistrum occupabant ita ut lecto affixus esset. His doloribus coactus, auxilium chirurgi cuiusdam sibi expetiit, qui varia ei exhibuit medicamenta sine levamine. Me igitur vocare iussit. Omnia bene reputans, exhibui cremorem tartari larga in dosi. Huic vero optimo remedio resolventi non cedebat malum. Dolores increverunt et febris accedebat. Confugi igitur ad senegam radicem, cuius unciam dimidiam in quatuor unciiis aquae fontanae decoquendam curavi, et omni bishorio cochlearia duo exhibui. Post dimidiaie partis assumptionem dolores iam imminuebantur et perpetuo magis crescebant. Reiterato decocto, eoque assumpto, in totum siluerunt dolores, et pristina tandem gavissus est valetudine.



In hoc quoque casu aeger semper alvum ope usus decocti rite deposuit, quae alias continuo segnior iusto erat, urina quoque copiosior prodibat.

Addam adhuc historiam morbi ab amicissimo PFEIFFER Medicinae Candidato dignissimo, commilitone suavissimo, mecum communicatam:

Maritus quinquagesimum quartum agens aetatis annum, habitus corporis strictioris, vitam degens laboriosam, binis quotannis assuetus venaesectionibus, optima hucusque gavisus sanitate, si leviores exceperis morbos, praesertim qui sub catarrhorum nomine vulgariter veniunt, nunc graviori morbo conflictabatur. Corripiebant eum nempe statim ab initio morbi horror et subsequens aestus, prior quidem non amplius rediens at posterior continuabatur et versus vesperam augebatur, coniuncta erant cum ipso lassitudo totius corporis, sitis ingens, pulsus iusto citatior, dolores capitis et extremitatum feroces, somnus turbatus, appetitus deiectio plenaria, alvus iam per plures dies obstructa, et lingua squalore copioso obfusa erat; urina parca flammea excernebatur sine sedimento, ceterum hucusque nulla criseos signa se sensui offerebant.

Talis erat status aegroti quum prima vice et quidem sexto morbi die iussu *Illustris WENDT*, illum viderem. Non diu haesitabam, prae reliquis enim symptomatibus alvi obstructio primam sibi promeruit attentionem meam. Illa igitur ut solveretur et, ut motus nimii temperarentur, ipsi praescriptum est medicamentum compositum ex Grem. tartar. vj et sacch. lactis 3jjj. qua massa in pulverem redacta et in IX. partes divisa, quavis hora unus ipsi porrigebatur pulvis.

Non sine effectum hoc medicamentum propinatum fuisse, altero die eum videns, laetus animadverti. Alvo enim nunc soluta, aestum quoque nimium magna ex parte temperatum esse, arteriarum ictus nunc minus frequentes mihi annunciabant: sed cetera symptomata continuare videbantur, et de materia in corpore adhuc latente testabantur. Eum in finem efficaciora resolventia, et quidem salina digestiva cum amaris, sequenti formula simul concepta ordinata sunt.

Rx. Extract. hippocastan. ℥℥.

℞is polychrest. S. ℥j.

∇. Taraxac. ℥iv.

Mel. despumat. ℥℥.

M. D. S. Quovis bihorio cochlear j.

Effectu bono quoque hoc medicamentum destitutum ne-  
tquam erat, sitis ingens, lassitudo, dolores qua maximam  
partem profligabantur, nec non appetitus cum somno re-  
ficiēte redire nunc incipiebat.

Restitutionem sanitatis amissae nunc merito brevi se-  
cuturam, sperabam. At! spes mea me fefellit. Novae  
enim calamitates, novus morbus, ipsum nunc invadere  
inchoabant. Cum enim gulae nimis indulgens, carne  
suilla copiose vesceretur, nec non sudores criticos refrige-  
rando supprimeret, pedes intumescebant, tumor quotidie  
ascendebat ad genua usque et post aliquot dies abdomen  
quoque ad scrobiculum cordis usque intumuit. Novus  
morbus, de novis medicamentis, hydropi nempe opposi-  
tis, cogitare cogeat. Ad hunc morbum debellandum  
praescribebantur aegrotō Rad. Bryon. inc. ℥jj. cort. hip-  
pocastan. ℥℥. coqu. in ∇. comm. ℥vj. colaturae adde Sy-  
rup. c. aurant. ℥j. mixtae huius potionis quovis trihorio  
cochlear j. assumsit aeger.

Quo medicamento per nonnullos dies adhibito leva-  
men fere nullum sensit, sed tumor idem permansit. Hoc  
igitur medicamento incassum adhibito, aliam, ut scopo  
nostro satisfaceret, supposuimus medicinam, sequentem  
nimirum:

Rx. rad. seneg. ℥℥.

Sacch. albiss. ℥j.

M. F. ℞is D. in Decuplo S. omni trihorio pul-  
verem.

Statim post nonnullas assumtas doses levamen sensit, tu-  
mor subsidere incepit et per urinae copiosiore excretio-  
nem quotidie diminuebatur, ita ut aeger post usum huius  
medicamenti per XIV. dies continuatum ab omni tumore  
immo ab omni morbo liberatum sese senserit.

## §. 30.

Varia adhuc eximiae virtutis radicis senegae exempla adducere possem, et plura Ill. WENDT suppeditaret, si extra dissertationis oleas vagari vellem. Solummodo Ill. RVDOLPH Fautorem ac Praeceptorem summe colendum, illam magno cum fructu in catarrhis inveteratis et Cl. WERNBERGER Physicum Windsheimensem meritissimum ac Fautorem amicissimum eam loco radicis gentianae aliorumque ad fonticulos aperte servandos adhibuisse, sufficiat dixisse.

## §. 31.

Ex hisce allatis sat luculenterque radicis senegae virtutes elucet. Persuasum igitur mihi habeo, neminem iure huic radici vires suas denegare conaturum esse, nisi veritati sese opponere consulto velit.

## §. 32.

Quum radix nostra exotica sit, et pretium illius saepius mirum in modum increascit, praecipue nostris temporibus, cum ob gentes ibi bellantes collectio et exportatio difficilior reddatur; diu iam medici cogitarunt, annon indigenae extarent plantae, quae ad polygalae senegae vires accederent. Varia quoque ei substituere quaesivere, quae inter plurimum sunt, Polygala vulgaris, ut Ill. LINNE \*), M. PAUL \*\*), et LEWIS \*\*\*) asserunt, praeterea etiam Valeriana et stipites Dulcamarae nostrae radici analogae putabantur, neutiquam vero illius locum implere valuerunt. Polygala amara eximiis pollere dicitur viribus incidentibus et resolventibus †), hinc, si revera hisce viribus gauderet, tota planta tamen radicis senegae loco substituenda esset, quia tam teneris instructa est radiculis, ut pretium huius illud senegae multo superaret. Fraus itaque vix condonanda est, si vicinis nostris polygalae amarae radices desiderantibus, illae polygalae vulgaris a mercato-

\*) *Amen. acad. Vol. II. p. 151.*

\*\*) *Dictionnaire de medecine Tom. VI. p. 90.*

\*\*\*) *Mat. med. p. 470.*

†) *BLANCARD Lexic. med. edit. nov. Art. Polygala.*

ribus venduntur. Vt tonicum polygalam amaram quoti-  
die adhibeo, bono effectu, saporem vero illum in senega  
praesentem et vires cum hac aequales detegere et obser-  
vare mihi nunquam obtigit.

§. 33.

Nulla igitur, neque Polygala vulgaris neque amara  
neque chamaebuxus, quae tres species solummodo nostris  
in terris proveniunt, etsi haec sapore illi senegae maxime  
adfinis est, radici senegae aequiparari poterit.

§. 34.

Radix Polygalae sibiricae LINN. eodem fere gaudet  
sapore ac Senega, uti perhibet Ill. SCHREBER, paulo so-  
lum debiliori. Non tam cito quidem sentitur in masti-  
cando sapor, statim vero post aliquot minuta elapsa.

Ad finem nunc perduxì specimen pro exiguo virium  
mearum modulo elaboratum. Aequi bonique consulatis,  
Viri eruditi, et si quae sint, uti nullus dubito, minus  
recte exposita, indulgeatis iuvenili conamini, vehementer  
rogo.



XXVIII.

DR. ET PROF. PHILIPP FRIDER. GMELIN

ET RESPOND.

DR. CAROL. DE OLNHAUSEN

DISSERTATIO

DE

PROBATO, TUTOQUE USU IN-  
TERNO VITRIOLI FERRI FACTI-  
TII ADVERSUS HAEMORRHA-  
GIAS SPONTANEAS,  
LARGIORES.

TUBINGAE,

1763.



## P R A E F A T I O.

**A**ccinxerat Se Nobilissimus Dominus Candidatus ad conscribendam, et marte proprio elaborandam Dissertationem inauguralem de Themate, quod huius rubrum indicat, mihiq̃ue primam eius quasi sciagraphiam praemonstraverat, cum literas a Suis frequentes acciperet hortatorias, vellet festinare, operamque dare omnem, quantocyus ut adiret Spartam sibi demandatam, quoniam urgeret aegrotorum invalescens adeo numerus, quem et communis augeret anni periodus, et multiplicaret huius praecise anni mensium primorum, solito inclementioribus frigoris, calorisque atmosphaerae gradibus nimis repente alternantium odiosa vicissitudo. Quare Suis ne deesset medicam sitientibus opem aegris, mutavit consilium prius, mihiq̃ue Praesidi tradidit elaborationem argumenti Dissertationis publice defendendae, cum sibi quidem non sumserit, festinante praestare calamo, quae intelligebat, maturiorem non aetatem tantum, sed et meditationem longiorem poscere. Nolui ego dissuadere, quantumvis perspectam habui eruditam Domini Candidati dexteritatem, ne morarer optimo fine agentem, desistendo ab opere inchoato. Selegit ille pluribus ex argumentis, quae rogatus ipsi proposui, hoc medicum, practicum, et chemicum, quod adeoque ita enodare studebo, ut ante omnia enarrem: quid, et quomodo multum usu interno Vitriolum hoc martis factitium contra morbos nominatos praestiterit? post annitar, ut ex idea Vitriolorum et historia explicem, quod hanc exercere virtutem possit, postremo autem loco demonstrabo, cur hoc scopo aliis praeferatur factitium ferri Vitriolum? Cum non parum hominum intersit, salutem dare hominibus, quam et ex hoc in eos redundaturum esse saepe remedio speramus, plena nobis fiducia promittimus, quod precamur, huic scilicet etiam Conamini Supremum in Coelis Numen ita benedicturum esse, ut nec olim impensi poenitere laboris possit!

## §. I.

Spontaneas dum assero compescere Vitriolum usu interno haemorrhagias, eas praecipue volo, quae omni absque causa et iniuria externa, vulnerante, continuique solutionem efficiente accidunt vehementiores, imo vero excludo haec etiam eas, quae graviores morbos, continua serie Medicorum attentionem exercentes praeter Opinionem symptomatice interpellant, licet excessu cruentae profusionis non minus urgere videantur; illas huc inprimis traho largiores haemorrhagias, quas vivi, sani apparenter ante, incurrunt, aut certe morbis afflicti chronicis, qui non profundioris visceris alicuius labem suspicari faciunt, et sub quibus adeo lucidis per multos dies fruuntur saepe intervallis, ut extra lectos non versari modo, sed et sanorum consuetae functiones potiores absque molestia exercere possint. Tales eveniunt quandoque plethoricis narium haemorrhagiae, varias per causas occasionales excitatae, similes occurrunt haud raro in sexu sequiore, nunc ab acrimonia excessiva sanguinis, nunc uterinis vasis, nimis dilatatis, relaxatis, distractis, ruptis, nunc ab orgasmo universali eo ruente, multisque aliis ex causis, passim etiam ad nervos pertinentibus, hosque propius ferientibus. Haud sunt dissimiles haemorrhoidales illae haemorrhagiae, in quibus copiosissime sanguis de ultimo intestinorum fine, recto scilicet, emanat, diarrhoeae sanguineae, alviue deiectiones nigrae, quales in morbo nigro Hippocratis habentur, quoties nimirum phaenomena concomitantia docent, pendere scessum sanguinis abundantem ex atonia, relaxatione vasculorum, vel eorundem osculorum exhalantium, anastomosi nimis cedente impetui etiam naturali circuli sanguinis. Idem valet de mictu cruento ex anastomosi, vel atonia tubulorum secernentium renalium orto. Hae memoratae haemorrhagiae, illisque analogae plures, adeo enormes, ut vere urgentes fiant, et mortem minentur, nisi cito satis succurratur, huc pertinent. Jam vero, quis nescit, commendari quidem hic nobis medicamenta plurima, non topica tantum, sed et interna ischaema, sanguineos fluxus huiusce sistentia, verum crebram experientiam docere,



plurima ex illis in casibus innumeris aut suspectae fidei esse tam externa, quam interna, aut augere malum, cui resistere oporteret, aut certe non sufficere domando impetui, quo purpureus proicitur extra corpus latex, interim vero maxime periclitari aegri vitam, nisi hoc fiat, et pretiosissimas esse non horas tantum, sed et minutorum particulas, ut quantocyus applicet Medicus remedium par infringendae velociori et largiori profusioni nobilissimi humoris, ne vitae spes ante resecetur, et effluat omnis, quam hoc admotum fuit.

## §. 2.

Candide aperiā, unde hauserim ego describendum nunc ulterius hoc medicamentum ischaemum? Annis illis primis, quibus patrios intra muros frui rursus licuit B. Fratre, Moscoviticis e terris reverso, (rediit autem ad nos anno seculi huius quadragesimo septimo, mense Octobris) meas in manus inciderunt haemorrhagiae plures eius generis, quas §. I. indicavi, admodum enormes, quibus passim frustra opposui medicamenta efficacissima, potentissima, tam externa, quam interna; cum vero casu inter amicissima cum illo meo Fratre de rebus practicis, quae saepe miscebamus, colloquia meas ego ipsi angustias circa hos haemorrhagiarum nodos detegerem, ita ille: Crede mihi, respondit, non invenies remedium tutius et potentius contra has haemorrhagias, ac est vitriolum ferri factitium ad grana tria, vel quinque maxima dosi, propinatum interne, neque ulla occasione animadvertere potui, si cetera fuerunt paria, vel fallere remedium, effectuque sperato illudere, vel aliquam in corpore relinquere noxam? Ego certe innumeris id confirmatum inveni experimentis. Poteris, addidit, confidenter hoc uti remedio, et prout necesse videbitur, modo incipere a dosi refracta, si plus urgere videatur casus, a maiore; poteris, ubi prima non satisfacit, bihorio proximo dare alteram, et sic pro re nata pergere, vel desistere ab usu remedii heroici; obicem, spondeo, pones haemorrhagiae absque molestia subsequente alia, pectoris oppressionibus, capitis perturbationibus, vel quibuscunque aliis, quae derivari forte inde possent,

motuum anomaliis, humorumve aberrationibus, et eorum effectibus.

§. 3.

Imitatus ego frequenter experimentum idem in meis aegris, confirmatam expertus fui efficaciam a B. Fratre laudatam; dedi vitriolum hoc ferri factitium haemorrhagiis laborantibus multis ex utroque sexu cum conditionibus §. I. optimo cum successu, dosi, ut exigebat morbi gravitas maior, minorve, nunc maiore, nunc minore, mihi modo cum scrupulo dimidio pulveris cordialis Cellensis, modo cum eadem quantitate lapillorum Cancri citratorum, vel integro pulveris marchionis scrupulo, inveni a potiori, duas, tres doses pares fuisse infringendae nimiae fluxus vehementiae, unde periculo fracto urgente destiti ut plurimum ab usu remedii, nec mirari saepe satis potui, quam cito in multis aegris a prima dosi haemorrhagia remittat? unde tum aut abrumpere usum aegros iussi, aut prolongare certe terminum proximae dosis. Insignes huius remedii vidi effectus in haemorrhagiis uterinis, a partibus violentis relictis, abortus, vel molarum excretionem sequentibus, in mictu cruento connato, vel haereditario ex atonia vasorum renalium, vel eorundem languore ab exercitiis venereis. Transtuli medicamenti usum, tot adeo evidentibus convictus experimentis, ad alias excretiones insolitas, praeternaturales, quas ab atonia vasorum, ductuum, fibrarum, pendere suspicari poteram, et ubique votis respondit eventus; praecipue autem, et eminenter efficacem observavi vitrioli huius martialis factitii usum internum nostro in sexu adversus pollutiones nocturnas crebriores, et diurnos etiam seminis materiae secessus tantum non invitos, quos lasciva iuventus variis pravae consuetudinis excessibus quandoque sibi contrahit. Quamvis etiam vere persuasum ego mihi habeam, potio rem virtutis medicatae partem reduci ad roborantem, tonicam, vel muscularem, ut exprimit LINNAEVS, id est, directe in fibras motrices, musculares activam, adstringentem, quam sapor etiam huius vitrioli martis prodit, et sensatio linguae impressa, et quae posset ex

ipſa guſtus aeſtimatione, vel comparatione aliorum effectuum a vitriolis obſervatorum nimis violenta, noſtraeque naturae nimis peregrina videri, adeo tamen demonſtrative hoc quoque mihi dubium excuſſit animo experientia, ut metum confidenter abiicere heic omnem poſſim, illa enim docuit me, tam aegros, quam aegras uſas hoc remedio, certe quoad alvi excretiones, quae ſatis cito ut plurimum luunt vel abuſum adſtringentium, vel nimiam vehementiam, nihil prorſus inſoliti animadvertiſſe, imo vero ſub uſu huius remedii alvum potius laxiorem pluries habuiſſe, quam ſegniorem, ſiccioſiorem.

#### §. 4.

Curabimus nunc, ut ideam vitrioli ſatis diſtinctam, et hitoriam variarum eiſdem ſpecierum talem ſuppeditemus, quae ſcopo noſtro plenius poſſit ſatisfacere. BOERHAVIUS cum aliis latiore ſignificatione *Vitriolum* appellat omne concrementum ſalinum, cryſtallinum apparenter, natum e connubio acidi, non tantum vitriolici, ſed et alius mineralis, quin etiam vegetabilis, cum materia metallica, formansque maſſam unam, apparenter homogineam, ita multis in locis elementorum Chemiae Tomi ſecundi nunc de vitriolo plumbi, nunc argenti, nunc aliorum loquitur metallorum. Mittimus hic vagam illam vitriolorum notionem, cum firmior ad illam ſaltem extendatur poſſibilem BOERHAVII ſeptimae Claiſſis ſpeciem, quae idem Auctoꝝ Tomo primo ſuorum elementorum chemiae *ſemimetallorum* ſalinorum generi ſubiicit, id eſt, eorum, quae conſtant e metallo vero, et adjuñcto ſale intime unitis.

#### §. 5.

Non erit abs re, praecipua hitoriae Vitrioli momenta e Celeberrimo deſcribere JOANNE ANDR. CRAMERO, prout ea proponit in Elementis Artis docimaſticae, ubi p. 242 hanc praemittit ideam vitrioli generalem: Si per ſulphuris acidum metallum, vel ſemimetallum ita ſolvitur, ut ambo ſimul conjuncta ſub forma compareant ſalina, concretum tale *ſtriſte* dicitur *Vitriolum*, ſed haecenus duo tantum in regno minerali ab hoc ſulphuris acido

naturaliter reperta fuere soluta, ferrum scilicet, cuprumque, hinc et *nativa duo* tantum numerantur *vitriola*, ferri nempe, atque cupri. Horum illud viride, semidiaphanum, crystallis conspicuum rhomboidalibus, sapore dulci, stiptico, adstringente praeditum, in igne primum liquefcit, vaporemque aquosum emittit, dein exsiccat, abique in griseum crama, quod aucto igne tandem rubicundum fit, dum interea vapor acidus, et suffocans expellitur inde. *Vitriolum* cupri autem, per artem a priore separatum, purum redditum, coeruleum est, minus pellucidum, minus aquosum, ponderosius, non tam facile, sicuti prius, ad ignem fluens, sapore nauseosissimo, caustico infestum, ceteroquin a priori non multum differens. Ambo haec vitriola, in aqua soluta, hanc eodem tingunt colore, quo ipsa gaudent. Vtraque simul conjuncta plerumque reperiuntur, sicuti et ambo metalla, e quibus per acidum sulphuris solutis ortum ducunt, vix unquam solitaria, sed inter se varia proportionem mixta esse solent. Ferri tamen *Vitriolum* in illis concretis maxime praedominatur. An Cuprum vitriolo insit, facile detegitur, si lamina ferri polita in Vitrioli solutionem immittitur, tum enim semper cupri quidpiam excutitur, quod superficiei laminae, subtilissimi pulveris rubicundi specie se mox applicat. An vero, et in quibusnam subterraneis locis *vitriolum cupri* tam purum occurrat, ac est coeruleum, vulgo venale, me latet, videtur potius factitium esse, quod sub nomine romani, et cyprici, vel indici venditur.

## §. 6.

*Vitriolum nativum* in aquis plurimis haeret solutum, aqua enim semper concurrere debet, ut acidum sulphuris cum metallo transeat in formam Vitrioli; nullum enim sal salina virtute agit, nisi vel per ignem, vel aquam solutum; accedit, quod crystallina Vitriolorum forma et pelluciditas absque accedente aqua nunquam acquiratur. Vitriolica vero salia plurimis aquis medicatis praecipuam dant efficaciam, ut in specie Pyrmontanis, Swalbacensibus, et aliis; et potest explorari ex tempore, num aquae tales *vitriolum* in se contineant? Si nimirum affundantur decocto

vegetabili, austero, v. c. herbae theae, Gallarum, radices tormentillae, bistortae, hinc enim illico mixtura in opacum transit atramentum, si vitriolum ferri contineant aquae minerales, prouti novimus, atramentum vulgare, quo ad scribendum utimur, omnem debere aterrimam suam opacitatem ingredienti vitriolo ferri communi concurrenti cum saturato gallarum decocto aquoso, quin etiam a vitriolo quovis modo interne applicato humano corpori alvinas notabiliter denigrari excretiones. An vero cupri Vitriolum aqua contineat, patet, si ferramenta immissa ipsi successive consumuntur, et contra inde cuprum excussum praecipitatur. Imo vero, si plurimum aquis inhaeret cupri Vitriolum, cuprum inde ad injecta ferramenta excussum copiose tandem solidescit, et extrinsecus scabrum, squamatum, intrinsecus e filis quasi parallelis aggregatum, et secundum horum ductum facilius etiam fissile, ceteroquin ductile deprehenditur, vocatur tum cuprum tale sponte praecipitatum vernacula: Caement-Kupfer, prout aquas eo impraegnatas copiose appellant: Caement-Wasser, qualem Hungaria habet ditissimam cupro; quin et consuetudo hinc obtinuit, ut aquas non modo vitriolicas omnes dicant Kupferwasser, utut vitrioli ferri longe maximam, cupri minimam partem vehentes, verum et ipsum vitriolum ferri vulgare, quod usibus tinctoriis destinant saepe, nomine donent eodem.

### §. 7.

Intra fodinas passim quoque *Vitriolum* reperitur *purum*, forma solida varia; est aliquando congelatum; gelidii ad instar, tumque vocatur *Vitriolum stalacticum*, colore viridi, plus minus tamen coeruleo, cupri praesentiam indicante, temperato, compactum, nec exterius, nec interius illam prae se ferens figuram, qualem habet vitriolum, arte in crystallos coactum. Eiusmodi *Vitriolum album* habetur Goslariae nativum, quod solutum in aqua, iterumque inspissatum, colorem album servat, est in eo cuprum et ferrum, sed praeterea etiam aliud quid non metallicum, cuius natura nondum haecenus bene perspecta est. Quare nemini hucusque licuit id adeo imitari, quin

artefactum facile a nativo discerni possit. Praetereo varias germinationes, et efflorescentias vitriolicas, in fodinis, ipsaque terrae superficie obvias, nunc densiores, nunc tomentosas, albas, virides, coerulescentes.

## §. 8.

E concretis mineralibus, in quibus iam perfectum est vitriolum, vel chalcanthum, sed multis aliis terris, mineralibusque aliquando confusum, huc maxime referri merentur: *Lapides atramentarii* dicti; ut ipsa vitriola vocantur atramenta futoria, vernaculae, Atramentstein, veteribus celebres nomine: Sory, Misy, Chalcitidis, Melenteriae. Habent omnes in se perfectum iam Vitriolum, ut sapor docet infallibilis vitriolicus, qui primoribus tantum labris gustanti se offert illico. Praecipue a coloris diversitate quatuor eorum constituuntur species: Est enim *Lapis atramentarius* niger, *Melenteria*, flavus, Misy, aurei coloris, aureisque scintillis, dum frangitur, splendens, efflorescentia rubri, Chalcitis, qui aes aemulatur, friabilis, nec lapidosus est; gryseus, Sory, compactus est valde lapidosus, allisus et attritus aureas emittens scintillas. Inter hos flavus pulcherrimo, sed labili admodum colore, consistentia molliore, quin et vitrioli copia maxime se distinguit, ceteri vero non semper adeo facile dignosci possunt, quin mineras etiam aliorum haud raro mentiuntur metallorum, et interdum reapse vera minerarum variarum ramenta sibi concreta gerunt.

## §. 9.

Praecipuum vitrioli minerale constituunt *Pyritae flavi*, quos vulgo dicunt: SCHWEFELKIES, sunt enim simul vera mineralia sulphuris; hi pyritae, ubique per terram sparsi, liberi ab heterogeneis extrinsecus circumpositis, aureo fulgore splendent, externo aspectu aurichalcum politum referunt, figura plus, quam ullum minerale, varii, plerumque tamen sub forma globosa, varie aspera, dein cubica, hexagona, regulari et irregulari conspiciui. Massae sunt ponderosae, solidae, quae, nisi ab interpositis mollioribus lapidibus, terrisque molliores factae sint, ad

chalybem strictae scintillas fundunt, sed verum sulphur redolentes, igni admotae mediocri, mox diffiliunt cum crepitatione, flammulas et vapores vere sulphureos eructant, colorem flavum in obscure rubicundum, nitidam superficiem in pulverulentam permutant. Ditissimae autem sunt sulphure, cuius unam saepe quartam, interdum vero tertiam in se partem continent, ceterum et semper in iis latet insignis ferri copia, nunc major, nunc minor sulphure; dein, ut suis analysibus probavit Cl. HENCKELIUS, terra non metallica proportionem ad reliquas partes itidem diversa, unde specificum pondus in singulis non potest non esse varium. Abundant hisce Pyritis varii Ducatus Würtembergici tractus, in specie vicinia thermarum Bollensium; dives etiam iis est Anglia, ubi ad littora maris eiciuntur aggregati e fibris parallelis, lignum fere mentientibus, molles, elegantis valde splendoris, sabulo crassiori ad aliquot pedum profunditatem tecti, aqua oceani satis pervio, nullius saporis, post multas autem hebdomades in aëre vitriolo divites, unde Vitriolum habemus anglicum, quod copiose his de Pyritis, diu satis, et multas per hebdomades, quin menses insolatis, et aëri expositis, pluviisque purum excoquitur; quidam Pyritarum horum, ut Pyritae inprimis ferri, puri, mere sulphurei soli per aliquod tempus expositi aëri sponte fatiscunt, ac in vitriolum pro parte abeunt, vix autem Pyritae cupri, et arsenicales albi, occurrentes in fodinis, quin reperiuntur aliqui ferri pyritae, qui aëri expositi sponte in vitriolum abire renuunt, quamvis neque cupri, neque arsenici plus contineant, ac alii, qui paucos intra dies vitriolescunt, cum alii ustulatione praevia, et expositione ad aërem per aliquot septimanas et menses eo demum disponantur, ut post affusam aquam coctione reddant Vitriolum, ita se habent Pyritae quidam ferri, cupri, et qui una cum sulphure aliquid arsenici sovent, notante Cl. HENCKELIO. Omnes tamen Pyritae habent certe in se principia omnia, e quibus nasci vitriolum potest, cuprum scilicet, ferrum, et acidum sulphuris, vel hoc cum alterutro metallorum nominatorum.

## §. 10.

Nascitur vero etiam ustulatione praecedente vitriolum e plurimo *Lapide calaminari*, quem alias *cadmiam nativam* appellant, et inter Zinci mineras referunt, licet ille lapis nec pyriticosus fuerit, nec tantam acidi copiam habeat, quanta desideratur alibi ad generationem vitrioli, ita docent omnia experimenta. Huius generis est *vitriolum album officinarum*, quod est massa quaedam alba, granulosa, instar Sacchari albi concreta, saporis subdulcis, et acris, stiptici, salivamque plurimam prolicientis, ita enim Celeberrimus quoque MACQVERVS Tom. I. Element. Chem. pract. gallico idiomate conscriptorum asserit: albi vitrioli basin Zincum esse, prouti sub finem huius Tomi p. 470. operationem chemicam proponit, qua ope olei vitrioli, aqua diluti e Zinco vitriolum hoc parari possit? Pharmacopoea Wirtembergica vitriolum album elici tradit apud Goslarienses e minera plumbi argentifera montis Rammelsberg, at plumbi minerae saepe quoque Zincum continent, uti *Cadmiae fornacum* inde natae docent.

## §. 11.

Jam disquiramus, quid ex hac vitriolorum historia consequatur? et quomodo ex ea virtus adeo insignis ischaema explicari possit? Narraverat §. 5. esse vitriolum viride, quod tamen mitissimum est, sapore praeditum adstringente, stiptico; exhalans super igne, vaporem emitte-  
 re acidum; iam addamus, ut suppleatur medicata eorum historia, experimenta et effectus, quos vitriola testibus observationibus chirurgicis, vivo adplicata humano praestitere corpori. Potentissimam vitriolum viride virtutem refrigerantem, antiphlogisticam, repellentem contra ipsam exercet gangraenam contrahendo vi adstrictiva sua vasa, unde decocti nigri chirurgorum species ingreditur; privatum per Calcinationem phlegmatis sui parte majore, calcinatum ad albedinem, vel flavedinem, aspersum locis cruorem fundentibus, fluxum sanguinis compescit, non contrahendo tantum vasa, sed et acido suo in thrombos, grimosque cogendo sanguinem emanantem, ut ipse suas obturet portas, quin tanta haec est vis, ut per modum



apparentis actionis in distans, quemadmodum in exemplo pulveris Sympathetici e vitriolo calcinato a RENELMO DYGBI, Equite atque Cancellario Reginae Magnae Britanniae proposito discimus, virtutem illam constringentem vasa, et coagulantem sanguinem exercere videatur, dum enim sanguis de naribus fluens in hunc pulverem incidit, ad aliquam distantiam, saepe satis cito fluxus cessat, partim ex atomis pulverulentis, directe opposito flumine sursum determinatis ab illapso cruore, partim ab exhalationibus vitrioli spontaneis acidis, eam viam petentibus, unde sanguis emanat. Atque sic in vitriolis, etiam nondum tantopere mutatis per artem docet observatio, quod, quominus aquae continent, ita etiam virtutem ischaemam possideant maiorem, hinc solent ut plurimum chirurgi praeferre vitriolum cyprium scopo ischaemo viridi, addunt illud etiam scopo deterfivo et adstringente aquis ophthalmicis, in quibus etiam prudenter usurpatum plurimum boni adstringendo praestat, quemadmodum scimus etiam ex illa praeparatione lapidis divini, seu ophthalmici, quem Pharmacopoea Wirtembergica habet; similem virtutem deterfivam, et adstringentem vitriolum album praestat, interno usu potentissimum emeticum.

#### §. 12.

Quando vitriolum, vel martiale, vel venereum, praeparatum calcinatione, quae abundantem aquam expellat, igne suas in partes constitutivas resolvitur, id quod vasis fieri clausis debet, accipimus inde violento igne reverberii, quem vocant, phlegma, seu aquam, primo fere insipidam, et inodoram, paulo post autem sequitur sulphureus admodum volatilis spiritus, qui exacte sulphuris accensi odorem exprimit, aquae priori nubet, et se ita insinuat, ut phlegma hoc vitrioli, vasis exceptum bene munitis, diu sulphureum hunc odorem spiret, quare procul dubio potentioribus olim antepilepticis adnumeratum fuit, exiit autem hunc odorem post menses, et annos, imprimis, ubi non sollicitate prorsus exclusus fuit accessus liberi aëris, cui se attenuatum illud miscet phlogistum, relinquens iner-

tem partem aquosam, et paucam acidam. Sulphureum illum volatilem spiritum sequitur in destillatione totius vitrioli corporis liquor acidulus, facile sapore dignoscendus acido, multum tamen adhuc aquae habens, ultima vero ignis tortura e vitriolo hoc, iam aquae parte maxima emuncto idem acidum, quod priorem liquorem acidulum fecit, nunc expellit concentratum, acerrimum, vere sapore, omnibusque qualitatibus corrosivum, ad tactum quodammodo unguinosum, consistentia spissius multo, *vitrioli oleum* ideo appellant, licet ceterum nihil prorsus oleosae naturae habeat. Ubi omnes observantur encheireses, tam quoad apparatus vasorum, quam administrationis ignis ultimo vere fusorii, hoc acidum, seu *oleum vitrioli* obtinetur tandem solidum prorsus, omnis expert fluiditatis, instar glaciei, unde *glaciale* dicitur, optime docuit methodum, hoc parandi Celeberrimus Galliae Chemicus, Dn. HELLOT in Actis Academiae scientiarum Parisinae; immisit ille in retortam germanicam sex libras Vitrioli anglici ad rubedinem calcinati, et exposuit igni fusorio, summa violentia continuato, per quatuor dies, noctesque cohaerentes, quo facto invenit in excipulis applicatis oleum vitrioli glaciale, totum quantum crystallinum, et nigrum, ut commune fluidum solet rubescere obscure, post moram atrum evadere. Clarissimus ille Dn. HELLOT ita exprimit encheireses necessarias, ut hoc oleum conficiatur, quarum enarrationi plurimas utilissimas observationes miscet, ut operae pretium sit, utrasque heic repetere, verba eius haec sunt: Successus huius operationis pendet praecipue a cautelis, quas observare oportet, ut impediatur, quo minus vapores acidi, e vitriolo ad rubedinem calcinato igne propulsi sub ipsa destillatione ullum cum externo aëre commercium subire queant, mox enim, hoc si fieret, attraherent ex aëre humiditatem aqueam, quae ipsis interposita non nisi liquidam eos in formam condensaret intra vas recipiens. Opus est, ut hoc satis a fornace remotum sit, quo possit manere frigidum, et condensare potentius vapores. Opus etiam est spatium satis multo, in quo vapores hi oberrare possint, et

ne simul explosiones sulphureae, prodeuntes per vices decornuta rumpere vasa possint, licet enim praegressa vitrioli calcinatio plurimum iam inde fugaverit maxime volatilis materiae, remanet tamen semper adhuc plurimum phlogisti, si nullum etiam nunc admitteremus praeter inflammabile ferri, acidum enim, violentia ignis liberatum format cum eo sulphur, certe mixturam ad analogiam sulphuris communis inflammabilem, nisi acidum praedominaretur in ea. Adaptavi, addit Dn. HELLOT, collo retortae excipulum duorum collorum, et inferiori horum ampullam vitream, amplissimam. Sed maiori fere difficultate glaciale hoc vitrioli oleum promitur ex ampulla, eo enim, quo externi aëris accessum experitur, momento, emittit sulphureos vapores adeo densos, ut necesse sit, hoc intervallo vas recipiens altiore ponere loco supra caput nostrum, vix enim per minutum ferre absque metu suffocationis possemus, et inspirare vapores hosce, quos evomit, sulphureos. Ergo debet quantocyus hoc vitrioli glaciale oleum transferri in lagenam vitream, purissimam, exactissime obturatam epistomio vitreo, hermetice sigillato, adeo enim potenter aqueam aëris humiditatem imbibit, ut, nisi omni cura externi aëris accessus praecludatur, mox resolvatur in liquorem. Est hoc oleum glaciale nigrum, concentrati enim adeo, et ignis activitate acuti vapores acidi semper solutum secum rapiunt, et elevant aliquid rudioris materiae, qua vitriolum raro caret, et quae semper deprehenditur post solutiones eius, et crystallisationes repetitas, in aqua simplici, nullam ultra crystallisationem admittente, vel paucum illud materiae inflammabilis insinuatae denigrat satis cito vitrioli oleum optime rectificatum, et albedine meracam referens aquam.

Notandum vero insuper est, acidum hoc vitriolicum, actum, et expulsum igne fortissimo, elevare quoque in altum partes ferrugineas, certe vitrioli materiam talem, quae nonnisi unione phlogisti opus habeat, ut verum fiat ferrum. Demonstratur haec materia facile in oleo vitrioli communi, et nigro, vel in atris glacialis crystallis, quan-

do in magna destillatae aquae quantitate dissolvuntur, postquam enim haec mixtura per septem, aut octo dies digesta fuit, sponte hinc praecipitatur, vel ad fundum cadit pulvis, aut sedimentum floccosum, quod igne violento calcinatum, particulas continet a magnete attractiles, calcinatum rursus cum cera, fere totum quantum ferrum est.

## §. 13.

Dicendum vero est etiam denique de residuo huius vitrioli destillationis, quod, more aliarum huius generis reliquiarum siccarum, dicitur: *caput mortuum*, id est, massa iners, emuncta nunc efficacioribus principiis; est e vitriolo ferri terra eius martialis, appellant *Colcothar* vitrioli, quod multis videtur idem esse, ac Veterum Chalcitis. Vbi Colcothar hoc expertum est summam, quam pati potuit, ignis violentiam, vix aliquid adhuc acidi habet, ut e sex vitrioli libris Dn. HELLOT, facto lixivio e Colcothare, non ultra duas obtinuerit salis vitriolici uncias, in quibus praeterea observavit, esse adhuc valde terrestres. Quando vero vitriolum neque tam vehementem, neque diu adeo applicatum sustinuit ignem, multo major utique hinc extrahitur quantitas vitrioli nondum decompositi. Dimittit etiam Colcothar coctione cum aqua sal album crystallinum, quod appellatum fuit *Sal Colcotharis*, est hoc ex alumine paucum, quod vitriolum ordinario continet, et quod per actionem ignis non adeo facile decomponi vel resolvi potest, ac vitriolum, ut plurimum valde vomitorium hoc est, saepe subflavum, dicitur multis *Gilla Theophrasti*, quam Pharmacopoea Wirtembergica de vitriolo albo parari jubet. Quoties tandem frequenter adfusam Colcothar illud vitrioli per aquam, et fervidam, et frigidam omni exhaeritur acrimonia salina, corrosiva, corpus relinquit pulverulentum, rubrum, sapore adstringens, neque tamen aut acidum, aut quocunque modo salsum, iners apparenter, dicitur: *terra vitrioli dulcis* (vocant enim dulces Chemicus materias omnes expertes acrimoniae salinae,) quae virtutem desiccativam, adstringentem, consolidativam usu externo exercet, quo scopo etiam emplastra

quaedam, et unguentum purpureum Wurzii ingreditur, alias pigmentum satis vulgare, quo aedes extus perlinunt et obducunt.

#### §. 14.

Quodsi nunc ad analogiam eorum, quae §. 11. dicta sunt de vitriolis ipsis, necdum arte resolutis, prosequi singula etiam eorundem producta velimus, inveniemus profecto, virtutem ibi laudatam, adstringentem solidas partes humani vivi Corporis, coagulantem fluidas, undique confirmari; eam enim eminentem habet oleum vitrioli, tam glaciale, quam fluidum, utrumque vix admotum vulneri sanguinem fundenti, et vasa eundem emittentia contrahit magna vi, et ipsum cruorem, simulac ipsi miscetur, in densos cogit thrombos, prouti sanguinem recentissime de vena salientem primo sui attactu coagulat. Sed videtur profecto haec vis mirifice acui, et augeri a metallica terra vitriolico acido adeo arte unita, ut vix ars plenae separationi par sit in oleo? quare non possumus non eam in vitriolis ipsis maiorem agnoscere, certe omni experimento cognoscimus arctam valde unionem, intelligimus repetita observatione, magnam etiam virtutem adstrictivam exercere, terream illam portionem metallicam solam, arte quantum potuit, privatam acido ipso, quin omnium maxime cupream, qua vitriola cruda, martialia etiam dicta, nunquam carere prorsus suspicari debemus ex observationibus §. 5. Atqui vero haec portio cuprea vitriolorum, quemadmodum externa sui ad corpus humanum applicatione ubique maiorem demonstrat desiccandi, et adstringendi virtutem, sic usu interno non minus e Medicorum fide dignissimorum testimonio suspicione semper maiore sinistri effectus pressa fuit. Iudicent inde artis periti, quam sibi praerogativam vendicet *tartarus vitriolatus* Tackkenii, ex ipso vitriolo martis nativo per affusam puri salis tartari solutionem paratus, prae alio, e solo vitrioli oleo purissimo, aqua diluto, vel spiritu vitrioli cum eodem alcali fixo combinato resurgente.

## §. 15.

Intelligere adeoque licet ex iis, quae §. 11 et 14 dicta sunt, quod vitriolum martis factitium virtutem ischaemam exercere possit contra haemorrhagias largiores, demonstrabitur enim in sequentibus, quod praecipua illa habeat ingredientia, quibus alia constant, quod idem quoque sit combinationis modus, neque poterit cuiquam subnasci dubium, quod mutata conditio applicationis externae, immediatae ad loca affecta in internam, quam hic supponimus, excludat omnem efficaciam ischaemam, quamvis enim non diffiteamur, plenam ab effectibus vitriolorum, eorundemque variorum productorum, conditionibus memoratis externo sub usu circumscriptorum, ad usum internum non valere consequentiam, existimamus tamen, potentem vitriolo martis factitio virtutem adstringentem denegari usu etiam interno vix posse, tantoque minus, cum observatio doceat, partes vivi corporis internas continuo et calere magis, et plures, nudas offerre ingestis fibras nerveas, unde omni modo magis irritabiles evadunt, et sensibiles, ut nihil dicam de virtute temperante, refrigerante, quam acida mineralia diluta, nec fortissima habent, ut sapor iam docet, et refrigerans efficacia linguae sitientis impressa, quae profecto haud exiguam conferre quoque heic potest symbolam ad augendam virtutem ischaemam.

## §. 16.

Jam vero indicandum etiam est, cur factitium ferri vitriolum pro usu interno praeferatur aliis? praecipuum iam praelibavi argumentum §. 14. quod ipsa eius praeparatio magis stringet, et observamus, Medicos ab omni tempore pro usu interno hoc elegisse, nec enim paradoxus profus est omnis ille usus internus, ita occurrit in illo pulvere, quem officinae pharmaceuticae habent, heteroclitio, nomine pulveris absorbentis WEDELII, sic habemus vitriolum hoc martis, cremori tartari nuptum, in tinctura martis aperitiva, tartarifata Ludovici, cum arcano, sive terra foliata tartari combinatum in tinctura martis e vitriolo Zwoelferi, quae utraque tinctura satis frequenter

nostro etiam tempore usu venit interno, prout scopo anthelmintico, anticachectico, emmenagogo, aperitivo, roborante saepe dari solet interne in substantia vitriolum. Ut vero evidentius praerogativa haec in oculos cadat, et firmiore ratiocinio experientia innixo suffulciri possit, videamus ipsam eius praeparationem.

## §. 17.

Pharmacopoea nostra Wirtembergica iubet Limaturae martis purissimae librae uni affundere spiritus vitrioli, triplo aquae diluti libram unam, tum vero praevia digestionem per aliquod tempus aptare liquorem filtratum lege artis nitidae crystallisationi, quae, si rite fuerit observatum punctum exhalationis, crystallos dat elegantes, easque satis magnas, rhomboidales, colore instar smaragdi, et, quantumcunque libero in aëre ficcatae fuerint, plurimum tamen aquae habentes, hinc super igne mox, et facile rursus fluentes, multumque phlegmatis forma vaporum dimittentes; alii suadent olei vitrioli uncias quatuor, dilutas decem, vel duodecim aquae communis Unciis affundere limaturae martis purissimae unciae uni, prouti sic praescribit Celebris JACOBVS le MORT in Chemia medico-physica p. 188. alias iterum formulas habent Collectanea chymica Leidensia, Maetsiana, et Marcgraviana, sic enim est ibi formula p. 22. quae describit vitriolum, sive sal martis parandum ex olei vitrioli, et limaturae martis purissimae una uncia dimidia, quatuor aquae purae unciis superfusis ante limato ferro; eorundem dein collectaneorum p. 221. praecipit saltem limaturae ferri affundere oleum vitrioli cum suo phlegmate permixtum, quousque sedatam observaveris effervescentiam, post mixturam digestam diluere aqua multa pluvia, et ad pleniorlem lege artis crystallisationem disponere. Clarissimus BOERHAVIUS Element. Chem. Tom. II. Process. CLXII. requirit oleum vitrioli optimum, purissimum, aquae octuplo dilutum pro solutione ferri vulgaris, limati, recentis, non rubiginosi, purissimi, transituri sic in vitriolum ferri; addit in usu: Intelligimus adeo modum, quo associatione acidi

dura metalla evadant similia salibus, diluenda in aqua, sicque potabilia, tumque saporem acquirere metallicum, novum, salinum, induere simul facultates in corpus humanum singulares. Ita scribit, si sal martis dilutum aquae purae centuplo potatur ieiuno ad uncias duodecim cum leni deambulatione, aperit, laxat, purgat, urinas movet, lumbricos necat, pellitque, foeces alvi aterrimas tingit, aut instar terrae argillaceae format, fibras roborat, hacque ratione multos, eosque diversissimos per sanat morbos; at sciendum omnino est, sal hoc ferri occursum alcalescens et putridorum, absorpto acido suo dissolvente in fecem adstringentem, ponderosam, inertem, et metallicam verti, tumque obstructions facere quam pessimas, hinc nocere in febribus putridis, verum et scimus, ferri scobem potatam debili sexui languenti, acidum parienti, ructus allii, vel et ovorum rancidorum parere ab occurrente acido, uti scripserat, sub affusione olei vitrioli ad ferrum limatum vaporem prodire singularem, in quo aliquid allii subolfaciant nares, hinc nasci calorem in corpore prius deficientem, et feces fere nigrescere, tumque prodesse longe magis limati ferri pulverem, quare addit, scitur etiam, acido laborantes iuvare, nocere autem biliosis, calidisque.

## §. 18.

Quantum equidem perspicio, vix potest constans quaedam stabiliri lex, quae definiret quantitatem aquae pro diluendo vitrioli oleo, vel spiritu? cum hoc oleum praecipue adeo varium habeatur ab artificibus ratione suae virtutis, acrimoniae rosivae, puritatis ab aqua; sufficiat scire in universum, quod hic non aliud requiratur, ac temperatum valde aqua, et quod errare nunquam possimus, si paulo debiliorem etiam habemus vitrioli spiritum, cum, prout hoc acidum vitriolicum promptissime ferrum solvit, ita plurimam etiam distributum per aquam semper adhuc par esse huic solutioni observetur. Et, si purum satis habeatur ferrum, erit perinde, si paulo acrius adhuc fuerit menstruum, si magis temperatum; Natura enim,



quae in his corporum relationibus nullibi suos turbare finit circulos, heic etiam suarum tenacissima se monstrat legum, nec ferri plus, nec minus solvitur, ceteris paribus, qualiscunque fuerit gradus acrimoniae menstrui, modo non sit vel fortissimum, vel nimis debile, certa est, et determinata quantitas et mensura ferri, quam recipit acidum, sola exhalatio liquoris crystallisationi praemittenda in altero casu largior, et longior, in altero parior, et brevior esse debet; forte maxime consultum foret, destinare semper huic martis vitrioli confectioni medium illum spiritum acidum, qui e destillatione vitrioli consueta prodit post phlegma, et spiritum volatilem sulphureum, qui expers omnis sulphurei odoris, sapore satis adhuc temperatus, et aquosus antecedit ponderosissimam illam acidi vitriolici partem, quae ultima demum, eaque summa ignis tortura exprimi debet; eam ipsam ob causam suspectam semper, ne aut novum e ferreis, metallicis reliquiis ab acido tantopere concentrato generatum sulphur secum vehat, aut ipsam portionem terrae illius metallica solutam, et intime nuptam acido, quin per illud subtilissime divisam, aut utrumque simul secum in altum tollat, et in acido relinquat, nulla separabile arte? quapropter equidem optarem, nunquam ut pro hac praeparatione oleum vitrioli quaecunque sumeretur, istam enim labem aqua non emaculat, vel diluit, ut acidum ipsum.

#### §. 19.

Quaenam itaque sunt praerogativae vitrioli martis factitii prae aliis pro usu interno? Sunt profecto satis magnae! Certus, qui hoc propino, esse possum, aegrum accipere vitriolum, omni a consortio venereo, vel cupreo alienum, et immune, maxime, ubi observata etiam fuit cautela §. 18. sub finem inculcata. Quis vero ex iis, quae §. 14. hac de conditione proposita sunt, non intelligat, beneficium esse singulare prorsus, quo se ita distinguit ab aliis? Veruntamen aliud etiam est non minoris pretii, scilicet: habeo hic acidum vitriolicum satis multa dilutum aqua, docuit enim §. 17. sub initium: crystallos vitrioli

huius factitii satis multam habere aquam, ita vero temperatur, et infringitur acrimonia illa, tantopere rosiva, et vere caustica, quae calcinata vitriola usu interno excluderet omni, coeruleum et album adeo adhuc cathaereticum, et septicum, destruens pro natura partium externarum, quibus applicatur, exhibet ob quantitatem aquae multo parciorem, quam continet, ut prudentiorum certe Medicorum nemo usum commendare internum posset, nisi summa coactus necessitate. Quare, ipsa si nihil praetervisum fuerit in compositione medicamenti, haud spero futurum, qui non mecum sibi persuadeat, factitium ferri vitriolum hoc etiam pro usu interno palmam praeripere reliquis omnibus.

## §. 20.

Ita vero satisfecissem, puto, praecipuis praefationis huius Dissertationis postulatis, quae mihi enucleanda sumfi, hoc de argumento meditatus! Non possum tamen semel et simul abrumpere filum, quin aliquas etiam adiiciam coniecturas de modo, quo vitriolum hoc interne agit? quo suam praecise opponit efficaciam haemorrhagiis spontaneis largioribus? Fateor, ubi ad experimenta recurro physiologica, quae docent me, acria et acida, eminenter adstringentia, et sliptica, oscula vasorum resorbentium contrahere, claudere, ac sibimet ipsis aditum ad interiora, et massam sanguinis praecludere, parum superesse mihi solatii, et spei explicationis, dum cogito, ita non posse vel coagulari sanguinem inspissandum, vel potentia constringi vasa, longis remota saepe intervallis, et distantiis a primis viis, et intestinali tubo, quem solum hac ratione immediate tangeret medicamentum? Quoties interim ex altera parte perpendo vim eiusdem summam refrigerantem, et temperantem, metior eminentem adstringentem, coagulantem, roborantem, ob quam paucissima eius quantitas diluta magis humoribus naturalibus, ostia resorbentium subrepens, cruori coagulum utcumque parvum inferens, communi circulationis lege delata etiam ad locum affectum in solidis eius, et fluidis optatam producere muta-

tionem potest; quin etiam, ubi his addo impressam virtutem adstrictivam soli quidem intestinali tubo, sed propter consensum corporis partium omnium e continuitate membranarum, atque fibrarum, nec non commerciis nervorum quaquavorsum propagatam, tanto minus habeo, cur dubitem, posse solam potentiozem in hanc primarum viarum partem actionem sufficere mirabilibus adeo effectibus, alibi observabilibus inde, quanto evidentius et morbi harum primarum viarum suis in reliquum corpus effectibus hoc earum imperium confirmant, et medicamenta haud pauca heretica probant, quorum efficaciam directam, aut certo primis tantum impressam esse viis per experimenta convicti sumus, opii exemplo, aut quorum effectus in totum corpus redundantes adeo celeres observantur, ut vix ante ipsum effectum ea insinuassee se massae sanguineae suspicari possimus, uti exemplum habemus in antipyretico illo specifico febrium intermittentium, cortice peruviano, et solutione aluminis, experimento audaciore ipsis opposita, quod utrumque praeterea medicamentum aequè magna fere difficultas urget resorptionis intra tubum intestinale, ac proposita de ipso fuit vitriolo. Quantumcunque autem arrideat, vel displiceat explicatio haec qualiscunque, nihil interest; res est observationis, praestare virtutem ischaemam insignem et eminentem vitriolum ferri factitium usu interno, praestitisse repetitis experimentis, esse remedium tutum ea dosi exhibitum, qua praescriptum fuit; et possumus acquiescere analogicis observationibus, quibus edocemur, acidum, quod continet, humores coagulare, vasa stringere, contrahere, illamque vim utramque augeri ex unione principii metallici, ferrei, arctissimo vinculo acido uniti, per se roborantis, firmantis novo addito tono vasa, fibrasque contractiles. Nec observata sub usu huius medicamenti alvi vel plenior libertas, vel maior lubricitas contradicit virtuti adstringenti, prout enim conditiones, causaeque segnitiei, et tarditatis alvi variae possunt esse, ita si maiorem tantum haec stimulum, et excitationem expectaverit, non video, quidni salva virtute adstrictiva reliqua possit etiam aperitivam inde alvus

experiri virtutem; inprimis, ubi simul aestu interno exuruntur omnia, et calent sub haemorrhagiis, quem profecto aestum talem medicamentum potenter etiam refrigerans satis efficaciter compescit. Modo quilibet applicaturus hoc salutis recuperandae instrumentum applicet cum prudentia, discernat haemorrhagias ab haemorrhagiis, distinguat non tempora tantum, sed et aegros, aegras, morbos, eorum periodos, causas, et Symptomata, sic habebit in simplici medicamento hoc remedium, cuius ope saluti, vitaeque hominum prospicere multoties poterit, cum naufragio proxima esse videtur!

---

# INDEX.

## NUMERI INDICANT PAGINAS.

### A.

<b>A</b> brotani herba.	172
<b>Ab</b> sinthium judaicum.	171.
vulgare.	172
<b>Ac</b> idum Tartari purum f. ef-	
fentiale crySTALLISATUM.	95.
methodus <u>præparandi</u> ,	97.
experimenta cum isto in-	
stituta, 101. effectus illius	
in alia corpora.	102
<b>Ac</b> mellæ herba et semina.	170
<b>Ag</b> aricus.	185
<b>Alli</b> radix.	149
<b>Aloe</b> .	150
<b>Aloes</b> lignum.	186
<b>Amygdalæ</b> amaræ et dul-	
ces.	157.
<b>Angelicæ</b> sativæ radix.	146.
<b>Anthemintica</b> regni vegeta-	
bilis.	133 seq.
<b>Anthoræ</b> radix.	159
<b>Aristolochiæ</b> rotundæ ra-	
dix.	176
<b>Asari</b> radix.	155
<b>Asa</b> foetida.	146

### B.

<b>Balsami</b> Meccani genuini no-	
tae.	37
<b>Betulæ</b> lignum etc.	177
<b>Bilis</b> , quousque; sapo dici	
possit.	63
<b>Bismuthum</b> , 312. calcis eius	
vires præcipue antispas-	
modicæ.	327

<b>Boleti</b> suaveolentis historia	
botanica, 6. descriptio, 10.	
locus natalis et tempus,	
quo viget. 12. analysis	
chemica, 18. vires medi-	
cæ in phthisi, et in aliis	
morbis, spasticæ imprimis	
indolis.	22 seq.
<b>Botryos</b> herba.	145
<b>Bryoniæ</b> radix.	180
<b>Buxi</b> lignum.	177

### C.

<b>Calami</b> vulgaris radix.	151
<b>Calx</b> bismuthi, 313. calx f.	
flores Zinci.	295
<b>Camphora</b> .	153
<b>Cannabis</b> semina.	181
<b>Cardamomum</b> minus.	133
<b>Cardui</b> benedicti herba.	176
<b>Cardui</b> Mariæ herba etc.	170
<b>Carvi</b> semina.	148
<b>Caryophyllatæ</b> radix.	158
<b>Centaurii</b> minoris herba.	143
<b>Cepæ</b> radix.	150
<b>Chamaepityos</b> herba.	161
<b>Chamomillæ</b> nostratis her-	
ba.	175
<b>Chamomilla</b> officinarum	
quid? 227. analysis eius	
chemica, 229. præparata	
simplicia et composita,	
233 seq. vires generatim,	
237. vis febrifuga, 239.	
vis antispasmodica, 145.	
vires in variis morbis.	251

### H h

- Chenopodium anthelminticum.** 145  
**China cortex.** 142  
**Cichorii radix.** 169  
**Cinae semen.** 171  
**Cinnamomi cortex.** 152  
**Citrus medica et Aurantium.** 168  
**Coffeae semina.** 142  
**Colocynthis pulpa.** 179  
**Contrayervae radix.** 138  
**Corallina.** 185  
**Coriandri semina.** 147  
**Costi dulcis et Arabici radix.** 133  
**Cubebae.** 136  
**Cyclaminis radix.** 139
- D.**
- Dauci fativi et sylvestris radix et semina.** 146  
**Dictamni albi radix.** 154  
**Dolichos pruriens et urens.** 166
- E.**
- Ebuli cortex interior, radix etc.** 148  
**Enulae radix.** 174  
**Erucae semina.** 165  
**Eupatorii herba et radix.** 170  
**Euphorbii gummi.** 156
- F.**
- Filicis radix.** 183  
**Fraxini lignum.** 183  
**Frigoris effectus, 113. usus in febribus, 115 in haemorrhagiis et quibusdam morbis inflammatoriis, 119. in doloribus, 121. in spasmis.** 122  
**Fumariae herba.** 166
- G.**
- Galangae majoris et minoris radix.** 194  
**Galbanum.** 147
- Gentianae rubrae radix.** 145  
 — — cruciatae radix. 146  
**Geoffreae inermis cortex.** 167  
**Graminis radix.** 138  
**Grana paradisi.** 133  
**Gratiolae herba.** 135  
**Gummi Guttae, 159. ex quam arbore promanet hic succus, 403. eius notae, 405. analysis chemica, 406. valet in hydropse et contra vermes.** 416 seq.
- H.**
- Haematoxili campechiani descriptio botanica, 192. analysis chemica, 197. tinctura, 199. extractum gummosum et resinofum, 200. aqua destillata, 201. destillatio sicca, 202. virtus medica, 205. usus in dysenteria, 207. in diarrhoea, 215. modus exhibendi, 219**  
**Hellebori albi radix.** 182  
 — — nigri et viridis radix. 160  
**Helminthochortos.** 184  
**Hirundinariae radix.** 145  
**Hyperici herba.** 169  
**Hyssopi herba.** 162
- I.**
- Ialappae radix.** 141  
**Ignatii faba.** 143  
**Imperatoriae radix.** 147  
**Ireos nostratis radix.** 137  
**Juglandis fructus immaturi.** 178  
**Juniperi baccae et lignum.** 182
- L.**
- Lapathi acuti radix.** 151  
**Lauri baccae.** 153  
**Lichen islandicus, ubi occurrit.** 276  
**Lichenis hujus varietates, 277. experimenta cum illo**

instituta, 278. quo modo decoctum parari debet, 281. vires eximiae in variis morbis.

Liquiritiae radix. 167  
Lupini semina. 166  
Lupuli coni. 181

## M.

Matrubii albi herba. 162  
Masticariae herba. 174  
Meurhae crispae et piperitae herba. 162  
Millesfolii herba. 175  
Mori cortex et radix. 177  
Musci cumatilis herba. 184  
Myrrha. 185  
Myrti brabanticae folia. 181

## N.

Nasturtii aquatici herba. 164  
Nepetae herba. 162  
Nerium antidyfentericum. 144  
Nigellae semina. 159

## O.

Oleum Cajeput, 377. ex quo elicitur, 378 — 388. descriptio hujus olei, 389. vires ejus, 392. usus et externus. 399  
Oleum Vitrioli glaciale parandi methodus. 466  
Olivae. 134  
Opii vires fibrarum cordis debilitare et motum sanguinis augere demonstratur, 336 seq. vires ejus in febre intermittente soporosa. 359  
Opopanax. 147

## P.

Papaver alb. et nigr. 258  
Perficcae flores. 157  
Pimpinellae albae radix. 148  
Pini turiones et resina. 178

Piper album, longum et nigrum. 136  
— indicum. 142  
Punica Granatum. 156

## Q.

Quassiae lignum, 155. arboris descriptio botanica, 256. experimenta cum illo instituta, 258. in febribus valet, 267. ventriculorum praecipue restituit, 271. haematuriam rebellem et haemorrhagiam uterinam sistit, 273. vis ejus in doloribus capitis ab haemorrhoidibus interceptis, 274. vis in leucorrhoea, ibid.

## R.

Raphani radix. 165  
Rhabarbari veri radix. 153  
— — Monachorum radix. 152  
Ricini vulgaris semina. 179  
Rutae hortensis herba. 154

## S.

Sabadilli semina. 182  
Sabinae herba. 181  
Saccharum officinarum. 137  
Sagapenum. 186  
Sal acidum essentiale Tartari. 95. methodus praeparandi, 97. experimenta cum isto instituta, 101. effectus illius in alia corpora. 102  
Salviae herba. 135  
Santolinae herba. 170  
Santonici semen. 171  
Sapo, quid sit? 49. differentiae saponum, 53. usus saponis in genere. 56  
Sapones artificiales formae solidae. 88  
— liquidi. 90



Saponariae radix.	<u>155</u>	Terrae saponatae.	<u>84</u>
Scammonium.	<u>141</u>	Thymi vulgaris herba.	<u>163</u>
Scillae radix, 150. <u>367.</u> vir-		Tigllii f. Tilli grana.	<u>179</u>
rutes eius medicae.	<u>371</u>	Tormentillae radix.	<u>157</u>
Sclareae herba.	<u>135</u>	Trifolii aquatici herba.	<u>139</u>
Scordii herba.	<u>161</u>	Turpethi radix.	<u>141</u>
Scrophulariae foetidae radix.	<u>163</u>		
Sebesten.	<u>144</u>	V.	
Senegae radix. <u>427.</u> plantae		Valerianae sylvestris ra-	
descriptio botanica, <u>430.</u>		dix.	<u>136</u>
analysis radicis chemica,		Verbenae herba.	<u>135</u>
<u>432.</u> vires eius tam resol-		Vicia sativa.	<u>167</u>
ventes quam evacuato	<u>riae.437</u>	Visci lignum.	<u>180</u>
Serpentariae Virginianae ra-		Viris.	<u>144</u>
dix.	<u>176</u>	Vitriolum ferri factitium, quo	
Serpentum radix.	<u>141</u>	modo praeparari deber,	
Simarubae cortex.	<u>155</u>	<u>471.</u> cur pro usu interno	
Sinapeos femina.	<u>165</u>	praeferatur aliis? <u>470.</u>	
Sophiae femina.	<u>164</u>	compescit mirifice haemor-	
Spica celtica.	<u>137</u>	rhagias, <u>456.</u> et est effi-	
Spicae Nardi radix.	<u>182</u>	cax adversus pollutiones	
Spigeliae herba.	<u>139</u>	nocturnas crebriores.	<u>458</u>
— Marylandicae radix.	<u>140</u>	Vomicae nux.	<u>143</u>
Spongia fluviatilis.	<u>186</u>		
Staphisagriae femina.	<u>159</u>	Z.	
Stoechadis citrinae herba.	<u>173</u>	Zedoariae longae radix.	<u>134</u>
		Zincum, <u>293.</u> florum eius	
T.		vires antispasmodicae.	<u>308</u>
Tabaci herba.	<u>142</u>	Zingiberis communis ra-	
Tanacetum.	<u>171</u>	dix.	<u>133</u>

## FINIS TOMI SECUNDI.

ERROR TYPOTHETAE EMENDANDUS.

Pag. 171. lin. 16. e. f. p. loco Apfynthium pone semper  
Abfynthium.